

De magia, de observatione somniiorvm, et de divinatione astrologica, libri tres. Adversvs fallaces, et ssuperstitiosas artes / Avctore Benedicto Pererio Valentino ... Accesservnt indices dvo.

Contributors

Pererius, Benedictus, 1535-1610.

Publication/Creation

Coloniæ Agrippinæ : Apud I. Gymnicum, 1598.

Persistent URL

<https://wellcomecollection.org/works/r3ya2tdj>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



N.N.
16
P

4904 | A

12

3109-

40 633

1893

1893

L. L. L. rare or unique
et cetera

DE
M A G I A;
DE OBSERVAT
TIONE SOMNIORVM
ET DE DIVINATIONE
Astrologica,
LIBRI TRES.


ADVERSUS FALLACES, ET
SUPERSTITIOSAS ARTES.

AUCTORE
BENEDICTO PERERIO
VALENTINO SOCIETATIS IESV.

ACCESSIONT INDICES DVO.
Primus est Capitum, & Disputationum. Alter
Rerum Verborumque copiosus.



35 98.
COLONIAE AGRIPPINAE,
Apud Ioannem Gymnicum sub Monocriore,
Cum gratia ex Privilegio Cef. Majest.



f

CAMILLO
CAETANO PA-
TRIARCHAE ALEX-

ANDRINO.

BENEDICTVS
PERERIVS

S. D.

TRIAS VNT GENERA RE-
rum, CAMILLE Patriarcha illu-
strissime, in quarum studio & obser-
uatione mortalium animi vesana
quadam libidine vel potius rabie no-
scendi quæ fatura sunt, fœdis & noxijs illuduntur
fallacij atque impijs erroribus illigantur: Somnia,
& natalitia Astrologorū Prædicta, atque Artes Ma-
gice. Neque verò earum rerum pestilens vis, prius-
tos tantum aut singulos homines, verum etiam Prin-
cipes ac Reges ipsasq; ciuitates & res publicas inuasit,
infecit, ac perdidit. Ac licet has generis humani pe-
stes omnil us ferè seculū tum sapientes viri firmissi-
mis rationibus profligare, tum prudentes Rerum pu-
blicarum rectores ac principes seuerissimis damna-
tis edictis & atrocissimis pœnis addictas, è societate

EPISTOLA

hominum exterminare flagrantissimè cupuerunt, ob-
nixeq; contenderunt: perparum tamen adhuc pro-
fectum est. Aded enim malum hoc in animis homi-
num hæret infixum, vt penitus extrahi vix queat, nèc
eius sanandi potens arque efficax ullum iam remedi-
um inueniri posse creditur. Itaque hic vsu venit, quod
Tacitus de mathematicis scire quidam verequè dixerunt: Genus
historiarum hominum, inquit, potentibus insitum, sp̄rantibus
lib. 4 fallax: quod in ciuitate nostra & verabitur semper,
& retinebitur. Sed nihilominù tamen mihi quidem
valde utiliter ac salutariter fuisse vīsi sunt, qui do-
ctis aduersus eas artes editis libris, vīnam & fallax-
cem ac perniciosam & supersticiosam earum rerum
obseruationem aperiè demonstrarunt. Quorū ego
prudens consilium, piūmā studiū, atque vīleū co-
natū amictus, tres aduersus eas artes libros con-
feci, vnum de Magia; alterum de Obseruatione som-
iorum; tertium de Diuinatione astrologica. Ac pri-
mus quidem liber planè nouus est fœtus, nunc primum
lucem aspiciens: quæ reliquis autem duobus libris di-
sputatur, ea ferè sunt in commentariis nostris partim
in Danielem, partim in Genesim explicata. Sed quia
non pauci eos Commentarios non legent, aut quod eos
propter studiorum diuersitatē non iuuat legere, aut
quia non vacat proprie occupationes, ut aū me per-
gratum plurimi facturum, si quolitius horum libri-
rum pateat utilitas, sp̄ratim eas disputationes, at-
que vnum in volumen, idquè modicum inclusas, typis
excludendas iurarem: ratiū scilicet fore, vt eas ipsas
disputationes, tum propter exquisitam multisquè op-
eratas

DEDICATORIA.

Etiam eiusmodi rerum cognitionem, cum etiam propter parvitatem commoditatemque voluminū, & plures, & audiū a que utilius legant. Has ego lucubratiunculas apparere volui sub tuo nomine CAMIL.
L.F. Praesul ornatissime & quem omnes qui nozunt, non possunt non amare p opter singularē ingenij ac morum suavitatem; & quod vera animi bona cum amplissimis naturae ac fortunae bonis adæquasti, admirari & obseruare coguntur. Video sanè per exiguum esse munus, nec dignum tua nobilitatis ac dignitatu ampliusline: sed est tamen amoris & obseruantiae plenissimum; & quanti ego te faciam, quantumque Cætanam familiam colat societas nostra certissimum testimoniū.

A 3

BENE.



BENEDICTI
PERERII LI-
BER PRIMVS
qui est
D E M A G I A.



V P L I C E M esse Magiam hic
liber ostendit; alteram quidē Na-
turalem & veram, ex occultis re-
rum naturis & virtutibus profe-
ctam, intimamque ac præstantif-
simam Philosophiæ partem, & ad-
mirandorum effectricem operum, ab omniq; ali-
enam superstitione, & à Dæmonum artificio ac
maleficio param; sed paucissimos tamen mortali-
um exploratè perceptam: Alteram verò (quę vul-
go iactatur & celebratur) ab omni ratione ac ve-
ritate vacuam, fallacem item & noxiam, Dæmo-
numque fraudibus & maleficijs implicatam, ob
idque meritò infamem & abominabilem, & è so-
ciitate hominum exterminandam. Hinc præterea
cognoscet lector quatenus vtraque Magia progre-
di, & qualia quantavè opera possit facere, & an
mira quę videtur facere posterior Magia, verè ta-
lia sint, qualia spectantibus videntur, an verò præ-
dicta oculorum acie, spectantium fallant existi-
mationem, nec veram habeant earum rerum quas
repræ-

DE MAGIA

2

repræsentant vim & naturam, sed nudas tantū atq;
inanis earum rerum similitudines & imagines fe-
rant: Deniq; quæ videtur & vulgò creduntur Ma-
gorū miracula, quibus rebus differat à veris mira-
culis, quibusuē notis & signis facile diiudicari &
inter nosci queāt. Libuit autem ante ipsum operis
vestibulū, velut in conspectu lectoris ponere ge-
nerales sententias & capita disputationum quæ
tractantur, quò scilicet cupidiū ille, huius libri
lectionem adeat, & ex ipsa lectione eam capiat v-
tilitatem, cuius ei afferendæ vtilitatis flagrās des-
iderium, nec dubia spes, ad huius nos voluminis
scriptionem impulit.

INDEX CAPITVM ET DISPV TATIONVM

L I B R I P R I M I, Q V I

est de Magia.

P R I M A.

- A** N omnia quæ feruntur à Magis facta, sīnt, vel ab illis,
vel ab alijs conficta.
I I. An omnes effectus Magie reveratales sīnt, quales vi-
dēntur.
I I I. An sit aliqua Magia naturalis, & quæ aut qualis ea fit
& vnde eam homines discant.
I V. An sit aliqua Magia nō naturalis, & Dæmonum ma-
gisterio atque artificio hominibus tradita.
V. An spiritus illi, quorum magisterio & auxilio mira-
faciunt Magi, sīnt boni an mali.
V I. Quæ opera admiranda possint Dæmones, aut per se-
p̄sos, aut per Magos facere.

LIBER PRIMVS.

- VII. Quae res Demon nec per se, nec per Magos possit efficer.
- VIII. An opera Magorum sint verè miracula, & quemadmodum à veris miraculis differant & internosci queant.
- IX. Quotuplex sit Magia, & primo de Magia astronomicā.
- X. De arte Cabalistica.
- XI. De Necromantica, id est, Mortuorum ex Inferis ad viuorum conspectum & colloquia euocatione.
- XII. An per artem magicam possit verum aurum fieri ab Alchimistis.
- XIII. De origine Magie, & his qui in ea clari ac nobiles fuerunt.
- XIV. An Magiē studium & usus sit licitus.
- XV. De Magis Pharaonis, quorum memori fit in libro Exodus: & qui nominatim fuerunt illi qui restiterunt Moysi.
- XVI. An prodigia quæ Magi Pharonis fecerunt, reuerentur talia, qualia videbantur, nec ne.
- XVII. Quaratione & artificio, prodigia illa fuerint à Magis facta.

CAPVT



DE MAGIA
CAPVT PRIMVM.

AN QVAE A MAGIS FACTA ESSE
vel sermonibus vulgo feruntur, vel à scriptoribus mā-
data sunt litteris, omnia sint fabulosa, facta &
falsa; an vero aliqua fuerint, ut narrā-
tur, verè ab illis gesta.

NON EST DVBIUM QVIN E-
orum quæ de Magis aut dicuntur au-
scribuntur, quam plurima sint facta,
& falsa: nam pleriq; hominum ni-
mis sunt creduli & iuperstitiosi, &
rebus admirandis facile capiuntur; cum etiam do-
cti viri Philosophi, ut inquit Aristoteles, quoni-
am fabula continet aliquid nouum & mirabile, fa- *Arist. lib. 2.*
bulis oblectentur. Quis enim non videt, quæ O- *Metaphys.*
uidius narrat in libris Metamorphoseos, omnia
facta esse a Poëtis, sicut illa de Circe & Medea; &
de socijs Diomedis in aues conuersis quæ longo
post tempore circa templum Diomedis volitabat;
de socijs Ulyssis, quos Circe mutauit in bestias; de
Arcadibus qui traecto quodam stagno veiteban-
tur in lupos; de focero Medeæ quem illa à fene-
ctute ad iuuétutem reuocauit; de draconibus, qui
bus simul iunctis Medea volauit per aera, & de a-
lijs id genus fabulis, quas Poëtæ cum ad oblecta-
tionem legentium, tum ad mysticam hominum e-
ruditionē adinuenerunt? Negari tam non potest
multa miratu dignissima verè à Magis esse facta.
Nam scripture in Exodo cōmemorat opera Magi zo-
rū Pharaonis, & 1. Reg. cap. 28. scribitur de Phitto-
missa quæ suscitauit Samuelē, & Psal. 57 de venifice,
Exod. 7.
incan-

LIBER PRIMVS.

incantante sapienter aspidē, ob id obturantem au-
res suas: & Matth. 24. *Surgent, inquit Dominus, pseudo
prophetæ, & dabunt signa & prodigia non utique alia
arte quam magica.* Ex historijs Ecclesiasticis notū
est, quæ opera admiranda Simon Magus ediderit
magicis incantationibus: quamobrem (ut fertur)
à Romanis publicam statuam meruit hac in scri-
ptione SIMONI DEO SANCTO: ut nar-
rat Iustinus martyr in Apologetico, Irenæus li-
bro primo contra Valentimum, Tertullianus in A-
pologetico, Eusebius libro secundo historiæ Ec-
clesiastice. Propter quæ prodigia idem Simon tan-
ta in admiratione fuit apud Samaritas, ut quemad-
modum Lucas scribit in actis Apostolorum capite
octauo, de illo diceretur: *Hæc est virtus Dei quæ vo-
catur magna.* Narrat beatus Hieronymus in vita Hi-
lariionis, cum quidam iuuenis virginem D E O
sacram ad turpes amores illicere nulla ratione
potuisset; eum ad magicas artes conuersum, quas
apud Memphim AEgypti didicerat, adeò illis pro-
ficiisse, ut virgo insano illius iuuenis amore fur-
ret. Porro quæ de Strygibus vulgo circumferun-
tur, non sunt in totum falsa, sed multa illis admira-
nda accidere, qui ea compererunt, viri fide dig-
ni, sicut Syluester in opere suo de Strygibus, & Al-
phonsum de Castro in eo quod scripsit de Puniti-
one hæreticorum, non ille quidem tanquam du-
bia & incerta, sed tamquam sibi notissima & ex-
ploratissima tradiderunt.

Mira opera

Magnam ex
Philostato.

MIRA sunt quæ Philostratus in libris De vita
Apollonij memorat vel Brachmanas Indorum,
vel Gymnosophytas AEthiopum, vel ipsum A-
pollonium gesisse. Tale est illud quod is narrat
libro

libro tertio & capite tertio, vidisse Apollonium apud Indos gemina dolia, vnum imbrium, alterū ventorum; illud, cùm nimia siccitate India premebatur, apertum nebulas emittebat vniuersam illam terram humestantes: nimios autem imbre occlusum cohiebat: alterum adapertum efflabat ventos regionem porflantes, quò salubrius esset cœlum. Tale etiam est illud quod ab eodem proditur libro tertio, capite octauo, cùm Apollonius cum Iarcha & a' ijs Brachmanis mensæ accubuisse, tripodes lapides sua sponte fuisse motos, & ab æreis pincernis calices in gyrum circumlatos esse, certa mensura vinum & aquam miscentes & cyathos proferentes. Nec fileri debet quod Philostratus libro quarto, capite decimo sexto scribit de puella quæ tanquam mortua portabatur ad sepulchrum: cuius funeri occurens in via Apollonius, tanquam secretò quædam illi admurmurans & iususurrans, ad vitam & integrum valetudinē reuocauit. Nec minus mirabile est quod idem auctor narrat libro sexto, capite tertio de statua Ménonis, quam cùm radius solis circa eius exortum attingebat, & ad os eius perueniebat, statua more hominum loquebatur. His adde quod ab eodem memoratur eiusdem libri sexti capite quinto, iusu Vespensionis, qui princeps erat gymnosophistarū, apud AEthiopes, vltimū quandam voce quidē clara & distincta, sed tenui admodum & quasi fœminea salutasse Apollonium. Sed illud miratu dignissimū, quod Philostratus tradit capite secundo, libri octauij, Apollonium cùm esset in prætorio Domitiani Imperatoris, vt putabatur, ab eo condemnatus, repente ex oīnīū oculis euauisse.

Quam-

Quamobrem tanto in honore fuit Apollonius apud posteros, ut eum Hierocles cum CHRISTO. Domino nostro cōferre ausus fuerit. Sed eius audaciam fregit, insaniamque coarguit Eusebius Cæsariensis: Alexander autem Mammeas Imperator Romanorum in suo Larario imagines CHRISTI, Abrahæ & Apollonij habebat, quod hostres maximè omnium miraretur & coleret.

VERVM, sicut à principio dixi, eorum quæ Magi fecisse dicuntur, quamplurima falsa sunt vel ab ipsis vel ab alijs conficta, & superstitionis nimiumque credulis hominibus persuasa. Quis enim vena concedat quæ Magia illa apud Virgilium libro quarto Aeneidos promisisse dicitur:

*Hæc se carminibus promisit soluere mentes,
Quas velit; ast alijs duras immittere curas,
Stere aquam fluijs, & vertere sidera retro,
Nocturno sq; ciet manes, mugire videbis
Sub pedibus terram, & descendere mortibus orno.*

Plinio nulla est Magia.

Quocirca Plinius nullam esse putauit Magiæ vim atque potestatem, & quæ de Magis feruntur, omnia esse vana falsaque: totamque Magiam reiicit & damnat. Nam libro 30. capite 2. Immensum inquit, & indubitatum exemplum est falsæ artis quam dereliquit Nero. Non enim ad eam descendam Neroni defuit vel ingenium, vel diligētia, vel quælibet facultas, nec studium, cum eius discendæ audiissimus esset: quin etiam ad eam docendam Tyridates Armeniorum rex noblissimos Magos secum ducens venit ad eum, cænisque magicis eum inuitauit: sed is regnum quidē à Nero accepit; Magiam autem quæ nulla est, docere eum

DE MAGIA

rum non potuit. Proinde ita perstratum sit, instabilem, irritam, inanem esse, habentem tamen quasdam veritatis umbras, sed in his veneficas artes pellere, non magicas. Hæc Plinius. Cui ut cōcedo plurima Magorum esse vana & falsa; ita esse talia omnia nō assentior. Esse autem pleraque Magorum promissa non solum inania & falsa, sed etiam incredibilia & ridicula demonstrat Plinius lib. 26. cap. 4. his exēplis; Magi aiunt AEhiopide herba amnes ac stagna siccari: cōiectu, tactu, clausa omnia aperiri: Alchimenide cōiecta in acte hostium, trepidare agmina, ac terga vertere: Latacem dari solitam à Persarum rege Legatis, ut quocumque venissent, omnium rerum copia abundarent.

Apud Democritum inuenitur compositio medicamenti, quo pulchri, bonique & fortunati gignantur liberi. Et lib. 25. cap. 9. Circa herbam, inquit, quam nostri Verbenacam vocant, Magi miri insaniunt: hac perunctos impetrare quę velint, febres abigere, amicitias conciliare, nullique non morbo mederi. Lege apud Aul. Gellium lib. 10. cap. 12. & apud Plinium lib. 23. cap. 1. quę fabulantur Magi de Chamaleonte tradita à Democrito magicę artis principe, qui, quo tempore Hippocrates medicinā, eodem magicas artes in Gręcia celebravit, hoc est,

circa bellum Peloponnesiacum, anno post

Romam conditam trecentesimo:

ut auctor est Plinius lib.

30. cap. 1.

Figmenta Magorum Plinius.

*Aul. Gellius
Plinius.*

CAPVT. II.

CAPUT II.

AN OMNES EFFECTVS MAGIAR
sint simulati & tam̄um apparentes, hoc est, non tales reuera quales videntur; an verò sint aliquis eius effectus etiam veri & naturales, nempe tales reuera quales videntur.

NON NULLOS effectus Magorum naturales & veros esse, tum ex sacris literis, tum ex alijs probatis historijs compertum est. Nam opera Magorum Pharaonis vera fuisse, satis indicat scriptura cap. 7. Exodi; itaque sentiunt Origines & Augustinus. Id quoque declarat Samuel à Phitonissa susciatus; quem fuisse verum Samuelem, licet nonnulli in dubium verterint, tamen auctor libri Ecclesiastici cap. 46 nos dubitare non finit. Ad hæc Dominus noster ait venturos pseudoprophetas tempore Antichristi, qui faciant prodiga & Portenta magna: quæ S. Paulus vocat mendacia, non quod omnia per se & sua natura falsa; sed quòd fient ad persuadendum falsum, & ad decipiendos homines, & quòd putabuntur esse vera miracula, hoc est, supernaturalia opera, cum non sint talia. Nonne DE vs Deuteronom. 13. denunciat venturos pseudoprophetas prædicentes futurum aliquod portentum, quod ita veniet, vt ab illis fuerat prædictum? Daemones item naturali solertia, quæ summa illis est, & scientia cunctarum rerum naturalium quam propter peccatum non amiserūt; denique longissimi temporis experientia qua pollent, occultas & admirandas rerum facultates.

Matth. 24.

2. Thess. 2.

cultates & virtutis, ipsarumque rerum inter se vel sympathiam vel antipathiam, & quemadmodum inuicem applicari & temperari debeant, quò mirabiles & inusitatos effectus producant, optimè norunt, & per Magos ministros suos præstare possunt. Atque hæc est doctrina B. Augustini in lib. 3. de Trinitate, cap. 7. & 8. in libro Octoginta trium quæstionum, quæst. 79. & in quæstione 22. in Exodus, à Christianis Philosophis iuxta & Scholasticis Theologis recepta. Neque possumus negare (sunt enim multis Romanæ historiæ scriptoribus prodita) duarum Romanarum mulierum duo facta per quam memorabilia. Cum enim mater deorum ex Pessinûte Phrygiæ, naui adueheretur Romanam; ita dicitur hæsiſſe in Tiberi, vt non hominem, nō boum vi moueri loco posset. Q. Claudia vestalis quò suam castitatem probaret, discinxit se, zonamque naui alligans, eam quo volebat, deduxit. Thucia quoque vestalis quò suam etiā probaret pudicitiam, aquam Tiberi haustam cribro tulit vsq; ad capitolium, anno vrbis conditæ sexcentesimnonono, vt tradit Plinius lib. 28. cap. 2. Nec possumus inficiari opera Magorum, homines feminas ué inflammari ad libidines, & ad amores ante exosos: cuius rei exemplum affert S. Hieronymus in vita Hilarionis à nobis supra commemoratum. Quanquam duo illa quæ virgines illas vestales egisse diximus, putat S. Thomas in Quæstionibus de potentia, quæst. 6. art. 5. etiam ministerio bonorum Angelorum DEO sic volente, *Notabilis sententia B. Thomæ* virtutem & præstantiam commendare & magis probare hominibus, fieri potuisse.

CAETERVM plurima Magorum opera esse simu-

simulata, fallentia oculos spectantium, nudamque tantum eorum quae representant imaginem, non autem veram naturam habentia, multi tradiderunt atque compererunt; & ego facilè credo. Tales fuerunt (si tamen fuerunt) admirandæ metamorphoses, quas à Varrone proditas comemorat B. Augustinus lib. 15. de Ciuitate Dei, cap. 17. & 18. de socijs Ulyssis à Circe mutatis in varias bestias, de socijs Diomedis in aues conuersis, de Arcadibus træcto quodam stagno transformatis in Lupos, de stabularijs quibusdam mulieribus, quas narrat B. Augustinus suo tépore in Italia viatores quibus caseum dabant veneficijs imbutum, mutare scilicet in iumenta, eorumq; opera ad portanda onera aliquandiu usas, rursus in pristinas hominum figuras reformatas.

Tale quoque fuit quod Philostratus lib. 4. capite 5. tradit accidisse Apollonio: erat enim quædam lamia quæ speciem gerens pulchræ mulieris, simulabat se captam amore cuiusdam Menippi iuuenis formosi, ei velle nubere. Die igitur nuptijs dicato mulier illa conuiuum apparauit lautissimum, maxima auri, argenti, ornamentorum, omnis generis vini & dapum copia instructissimum, quo cum ingressus esset Apollonius, ad eos qui aderant conuersus, inquit: Tantali hortos videtis, qui, sicut Homerus scribit, apparebat esse aliquid, cum nihil tamen essent: tale enim esse hunc omnē apparatus existimare debetis: neque enim quæ appetat materia, nulla subest, sed materiæ duntaxat simulachrum est & imago. Hæc autem sponsa, una est è numero lamiarū, quas aliqui laruas aliqui lemures appellant. Sunt autem ad amorem &

venc-

manas earnes v̄hementer expetunt, venereorum cupidine alliciētes eos quos cupiunt postea deuorare. Atque his dictis totus ille apparatus ex oculis omnium euanuit: & illa mulier sese Lamiam esse confessa est, & voluisse Menippum voluptatibus explorere, ut eius postea corpus deuoraret: cōsueuisse enim pluchrorū iuuēnū corporibus ves̄ci, vbi ad summiā sanguinis abundantiā peruenissent. Non sunt admodum dissimilia quę 26. quęst. cap. 5. Episcopi, de nonnullis strygibus narrantur, quās dæmones delusa earum imaginatione credere faciebāt, longa terrarū spatiā per aëra equitando conficere, & cum Diana & Herodiade in amœnissimis locis iucūdissimè epulari & ludere; cum neque verè transferrentur, neque personis, quibus credebant, adessent, sed tantū imaginatum ludificatione.

Hoc etiam euidentissimis rationibus probari potest. Magi enim promittunt se ex lapidibus vel lignis leōnes vel lupos subitò producere posse; & nonnunquam in spectaculis ex terra faciunt subitò existere leones vel lupos: constat autem eiusmodi animalia perfecta citra supernaturalem Dei potentia nulla ratione gigni posse nisi ex semine; nec ad iustā magnitudinē, nisi statis temporū interuallis peruenire posse Dicūtur etiam mortui à Magis reuocati ad vitā, sicut traditū est de puella illa quam Appollonius reuiuscere fecit, & de Alceste quondam ab Hercule ad vitā restituta. Plinius etiā lib. 7. c. 37. narrat Asclepiadē celeberrimū tempore Pompeij Magni medicum, quendam hominē mortuum ē funere retulisse & seruasse. Non posse autem Magos verè mortuos ad vitam reuocare, ita concluditur: Si animus hominis est mortalis, non

*Nulla vi
arte magica
posse mortuos
reuiuiscere.*

potest semel extintus idem numero reuiuiscere; si autem est, uti verè est, immortalis, non potest ullis hominum vel dæmonum artificijs, vel ullis naturalium agètium viribus rursus ad corpus suum animandum uiuificandum que reuocari: nam cū sit immaterialis & incorporeus, est supra omnis naturæ corporeq; facultates; nec ullius rei creatæ potestati subiacet. Necesse est igitur, resurrectiones mortuorum que à magis facte narrantur, vel esse fabulosas, vel fuisse simulatas, & tantum, in speciem factas.

CAPVT III.

*AN SIT ALIQUA MAGIA NA-
turalis.*

LICET iam usus obtinuerit ut nōmē Magiæ ferè in malam partem accipiatur, pro ea nimirū arte quæ opera & adminiculo dæmonum res mirabiles vel facit vel facere simulat; & Magi vulgò dicantur qui ex commercio quod habent cum dæmonibus, res stupendas efficiant veluti sunt præstigiatores, incantatores, Necromantici, & alij malefici homines: Attamen nec nōmē Magiæ absolutè & præcisè sumptum hoc significat, nec à principio sic fuit usurpatum, sed uniuersè pro quadam facultate, per quam homines efficiebant res inusitatas & admirandas ratione quadam occulta, & alijs hominibus incognita. Sic generaliter sumpta Magia dupliciter diuidi potest: altera enim est naturalis, altera non naturalis. Naturalē voco, quæ cognitione & applicatione quadrādam singularium virtutum, quæ sunt in rebus naturalibus, quæque latent fere mortales, agentia

&c

LIBER PRIMVS.

14

& patientia suo loco & tempore, & sicut opus est inuicem componendo & temperando, effectus quosdam inusitatos & admirandos, & quorum ratio videtur incomprehensibilis, moliuntur, Magia autem non naturalis dicitur, quæ etiam mira efficit, verumtamen non vtens viribus agentium naturalium, sed sola dæmonum opera & ope. Naturalis autem Magia rursum triplex tradi potest: alia enī dici potest humana, quia humano studio & diligentia comparatur; altera Diuina, quæ per reuelationem vel à D E O, vel ab Angelis bonis percipitur: Tertia, Dæmoniaca quam dæmones trādunt ijs hominibus, qui se illis impia societate & fœdere deuinxerunt.

Esse autem Magiam quandam naturalem, quæ *Esse natura'* est secretiorquædam & abstrusior sapientiæ pars, *qnandam Magiam.* & quæ occulta quadam cognitione & vſu quarū- dam rerum naturalium mira perficit, nullo modo viris doctis dubitandum est. Quis enim vel tinctus dūtaxat literis Philosophicis, nescit esse multas virtutes rerum naturalium occultas, mirabilem rerum effeſtrices, quas si quis benè nosset, & ad vſum accōmodare sciret, haud dubiè mira posset efficere. Multa sunt naturæ miracula incomptæ adhuc rationis, &, (vt Plinij verbis utar) in naturæ maiestate penitus abdita. Hęc, si quis hominum illis rebus naturalibus occultè vtens, faceret, Magus vulgo diceretur, & non nisi auxilio dæmonum talia facere crederetur; cum tamē opera illa effent naturalia, & naturaliter à causis naturalibus profecta. De miraculis naturæ integrum librum scripsit Aristoteles, qui inscribitur **D e Admirādis auditionibus**, quanquā eum nonnulli adscribunt Theophrasto. Plinius cum alijs libris

multa, tum plurima secundo libro *Naturalis Historię* prodidit, & Proclus in libro *De Sacrificio & Magia* & beatus Augustinus libro 21. *De Ciuitate Dei* cap. 4. & 5. Albertus Magnus lib. 2. *Mineralium Tractatu* 2. cap. 11 & 12. & Fracastorius in lib. *De Sympathia, & Ficinus* libro 4. *Theologiæ Platonis*, cap. 1. multaque eius generis sparsa leguntur in libris Cardani de subtilitate & varietate rerum; quorum h̄c nonnulla ex Plinio recensēbo lib. 2. cap. 96. Iuxta Harpasa oppidum Asiarum, cautes stat horrenda uno digito mobilis, eadem, si toto corpore impellatur, resistens. Duo sunt montes iuxta flumen Indum, alteri natura est, vt ferrum omne trahat, alteri, vt respuat; Itaque si sint clavi in calciamento, in altero auelli non posse, in altero si sti. Et cap. 105. H̄c est natura Naphtæ circa Babyloniam profluens bituminis liquidi modo, vt in eam vnde cunq; visam protinus transiliat ignis. Ita ferunt à Medea pellicem crematam, postquam sacrificatura ad aras accesserat, corona igne raptæ, & cap. 107. In Nymphæo exit è perta flama quæ pluuijs accedit, & cap. 103. In Dodone Iouis fons cum sit gelidus, & immersas faces extinguat; si extinctæ admoueātur, accedit. In Illyrijs supra fontem frigidum expansæ vestes accenduntur. Idem Plinius libro ultimo, cap. 4. Adamas (sic Gærce dictus, quod nec ferro, nec igne dometur) hircino tamen rumpitur sanguine: & cum magnete lapide in tantum dissidet, vt iuxta positus ferrum non patiatur abstrahi; aut si adnotus magnes apprehenderit, rapiat atque auferat. Verum nihil esset mirabilius magnete, si vis eius nō adeò nobis esset nota & explorata. Nam rationem cur ferrum ad se trahat, & acum nauticam sua vi tactam

Miraculana-
ture.

ea^tam eatenus agit, quoad illa directo septen-
triones spectet, quis nobilium philosophorū non
diligentissimè inuestigauit? quis autem adhuc cō-
perit aut satis explicauit? Sed omnia excedit mira-
cula Echneis pisciculis quem Latine vocant Re-
moram, cuius meminit Aristoteles lib. 2. De Histo-
ria animalium cap. 14. sed Plinius libro 32. cap. 11.
non solū ab antiquis de eo prodita, sed etiam si-
bi siue tēporis hominibus planè cognita & ex-
plorata tradens, ait eum semipedalem esse, limaci
magnæ similem, adh̄erentemque nauigijs, licet ea
sint ingentia cursuq; incitatissimo ferantur, eoru
tamen ita frenare impetum, vt stare cogat, non la-
bore vlo, nec renitendo, nec aliter quam adh̄e-
rendo. Fertur Actiaco bello tenuisse prætoriam
nauim Antonij properantis circumire, & exhor-
tari suos, donec iret in aliā. Ideoq; cæsariana claf-
sis impetu maiore protinus venit. Tenuit etiā eius
memoria Caij principis ab Astura Antium remi-
gantis quinquiremem quadringētorum remigum
viribus propulsam, eiutque adh̄erens gubernacu-
lo: feruntq; Cæsarem peculiariter miratum quo-
modo adh̄erens tenuisset, nec idē polleret in na-
uignum receptus. Haec tenus ex Plinio. Nec modò
quę ratione carent, sed etiam homines mira edere
& non cernētibus incredibilia cùm alij testificati
sunt, tum haud dubiū reliquit S. Augustinus mul-
tis certisq; eius rei positis exemplis. Nouimus, in-
quit, lib. 14 de ciuitate D E 1, cap. 23. hominum quo-
rundam naturas multum cæteris diſpare, & ipſa
raritate mirabiles, quædam ut volunt de corpore
suo facientiū, quæ alij nullo modo possunt; & au-
dita vix credunt. Sunt enim qui aures moueāt, vel
singulas vel ambas simul. Sunt qui totam cæſariē;

Remora pisces

DE MAGIA

capite immoto quantum capilli occupant, deponunt ad frontem, reuocantq; cùm volunt. Sunt qui eorum quæ deuorauerunt, incredibiliter plurima & varia, paululum præcordijs contrectatis, quod placuerit, integerrimum proferunt. Non nulli ab imo fine pudore vlo, ita numerosos pro arbitrio sonitus edunt, vt ex illa etiam parte cantare videantur. Ipse sum expertus sudare hominē solere cum vellet, notum est quosdam flere cùm volunt, atque ubertim lachrymas fundere. Presbyter fuit quidam nomine Restitutus in parœcia Calamensis Ecclesiæ, qui quibuscumque volebat, ita se auferebat à sensibus & iacebat simillimus mortuo, vt non solum vellicantes & pungentes minimè sentiret, sed aliquādo etiam igne vreretur ad moto, sine vlo doloris sensu: nec in eo ullus inueniebatur anhelitus. Hæc ibi Augustinus.

Sphæra Archimedis.

I AM verò Sphæram illam quam tradit Cicero primo libro Tusculanarum disputationum, & secundo libro de Natura Deorum ab Archimede primū, & deinde à Possidonio factam, omnes cœlestium orbium conuersiones suis motibus clarissimè perfectissimeque representantem, quis humanum ac non potius diuinum aut dæmoniacum inuentum & opus credidisset? Huc etiam referri potest quod Albertus capite tertio libri sui De moribus Animalium commemorat, duos in Germania natos esse pueros, quorum altero iuxta domorum ostia incedente, omnia ostia versus latus sinistrum illius aperiebantur, tametsi clausa essent: idemq; cōtingebat alteri puero illius fratri, versus latus eius dextrum; & hoc dicit vidisse multos, negatq; id referri posse aliò, quām in proprietatem occultam quæ utrique in eorum ortu indita est à cœlo:

celo : quanquam ego vereor ne illud nō fuerit verum : aut si fuit, non puto id naturaliter sine interuentu & opera dæmonum fieri potuisse.

Si igitur tam mira sunt naturæ opera ; cur non sapiens reconditiori naturalium rerū cognitione *Quales Magi* vñquā prædictus similia facere posset ? Atquē hæc est *Persarum.*
Magia naturalis. Tales erant apud Persas Magi (ait Philo in libro, Quod omnis probus sit liber) naturæ scrutatores, priꝝ veritatis cognoscendæ studio, qui per otium diuinæ virtutes contemplantur clarius, & alios ijsdem initiant mysterijs. Et in libro De specialibus legibus. Veram, inquit, Magiam, hoc est, Perspectuam scientiam, per quam Naturæ opera cernuntur clarius, ut honestam expetendamq; non plebeij solum testantur, sed etiam Reges regum maximi, præsertim Persici, tam curiosi harum artium, vt regnare non liceat nisi familiariter cum Magis verlato. B. Hiernoymus exponens secundum Danielis caput : Magi, inquit, sunt, qui de singulis philosophantur, nec malefici sunt, sed Philolophi Chaldaeorum, & ad artis huius scientiam reges quoque & principes eiusdem gentis omnia faciunt. Vnde & Magi in Saluatoris nostri natinitate, primi ortum eius intellexerunt. Huius *Matth. 2.* artis excellenti peritia, censet Philostratus Apollonium Tyaneum mira quæ de eo narrantur, effeciſſe, idēque sensit de illo Iustinus martyr in *Quæſitionibus ad Orthodoxos,* quæſtione vigesima- *Iustinis martyris testimoniū de Magia Apollonij* quarta ita scribens : Apollonius, vt vir naturalium potentiarum & diffensionum atque confensionū earum peritus, ex hac scientia mira faciebat, non auctoritate diuina. Hanc ob rem in omnibus indiguit assumptione idonearum materiarum, quæ eum adiuuarent ad id perficiendum quod efficieba-

tur. Et Apollonij quidem opera quoniā facta sunt ex scientia rerum naturalium ad corporalium actionem hominum, non euertit DEVS. Sic ibi Iustinus, Huius Magiæ naturalis fiducia ausus est Archimedes admirādum illud theorema ponere.

*Archimedis
scientiae po-
tentia.*

QVANTVM LIBET onus quibuslibet viribus mouerē: nec posuit modo, sed & apertissime demonstrauit: & quia id regi Hieroni incredibile videbatur, speculationē illam ad praxim traduxit, ingentem nauem onerariam quam ingens hominum turba, vix maximo labore mouere poterat, hominibus multis ponderibusq; impositis, procul ascidens, quieta impellens manu, vi quadam multifidæ machinæ, tranquillo quasi mari prolaberetur, ad se adduxit. Cumque Marcellus maximo exercitu terra mariq; Syracusas obsideret, Archimedes ad urbēs propugnationem, mirabiles terribilesq; omnis generis machinas telaq; huius Magiæ naturalis scientia adinuenit, quibus tantas hostium strages passim edebat, ut Roniani incredibili admiratione terroreq; perculsi, dicerent se nō contra homines, sed cōtra deos pugnare. Quid dicam de stupēdo illo Architæ Pythagorici commento? à quo plerique nobilium Græcorum trādunt, & apud Aul. Gellium lib. 10. cap. 12. Phaourinus Philosophus pro certo confirmat, simulachrum columbę è ligno ratione quadam mechanica factū, volasse; ita erat scilicet libramentis suspensum, & aura spiritus inclusa atque occultā concitum. Hac etiam arte ferunt Albertum Magnum, caput æneum, quod maxima spectantium admiratiōne loqueretur, fabricasse. Seuerinum etiam Boëtium, in epistola quadam siue à Cassiodoro, siue à Theodorico ad eum scripta, dicitur, huius artis

*Plutarillus in
Marcello.*

*Columba lignea
volans.*

*Caput æneum
loquens.*

*Mira opere
Boëtij.*

vi, miracula fecisse, hoc est, vt metalla mugirent, æneus anguis sibilaret, aues simulatæ dulcissimè canerent, homines ærei in aëre buccinarentur. Verum de his satis, illudq; ratū & indubitatu sit, esse quandam Magiam naturalem, quā qui tenet (pau-
cissimi autem benè tenent) possunt mira facere, quæ rude vulgus putat opera & auxilio dæmonū fieri: Tum quia opera illa sunt inusitata; Tū quod secreta quadam ratione & alijs occulta fiant. Quā obrem plerique putant eiusmodi homines habere consortium cum dæmonibus, & non nisi eorū ope illa præstare. Talem de se fuisse hominum opinionem, quodam loco scribit Galenus, Boetius libro primo de consolatione, prosa quarta, queritur se, propter reconditionis Philosophiæ cognitionem, & quarundam rerum mirabilium effectiōnem, tanquam magicis & maleficiis artibus imbutum, fuisse accusatum & damnatum.

MAGIA autem naturalis, non humano studio partæ, sed à DEO vel Angelis bonis acceptæ, manifestum est argumentum perfectissima rerū omnium naturalium scientia diuinitus infusa Salomonis: per quā verisimile est, eum mira effecisse, aut certe si voluisset facere, potuisset. Iosephus certè libro octavo de Iudaicis antiquitatib^o ait Salomonē instituisse occulta quædā remedia ad pellendos morbos & fugādos dæmones. Incantationes. inquit, composuit quib^o morbi pelluntur, & coniurationum modos reliquit scriptos, quib^o ita fugātur dæmones, vt deinceps nunquā reuerti audiant: atq; id sanationis genus etiam suo tempore apud Iudæos in usu esse; & se vidisse Eleazarum Iudæum, præsente Vespasiano alijsque Principib^o multos à dæmonib^o vexatos, hac ratione liberaſſe,

*Naturalis Ma-
gia Salome-
nis.*

3. Reg. 2.

Modus curationis erat hic: admoto narib^o dæmoniⁱ. aci annulo, sub cui^o sigillo inclusa erat species cu- iusdā radicis à Salomone indicat^e, ad eius olfactū, per nasum contrahebatur dæmoniū, & collapsō mox homine, adiurabatur dæmoniū ne amplius rediret, Salomonis mētione facta, & incantationi- bus ei^o recitatis. Discessus autē dæmonis ab homi- ne, illud erat indicium, quod iussu Eleazari egre- diens, vas plenum aqua ibi positum, inuisibiliter euertebatur. Hæc ex Iosepho. Sed profectò illa ra- tio ejiciendi dæmonem, nō ex Magia naturali, sed ex superstitione & Diaboli artificio cōposita pro- ficicebatur; nec eam credibile est institutam esse

3 Reg. II. à Salomone, nisi forte postquam is D E I gratiam perdidit, in cultū idololatriæ prolapsus. Iuuenis etiam Tobias, mirabilem vim eius piscis quem in Tigri ceperat Angelo Raphaele docēte, cognouit nam sic Tobiæ dixit Raphael (vt legitur cap. 7. il- lius libri) *Cordis eius particulam si super carbones ponas, fumus eius extricat omne genus dæmoniorum, siue à viro, siue à muliere, ita ut ultra non accedat ad eos: fel autē eius, valet ad vngendos oculos, in quibus fuerit albugo & sana- buntur.* Simili remedio piscis, Gregorius Turoné- sis Episcopus, cum puer esset, diuinitūs admoni- tus, patrem suum à grauissimo morbo liberauit.

N O N N V N Q V A M etiam Magiam' naturalem discunt homines à dæmonibus. Sic enim Magos Pharaonis eam dīdicisse, certum est. Imo ferē, qui hanc Magiam tenent, cum sint homines minimè probi, & philosophiæ aliarumque liberalium do-ctrinarum rudes & imperiti, non dubium est, quin vel ipsi eam artem à dæmonibus didicerunt, vel ab his quibus eam dæmones tradiderunt. Vix enim vlli mortalium, aut certè paucissimis, nec nisi ijs
qui

qui acerrimo fuerint ingenio, & longinqui temporis diligentibus obseruatione vni, talis Magia naturalis contingere potest.

CAPVT IIII.

AN SIT ALIQUA MAGIA NON
naturalis, hoc est, quæ non ad naturam, sed ad
dæmones necessariò referri de-
bet.

MULTA faciunt Magi, quæ nullo modo effici possunt per causas naturales, sed ea necessariò referri debent ad aliquas substantias incorporeas, quæ occultè cum ipsis Magis & per ipsas operantur. Magi enim nonnunquam faciunt statuas è ligno vel alia materia factas, nullo extrinsecus impellente, moueri ex se motu progressio & humano, quin etiam loqui & respondere ad quæstiones de varijs rebus propositas: si id fieret naturaliter, cum natura nunquam det operationem aliquam, nisi dando formam, ex qua illa operatio procedit, supradictæ verò actiones, sint tantummodo animalium perfectorum, & quædā propriæ hominis, oporteret in illa statua productam fuisse animam sentientem perfectam, & animam rationalem. At nec huiusmodi animæ possunt esse subiectuè in tali materia, qualem habent illæ statuæ, quippe quæ carent vita & sensu; nec animalia perfecta possunt generari nisi ex semine à sui similibus; nec potest natura simul & generare animal perfectum, & perfecta illi magnitudinem dare: Necesse igitur est, prædictas operationes statuorum, non à natura, sed ab aliquo dæmone, qui intra illam statuam latet, proficiisci.

Dein-

Dēinde, Magi quædam manifestant occultissima, & quæ ratione humana nota eis esse nō potuerāt veluti fūta clā facta, thesauros alicubi recōditos, res quæ in remotissimis regionibus geruntur, quæ quisque olim vel dixit vel fecit, denique prædicūt quædam futura; hæc autem opera sunt mentis, & quidem sublimioris atque præstantiori, quām sūt humana. Præterea Magi cūm volunt mira illa facere, certis quibusdam vestibus induuntur, ducunt quasdam lineas, describunt figuræ, pingunt characteres, & alia quædam adhibent, quæ per se nēc vim habent naturalem producendi illos effectus, nec præparandi materiam ad illos producendos, aut accipiendos: non igitur Magi opera illa faciunt per causas naturales.

AD H A E C, supra omnis naturæ corporeæ potestatem est illud quod nonnunquam faciunt Magi; ut ad eorum præsentiam, & fores & alia loca quæ clausa sunt, repente patefiant; interdum etiam se vel alios repente ex hominum conspectu subducūt, quod de Apollonio Tyaneo memorię proditum est: is enim cum sisteretur in prætorio ante Domitianum Imperatorem, repete ex oculis omnium euanuisse dicitur. His accedit quod magi nō faciunt hæc, nisi pronunciando certas quasdam voces & verba, in quibus totam illi, vel maximam vim artis magice ponunt; voces autem & verba, cūm ex se non habeant aliam vim quām significandi, vel quodammodo afficiendi auditum, non possunt esse causa vt aliquid fiat, nisi duplicitur; vel ratione rerum quæ illis virbis dicuntur, quæ res intellectæ ab audientibus, eos variè afficiunt & mouent præsertim adjuncta decenti conuenientiæ actionis & pronunciationis ratione; & hoc modo

*Quomodo vo-
ces possunt es-
se causa effi-
cientes ali-
quarum rerū.*

modo oratorum & concionatorū verba, mouere solent audientes; sed hic modus mouendi, nō nisi ad audientes qui intelligunt, pertinere potest: Vel mouent verba, propter suavitatem modi, quo modulatè & artificiose cum suauitate & dulcedine auditum afficiunt; qua ratione non solem homines, sed etiam animalia vocibus musicis variè affici & permoueri cernimus; neutrum autem horum reperitur in vocibus Magorum, non igitur per illas voces, tanquā per causas naturales, illos suos effectus producunt. Iam verò, cum Magi ad faciendum quod volunt, adhibeant quasdam invocationes, obtestationes, comminationes, sacrificia, postrationes corporum, & alia eiusdem generis; quis non liquidò cernit hæc nō posse referri ad naturam corpoream, ratione & intelligentia parentem, sed ea naturæ alicui incorporeæ & intelligéti, cuius Magi opem implorant, & sine cuius concurso, quod intendunt, efficere non possunt, exhiberi?

Postremò, ne quis vel ambigendi, vel cauillandi reliquus sit locus, illud meo iudico omnem collit dubitationem, quod non solum Magi miranda illa opera per seipso faciunt, sed quasi quedam dictata tradentes alijs, eadem per illos perficiunt: quin etiam vsu venit quosdam planè ignorantes, an illa essent vel à dæmonе tradita, vel magicis prauitatibus infecta, fidem tamen habentis illis sibi dictatis, eisque vtentes, mira etiam fecisse; quod apertè demonstrat, facultatem eiusmodi res perficiendi non esse naturalem. Non me fugit, Petrum Apponensum, Cardanum, maxime verò Pomponatiū in libro De incantionibus, eiusmodi opera Magorū, exclusis dæmonib⁹, ad solas causas

naturales conatos esse referre; sed frustra & infeliciter. Verum eorum opinionem infrà explicabimus & refellemus. Sciendum autem est, hanc nostram sententiam quam hic docuimus & confirmavimus, ab omnibus Platonicis fuisse probatam & literis traditam; hoc enim sensit Plotinus, Porphyrius, Iamblicus, Proclus: haec etiam fuit & Pythagoreorum doctrina, imò ante hos omnes idem in Timandro sensit & docuit Mercurius Trismegistus.

CAP VT V.

*AN SPIRITVS ILLI QVORVM O-
pera & auxilio Magi miro faciunt, sint
boni an mali.*

Apo. 19. **S**UBSTANTIAS incorporeas quæ fauente Magis, eosque iuuant, ad illa opera facienda, quæ non fiunt per causas naturales, sed excedunt naturæ corporeæ potestatem, non esse bonos Angelos, sed malos, quos trito iam vocabulo Dæmones appellamus, multis sanè firmis manifestisque argumentis ostendi & concundi potest. Primo, eiusmodi spiritus iubent se à Magis adorari tanquam deos, sibiisque sacrificia fieri; hoc autem est proprium dæmonum, qui honorem diuinitatis, quem à principio afferantes assequi non potuerunt, decipiēdis hominibus, aliquo modo obtinere cupiunt. Boni autem angeli, eiusmodi honores non solum non optant, sed etiam vehementer auersantur. Vnde legimus in Apocalypsi, Angelum quandam prohibuisse ne Ioānes ipsum adoraret, dixisseque: *Vide ne feceris; conseruus enim tuus sum, &c. DEVM adora.* Deinde magi sunt ho-

mīnes flagitiosissimi, & artibus magicis abutuntur ad inferendum exitium alijs, hoc est, ad patrāda adulteria, fūta, homicidia, atque adeo infanticidia: boni autem Angeli, nec maleficis hominibus fauent, & ab eiusmodi sceleribus abhorreūt. Post hēc, Magi multa miscent mendacia multasq; fallacias, quibus homines circumueniunt, & decipiunt: ad quod Angeliboni cooperari non possunt. Prætere i Magi inuocando eos quorum abutuntur opera, minantur illis quādam impossibilita nisi venerint: & cum venerunt, imperant illis, & cogunt ne inde discedant; hoc autem imperium non possunt habere homines in Angelos bonos: habent autem in Dæmones, vel quia superior dæmon, cum quo Magi habent societatem, & fœdus fecerunt, cogit inferiores dæmones parere iussis Magorum; vel simulant dæmones se cogi à Magis, cum tamen id voluntariè faciant, nec ab illis cogi queant, quò facilius decipient homines, tantam vim & auctoritatem magorum admirātes, & illis fidem adhibentes. Quod autem Dominus *Mattb. 12.* noster argumentatur, se non eiūcere dæmones potestate principis dæmonum, quia non potest Satanam eiūcere; alioqui regnum eius diuideatur, nec diu stare posset, intelligendū est de perfecta eiectione dæmonis ab homine, hoc est, tam ex corpore eius quam ex animo; vel de eiectione quæ proficiscitur ex odio dæmonis, & desiderio evanescendi imperium quod habet in homines. His adde, quia ut benè, inquit Eusebius lib. 5. De præparatione Euangelica cap. 7. vnde potuerunt Magi discere verba illa & cærimonias quibus dæmones aduocant, eosque vellico, vel annulo, vel vasi, vel statuę vel alijs rebus adesse cogunt? Vnde scire qui-

*Quomodo Ma-
gi Dæmonibus
imperent.*

quibus sacrificijs, libamentis aut suffimentis dæmones auertantur & fugentur, vel oblectentur & allicantur? & alijs quidem dæmones, alijs rëbus; vnde: inquam homines hæc discere potuissent, nisi ab ipsis dæmonibus?

Quod non est credibile, hominem posse imperare Angelis bonis, eosque vel reluctantes cogere & compellere ad aliquid faciendum; quod tamen Magos facere disertissimis verbis declarauit Prophyrius Philosophus in epistola ad Anbonum AEgyptium, quam Eusebius lib.5. De præparatione Euangelica capite sexto scriptis suis inseruit; ex ea vero nonnulla quæ ad rem præsentem maximè pertinent, hic adscribam. Proponit autem in ea epistola Porphyrius nonnullas dubitationes circa ea quæ Magi faciunt Dæmones inuocando. Prima dubitatio est, Quomodo Magi inuocant & obsecrant dæmones tanquam superiores, & eisdem tamen tanquam inferioribus impecant, & quod volunt, facere eos cogunt. Secunda: Cur Dijs Magorum iubent homines esse iustos, ipsi autem à Magis iussi, multa patrant iniqua & flagitiosa. Tertia Nolunt: illi exaudire Magum, qui non multis diebus ante se abstinuerit à Venere ipsi tamen iussu Magorum illiciunt & incitari homines ad turpes & nefandas libidines. Quarta: Volunt Magum inuocaturum ipsos, ante ab esu carnium abstinere; cum ipsis tamen nidore ac sanguine cæforum animalium maximè oblectentur. Quinta: ei, qui mortuum tetigit, ad operationes magicas accedere non licet; cum tamen mortuis & cadaveribus animalium res magicae ferè peragantur. Sexta: Magi minatur Soli & Lunæ & Dijs cœlestibus, dicentes se concisuros cœlum & arcana Isidis edituros,

*Dubitaciones
nonem Por-
phyrij de ijs
que faciunt
aut dicunt Ma-
gi inuocando
Dæmones.*

Eturos, & Osiridos membra Typhoni tradituros
nisi Dij adueniant & respondeant ipsis; absurdum
tamen videtur, Deos quasi infantes, eiusmodi fi-
ctis minis & terroribus commoueri. Moueri au-
tem eos istis minis, Cheremon sacer scriba testa-
tur, & hęc esse illa inquit, quib⁹ Dēmones maxime
coguntur. Septima: preces autem & orationes,
quibus vtuntur Magi inuocantes suos Deos, ina-
nes & ridiculæ videntur? sic enim eos compellat:
Tu, inquiunt, qui ē limo emeristi, qui sedes in lo-
co, qui nauigio nauigas, qui singulis horis formā
commutas, & in singulis Zodiaci signis commu-
taris. Atque his precationibus & adiurationibus
aiunt Deum se hominis visui subiucere. Octaua:
Quid sibi volunt verba illa barbara, & nihil plā-
nè significantia, quibus Magi vtuntur ad deos suos
aduocandos? nam si ad verborum significationem
Dij respiciunt, quacunque voce eadem res signifi-
cetur mouebūtur: non enim dij sunt AEgyptij vel
Scythæ, vel illis linguis vtuntur, aut illas tantum
norūnt. Nona: cūm dēmones sint supra ordinem
rerum sensibilium, quomodo possunt rebus sensi-
bilibus vel allici, vel etiam cogi? quare aut Mago-
rum malignitate hęc omnia sunt excogitata, qui
nostras passiones D E o attribuere ausi sunt; aut a-
liter homines de D E o cogitant, quā rei veritas
habeat. Hęc in illa epistola Prophyrius. Iambli-
cus autem, quem Simplicius & alij ob magnā pe-
ritiam rerum diuinarum, cum incredibili studio
& religione coniunctam, diuum prénominare so-
lent, in libro, quem De Mysterijs AEgyptiorum
scripsit, ad supradictas omnes Porphyrij dubitati-
ones respōdere conatur: sed eiusmodi sunt omnia
eius responsa, ut mihi quidem videantur esse ma-

gis ineredibilia & absurdia, maioribusque impli-
cata difficultatibus, quam illæ ipsæ, quæ propo-
tæ sunt dubitationes.

*Notabilis dñ-
bitatio.*

SE D quæret aliquis, cur Dæmones non nisi sub
certis quibusdam coeli constellationibus, & non
nisi certis quibusdā, vel lapidibus, vel herbis, vel
figuris aut alijs signis adhibitis aduocentur à Ma-
gis, nec aliter opera magica fiant? Respondeo, id
quidem facere dæmones varias ob causas. Primo
ut inducant homines in eum errorem, vt credant
esse aliquod numen & diuinitatem in stellis, eas-
que pro Deo adorent & colant. Deinde, ut simu-
lando per stellas multa maleficia, multaque incô-
moda & detrimenta inferri hominibus, infâment
eas, & exosas reddant hominibus. Præterea, quia
dæmones, cum non nisi per causas naturales ope-
rentur, animaduertunt, secundum certas aliquas
constellationes, materiam circa quam operari vo-
lunt, magis affici & præparari ad effectus illos ac-
cipiendos. Hinc fit, ut nonnunquam dæmones se-
cundum incrementa Lunæ, maximè quosdam vex-
ent, qui propterea vocantur Lunatici, quos Domi-
nus sanasse dicitur in Euangeliō Matthæi cap.4. &
13. cum enim cerebrum hominis, auctore Aristò-
tele, sit omnium corporis partium humidissimū,
ideoque maxime subijciatur potestati Lunæ, quia
magnam habet potentiam & vim cōmouendi hu-
mores, in cerebro autem perficiantur actiones in-
teriorum sensuum, hinc fit, ut dæmones secundum
incrementa Lunæ, maxime perturbent phantasiā
hominis, quia vident tunc cerebrum eius ad id
esse magis præparatum. Porrò dæmones, sicut dixit
beatus Augustinus 21. De ciuitate D E 1, cap.6. alli-
ciuntur herbis, lapidibus, animalibus, carminibus
alijs-

alijsque ceremoniis, non tanquam animalia cibis, sed vt spiritus signis, ea ratione, vt hæc illis exhibentur in signum diuini honoris, cuius illi sunt cupidissimi. De hoc vide S. Thomam primam partem, quæst. 115. art. 5.

CAPUT VI.

QVÆ OPERA ADMIRANDA POS-
*sint facere Dæmones vel per se ipsos, vel
 per Magos.*

Duo sunt hic ponenda ex sacris literis satis manifesta, vnum est, Dæmones per se ex uno loco in aliū moueri, & quidem maxima celeritate. Legimus enim in libro Job, Satan *Iob. 1. cap. 2.* Deo interroganti vnde venerit, respondisse: *circum terram & perambulauit eam,* & Dominus in Evangelio ait quendam spiritum nequam egressum ab homine quem tenebat, perambulasse per loca arida & inaquosa, & iterum assumptis alijs septem spiritibus nequioribus se, ad eundum illum hominem reuertisse: & Petrus admonet fideles vt sobrij sint *1. Cor. 5.* & vigilent quoniam aduersarius eorum diabolus, tanquam leo rugiens circuit, querens quem deuoret. Alterum quod hoc loco ponimus est dæmonē non solū posse mouere seipsum, sed etiam alia corpora, ex uno loco in aliū transferendo. Id quoque ex sacris literis certum est: Dæmones enim per peccatum non perdiderunt dona naturalia: sicut igitur Angeli naturali vi mouent orbēs cœlestes, sic Dæmones possunt mouere alia corpora: & sicut Angelus ille Prophetam Habacuch capitulo *14.* Iohannis apprehesum, ex Iudaea, Babylonem usq; transportauit, indeque reportauit in Iudeam, ita posset dæmon idē facere; quin imò id eum fecisse

Math. 4.

certum est: legimus enim diabolum, Dominum nostrum tulisse in pinnaculum templi, & in montem excelsum. Nec hoc loco disputandum est, antalis virtus motu dæmonis, sit distincta ab intellectu & voluntate eius: nam distinctam esse eisdem arbitror, licet plerique negent. Verum eius quæstionis tractatio aliena est huic loco. Nec definitio nuna quanta sit virtus motu dæmonis, vel quot corpora aut quanta mouere queat & nō amplius, id enim incognitum mortalibus puto; existimò tamen in dæmonibus superioribus maiore esse hanc vim motuam, inferioribus verò minorē: sicut enim eorum naturæ sunt vel perfectiores vel imperfectiores, ita quoque eorum potentia sunt vel fortiores vel imbecilliores. Nam quia Angelus est terminatæ speciei & definitæ naturæ & perfectionis; ideo nec potest esse ubique locorum, neque potest quantacunque velocitate quan-

Duplex actio tum libet corpus mouere. Præterea sciendum est, duplē esse dæmonum actionem, quæ à Philosophis vocatur transiens, alteram immediatā quæ immediate proficitur à dæmone, & hæc est motus localis quo mouet corpora; nam sicut intelligentiæ non per aliqua media instrumenta, sed immediatè mouent orbes cœlestes; sic dæmones immediatè possunt mouere corpora secundūm locum. Altera eorum operatio transiens, est media-ta, nempe quæ motionem localem ab ipsis factam consequitur: dæmones enim afferendo ex varijs locis & inuicem applicando causas naturales & agentia inuicem & patientia componendo, varios producūt effectus; qui effectus immediatè quidem existunt ex causis naturalibus, mediatè verò à dæmonibus qui illas causas præsentes fecerunt,

&

& materijs quę ab illis aptę sunt pati accommodarunt. His positis, quænam opera mira dæmones possint facere, demonstremus.

P R I N C I P I O, permotum localem multa possunt dæmones facere, quę fidem excedere videantur, quorum nonnulla hic subijciam exempla. Primo possunt ignem ex superiore æris parte demittere, quo multa consumant & perdant: possunt etiam immittere vehemētes & turbulentos, vētos qui magna diruant ædificia, sicut fecisse legitur aduersus Job. Cecidit (inquit scr. plur.) ignis de **Iob. L.** cælo & tactus puerosque conūmpsit: & repente ventus irruit à regione deserti, & concusit quatuor angulos domus, que corruens oprescit liberos iuos & mortui sunt. Potest dæmon grauissimas tempestates & procellas in mari excitare, vel aquas maris ab imo commouēdo, vel per concitatissimos ventos. Potest terram magnis motibus concutere, vel immittendo vehementem aliquem spiritum in cæurnas terræ, vel in illis inclusum vehementissimè agitando. Sic fortissime fieri potuit, quod narrat Philostratus de duobus dolijs, quę vidit Apollonius apud Indos, quę aperta, imbres & ventos emittebat; clausa verò eadem cohíebat atque compescabant. Secundo potest transferre ex uno loco in alium quantumuis remotum, vel homines, vel animalia, vel quævis alia corpora. Sic Diabolus **C H R I S T V M** tulit in pinnaculum templi & in montem excelsum; & historia Ecclesiastica narrat, Simonē Magum à Dæmonibus per aëra euectum esse in cœlum. In historijs etiam Gentiliū traditum est, non nunquam visos esse serpentes, dracones & homines per aëra volantes; quin etiam Albertus tradit nonnunquam boues seu vitulos pluuisse: quod hac

M a t h . 4.

ratione factum esse existimandum est. Tertio potest dæmon subito res præsentes è conspectu hominum subtrahere, atque ita reddere inuisibilis; sicut Apollonius cùm esset in conspectu Domitiani Imperatoris, repente ex oculis omnium excessit, & nisi volumus fabulam fuisse id, quod de Gyge memorat Plato & Cicero, hac etiam ratione dicemus, Gygem cum volebat, potuisse latere oculos præsentium & spectantium, idque fecisse, non vi & potestate eius annulli quem gestabat, ut illi tradunt, sed potius Dæmonum artificio. Quartò potest facere, ut statuæ vel aliæ res inanimatæ ambulent & incedant mole hominum, Dæmone illas mouente, & motum moderante: sic factum est quod ex Philostrato supra commemorauimus, de tripodib^o lapideis, & pincernis æreis qui apud Iarcham præsente Apollonio, in conuiuo per se mouebantur, & more famulorum ministrantium mensis, & pocula & fercula conuiuis suo loco & tempore præbebāt. Quinto: possunt facere, ut statuæ, arbores, animalia loquantur more humano; qua ratione fieri potuit, quod narrat Valerius Maximus lib.1.cap:vlt.de simulachro Iunonis Monetæ, quod Romani Veijs Romam transferre religionis ergò cupiebant. Cùm enim quidam militum per iocum interrogaret illud simulachrū an Romā migrare vellet; velle se respondit: qua voce audita, lusus in admiratione & religione versus est. Simulachrū etiā Fortunæ muliebris, à matronis Romanis cum æde sua consecratū, bis locutum esse, idem Valerius auctor est, his verbis; Ritè me matronæ vidistis, ritè me consecrastis. Et Caio Volumnio & Seruio Salpitio Coss. dicitur, bos humano sermone locutus; bello etiam Punico secundo

*Plato in 2. de
rep.*

*Cic. lib. 3. le:
offic.*

*Statuæ per se
incidentes.*

*Statuæ lo-
quencies more
humano.*

Eundo fertur Gneo Domitio, bouem dixisse: Cau-
 ue tibi Roma. Huc quoque pertinet quod narrat
 Philostratus, cum Apollonius esset cum Gymno-
 sophistis AEthiopum, quorum princeps erat The-
 specion, eius tacito iussu, arborem vlmum huma-
 na voce Apollonium salutauisse. Nec putandum
 est vel leonis, vel arbores, vel alias res inanimas
 modo hominum loqui posse, sed Daemonem esse
 qui sermones illos articulatos & humanis similes
 in aëre formet iuxta, vel intra illa corpora: Sic An-
 gelus qui occurrit Balaam ei mortem intentās, fe-
 cit ut eius asina loqueretur: nam etiam videmus
 esse quosdam qui per organa vel alia instrumenta
 musica, tanto artificio modificare ac temperare
 possint flatum quo illa pulsantur & resonant, ut
 voces & cantus hominum æmulari & reddere vi-
 deantur. Sextò: possunt facere ut animalia mira-
 bili quadam ratione se ipsa moueant, & quædam
 agant, quæ sine intelligentia & ratione, nec ea qui-
 dem vulgari, sed admodum solerti & prudēti mi-
 nimè fieri posse videantur: tale est quod narrat
 Valerius lib. 1. cap. 8. quod est de Miraculis, de ser-
 pente illo AEsculapij, quem Romani quasi volen-
 tem & intelligentem, & quædam rationis ac reli-
 gionis, nec non diuinitatis cuiusdam signa dantē,
 Epidauro Romam aduixerunt. huius etiā generis
 est quod narrat Philostratus lib. 5. cap. 15. de leone
 quodam mansuetissimo, qui loro, veluti canis, in
 AEgypto per vrbes ducebatur, cōtrectantib⁹ se, nō
 modò non nocens, sed etiā blandiēs; qui ad genua
 Apollonij modo suplicantium hominū humiliter *Fabula Leo-*
 se abiecit: quem aspiciens Apollonius, ad eos qui *nisi, Apollo-*
 aderāt, Hic, inquit, leo me rogat ut vos doceā he-
 minis animā illum habere: fuit enim hic quondā

Amasis Aegypti rex, quæ simul atque dixit Apollonius, leo miserabiliter fremens, lachrymabile rugitū edidit, tum dentibus infrēdens, cum plorare videretur, vbertim lachrymas fundebat. Hunc, inquit Apollonius Leonem, censeo Leontopolim mittendum, & in templo collocandū: regem enim in regiam belluam conuersum, tanquam, egenum mendicare indignum iudico. Hæc ille, quæ omnia arte magica Apollonij & opera Dæmonum facta sunt, quò facilius error Pythagoricus de transmigratione animarum humanarum in varia bestiarum genera, hominibus persuaderetur. Septimo: quod in historijs Romanorum legitur, & à nobis supra est commemoratum, Claudiam mulierem Vestalem, quò suam pudicitiā probaret, nauim ita hærentem in Tiberi, ut multi eam homines loco mouere non possent, Zona sua quo volebat, nullo labore traxisse: Et Tucciam item Vestalem, aquam Tiberi haustam, ad Capitolium usque cribro tulisse: hæc inquam, facta sunt opera Dæmonis, qui & nauim occultè promouebat, & aquā ne per cribrum dilaberetur, suspensam tenebat. Octavo: potest facere, ut subito globus aliquis igneus vel flamma appareat, vel circum aliquem fulgeat; sicut Plinius lib. 2. cap. 107. Seruio Tullio dormienti, ex capite flammarum emicuisse; & L. Martio in Hispania interemptis Scipionibus concionanti, & milites ad ultionem exhortanti, arsisse simili modo. Nono: potest aquas fluminum dirimere & eas retro pellere, ita ut flumina retro fluere videtur: quod Plinius suo tempore accidisse scribit lib. 2. cap. 103. his verbis: Amnes retro fluere, & nostra vidiæ ætas Neronis principis annis supremis, sicut in rebus eius retulimus. Decimo: potest Dæmon varia

*Amnes retro
fluentes.*

varia corpora variè formata assumere, eaque mouere, ita ut homo vel Angelus, vel leo, aut aliud quodvis animal videatur; idque facit vel ad exterritos, vel ad decipiendos homines. Legimus enim. B. Antonio dæmones in varijs animaliū formis, & quidem horribilibus ac terrificis, ad eum perterrefaciendum & à sancto proposito remouendum apparuisse. Sic accipiendum est quod scribit Valerius Maximus lib. i. cap. 8. Romanis apud lacum R̄heginum pugnantibus cum acie Tusculanorum, Castorem & Pollucem Romanarum partium propugnatores, visos hostiles copias penitus fudisse: & Publ. Vatinio noctu urbem petenti, obuios esse factos duos iuuenes, excellenti forma, albis equis insidentes, nunciātes illo ipso die Personam regem à Paulo fuisse captum: quod ita evenisse postea compertum est. Vñcedimo: potest Dæmon representare varias figuræ cuiuslibet rei, vel auri, vel gemmarum, vel dapum, vel hominum. Nā sicut factores sculptores sive ex materijs sibi subiectis, varias formas & figuræ rerum effingunt, & interdum tales, vt veræ ac naturales videantur, sicut traditur de illis vuis à Zeuxide pictis, adeo Plinius libro perfectè naturales vuas reddentibus, vt eas ab auctoribus appetitas esse dicuntur. Sic Dæmon ex aëre condensato vel alia quavis materia, cuiuslibet rei figuram effingere potest: cuius rei supra ex Philostrato exemplum posuimus, lamiæ cuiusdam quæ Menippo quem decipere volebat, maximas opes, pretiosa ornamenta, magnam copiam vini & epularum ostentabat; quæ Appollonius ostendit esse tantum inania simulachra & imagines earum rerum quæ videbantur. Duodecimo: possunt concitare & cōturbare humores, vel spiritus qui sunt

in corpore humano, disiungere etiam atq; distra-
here partium compages & connexiones, quare
grauissimos morbos & acerbissimos cruciatus ef-
ficiunt; sicut in ijs qui à Dæmonib^o torquétur, cer-
nere licet. Decimotertio: possunt etiam spiritus
animales, qui interiorum sensuum functionibus
peragendis inseruiunt, ita mouere & conformare,
vt res quasdam vel præteritas, vel præsentes, vel
futuras repræsentent: possunt etiam eosdem spiri-
tus, in quibus insunt species rerū sensibilium, ex-
trinsecus per sensus exteriores impressæ, vsque ad
ipsos sensus exteriores deuoluere, ita vt etiam qui
vigilant, videantur sibi aliquid videre, audire &
facere quod reuera non est: hoc enim videmus ac-
cidere phreneticis: quod igitur homini vi alicu-
ius morbi contingit, dubitandum non est etiam id
dæmonum artificio in homine effici posse. Deci-
moquarto: possunt dormientiū phantasmatata mo-
uere & conformare ad repræsentandum aliqua fu-
tura quæ dæmones cognoscunt esse futura, vt ita
decipient homines fidem habentes somnijs, & ex
ipsis actiones humanas vel suas, vel aliorum co-
gnoscere & dirigere velint: atque hinc quidē or-
tum duxit diuinatio per somnia, cuius diuinatio-
nis exempla sunt quamplurima apud Valeriu Mā-
ximum lib. i. & apud Ciceronem in libris de Di-
uinatione. Simili Dæmonum artificio, fidem &
veritatem inuenit apud Gentiles Augurū & Aru-
spiciū disciplina, per volatum vel garritū auium
diuinans, vel per inspectionem extorum animaliū
cæforum, vel per electionem sortium eiusmodi e-
nim rebus Dæmon se ingerit & immiscet, quò mē-
tes hominum superstitionib^o imbuat, & varijs er-
rōribus implicet. Nam quod in Romanis historijs

tra-

traditur, in Victimæ opime quam Iulius Cæsar immolauerat, extis non esse inuentum cor, & in alijs vel iecur, vel principem aliam partem corporis non esse repertam, non alia ratione quam Dæmonis occulta vi, partes illas ablatas esse credendū est. Decimoquinto: possunt Dæmones sensus exteriores immutare & seducere dupliciter, Primo extrinsecus, obijcendo sensibus varia sensibilita non vera, hoc est, non talia qualia videntur, sed solas eorum imagines & simulachra; vel intrinsecus commoviendo spiritus & humores, quorum commotione etiam sensus exteriores varie afficiuntur & turbantur, ut non recte iudicent de suis obiectis; id quod cernimus sensibus exterioribus phreneticorum accidere. Decimosexto: possunt varia passiones vel amoris vel odij, vel timoris vehementer exercitare in homine; id, facere dupliciter, vel obijcendo species rerum, quæ ad tales passiones exercandas plurimum valent; vel interius mouendophantasmata ad similes res presentandas, vel agitando & accendendo humores qui sunt harum passionum materia, nimirum vel sanguinem, vel atractam aut flauabilem. Atque haec sunt & alia horum similia quæ Dæmones per motu localem facere possunt, & interdum quidem faciunt; neque enim quæcumque possunt facere, licet eis facere, sed quantum eis per diuinam prouidentiam permisum est, habent enim potentiam à DEO restrictam & quasi ligatam, quam eis interdum laxare solet, DEVS, vel ad exercendos bonos, ut aduersus Job, vel ad puniēdos malos ut aduersus Achab & Prophetas eius, Sicut enim Dæmones, permisso DEI, ingressi in porcos, præcipitarunt eos in mare: sic homines in omnia malorum tam culpe quam poenæ gene-

Job. 1. cap. 2.

3. Reg. 22. fin.

præ 18.

genera deturbarent; si eis D E V S, quantam vel-
lent potentiae ac malitiæ suæ exercendæ potesta-
tem faceret.

PER alteram porrò actionem Dæmonum, quæ
non est motus localis eorum, sed enim consequi-
tur, hoc est, per actiones causarum naturalium,
quas Dæmones inuicem applicarunt & tempera-
runt, mira quoque Dæmones possunt efficere. Sunt
enim singulares quædam virtutes occulte & igno-
rare hominibus, sunt, in quam, in certis quibusdam
aquis, terris, succis, gemmis, lapidibus, herbis, li-
gnis, animalibus, & in ipso hominis corpore mi-
rabilium ac penè incredibilium operum effecti-
ces: quarum rerum exempla, supra tractando ter-
tiam questionem, nonnulla posuimus, sed pluri-
ma reperiuntur apud Solinum, Plinium & Alber-
tum in libris de Mineralibus & Animalibus. Hæ
virtutes quibus in rebus naturalib⁹ insint, vbi lo-
corum lateant, quibus cum rebus componi & mi-
sceri ac temperari debeant, quo tempore tempe-
stiue & opportunè ad operandum adhiberi oport-
eat, notissimum est Dæmonibus; quas etiam vn-
decunqu e & quocunque voluerint, maxima faci-
litate, celeritateque clam homines transferre pos-
sunt. Huiusmodi autem effectus, quatuor ob cau-
fas sunt hominibus, admodum mirabiles. Primo
quia sunt noui & inusitati. Secundo quia modus
quo dæmon illos molitur, est occultus & inuisi-
bilis. Tertio quia sicut homines variè temperan-
do & accōmodando res naturales possunt aliquos
effectus producere, quos nonnunquam per se cau-
ſæ naturales produxisserent, sicut patet in arborum
infestationibus, in distillationibus aquarum, in cibo-
rum & condimentorum confectionibus & in me-
di-

dicamentorum cōpositionibus; sic Dæmones, effectus aliquos singulares, per causas naturales possunt producere, quos ipsæ per se rurquam produxissent. Quarto quia ut inquit S.Thomas 3.libro aduersus Gentes, cap.103.& prima parte, quæst.110. art.2. ad 3.cūm Angeli vel dæmones adhibent causas naturales ad effectus aliquos procreandos, vertuntur eis tanquam instrumentis, non secus quām medicus utitur herbis ad sanandum; ex instrumento autem procedit effectus nō tantum virtuti eius respondens, sed etiam ea superior & præstantior, nempe respondens virtuti principalis agentis à quo mouetur ad operandum illud instrumentum; quemadmodum securis non solum secat, sed etiā facit lectum vel mensam, vel hominis statuam, ut est instrumentū hominis ex arte operantis: & calor naturalis qui est in semine, vel in animali, nō solum calefacit, rarefacit, aut segregat, sed etiam generat sanguinem carnes & ossa, in virtute animæ vel animalis cuius est instrumentum. Sic etiā causæ naturales interdum producunt effectus præstantiores suis ipsarum virtutibus, ex eo quod sunt instrumenta Angelorum vel Dæmonum à quibus mouentur & reguntur, Posset igitur Dæmon plurimos morbos arte medicinæ, quam homines callent incurabiles, magna, celeritate ac facilitate sanare: tūm quia nouit optimè omnes morborum etiam abstrusorum causas & affectiones; tūm quia scit omnia genera remediorum, & idoneam eorum applicationem; sed non omnes tamen posset sanare, quia sunt morbi aliqui simpliciter incurabiles.

DE MAGIA
CAPVT VII.

QVAS RÈS DÆMON N EC
*per Magis, nec per se ipsum possit
efficere.*

PER motum localem, qui est immediata eius operatio transiens, multa non potest facere Dæmon. Primò enim, ut inquit S. Thomas in Questionibus de Potentia, quest. 16. art. 8. Et 3. libro aduersum Gentes, cap. 108. nō potest destruere aut subuertere ipsum vniuersum; sunt enim Dæmones partes vniuersi, pars autem non habet vim atque potestatem in totum cuius est pars, & ut inquit Paulus ad Hebr. 2. *Non subducit DEUS angelis orbem terræ*. Nec possunt peruertere ordinem vniuersi, cum auctore Aristotele, bonum vniuersi sit ordo: Non possunt item perturbare, vel suis locis commouere principes partes mundi, ex quibus etas integritas coalescit. Non possunt sistere cœlum vel motū eius in contrarias partes agere. Non possunt elementum aliquod ex uno loco in alienum transferre. Non possunt facere ut detur vacuum, cum vacuum tollat coniunctionem, connexionem atque subordinationem omnium partium vniuersi, in quo eius conseruatio atque gubernatio cōficit. Dixi non posse Dæmonem eiusmodi res facere, vel simpliciter, vel secundum potentiam ordinariam eis à DEO concessam, & quam eis concedi poscit & quissima diuinæ prouidentiæ ratio. Et cum Dæmones habeant vim motuam definitam, alij quidem maiorem alij verò minorem, non possunt quantulibet corpus, quantumlibet volocitate mouere, ne dum in instanti.

Non

LIBER PRIMVS.

49

Non possunt facere ut duo corpora sint simul in eodem loco, vel unum corpus in duobus locis simul, vel ut unum penetret dimensiones alterius. Nec potest Dæmon distans à corpore, illud motiere secundum locum, quia mouēs & mobile debent esse simul: alioqui posset mouere per vacuum, & per quantamcunque distantiam. Non potest transferre corpus de extero ad extremum & non per medium.

MULTA quoque sunt, quæ per alteram actionem Dæmonum quam mediatam diximus, cuiusmodi est naturalis alteratio, corruptio, generatio rerum naturalium, non possunt à Dæmonibus effici. Non enim potest Dæmon immediatè producere ullam formam substantialem vel accidentalem; cum enim sit incorporeus, non potest immediatè alterare materiam corpoream, unde formæ naturales educuntur. Secundò, non potest aliquid creare ex nihilo, tum quia id requirit infinitā virtutem actiūam, qualē D E V S solus habet; tum quia nec motus localis Dæmonis, nec operatio quam per causas naturales exercet, in nihilo recipi, aut circa nihil versari possunt. Tertiò, non potest ex quolibet facere quodlibet. Quartò, nec per quamlibet causam vel instrumentū potest quemlibet effectum producere: sicut medicus non potest per quamlibet medicinā, quemlibet morbum sanare, nec artifex per quævis instrumenta, quodcunq; voluerit opus perficere: atque hoc est quod Augustinus cū pluribus locis docet, nec Dæmones nec Angelos esse creatorē rerum, nec posse transmutare formas rerum, nec materialē ad nutum illis obediēre. Quinto, non possunt Dæmones producere formas iubstantiales non præuijs alte-

DE MAGIA

43

alterationibus & præmissis dispositionibus. Se-
to, nec possunt eas in instanti aut quantumlibet
paruo tempore producere. Septimo, non possunt
quamlibet rem naturalem immediatè in quamli-
bet aliam transmutare, etiam adhibendo causas
naturales. Octavo, non possunt animalia perfe-
cta sine semine producere; quare si visi sunt vnquā
vel ex lapidibus & lignis producere equos vel le-
ones, vel ex nubibus pluere vitulos, non est pu-
tandum sic eos fuisse generatos, sed vel aliunde in-
uisibiliter per Dæmones illuc translatos, vel non
fuisse vera animalia, sed eorum tantum imagines
& simulachra cernētiū oculos fallentia. Nonò,
nec potest animal producere subitō secundū per-
fectam magnitudinem & virtutem eius: denique
quod superat vires agentium naturalium, quodq;
naturali eorum dispositioni & ordini repugnat, &
ad quod virtus agentium naturalium nullo modo
so extendit, id fieri à Dæmone nequaquam potest.
Decimo, non potest peruertere atque immutare
ordinem qui est inter formas & dispositiones re-
rum naturalium, vt possit posteriores inducere
non inductis prioribus, aut extremas non inductis
medijs. Undecimo non potest mortuos ad vitam
reuocare propter causam supradictam. Duodeci-
mo, non potest impedire ne agens naturale habēs
omnia requisita ad agendum, non agat. Disputari
posset hoc loco an vlla res naturalis habere pos-
sit vim in Dæmones, expellendo eos, vel etiam a-
ctiones impediendo, propter id quod dicitur in li-
bro Tobiæ, cap. 6. & 8. de iecore cuiusdā piscis cu-
ius fumo fugabantur Dæmones in perpetuum, &
de melodia Dauidis qua expellebatur spiritus ma-
lus à Saule. Vide 1. Reg. cap. 16. & 4. Regum, cap. 3.

Lyræ

Lyranum & Burgensem super primū Regum, cap. 16. & ibidem Tostatum quæst. 40. Vide Iosephum octauo Antiquitatum de radice Salomonis, cuius odoratu Dæmō exibat per nares eius hominis quæ tenebat. Verum hac de re nostrum lector disputationem & sententiam reperiet in alio libro qui hunc proxime sequitur, & in quo eam quæstionē tractamus explanātes illa verba quæ sunt in Cantico trium puerorum : *Benedicite cete & omnia quæ conueniuntur in aquis, Domino.*

CAPVT VIII.

AN OPERA MAGORVM SINT VERA miracula, & quomodo à veris miraculis differant ac dignoscantur.

AD MIRANDA Magorum opera non solum Ethnici, sed etiam nostri Theologi interdum vocant miracula, vel quia verorū miraculorum sunt simillima; vel estimatione hominum, quod ea ipse nec facere, nec quemadmodum facta sint intelligere possunt, non naturæ, sed diuinitatis opéra existimantium. Et sanè nonnulla faciunt Magi in speciem non dissimilia eorum quæ faciunt sancti: namque Magi Pharaonis similiter ut Moses, & virgas suas verterunt in serpentes, & aquam mutarunt in sanguinem; & magnam ranarum vim subito produxerunt. Sanant interdū Magi ægrotos, & Demones ex corporibus hominū ejiciunt. Nec tamen hæc operum similitudo facit ut Magorum opera vera sint miracula; alioquin miraculum non esset idoneum declarandæ probadæque Deitatis atque veritatis argumētum; quare ratio fidei & doctrinæ Christianæ quæ miraculis

Dicitur ad hoc etiam

tanquā vēris diuinæ potentię sigillis obsignatur,
& quasi quibusdam fulcris quodammodo sustine-
tur, omnino periret. Docere igitur conuenit hoc
loco, cur eiusmodi Magorum facta non sint mira-
cula, & quibus rebus differant, quibusue notis at-
que insignibus à veris miraculis internoscantur.

Quid sit mira-
culum.

TRIPPLICITER igitur potest intelligi ali-
quid esse miraculū. Primò simpliciter & absolu-
tè, nempe comparatione cuiuslibet nāturæ; hac si-
gnificatione, nullum planè est miraculum : nihil
enim est, quod diuinæ & potentię & sapientię com-
paratione, miraculū dici queat. Nā miraculū ali-
cui dicitur, quod eius & facultatē & intelligentiā
excedit : DE vs autē nihil est quod admirari pos-
sit, quippe cum & causas omniū quæ sunt, optimè
nouerit, & ipse princeps causa sit efficiēdi omnia.
Nam qui per ludum & iocum (vt est in Prōverbijs
Salomonis) ex nihilo mundū condidit, quid ei ma-
gnum, ne dum miraculum esse queat ? cum vt est
apud Esaiam cap. 40. & in libro Sapientiæ, cap. 9.
Omnes gentes totusq; terrarum orbis apud ipsum
sit tanquā gutta roris antelucani, & quasi puluis,
& tanquam inane & nihil. Deinde potest appella-
ri miraculum respectu hominum, qui, quæ sunt
ipsis inusitata, & quorum causas ignorant, quoniā
ea maximè admirantur, dicunt miracula : qua rati-
one non modò Dēmonum & Magorum, sed etiam
sapientum hominum inuenta quedam noua, &
artificiosa opera, qualia fuerunt illa Architę & Arc-
himedis, quæ supra commemorauimus, miracula
nominantur. Sed verè ac propriè miraculum di-
citur opus, quod ideo verè ac meritò mirandū est,
quia omnis naturæ crætare vim atque potestatem
excedit. Hoc autem multis modis potest euenire;

nam-

Proverb. 8.

namque excessus naturæ creatæ, vel est in eo quod *Tres gradus* fit, quale nullo modo natura potest facere; cuiusmodi est, ut duo corpora simul sint in eodem loco, & se permeent, vel ut corpus humanum euadat immortale, impassibile & gloriosum: atque haec tenent primum locum & gradum in miraculis. Vel excessus est non in eo quod fit, sed in eo vel ex quo vel in quo res fit, potest enim natura producere aurum vel arborem, sed non ex nihilo; potest dare vitam, sed non mortuo; potest item facultatem vivendi largiri, sed non nato cæco & haec secundum locum in miraculis tenent. Vel excessus nec est in eo quod fit, nec in eo ex quo aut in quo fit, sed vel in modo: vel in ordine, vel in alia quamquam circumstantia, alijsue rebus cum quibus omnibus naturaliter opus illud fit; Exempli causa, potest medicus sanare ægrotum, verum non subito, nec absq; medicina: potest Magus vel Dæmon, vel etiam natura ex ligno producere serpentem, verum non immediate: atque hic est infimus miraculorum gradus & locus. Sed quia haec breuiter diximus, reveror ne obicure dicta sint; quare quod melius intelligentur, latius explicabuntur. Dæmonum & Magorum miracula non vera, differunt à veris miraculis, quæ in scripturis & historijs Ecclesiasticis, à seruis DEI facta legimus, his quinque modis; Dignitate virtutis efficientis, Qualitate eorum qui faciunt, Diuersitate factorum, Modo faciendi, & Fine cuius gratia fiunt vera miracula, cum (ut supra diximus) omis naturæ creatæ vim exuperent, solidus DEI potestate possunt effici: nam quamvis per Angelos vel seruos DEI fieri videantur; illi tamē non agunt virtute sua, sed Dei cuius sunt administrari & tamen quam instrumenta. Magi autem opera sua faciunt,

*Quinque dif-
ferentiae ve-
rorum mira-
culorum à fal-
sis & simula-
tis.*

vel virtute quarundam rerum naturalium quibus
vtuntur occulte; vel opera Dæmonum, qui clām
Magis auxiliantur. Vera miracula licet interdum
faciant etiam homines mali; raro tamen, nec nisi
ad confirmationē veritatis, & diuinæ virtutis de-
clarationē: fere autē magi homines sunt flagitosi
& malefici, quos proinde diuinis humanisq; legi-
bus consulere & adire prohibemur. Quæ faciunt
Magi, vel sunt tantum phantastica & simulata, &
ideo nec diuturna; vel sunt perniciosa, vel inuti-
lia: vera autē miracula, sunt opera solidā & vera,
vtilissima hominibus, & nō nisi magna aliqua ne-
cessitate & vtilitate facta. Magi, opera sua faci-
unt, vel per causas naturales, vel ope Dæmonum,
vtuntur multis præstigijs, mendacijs, ludificatio-
nibus hominum, figuris, characteribus, verbis vel
nihil, vel absurdā significantibus, alijsque super-
stitionis ceremonijs; miscentque sacra profanis:
namque nonnulla verba sacra usurpant, adiunctis
superstitionibus foedant & contaminant. Docent
enim ea dici debere sub certo quodam constella-
tionum sitū, certoque loco & tempore, toties si-
gno crucis facto, tot candelis accensis adhibitis,
vel filis, aut velis, aut chartis, quas vel pueri vel
virgines tantum tetigerint: adhibent etiam quæ-
dam, quę nihil prorsus ad effectum producendum
pertinent, sed ridiculam habent vanitatem. di-
cunt enim oportere tali hora & toties, & tali aqua
lauare faciem, radere capillos; hac, vel illa veste
indui. Sed, quod impietatis plenissimum est, san-
guinem ex humano corpore mittunt, eoque liba-
mina quædam consecrant, nomina quorundā dæ-
monum usurpant, quibusdam animalibus famili-
ariter vtuntur, & cum eis colloquuntur, Dæmoni-
bus

bus sacrificant, nomen & fidem C H R I S T I abiu-
rant, prohibent homines signare se signo crucis,
& alia faciunt partim superstitione, partim ridicu-
la, partim penitus execranda. Nihil tale sancti fa-
ciunt edendis miraculis, sed vel interiore vel etiam
exteriori supplicatione & inuocatione diuinæ
virtutis, vel facto signo crucis, vel aliquibus ver-
bis sacris recitatis, miracula operantur. Ad extre-
num, cur vel Dæmones vel magi faciant illa sua
miracula, non est obscurum; nimirum vel lucri,
vel glorie & honoris cupiditate, sibi diuinum no-
men & cultum aucupantes; vel ut veritatem por-
uerant & falsitatem hominibus persuadeant; vel
ad patranda maleficia, veluti furta, adulteria, ho-
micidia. Sancti autem faciunt miracula, non sua
causa, cum & diuitias contemnant, & honores fu-
giant; sed ut DE V M honorent, Ecclesiam ædifi-
cent, hominesque non solum corpore, sed multo
etiam magis animo iuuent. Qui igitur sanæ men-
tis est, & studiosus veritatis amatorque virtutis,
non erit ei difficile vera miracula à falsis discer-
nere: qui autem flagitosè viuit, & C H R I S T I
doctrinam odit, nec studio veritatis, sed vanæ cu-
riositatis cupiditate miracula quærat; is iusto D E I
iudicio permittitur, ut quia veritati consentire &
acquiescere noluit, circumueniatur mendacijs &
falsis miraculis persuasus, peruersam doctrinam
falsaque dogmata, pijs verisque repudiatis, ample-
ctatur. Hoc est enim quod docuit beatus Paulus
in 2. epist. ad Thessal. cap. 2. præmonens ventu-
rum Satanam vel antichristum in omni virtute, in
omni seductione iniquitatis; non quidem omni-
bus, sed i s qui charitatem veritatis non recepe-
runt, ut salvi fierent. his enim mittet D E V S ope-

rationem erroris vt credant mendacio, & iudicentur omnes qui non crediderunt veritati, sed consenserunt iniquitati.

CAPVT IX.

QVOTVPLEX SIT MAGIA.

VARIAS Magiæ species, ne hanc artem in totum vel commendemus, vel damnandā execrandamq; existimemus, & ne hoc institutæ tractationi desit, vel tantum indicare conuenit. Ac primò, quam alij Magiæ varietatam truderint, ostendamus. Plinius lib. 30. cap. 2. complures Magiæ species ab Osthane principe eius artis doctore traditas esse commemorat. Namqne, ait, & ex aqua, & ex sphæris, & ex aëre, & stellis, & lucernis ac peluibus, securibusq; & multis alijs modis, diuina promittit: præterea umbram, inferorumque colloquia. Hæc ibi Plinius. Sed Iamblicus in libro suo de Mysterijs AEgyptiorum, & Proclus in libro de Sacrificio & Magia, & Prophyrius in libro de Sacrificijs duplarem faciunt Magiam, sicut, etiam ex Prophyrij doctrina refert beatus Augustinus lib. 10. de Ciuitate D E 1, cap. 9. Alteram vocant Theurgiam, nempe bonam & laudabilem, qua certis quibusdam hostijs & sacrificijs, munditia quadam animæ & corporis, alijsq; sacris cæremonijs, bonos ac beneficos dæmones inuocant, quorum afflatu & auxilio, & occulta manifestant & futura prænunciant, & mira edunt opera, quæ prædicti scriptores miris laudibus in cœlum efferrunt. Alteram appellant Goëtiam, & Necromantiam quæ mortuos excitat & consulit, & per eos responia de rebus occultis vel futuris reddit. Dicitur Goëtia a planctu, quo circa mortuorum se-

pulchra

*Variae species
Magia.*

pulchra eorum animæ ex inferis euocatur: Necromatia vero, quia sit diuinatio ex mortuis euocatis petita. Suidas autem distinguit Magiam, quam ait Persaruni esse inuentum, in Goëtiam, Magiam proprie dictam, & Pharmatiam. Magia, inquit, est invocatio Dæmonū, scilicet benificorum ad aliquod bonum conficiendum; cuiusmodi Apollonij Tyanei prædictiones fuerunt. Goëtia fit per coactiōnem & invocationem mortuorum; sic enim dicta est à planctu qui fit circa sepulchrum. Pharmatia vero fit, cum aliquid porrigitur alicui sumendum ore, quod mortem ei fit allaturum; vel vehementes alias perturbationes & mutationes, aut corporis aut animi in eo fit effecturum, certis incantamentis præparatum. Hæc Suidas.

NOBIS autem omnes Magiæ species hac ratione & ordine distingui posse videntur. Magia, alia est Naturalis, quæ per res naturales singulari quorundam hominum artificio adhibitas mira facit: Altera est non naturalis, quæ Dæmonum invocatiōne & ope vtitur ad operandum. Hæc in Theurgiam & Goëtiam & Necromentiam, de quibus paulò ante diximus, rectè diuiditur. Nam si quæ sunt aliæ, ad has species commodè reuocantur. Illa, quam naturale diximus, partim est physica cui nomine medicinam etiā complectimur, quæ circa occultas rerum naturalium virtutes, rerum mirabilium effectrices, versetur; partim est Mathematica; cui excellēti peritia, quam mira fecerint Architas & Archimedes, supra cōmemoraūim⁹. Rursus Magia tā naturalis, quam nō naturalis, bipartitò diuiditur: altera enim habet veros & naturales effect⁹; altra simulatos tantū, nec tales reuera quales vidē-

etur: hanc vno vocabulo Præstigiatricē appellam⁹,
suis enim præstigijs adeo præstringit & eludit sensus humanos, vt faciat videre quæ non sunt, & nō
videre quæ sunt; idque vel interuentu & admi-
niculo Dæmonum, vel operatione naturalium a-
gentium, vel incredibili tractu atque agitatione
manuum. Itaque qui edit panem, videtur farinam
spuere: qui vinum bibit, per frontem aut iugulū
id reiçere; videntur gladij vorari; ingens vis euo-
mi acuum' minorum, & zonularum, quarum re-
rū circulatores miri sunt artifices. Hęc diuiditur in
Opticam, & Pharmaticam: illa, manuum, digito-
rum aliarumque partium corporis incredibili agi-
litate & motione, defixum in res obtutum specta-
tum frustratur, hęc collyrijs, suffumigationibus,
alligationibus, potionibusque sensus interiores
& exteriores ita perturbat, vt secus quam reuera
est, iudicent de sensibilibus exterioribus. Utitur
etiam illa prior laminibus, annulis, imaginib-
us, speculis vario situ varioqne modo positis &
transpositis.

M A G I A porrò Naturali, quidam duas a-
llias species adiungunt, alteram vocant Astrono-
micam, alteram Cabalisticam, quæ an sint meræ
nugæ & quorundam hominum commenta, an re-
uera aliquid solidi habeant & præstent, nunc pau-
cis dijudicandum est. Astronomicam appellans,
quæ certas quasdam imagines & figuræ, annulos,
sigilla, statuas & alia quædam horum similia fa-
bricatur, in quibus, eius cultores & defensores af-
firmant, cœlestium corporum virtutes & influxus
recipi, receptosq; miros effectus præstare. Sed hęc
vana sunt, nec modò à christiana veritate, et pieta-
te, sed etiam à philosophica ratione & disciplina
longè

Contra Magi-
ans Astrono-
micos.

Jōgē remota. Virtus enim celestis per se vniuersalis est & indeterminata ad hunc vel aliū quēlibet effectum producendū; determinatur autē per causas naturales particulares: Illę autē imagines & figuræ astronomicæ, non sunt causæ naturales, nec habēt vim, aut efficiendi quipiam, aut præparandi materiam ad hunc vel illum effectum recipiendum. Deinde cœlum naturaliter operatur; illæ autem imagines sunt ingenio & artificio hominū inuentæ, & pro eorum arbitrio adhibitæ; non igitur per illas, virtus cœlestis modificari aut determinari potest. Postea, lignum quoquen modo figuretur, nō potest in se recipere immediatè formam equi vel leonis; nec vitrum aut aurum formam plantæ: multo igitur minus huiusmodi materiæ, propterea quod ab ipsis Astronomis variè figurentur, idoneæ habilesque reddentur ad certas quasdam virtutes siderum recipiendas. & ad aliquos mirabiles effectus producendos. Adhæc, quæ est naturalis conuenientia illarum Astronomicarum imaginū cum cœlo? neque enim est vel secundum figuram, vel secundū naturam vel motum vel qualitates; quomodo igitur res naturales sine ipsis figuris non sunt idoneæ ad diuinos illos siderum influxus accipiendos, signatæ autem & adornatæ istis imaginibus, statim fiunt idoneæ? His aceedit, quod insignia visu effectuq; sidera, si Mathematicis demonstrationibus credimus, ampliora sunt quam vniuersa terra; quomodo igitur influxus illorum ad vnam imagunculam astronomiæ restringitur. vt non etiam per alias res quam plurimas tali figura carentes diffundatur? Nullus igitur nouus effectus ab huiusmodi Magia astronomica proficiscitur; & si quis forte cernit alii-

quando, is non earum imaginum aut siderum potentia, sed occulta dæmonum opera, quò eiusmodi fraudibus mortales circumueniant, proficiuntur.

CAPVT X.

DE MAGIA CABALISTICA.

SE D venio ad Cabalisticam, quam philosophi quidam Iudæorum, & de nostris nonnulli vanitatis magis quam veritatis studiosi, & res curiosas atque inauditas quam veras & solidas discendi audiores, affirmant scientiam esse Mosi primùm à DEO in monte Syna traditā; deinde nō quidem literarū monumentis, sed ore tenus à prioribus, per quandam veluti manuum traditionē, & receptionē posteris traditam, adhuc fuisse conservatam: ideoque dictam esse Cabala, quod verbum Hebraicè idē sonat quod Latinè recipio; nimirū eam posteriores à prioribus ore tenus auditione accipiebant, & animo memoriaque custodiebant: qua etiam ratione ferunt veteres, disciplinam Pythagoricam multis sæculis esse conservatam. Complectitur autem hæc Magia Cabalistica vniuersam Philosophiam, diuinam & humanā, nec non & naturalem: omniumq; rerum doctrinam mysticè ac symbolicè continet; non eā more aliarum humanarum disciplinarum, rationibus & argumentis disputationibusq; tractans, sed numeris, figuris, ac Symbolis: itaque in ea singulæ litteræ, figuræ, nomina, elemēta, apices, linea, puncta, accentus, spiritus, & si quid aliud est minutius, profundissimam quandam & abditissimam ingentiū rerum significatricem doctrinam habent. Hanc Magiam qui bene teneat, eum nihil non pollere aiunt.

aut, omni scire epræscire, naturæ imperare, cunctasque res ei obedire; hac Mosen prodigia illa fecisse in AEgypto & in deserto; hac Iosue, Eliam, Elisæum, Isaiam, Danielem, Samuelem tot tantaque fecisse miracula. Dicunt enim, nomina quæ DE vs per Adamum cunctis rebus secundum suas cuiusque rei proprietates imposuit, fuisse Hebraica, quibus rerum omnium substantiæ, qualites & proprietates exprimantur: quocirca his noninibus naturales res appellanti, confessim res omnes se illi subiiciunt, & eius obsequio se totas addicunt, Huius amentiæ expers non fuit VViclef, qui vt memorat Thomas VValdensis in opere suo de Sacramentalibus, dixit, in statu innocentiæ Adam imposuisse nomina animalibus secundum naturales eorum proprietates; quibus nominibus appellata ab homine, statim ei obediuerint, eiusq; omni iussa fecissent: & huius rei reliquas remanere in exorcistis & incantatoribus, & ad id magnam vim habere voces hebræas. Cuius sententia doctam copiosamque refutationem lege apud ipsum VValdensem.

*Exod. 7. 6
seq.*

Gen. 2-

VERVM adeo est ineruditæ, infusa & ridicula hæc Cabalistarum opinio, vt nihil æquè mirum sit quam vlli hominum sanæ mentis aliquando eam probari & persuaderi potuisse, sed ita est profecto, sunt ingeniorum similiter ut hominum monstra quædam, & portenta è quibus eiusmodi opinionum commenta & deliramenta proficiuntur. Principio, nonné incredibile est, Sollem & Lunam & cætera astra, elementa item & stirpes cum ratione careant, diuinam vim que latet in vocibus hebræis sentire, eaque sic affici & permoueri, vt homini pro eius arbitrio pareat?

*Refellitur
cabalistis
ars.*

Sed

Sed esto, nouerint illam vim, vel omnes res naturales, vel certè animantes aut homines; num ideo eiusmodi nominū appellatione eas continuò moueri necesse est? Si quis mihi proponeret nomen, totam meam substantiam omnesque proprietates perfectissimè declarans, num eo nomine appellatus ab illo, cogerer eius imperio obsequi & quæcunque ille vellet, facere? Si reconditissimam illam vim & efficaciam vocum hebræarum quam iactant Cabalistæ, paucissimi hominum intelligunt, nec nisi qui illa eadē ante sunt iniciati, quomodo eam agnoscent & sentient bruta, ceteraque non ratione modò sed etiam sensu carentia? Cur tribuunt tantam vim vocibus & characteribus hebrææ linguæ, quam omnium vetustissimā & primam ferunt, cum certè constet alios esse characteres hæbræos qui nunc extant, quam qui olim fuerant ante captiuitatem Babylonicā? quod beatus Hieronymus in prologo galeato affirmit scribit. Certum, inquit, est, Esdras post captam Hierosolymam, & restorationem templi sub Zorobabele, alias literas reperisse, quibus nunc utimur, cum ad illud usque tempus ijdem Samaritanorum & Hebræorum characteres fuerant. Nec verum est, in lingua hebræa reperiri voces quæ omnium rerum naturas, infimasque differentias & proprietates exprimat; nec in declarandis rebus vberior est aut significantior hebræa lingua quam græca vel latina: nec ullum est nomen in illa lingua, quod simul alicuius rei & substantiam & differentias atque proprietates tam genericas quam specificas atque individuales aperiatur: nec in vocibus hebræis per se sumptis, plura maiora velatent mysteria, quam vel in Græcis vel in Latinis. Legimus

in scriptura, quomodo Moses & Aaron per virgam *Iosua. 10.*
 eis à Deo traditam plurima maximaque fecerint
 prodigia. Legimus Iosue retinuisse cursum Solis
 & Lunæ, cum dixisset: *Sol contra Gab:on ne mouearis,*
& luna contra vallem A:alon. Steti que sol in medio cœlis
& non festinavit occumbere spacio unius diei. Nec fuit an-
 teas & postea tam longæ dies, obidens e Domino voci ham-
nus & pugnante pro Israël. Narrantur etiam Samuelis,
 Eliæ, Elisei & Danielis miracula, nec tamen us-
 quam de istis Cabalisticis mysterijs nulla mentio
 aut verbum fit; si tanta est Cabalistica Magia vis
 & potestas, ut cœlis imperet, solem sistere aut re-
 trocedere cogat, maria diuidat, flumina siccet, to-
 tamque naturam commutet, & sibi ad nutum obe-
 dire faciat, cur isti sapientes Cabalistæ, eius artis
 pertiissimi, talia nunquam patrarunt, vel etiam
 nunc patrare possunt? Certè Philosophi Iudeorum
 qui sibi hanc sapientiam arrogant, si quid ea pol-
 lerent, ad excutiendum iugum durissimæ seruitu-
 ris, quo miseri iam mille & quingentis annis op-
 pressi tenentur, ut debuissent.

CAPVT XI.

DE NECROMANTIA.

DE Necromantia non nihil dicamus, ut qua-
 lis quantaué sit eius vis, vel potius fraus &
 fallacia, ostendamus. Necromantici pro-
 fitentur se animas mortuorum euocare posse ex
 ijsque cognoscere multa quæ sunt occultissima,
 vel etiam futura; animas autem mortuorum, præ-
 sertim eorum qui flagitosè vixerunt, aut violen-
 ta morte de vita deturbati sunt, Magis eas inuocá-
 tibus adesse, respondere, multaque manifestare,
 docet

Prophyrius de renocatione animalium et animarum ex inferis: docet Porphyrinus lib. 2. De Abstinentia animalium. nam cum de prauis & fallacibus dæmonibus dixisset, mox subdit hæc de animalibus: Tales, inquit, sunt & animæ mortuorum, quæ vitijs oppletæ è corpore migrarunt; conflictantur enim etiam tūc, iræ & cōcupiscentiæ perturbationib⁹, & in naturam conuersæ dæmonum, similes illorum reduntur, noxiæ ac turbulentæ; in varias se vertunt formas, ac modò conspicuas se oculis præbent, modò recōdunt, & ita eludunt aciem tum intuentium, tum etiam cogitantium. Et quodam alio loco: Praua, inquit, anima quæ corpus suum violenter reliquit, expoliata ad hoc ipsum deinde se admouet, ibiisque moras trahit. Vnde nonnunquāvis sunt animæ lamentari: nam animæ carentium sepultura, circa corpora immorantur, quibus malefici sæpius abuntuntur ad ministerium suum explendum, compellentes animas à positione corporis vel partis cuiusdam assumptione. Quocirca qui vaticinantum animalium insinuari sibi animas optant, præcipua illorum membra deglutientes, veluti ceruorum vel talparum, vel aliorum accipiunt. & ita præsentem sibi faciunt animam, DEI ritu vaticinantem: talis enim anima vnà cum sui corporis integra sumptione, in corpus humanum se penitus ingerit. Hæc Porphyrius.

In fuerit versus Samuel qui per Phyzonissam representatus est Sauli.

MAGNAM sanè huic arti fidem facere videatur, quod legitur primi libri Regum, capite vigesimo octavo Pythonissam rogatu regis Saulis, excisionissam representatum. tasse à mortuis animā Samuelis, fecisseq; ut Sauli de euentu impendentis belli consulenti, quæ mox ei euentura erant prænunciaret. Et quidem beatus Augustinus libro 2. ad quæstiones Simpliciani, respon-

pondens ad tertiam quæstionem, & in libro de o-
cto Dulcitijs quæstionibus, quæstione sexta dispu-
tat in vtramque partē, an fuerit ille verus Samuel,
an potius Dæmon specie & figura Samuelis; pro-
pensionior tamen est ad c̄redendum, illum non fuisse
verum Samuelem, sed eius imaginem & simula-
chrum, arte diabolica formatum, & aspectui Sau-
lis præsentatum: appellari autem in scriptura Sa-
muel, quòd illum habitu, specie & authoritate
repræsentaret. Non enim raro tum in communi
hominum loquendi consuetudine, tum in sacris
literis rerum imagines & simulachra, nominibus
ipsarum rerum appellantur. Hoc idem citra du-
bitationem ullam traditur in libro secundo de Mi-
rabilibus sacræ scripturæ, cap. 2. & in libro Quæ-
stionum veteris & noui Testamenti quæst. 27. qui
libri, nomine beati Augustini in eius Opere ibus
numerantur. Tertullianus in libro De Anima,
nō solūm hoc probat, sed contrariam sententiam
omnino improbat: nam loquens de Samuele, hæc
scribit: Ecce hodie eiusdem Simonis hæreticōs
tanta præsumptio artis magicæ extollit, ut etiam
Prophetarum animas ab inferis mouere se spon-
deant: & credo, quia mendacio possunt; nec enim
Pythonico tunc spiritui minus licuit animam Sa-
muelis effingere, post DEVM mortuos consulen-
te Saule. Absit autem ut animā cuiusquam sancti,
nedum Prophetæ, à dæmonio credamus extractā,
certi quod ipse Satan transfiguretur in angelū 2. cor. II.
lucis, nedum in hominem lucis, etiā Deum se af-
seueraturus, signaque portentosiora editurus, ad
euertendos, si fieri possit, electos. Hæc Tertulli-
anus. Quibus verbis alijsque proximè consequen-
tibus aperte docet non fuisse illū verū Samuelē.

S. Tho-

S. Thomas prima parte quæst. 89. art. 3. & secunda secundæ quæst. 95. art. 5. ad 2. & quæst. 174. artic. 5. ad 4. dubitanter de hoc loquitur, secutus nimirum Augustinum: idemq; fit in Decretis 25. Quæstione 5. cap. Nec mirum. Sed ut Lyrano & Tostato & ni fallor etiā B. Augustino, lib. De cura pro mortuis agenda, cap. 15. Sic etiam mihi probabilius est, immò certum est, fuisse veram animā Samuelis quæ Sauli apparuit, exercente quidem Pythonissa artem suam magicam, sed non eius artis vi & potentia, sed D E i imperio ab inferis excitata, quæ dispensatione diuina Pythonissam & Saulum latēte, ostendit se aspectibus iniqui regis, diuina eum sententia percussura; vt impius rex, quæ post mortem supplicia suæ impietati debita passurus erat, iam tum acerbissimō doloris sensu prægustaret. Nec ad hoc probandum aut persuadendum opus est testimonijs vel argumentis, cum id in sacra Scriptura perspicuè traditum sit. Nam in libro Ecclesiastici, cap. 46. sic est: *Et post hoc dormiuit Samuel, & notum fecit regi, & ostendit illi finem vite sue, & exalauit vocem illius de terra in prophetia, delere impiatum gentis.* Et sanè B. Augustinus libro illo De cura pro mortuis agenda, & S. Thomas secunda secundæ non obscurè significant, si liber Ecclesiastici tanquam sacer & canonicus recipiatur, necessariò sentiendum esse, verum Samuelem apparuisse Sauli. Loquuntur autem illi conditionaliter de auctoritate libri Ecclesiastici, nō quod non eum pro sacro & canonico haberent; sed quia nec Hebræi eum recipiunt & reponunt in libros Canonicos, & quidam Catholicorum olim, de eius auctoritate dubitarunt. Quare nobis vt de eius libri fide & auctoritate, sic nec de vero Samuele Sauli

Sauli post mortem prophetante , dubitare licet.
 Nec obstat huic sententiæ , quod ille Samuel dixisse legitur Sauli : *cras tu & filij tui mecum eritis;* cùm certum sit diueritas esse sedes post mortem , bonorum & impiorum , & in Euangelio legatur Abram dixisse illi epuloni , inter se , & ipsum , maximum & intransibile chaos intercedere : hoc inquam , non obstat . Nam illa verba Samuelis , ut bene interpretatur S Augustinus respondens ad tertiam questionem Simpliciani ; non ad æqualitatē foelicitatis , sed ad similem conditionem mortis referri debent : vt sit sensus ; Cras & non amplius eris inter viuos , sed inter mortuos , inter quos ego sum , quin etiam & tunc , & usque ad C H R I S T I Domini resurrectionem , omnes tam boni quam mali , apud inferos , licet sedibus disclusi , detinebuntur.

S E D redeo ad Necromantiam , quæ olim multis locis & apud multas gentes celebratissima fuit . Osthanes apud Plinium lib 30. cap. 2. huius artis nobilissimus professor , promittebat quorumlibet mortuorum excitationes & colloquia cum viuis : & sanè maioris est admirationis , quod extremo illo capite subdit Plinius : Adole sc̄entibus nobis , inquit , visus Apion grammaticæ artis , prodit Cynocephaliam herbam , quæ in AEgypto vocaretur Olyrites , diuinam non in viuos modò , sed etiam in mortuos habere potentiam , eaq; se euocasse umbras ad percunctandum Homerum qua patria quibusque parentibus genitus esset . Cicus Asculanus in commentarijs quos in sphæram edit , nominat librum qui olim extabat , & inscribebatur S C R I P T V R A C H A M ; opus magicæ ac maleficæ impietatis plenū , continens elementa

& praxim Necromantiæ. Tertullianus lib. De Anima, vbi de inferis & defunctorum euocatione differit: Publica, inquit, iam literatura est, quæ animas etiam iusta ætate sopitas, etiā proba morte disiunctas, & prompta humatione dispunctas, euocaturam se ab inferorum incolatu pollicetur. Fuerunt quondam multa apud varias gentes loca, Necromantiæ vsu nobilitata, vbi & à defunctis oracula & responsa petebantur. Homerus lib. II. Odysseæ Cymmericum oraculum ad Auernum Campaniæ lacum celebrat, quo Vlysses concessit, ut Thyresiam de reliquo itinere suo consulteret, cuius etiam meminit Strabo libro quinto Geographiæ. Tesprotium in Epiro Orpheus celebre fecit, in eo manes cantu permulcendo, & Euridicæ coniugi ad superos redditum impetrasse creditum fuit. Vnde Virgilius libro sexto AEneidos:

*Sipotuit manes accersere coniugis Orpheus,
Treijcia fretus cythara fidusque canoris.*

Apud Lucanum Erictone venefica Theffala mortuum euocat, qui Sex. Pompeio exitum Pharsalicae pugnæ denunciet. Phigaria Arcadiæ ciuitas, habuit huiusmodi Necromantas, à quibus occultæ & futura sciscitari usitatum fuit. B. Augustinus lib. 9. de ciuitate DEI, cap. II. citat Apuleium affirmantem animas hominū dæmones esse; & ex hominibꝫ fieri lares, si meriti boni sunt; Lemures autē aut laruas, si mali; qui nullis bonis sedibꝫ in terra vagatione puniuntur, inane terriculā amentum bonis hominibꝫ, cætrum noxium malis. Cum verò incertum est quæ cuiq; sortitio obuenerit, vtrum lar sit an larua, manes deos nominant, & fanis atque cæremonijs vulgo admittuntur, vt oracula reddat, vt in Boæotia Amphiaraus, in Africa Mopsus,

in

in AEgypto Osiris, aliis alibi gentium, AEsculapius vbiq;. Hæc ex Apuleio: quem ibi August. verè grauiterque refellit. Et apud Tertullianū in libro De Anima sic habes; Nosomanas propria oracula, apud parentum sepulchra mansitādo captare, Eraclides scribit. Celtas apud virorum fortium bustā, eādem de causa ab nocte, Nicander affirmat-

VERVM has omnes mortuorum, quæ arte Necromantica fiunt, apparitiones, vanas & fallaces esse, non est dubitandum: plerasque enim ab ipsis Necromantis alijsue fictas esse compertum est. Si quæ autem reuera contigerunt, in his existimandum est, non animas defunctorum apparuisse viuis, sed ipsos Dæmones tales se ostendisse Necromantis, vel eos consilientibus, tales, inquā, habitu, specie, ætate, voce & affectu, quales fuerant olim mortui, cum inter viuos versarentur. Hanc ego opinionem ut proculdubio veram putem, rationibus testimonijsque & experimentis adducor. Ratio nec obscura nec sanè infirma sit ea, qua S. Thomas prima parte quest. 117. 4. art. hoc ipsum confirmat. Non potest, inquit, anima separata, naturali virtute sua, mouere aliquod corpus: cum enim sit naturalis forma humani corporis, non habet vim mouendi secundum locum, nisi corpus quod informat & viuificat: nam etiā cum est vnta corpori, si sit aliquod membrum mortificatum, non obedit animæ ad motū localem. Quare animæ defunctorum, nec assumere corpora, nec cum illis ad viuos venire possunt. Deinde, Necromatæ non habent vim & imperium in animas defunctorum quæ sunt in cœlo, nec quæ sunt in Purgatorio; nō enim conuenit aut decet animas sanctorū, impijs

*Confutatur
Necromatia.*

*Argumenta-
tio beati Tho-
me contra
Necromantia.*

Necromantarum artibus subiacere : neque in animas quæ sunt in inferno; nā cum illuc sint à D E O tanquam in carcerem detrusæ, vt æternas scelerū suorum pœnas luant nulla inde vi possunt effterri, nec nisi D E I mandato egredi : non est autem credibile, D E V M id concessurum Necromantis, per quos Dæmon satagit mortales decipere, & à veri D E I cultu auertere : sic enim D E V S artem Necromantiam & per se infamem, & toties à se in sacris literis reprobatam, extremoque mortis supplicio comdemnatam, non solùm honoraret, sed etiam fide cultuque apud mortales dignam reddebet. Profectò, si cui mortuorum redditus ad viuos concedendus fuit, videbatur concedendus diuini illi, cuius mentio fit apud Lucam cap. 16. qui obnixè regabat Abraam, vt de ijs qui simul erant in inferno, aliquem mitteret ad amicos cognatosq; suos monendos, vt benè viuendo, diras, & perpetuas inferni pœnas euaderent; nec tamen ei concessum est. Non infior, animas quæ sunt in Purgatorio, nonnunquam apparuisse viuis: id enim B. Gregorius in quarto libro Dialogorum nōnullis & quidem certis probat exemplis. Nec equidem nego, etiam animas beatas vel Martyrum, vel aliorum Sanctorum, descendere in terras hominibus eorum auxilium imploratis, opem & solatum laturas: id enim confirmat B. Augustinus in lib. De cura pro mortuis agenda, cap. 16. exemplo B. Felicis Nolæ Episcopi, quem ciuibus suis Nolanis, cum à Barbaris oppugnarentur, apparuisse & subuenisse, affirmat Augustinus, se non incertis rumoribus, sed certis testibꝫ audiuisse: Hęc, inquam, non nego; sed aio animas mortuorum, cum apparent viuis, non id facere sua voluntate

Arbitratu, nec naturali potestate, multoque mi-
nus vi & potentia artis Necromantice, sed id fieri
singulari quodam D e i consilio, voluntate ac po-
testate. Nec animas defunctorum interesse rebus
viuorum, minus est miraculum secundum B. Au-
gustinum loco supra dicto, & secundum B. Tho-
mam prim a parte, quæst. 89. art. 8. ad 2. quam vel
illuminatio cæci, vel alia quæ in magnis D e i mi-
raculis numerantur. Adscribam hic in hanc sen-
tentiam B. Augustini verba ex eo loco quem pro-
xime indicaui : Verum ista, inquit, diuinitus exhi-
bentur, longè aliter quam sese habet usitatus or-
do, singulis creaturarū generibus attributus. Non *tenia*.
*Augustini ob-
seruanda sen-
do,*
enim ideo putandum est viuorum rebus quoilibet
interesse posse defunctos, quoniam quibusdam sa-
nandis vel adiuuandis Martyres adsunt : sed ideo
potius intelligendum est per diuinam potentiam
Martyres viuorum rebus interesse, quoniam de-
functi per naturam propriam, viuorum rebus in-
teresse non possunt. Hæc Augustinus.

S E D audiamus Tertullianum qui in libro *De Anima*, vbi de inferis & animarum euocatione a-
git, hanc nostram sententiam grauissimis disertis-
simisque verbis comprobauit : Necromantia, in-
quit, secunda est idololatria, in qua se Dæmones
perinde mortuos fingunt, quemadmodum in illa
deos. Quid nisi cum & dij mortui sint? Itaque in-
uocantur quidem defuncti, sed Dæmones operan-
tur sub eorum obtentu. Hanc autem fallaciam Di-
aboli sub personis defunctorum delitescentis (ni
fallor) etiam rebus probamus, cum in exorcismis
nostris, interdum Dæmon aliquem se ex homini-
bus affirmat, interdum gladiatorem vel bestiariū,
scut alibi Deum, nihil magis curans quam hoc

ipsum excludere quod prædicamus, ne credamus
animas vniuersas malorum ad nihilum redigi;
vt & iudicij & resurrectionis fidem turbent. Et
tamen ille Dæmon, postquam circumstantes cir-
cumuenire tentauit, instantia diuinæ gratiæ vi-
etus, id quod in vero est, inuitus confitetur: Sic
etiam in Necromantia que iam quiescentes a-
nimas euellere ab inferis creditur, & conspectu
exhibere, non alia fallaciæ vis est, operatio plu-
nè, quia & phantasma præstatur, & corpus effin-
gitur, nec magnum illi exteriores oculos circum-
uenire, cui interiorem mentis aciē excæcare, per-
facile est. Nulli autem animæ omnino inferos pa-
tere, satis Dominus in argumēto illo pauperis re-
quiescentis & diuitis ingemiscientis, ex persona
Abrahæ sanxit, non posse relegari renunciatorem
dispositionis infernæ, quod vel tunc licere potu-
isset & Mosi, & Prophetis crederetur. Sed et si
quasdam reuocauit D E i virtus in documentū iu-
ris sui, non idcirco communicabitur fidei & auda-
ciæ Magorum & fallaciæ somniorum & licentiæ
poëtarum: nam in hac mortuorum resurrectione
qua D E i virtus in corpora animas repræsentat, so-
lida & cōrectabili & satiata veritate præiudicatu
est hanc esse formam veritatis, vt omnem mortu-
orum exhibitionem incorporalem, præstigias iu-
dices. Hæc Tertullianus. Simulant igitur Dæmo-
nes, animas defunctorum secundum Augustinum
& Chrysostomum, quorum testimonijs loco su-
pra dicto memorat S. Thomas, quo facilius erro-
res Gentilium animis hominum inserat ad eos de-
cipiendos. Primùm enim sic Dæmon facilius ho-
mini quicquid vult persuadet: namque homines
animabus defunctorum, vel parentum, vel cogna-
to-

*Cur Demones
simulent ani-
mas de mor-
torum.*

torum, vel amicorum suorum quos diligunt, & à quibus se diligi non dubitant, libentius & promptius credunt, quàm Dæmoni quem naturaliter horrent. Deinde, ita persuadet hominibus, infernum non esse carcerem perpetuum, ex quo non liberat aliquando egredi: nec esse adeo graues & perpetuas inferni poenas, sicut homines putat. Ad hęc sic facit, vt homines patent, animas etiā post mortem habere corpora, vel posse quaelibet se in corpora induere, vel in quaelibet hominum aut bestiarum corpora migrare: qua re concipitur error, Pythagoricus de transmigratione animarum, eoque concepto labascit fides & spes christiana resurrectionis. Præterea, hac ratione faciunt Dæmones, vt viui mortuos vel tanquam terrificos & noxious sibi metuat, & varijs superstitionibus placare sibiq; conciliare studeant; vel tanquam beneficos sibiique vel amicitia vel necessitudine deuinctos, nimium superstitione diligent & colant; vel tanquam animas hominū quorundā apud mortales, aut sapiētia, aut fortitudine, aut potentia clarissimorum, non humanis modo, sed diuinis etiam honoribus prosequantur atque venerantur.

H V G O sancti Victoris lib. 6. Eruditionis Didascalicæ, cap. 5. numerosius & enucleatus eam de qua disputauimus, Magiæ varietatem enarrans, ad hunc modum scribit: Magiæ repertor primus creditur Zoroastres, rex Bactrianorum; quem nō nulli assérut ipsum esse Cham filium Noe, sed nomine mutato, hunc postea Ninus rex Assyriorum bello victum interfecit, eiusque codices artibus maleficiorum plenos igne cremari fecit. Scribit autem Aristoteles de hoc ipso, quod usq; ad bis & vices centū millia versuum eius de arte magica ab

ipso dictata; libri eius usque ad posteritatis memoria traduxerunt. Hanc artem postea Democritus ampliavit tempore quo Hippocrates in arte Medicinæ insignis habebatur. Magia, in Philosophia non recipitur, sed est extrinsecus falsa, professione, omnis iniquitatis & malitiæ magistra, de vero mentiens: & veraciter lœdens animos, seducit à religione diuina, culturam Dæmonum suadet, morum corruptionem ingerit, & ad omne scelus ac nefas mentes sequacium impellit. Hæc generaliter accepta, quinque complectitur genera maleficiorum: Manticem, quod sonat diuinationem, & Mathematicam vanam, Sortilegia, Maleficia. Præstigia. Mantice autem quinque continent species sub se; Primam, Necromantiam, quod interpretatur Diuinatio in mortuis. *vexpōs* enim Græcè, id est, mortuus Latinè; & *vexpōv* cadaver dicitur; vnde est diuinatio quæ sit per sacrificium sanguinis humani quem Dæmones sitiunt, & in eo delectantur effuso. Secunda, est Geomantia, id est, Diuinatio in terra. Tertia, Hydromantia, id est, Diuinatio in aqua. Quarta, est Aërimantia, id est, Diuinatio in aëre. Quinta, est Diuinatio in igne, quæ dicitur Pyromantia. Varro enim quatuor dixit esse, in quibus diuinatio constaret, terram, aquam, aërem, ignem. Prima ergo, id est, Necromantia, ad infernum videtur pertinere; secunda ad terram; tertia ad aquam; quarta ad aërem; quinta ad ignem. Mathematica diuiditur in tres species, in Aruspicio, in Auguriū, in Horoscopicā. Haruspices sunt dicti quasi horuspices, id est, horarum inspectores, qui obseruant tēpora in rebus agendis; vel haruspices quasi haras inspicientes, qui in extis & fibris sacrificiorum futura confidebant.

ranc. Augurium vel auspiciū, aliquando ad oculum pertinet: & dicitur auspiciū, quasi auspiciū, quia in motu & volatu avium attēditur: aliquando ad aures pertinet, & tunc dicitur augurium, quasi garritus aurium, quia aure percipitur. Horoscopia, quæ etiam Constellatio dicitur, est, quando in stellis facta hominum quæruntur; sicut Genethliaci faciunt, qui nativitates obseruant, qui olim specialitut Magi nunc pabantur; de quibus in Euangeliō legimus Sortilegi sunt, qui tortibus diuinationes quærunt. Malefici sunt, qui per incantationes dæmoniacas siue ligaturas, vel alia execrabilia remediorum genera cooperatione Dæmonum atque instructu nefanda perficiunt. Præstigia sunt, quando per phantasti cas illusiones circa rerum immutationem sensibus humanis arte dæmoniaca illuditur, Sunt ergo omnes simul vndecim. Sub Mantice, quinque, id est, Necromantia, Geomantia, Hydromantia, Aërimantia, Pyromantia. Sub Mathematica, tres, Haruspicina, Auspicium, Horoscopia. Postea tres aliæ, id est, Sortilegium, Maleficium, Præstigium, Præstigia dicitur Mercurius primus inuenisse: Auguria Phryges inuenerunt: Haruspicina & Sortilegia Tages primus Etruscus tradidit: Hydro-
ma itia primum à Persis venit. Haſtenus
Hugo.

(* *)

CAPV

DE MAGIA
CAPVT XII.

AN PER ARTEM MAGICAM VER-
rum aurum fieri posse ab Alchi-
mista.

Scaliger contra Cardanum exercitat.

327.

Smerdis Magus inuasit regnum Persarum.

*Herodotus lib. 3. & Iustinus lib. 1.
March. 2.*

SI verum & perfectum aurum ab Alchimistis potest effici, haud dubiè chymicæ facultas vna de præcipuis Magiæ partibus censenda est, nimirū tæle opus Magiæ, tum propter vim & potentiam artis maximè admirandum esset: tum propter magnitudinem utilitatis, optatissimum atq; gratissimum mortalibus accideret. Audiat lector, quid eruditus vir Julius Scaliger ea de rescriptum reliquerit. Triplex est, inquit, Magia; vna hic infima & nostras, sanè & fœda & fœdida cū catiunculis, cadaueribus, & funibus suspendiosorum: quæ si quis attrectare audeat, etiam mereatur. Altera ex astris deducit vires in specula, sigilla, annulos, tabellas: Tertia diuina est. Nomen apud vulgus odiosum fecit colluuios impostorum. At Magus apud Persas, nihil aliud quam sapientē sonat: sed propter Smerdis præditionem & perfidiā, nomen Magorum infensum diu fuit. Hac Magia Dominum I E S V M fuisse promissum regem, cognoverunt Magi, qui ad eum adorandū longinquis ē regionibus profecti sunt. E Syrorum libris hæc descripsimus. Aīunt Magiæ & transmutatoriæ artis vires, vias, & fines, esse perquā similes. Opus & finem Chimistarū, esse corpus in corpus: Opus & finem Magiæ, esse spiritum in corpore. Magi suas affectiones, violentias appellant, proptera quod vires suas supra eas quæ naturæ ordine fieri videtur, exercent. Chimistæ suum opus nominat For-
titu-

titudinem : hoc enim significat decantatum illud, Elixir, in cuius fide omnes oppugnant naturam. Sic eo loco Scaliger. Ergo digna cum primis inquisitione ac disputatione res est, utrum non modo ex solis causis naturalibus, & in solis naturalibus locis, atque ordine tantummodoque naturali aurum generari queat, verum etiam per artificialē viam ac rationem, quam iactant Chymistæ, perfectum usquequaque aurum, & tale omnino quale est naturale, possit effici.

D V P L E X circa hanc quæstionem, Philosophorum est sententia: multi negant, quidam verdiuntur. Nos primo loco aliorum sententias enarrabimus ac perpendemus: extremo autem loco etiam quid sentiamus ipsi, & similius vero iudicemus, breuissimè indicabimus.

EXPO NITVR SENTENTIA EO-

*rum qua negant verum aurum posse fieri ab
Alchimistis.*

AVICENNA in quibusdam suis commentarijs in libros Meteororum, ut refert AEGIDIUS in 3. Quodlibeto, quæst. 8. de Alchimistico auro ita scripsit: sciatis artifices Alchymistæ, species metallorum mutari non posse, quamvis similia illis fieri possint; & quamvis Alchymistæ queant tingere ipsum æs colore quo volunt, donec sit multum simile auro, & abstergere imundicias plumbi, ita ut videatur argentum, semper tamen secundum substantiam manebunt æs & plumbum,

AVERROES in Paraphrasi super primum *Aneropis* librum de Generatione animalium, explanando primum caput, in eandem sententiam hæc scribit: Similiter etiam si datur aliquid artificiale valde simi-

simile naturali, tanta poterit esse similitudo, quod existimabitur esse idem specie, & si ars Alchimiae habet esse, hoc est, quod potest fieri in ea. Evidenter Auer. declarat sicut se habent mures ex putri materia, ad mures ex semine, inter eos enim est tanta similitudo, ut quamvis reuera inuicem differant specie, tamen vulgo putentur esse eiusdem speciei, ita etiam aurum alchimisticum se habere ad verum & naturale aurum. Idem sensit Auicenna, cuius verba paulo infra memorabuntur initio capituli proxime sequentis.

B. Thomas.

S. Thomas in secunda secundae conditionaliter loquens de auro alchimico quæst. 77. art. 2. ad primum ait: Si aurum quod fit ab Alchimistis, non sit verum & tale, quale fit à natura, eius venditionem pro vero fraudulentam & iniustum esse; si autem fiat verum aurum ab Alchimistis, id licet pro vero auro vendi posse, nihil enim prohibere, artem vtendo causis naturalibus naturales & veros effectus producere. Sed quid ipse simpliciter & absolutè sentiret de auro alchimico, satis perspicue declarauit in 2. sent. dist. 7. quæst. 3. art. 1. ad quintum, ita scribens: Potest quidem ars virtute naturalium agentium aliquas formas substantiales inducere in materiam; sunt tamen quedam formæ quas nullo modo ars potest efficere, quod propria actiua & passiua earum non potest inuenire atque adhibere, sed benè aliquid simile illis efficere, sicut Alchimistæ faciunt aliquid simile auro quantum ad accidentia exteriora, sed tamen non faciunt verum aurum, quod forma substantialis auri non est per calorem ignis quo utitur Alchimistæ, sed per calorem solis in loco determinato, ubi viget virtus mineralis, & ideo tale aurum non habet operari-

rationem consequentem speciem; & similiter in alijs, quæ eorum operatione fiunt.

AE G I D I V S in tertio Quodlibeto quæst. 8. *Aegidius.*
affirmat Alchimistas posse quidem facere metallum aliquod quod tantum constet ex permixtione aliorum simplicium metallorum, cuiusmodi est **electrum**, quod dicitur constare ex tribus partibus auri & una argenti; & quia sàpè in venis metallicis vnum metallum confunditur & permiscetur cum alio, Alchimista per actionem ignis segregando & separando aurum, quod erat permixtū cum alio metallo, videbitur de nouo facere aurum; tatum autem abest, ut possit verum aurum facere, ut ne simile quidem vero auro ita effici queat, ut nò possit aliquo modo dignosci & discerni. Porro existimat AEgidius aurum alchimisticū non posse sine peccato vendi pro auro naturali; non solum quia incertum pro certo & falsum pro vero venditur, sed etiam quia in medicinis adhibetur aurum ad confortandum cor, & morbos quosdam profligandos; maximum autem periculum effet, ne aurum alchimisticum propter diuersam rationem constitutionis, nimium lèderet complexionem humani corporis, eiique insigne aliquod detrimentum afferret. Quod autem verum aurum confici nequeat, AEgidius ita probat, vel potius *Aegidius negat aurum alchimicum esse vendi posse pro vero.*
declarat. Cernimus in uno quoque genere entiū, quædam illius generis esse perfecta, alia verò imperfecta; perfectorum autem generationem esse determinatam tam secundum principiū actiuum & secundum materiam, quām secundum locum in quo fit: Imperfectorum autem minimè: Exempli causa, in genere animalium, quæ sunt perfectiora, ita se habent natura, ut equus non generetur nisi

nisi ab equo, & ex sanguine menstruo equæ, & intra matricem; at mures possunt generari ex semine & sine semine, intra matricem & extra. Idem perspicitur in plantis; idemq; similiter contingit in elementis, nam purus ignis elemētaris, nec generari, nec conseruari potest, nisi in suo loco naturali, id est, in concauo Lunæ; ergo similiter etiā eueniet in metallis; quare cum aurū sit perfectissimum omnium metallorum, habebit determinatum agens & materiam, & locum naturalem, & propriam venam quæ latet intra sinum & ventrē terræ, extra quem locum, aurum nullo modo confici possit. Neque valet illud, quod posset afferri contra hoc quod diximus: nimis si mures qui sunt perfectiores auro, possunt generari extra matricem multo magis aurū effici poterit extra suum locum naturalem; & si serpentes fuerunt arte magica produciti à Magis Pharaonis, ut legimus in Exodo, cur non etiam poterit effici verum aurum industria & beneficio artis? Hoc inquam non valet, nā eadem ratione probari posset, cum mus sit perfectior qualibet planta, & mus generari queat sine semine, quālibet etiā plātā posse absq; semine procreari, quod falsū est: nihil ergo prohibet, quod est imperfectius alio simpliciter, esse perfectius illo secundū quid. Quamobrem quod aurum requirat determinatum locum suę generationis, nō arguit ipsum simpliciter esse perfectius aliquo animali sed tantū secundū quid. Hęc ex AEgidio.

Conciliator.

CONCILIATOR in differentia 209. sic ait: Metallum non potest fieri per artem, & in aliud transmutari; cùm ars solū faciat permutationem in accidentibus, non autem in substantia; vel fortasse si possibile est, tamen id est homini ignotum,

vnde

Vnde Commentator tertio, De anima ait; Dicitur de multis artificijs, quod videntur esse possibilia, sed sunt causarum ignotarum. vt v. g. Alchimia, et si talis ars constituatur, fortasse hoc erit per accidens, & inspiratione diuina potius quam artis humanae sapientia. Non enim (inquit Conciliator) ars eo peruenire potest, vt agentia & materiam, cum tempore, modo, & alijs circumstantijs, sciat ita proportionare, vt inde nouum constituant metallum. Quod si apparentur videatur, id erit, quia ars fallaciam eius humano ingenio nequit detegere. Vnde aurum arte constructum, vim non puto habere confortandi cor, sicut habet aurum a natura productum. Fideles mihi tamen experti, dicunt argentum decoctione per artem fieri verum, non tamen videtur apparenter lucrari, probationibus omnibus quibus vntuntur, exploratum.

QVID A M rerum metallicarum peritissimi, de quibus etiam subtiliter & accurate scripsierunt, dixerunt, primum atque summum fundamentum, quo ntitur ac sustentatur ars Alchimiæ nullum esse: quo licet intelligere, ipsam artem (si tamen ars dicenda est quæ in se nihil veri & certi habet) inanem & fallacem esse. Etenim Alchimistæ putant materiam omnium metallorum esse sulphur & argentum viuum, quamobrem profitentur se ex varia sulphuris & argenti viui inuicem permixtrum temperatione, posse quodlibet metallum efficere: in quo sane vehementer falluntur. Nam *Non est materia omni- um metallorū sulphur & ar- genium viū.*

vel

vel argenti; sed ipsi qui totam pene vitam curiosissimè lustrandis, & considerandis venis, locisq; metallorum consumperunt, nunquā tale aliquid reperire potuerunt. quare falsa est opinio Alchimistarū, & aurum quod ab ipsis fit ex sulphure & argento viuo, non est verum aurum: non enim, vt dictum fuit, talis est materia veri & naturalis auri. Aurū autem quod fit ab Alchimistis, licet simillimum videatur vero auro, falsum tamen esse multis modis cognosci & iudicari potest, nempe vel expondere; vel ex eo, quia non sustinet viam ignis; vel ex eo quia iniectum in vrinam, amittit colorē suum; vel quia non est ductile in tenuissimas laminas; vel denique quia non habet naturalis auri proprietates, quarum in primis illa commendatur, confortandi cor humanum. Hæc illi.

Cardanus.

Inuenta opera artis chimacie.

CARDANVS lib. 17. de subtilitate hæc scribit: sunt verò chimica inuenta, vitrum ducere in longissimas lineas, tenax aut prædurum efficere posse. Vidi ego dudum sphæram exiguum ex vitro, quæ omni conatu illis solo lapideo, non coninuebatur, sed resiliebat ad trabes. Eiusdem facultatis chimicæ est, vitrum albis lineis interstingere, celare in eo imagines, falsas fabricare gemmas, purgare caphuram, metalla miscere, immutare, aut nobiliora imitari. Exempla verò fallacis Alchimiæ vide apud eundem in 10. lib. De varietate rerum, cap. 51. Quo in loco etiā hæc subiungit: Aurum & argentum facere, seu ex alijs metallis ea cōficere, aut gemmas factitare, aut viles in nobiliores trāsmutare, nemo nō optare debet vt sciatis; at quid horum fieri possit, difficile scitu admodū est; & si hoc etiam sciuerimus, longè difficilius est scire, Quomodo fiat. Quæ autem ab Alchimistis

Itis fiunt, ea vel ad voluptatem pertinent, vel ad usum; ad voluptatem sunt gemmæ & metalla nobiliora; ad usum tincturæ, colores, materiæ vasorum & alia similia. Circa quodlibet autem horum, tria excogitari possunt, vel ut fiant, quod maximum est; vel ut purgentur; vel ut perficiantur. Horum primum, de metallis, adhuc sub iudice lis est an fieri possit; secundum & tertium, fermè inventum est ad summam perfectionem. ac licet ars chimica non faciat verum aurum, quattuor tamen præstat magnas utilitates. Prima est, quia potest unum metallum facere simillimum alijs, ut ferrum æri, & æs auro & argento, idque clarius appareat in gemmis. Secunda, cum id quod in aliquo potentia continetur, per vim ignis excitat, extrahit, & ad perfectionem perducit. Tertia, cum ea quæ superflua sunt, vi sua absu[m]endo detegit, ut cum ex calce alumen excipitur, quod non genitum est vi ignis, sed exceptum; ita quo vocant multiplicationem, cum ex terra ipsa quæ aliquid continet quod continetur, excipiunt. Quarta, Ars chimica vi ignis multas facere potest cōpositiones atq; separations, nō minus utiles & lucrosas ijs que ab Alchimistis tam anxie queruntur & ambitiosè promittuntur transmutationibus. Hæc Cardanus. Ex quibus verbis perspicitur eum arbitrari chemicam illam auri generationem, vel esse impossibilem, vel propemodū impossibilem.

Utilitates artis chimicæ.

DECLARATVR OPINIO EORVM qui defendunt Alchimiam.

ALBERTVS in libro suo 3. de Mineralibus, *Opinio Aucti-*
cap. 9. hanc de facultate Alchimiæ questi-*cennæ.*
nem pertractans, primùm exponit sententiā Aui-

F cenc-

cennæ quæ fuit hęc: sciant (inquit Auicenna) artifices alchimiæ species metallorū permutari non posse, quāvis aliquid illis simile fieri possit; quod enim differentia specifica aliquo tollatur ingenio, non credo possibile; sed expoliatio accidentium non est impossibilis, vel saltē diminutio nō enim permutatur species metallorū, nisi prius in primam materiam metallicam reducantur, & sic iuuamine artis deducantur in speciē metalli quod voluerit. Atque idem quoque sensisse ait Haste Philosophum præcipiuū in Physicis & in mathematicis, deinde Albertus subiungit ea quæ sequuntur:

Sententia Alberti Magni. Oportet nos dicere, Alchimicos peritos non aliter operari quam peritos medicos, qui per medicinas purgatiuas purgant materias corruptas & nocentes sanitati, & postea per remedia confortantia naturā, iuant virtutem naturalium, ut digerendo, sanitatem induant: quæ sanitas est effectus & naturæ & artis; sed illius effectuè & principaliter, huius autem organicè & instrumentaliter: sic Alchimistæ primo benè purgantes materiam argenti viui & sulphuris insitam omnibus metallis, confortant; deinde deducunt virtutes elementares & cœlestes tali materiae inhærētes ad proportionem mixtionis metalli quod intendunt inducere; & tunc ipsa natura operatur, & non ars nisi organicè iuuando & expoliendo ut diximus; & sic verum aurum & argentum educare, & facere videntur: quod enim virtutes elementares & cœlestes faciunt in vasis naturalibus, hoc etiam faciunt in vasis artificialibus, si artificialia formantur ad modum vasorum naturalium: & quod facit natura calore solis & stellarum, hoc faciet ars calore ignis; dummodo sic contempretur, ut non exce-

excedat virtutē se mouentem & informantem quae
est in metallis : huic enim cœlestis inest virtus,
quæ primo commiscuit eam, & hæc inclinatur ad
hoc vel ad illud per artis iuuamen. Alahimia igi-
tur per hunc modum procedit, id est corruptens
vnum, à sua specie remouendo, & cum inuamine
eorum, quæ in materia insunt, alterius speciem in-
ducēdo. quare omnium operationum alchimica-
rum melior est illa, quæ procedit ex eisdem, ex
quibus procedit natura ; sicut ex purgatione sul-
phuris, per decoctionem & sublimationem & ex-
purgationem argenti viui, horumque bona per-
mixtione cum materia metalli, in his enim & ex
virtutibus horum; omnis metalli species induci-
tur. Qui autem per alba albificant, & per citrina
citrinant, manente specie prioris metalli in ma-
teria, procul dubio deceptores sunt, & verum au-
rum atque argentum non faciunt ; & hoc modo
frè omnes vel in toto, vel in parte procedūt. pro-
pter quod ego experiri feci aurum alchimicum
quod ad me delatum est, & postquam sex aut sep-
tem ignes sustinuit, tandem amplius ignitum con-
sumitur & perditur & quasi ad fecem reuertitur.
Hæc Albertus. Ecce supradictis verbis Albertus,
non solum docet verum aurum posse fieri per Al-
chimiam, sed etiam quis modus eius sic efficiendi
sit possibilis, & quis impossibilis, manifestè de-
clarat.

Q V I D A M Ianus Lacinius, qui de faculta- *quinquerati-*
tiones pro at-
chimistis.
te chimica in transmutādis metallis multa dispu-
tauit, eiusque disputationis summam memorat
Cardanus loco supradicto, probat arte chimica
posse confici verum aurum, his rationibus. Primo
metalla sunt quædam pura & concocta, ut aurū &

argentum : quædam cocta sed impura, vt æs, ac ferrum: quædam cruda & impura vt vtrumque plumbū; sed impura repurgari, cruda cōcoqui possunt, igitur ex ære, ferro & plumbo, aurum & argentū fieri potest. Quod autem talia concoqui possint, demonstrat ex sententia Aristotelis 4. Meteororū vbi de cōcoctione agit. De purgatione dubiū non est, quippe cū proprium sit ignis separando purgare. Deinde propinquitas, paruumq[ue] causarum discriminē, hoc idem suadet, cum ab ijsdem omnia fiant. Supponit autem omnia metalla constare sulphure & argento viuo; quæcumque verò similia sunt, facile inuicem transmutantur, eoque magis, quod natura videtur semper perfectissimum intendere in omni genere, velut aurum; quæ igitur imperfecta sunt, artis beneficio perfici posse videntur; tum vt ad finē, tum vt ad motus ipsius perfectionem perducantur. Postea, si ars auctore Arist. in 2. Phys. & 4. Meteororum est imitatrix naturæ, cum natura concoquendo purgandoque ex sulphure & argento viuo, aurum argentumq[ue] perficiat, cur non etiam idem simili ratione operans ars possit efficere? Adhæc, ea dici debent secundūm naturæ ordinē copulata & inuicē transmutabilia, quæ non habent omnino diuersas operationes sed easdē, in eo tantūm differentes, quod quædam hahent eas imminutas & imperfectas, velut fœtus, infantis cōparatione, ouum pulli, aurelia papilionis. At plumbum, æs, ferrum, argentū, nullas habent operationes ab auro distinctas, sed quas illud habet, vtpote liquefcere, duci, graue esse, nitere, ignibus resistere; easdē habent hęc, sed vitiatas & imminutas; non enim ita splendent, non sunt adeo grauiā, minus resistunt ignibus,

bus, non tota liquefcunt, nō tām tenuiter ducuntur; igitur hæc dici debent aurum imperfectum, & beneficio artis perduci queunt ad perfectionem auri. Atque hoc putat Cardanus esse maximum argumentum quod pro Alchimistis afferri possit. Postremò, idem astruit exemplo ranarū, quæ statim, ob præparationem materiae, ex puluere generantur. Sunt autem ranæ perfectiores auro, & ut animalia perfecta, non solum partium similarium compositione, sed etiam instrumentorum compositione indiguerunt. Auicennam quoque citat dicentem, vitulum in nubibus generatum semiuum excidisse inter imbræ. Generantur etiam ex iuuenculo strangulato apes, ex Basilisco scorpiones, ex elixatura Anatis sub dio expositæ bufones, ex Afinis vespæ, ex equis Scarabæi, ex mulis locustæ, aqua quibusdā in locis cōuertuntur in lapides: aér concussus inter duriora corpora, repente transit in ignem, fumus metallorum, præcipue plumbi, cogit argentum viuum, cortex mali punici ferrum mutat in chalybem. Si igitur hæc tām admiranda & penè incredibilia fieri possunt, atque adeò quotidie fieri videantur, cur incredibile videatur, posse ab Alchiniistis verum aurum confici? Hæc ille disputat pro Alchimistis.

ANTONIUS Miradulanus, Philosophus nostræ memoriæ præstans, & in Aristotelis doctrina excellenter versatus, in illo suo opere quod scripsit de Eversione singularis certaminis lib. 19. sect. 7. hanc de Alchimistis sententiâ pronuntiat. Dicimus veram esse Alchimistarū opinioē quod aurum possit fieri, & ab arte & à natura, quia transmutare possunt argentum viuum, & alia quæ ad id requiri vñtr, ita ut fiat eadē materia: sicut non solum à na-

iu sed etiam ab arte animalia, vt scorpiones, generari possunt. Verum quia illud aurum fit rarissimè & cum maxima difficultate, multa enim quæ ad id concurrunt, facillimè impediri possunt, idcirco non videtur fieri posse; sed rei difficultas nō arguit impossibilitatem. Non est autem danda opera illi arti, non quia non sit vera, sed quia tantæ est difficultatis, vt sit vtilius eam omittere quam exercere: & multi quidem ditissimi ad magnam inopiaui redacti sunt, propterea quod maximis sumptibus impensis, vel nunquam assecuti sunt quod hæc ars pollicetur, vel certè raro & parum, ita vt sumptus longè sit maior lucro, quare satius est alijs artibus certioribus operam dare, quæ maiori ex parte operam suam præstant, quam huic quæ rarissimè propter res naturæ absconditas, finiem suum assequitur. Hæc Mirandulanus.

EXPLICATVR BREVITER OPINIO auctoris.

*Sententia au-
toris de auro
alchimistico.*

NOBI S autem propositam quæstionē philosophicè considerantibus atque perpendicularibus, tria videntur hac de re valdè probabilita dici & firmari posse; vnum est, nullam esse rationem philosophicam, vel necessariā, vel etiam admodum probabilem, qua demonstretur rationem chimicam efficiendi verum aurum, esse impossibilem. Cur enim putetur impossibilis? An quia nihil eorum quæ fiunt à natura potest fieri ab arte? at hoc in generatione multorum animalium, aliarumque reruin quæ opera & ministerio artis non secus generantur quam à sola natura, falsum esse cognoscitur. An quia (vt volebat AEgidius) nihil eorū quæ sunt in genere suo perfectissima, potest pro-

producere nisi uno modo, id est, solū ab agēte suo naturali? Verū si AEgidius verisimili aliqua ratione hoc probaret, aliquantulum fortasse valeret ad persuadendum: cùm autem nullam huius rei probationē afferat, qua facilitate ab eo id dicitur, cādēm piane à nobis contemni ac rejici potest. An deniq; quia aurum naturale generatur virtutē caloris cœlestis, aurum verò chimicū efficitur à calore igneo, qui duo calores cùm multū inter se differant, non poterunt eundē effectum præstare? sed hæc ratio dupliciter peccat. Primum enim falsum est calorem cœlestē & igneum specie inuicē distingui: cùm enim ab eodem contrario, hoc est, à frigore similiter corruptantur, cùm ab eadem causa interdum producantur nimirūm à lumine, cùm se inuicem intendant atque augeant, cùm ad productionem ignis & mixtorum simili ratione conducant, fieri non potest, vt ea ratione qua calores sunt, specie distinguantur inter se: differunt igitur ea rē solū, quod calor cœlestis propter ordinatum coeli motum, est valde tēperatus & accomodatus ad generationem & conseruationē rerum sublunariū, quam ob causam appellatur salutaris & viuificus: calor autem igneus ex se nō est temperatus, sed agit quantum potest agere, & res sibi subiectas tandē destruit atque interimit, quo circa vocatur à Philosophis destructius & corruptius rerum. Verū si hic calor aliude corrigitur atque temperetur, nimirūm vel a facultate animæ, vt in animalibus contingit, vel ab arte, vt fit in multis mixtis & medicamentis quæ à calore igneo, moderatione artis procreantur; efficietur profecto vt calor igneus talis propemodū euadat, qualis est cœlestis. Deinde, experientia manifeste

*Calor cœlestis
& elemen-
taris non diffe-
runt specie:*

ostendit quædā animalia similiter generari posse calore igneo atque calore cœlesti. Nam apud AEgyptios pulli calore igneo ex ouis excluduntur atque procreantur. Quam rem Iulius Scaliger, vir propter excellentem omnium disciplinarum eruditio[n]em admirandus, in ijs quæ scripsit contra

Animalia generari posse solo calore ignis, argumētum Iulij Scaligeri.

Cardanū excercitatione 23. pulchrè describit his verbis; In AEgypto ed Cayrum furnos construūt alij alio multiplici fornice imposito: quorū tholi supremi medio, foramen est, per quod caloris vis, quæ immoda possit officere, subit atque exhalat: in imo ignem accendiunt temperatum: Ouorum multas centurias in fornicum superiore planicie disponunt: statutis diebus erumpit pullorū turba, quos illi non numero sed mēsura venales habēt: modiolū statuunt sine fundo: quem vt implerūt, tollunt, neque hæc fabula est, sed fabulæ ipſi qui negant. Hæc Scaliger. Cæterū posse ex alijs metallis verè aurum effici, probari argumento & experimento posset auripigmenti, ex quo perfectū aurum posse fieri, testis est Plinius, qui rem non priscis temporibus sed sua ætate factam testatam-

Ex auripi- que commemorans, ita scribit lib. 33. cap. 4. Au- gmento teste rum faciendi est etiam vna ratio ex auripigmento Plinio , fieri quod in Syria foditur pictoribus, in summa tellu- verum aurū. re, auri colore, sed fragili lapidum specularium modo, Inuitaueratque spes Caium principem au- uidissimum auri; quamobrem iussit excoqui ma- gnūm pondus: & planè fecit aurum excellens, sed ita parui ponderis, vt detrimentum sentiret, illud propter auaritiam expertus, quanquā auripigmen- ti libræ 14. permутarentur: nec postea tentatum ab ullo est. Sic Plinius.

ALTERVM verò, quod eadem de re proba- bilis-

bilissimè potest asseri , illud est , chimicam rationem efficiendi verum aurum nō quidem physicè , sed moraliter vt aiunt , loquendo vel impossibilem , vel propemodum impossibilem videri ; non propter ullam rationem philosophicam quæ adhuc ab ullo sit allata , sicut ostensum est , sed propter ipsam experientiā quæ in rebus naturalibus , moralibus atque artificialibus summi argumen-
ti firmissimeque rationis vim debet obtinere . Etenim cùm plurimi in chimicæ facultatis tractatio-
ne & exercitatione diu multumque laborauerint ,
& in veri auri effectiōnē acerrimis studijs atq;
incredibili cupiditate incubuerint , nemo tamē ad-
huc fuit præter unum aut alterum probatis prodi-
tum historijs , quem liquidò constet verum aurum
& omni ex parte probatum ac perfectum effecisse ,
Quod si effectio auri per artem chimicam est pos-
sibilis , cur ea , cùm tamdiu & tam multum optata ,
quæsita , & procurata fuerit , nondū tamē reper-
ta & usitata fuit ? nam quia possibilis est generatio
animalium , medicamentorum , aliarumque mul-
tarum rerum non solum per naturam , sed etiam
per solertiam & industriam humanam , iampri-
dem iuuentæ sunt artes , quæ huiusmodi res & ve-
rè & facile possunt perficere ; cur igitur idem non
contingit in auro chimico ? nisi quia vel talis mo-
dus efficiendi tale aurum simpliciter est impos-
sibilis , vel si est possibilis , nondū tamen is est hu-
mano ingenio , & fortasse non potest esse , explo-
ratè perfecteque cognitus . Atque hoc argumen-
tum ab experientia ductum , non solum apud Phi-
losophum naturalem , qui nunquam à rebus sen-
satis experientiaq; comprobatis , vel transuersum
(vt aiunt) digitum discedit , sed etiam apud quem-

*Cur non vide-
atæ esse vera
ars Alchimie*

cumque hominem sanæ mentis rectique iudicij plurimum valere debet. Quod si habent isti, ut iacent, veram certamque artem faciendi aurum, cur sibi primum non faciunt tantum auri, vt nullius egeant, sed bonis omnibus quæ parari auro possunt, abundant? At enim videre licet istos, semper egentes & mendicos, qui que per vana promissa, alienis opibus exauriendis, suam quoquomodo egestatem subleuare, suamque famē expel recuperiant.

AD extremum, illud non tantum probabiliter dici, sed etiam pro vero certoq; confimari potest, artem chimicam, licet ea fortassis sit utilis in distillationibus & alijs rebus quas superius ex sententia Cardani memorauimus, tamen in eo quod spectat ad effectionem veri auri quam illa profiteatur atque in primis pollicetur vanam esse, noxiā ac perniciōsam Reipublicā. Primò, Quia aut nunquam, aut rarissimè p̄stat quod promittit, ex quo non scimel factum est, vt multi ad extremam inopiam atque paupertatem redacti fuerint, vnde recte quidam ait, Alchimistas non efficere aurum sed absumere; non implere curmenas, sed magis deplere & exaurire. Deinde, quia faciunt falsum aurum falsamq; monetā, atque gemmas pro veris passim distrahunt, atq; diuendunt, ex quo Respublica hominumq; societas magnum caperet detrimentum. Postremò, quia verum aurum non raro adhibetur in medicinis ad exhilarandum & roborandum cor, aurum autem chimicum cùm vel non sit verum aurum, vel certè imperfectius sit auro naturali, vel non vtiq; habebit eiusmodi proprietates, aut certè nō ita vitales & salutares humano corpori, quare non sine discrimine salutis & periculo

*Non esse per-
mittendum
in Republica
vnon Alchi-
mia.*

culo vita, in medicinis adhiberetur. Hæc igitur nobis visa sunt de chimica facultate efficiendi verum aurum probabiliter posse disputari.

CAPVT XIII.

DE ORIGINE MAGIAE ET IIS
qui in ea clari fuerunt.

ORIGINEM Magiæ, præsertim eius quā diximus non esse naturalem, variè tradunt scriptores. Philo libro De specialibus legibus censet ex vera & naturali Magia adulterata & corrupta natam esse fallacē & quæ vulgo propriè dicitur Magia, ita scribens: Ex hac adulterata & de prauata, descendunt quas proprio maxime vocabulo malas artes dicimus circulatorum ariolarumq; studia, mulierū, mancipiorumq; nequissimorum expiations & lustrationes profitentiu, mutationesq; amoris in odium, aut ex aduerso in amorem odij, per quasdā passiones amatōrias & incantamenta idonea: atque his dolis circūueniunt homines & ingentium malorum atque ruinarum sunt causæ, nō priuatis modò hominib; aut familijs, sed ciuitatib;, regnis & prouincijs. Quamobrē huiusmodi artes, meritò lege Mosaica, gravissimis propositis pœnis prohibētur. Hæc Philo. Vetus tamē opinio est plurimorum scriptorū probata consensu, principem huius Magiæ. doctorē & quasi parentē fuisse Zoroastrē, vel Persem, vt Plinius & Diognes Laëtrius vocant, vel Bactrianū, vt Diodorus Siculus & alij nominant. Et Plinius lib. 30. cap. 1. ita de eo scribit: Sine dubio in Oriente orta est Magia, in Perside à Zoroastre, vt inter autores conuenit. Eudoxus Zoroastrem hunc,

Philo de ori-
gine Magie.

Zoroastres
Magia parentē

sex

sex millibus annorum ante Platonis mortem fuisse prodidit; sic & Aristoteles; Hermippus, qui de tota ea arte diligentissimè scripsit, & vicies, centum millia versuum à Zoroastre condita, indicibus quoque voluminum eius positis explanauit, præceptorem à quo institutus est Zoroaster, tradidit Azonacem quinque millibus annorū priorem bello Troiano. De quo Zoroastre mira alijs locis scribit Plinius : Vnum enim eum (inquit) mortalium eodem, quo natus est die, risisse, cerebrumque ita ei palpitasse, ut impositam repelleret manum, futuræ præsagio scientiæ, viginti annis in deserto Magiæ vacantem, caseo vixisse ita temperato, ut vetustatem non sentiret. Iustinus quoque historicus libri i initio, inueterorē artis Magicæ facit Zoroastrem : idemque fentit B. Augustinus lib. 21. De ciuitate D E I, cap. 14. Solum, inquit, Zoroastrem quando natus est, ferunt risisse, nec ei boni aliquid monstrosus ille risus portendit: nā magicarum artium fuisse perhibetur inuentor, quæ quidem illi nec ad præsentis vitæ vanam felicitatem contra suos inimicos prodeesse potuerunt; à Nino quippe Assyriorum rege, cūm esset ipse rex Bactrianorum, bello superatus est. Suidas etiam ait, Magiam inuentum esse Persarum, aquid quos Magi magnam fidem & auctoritatem habuerunt. Auctor Historiæ Scholasticæ enarrans historiā libri Geneseos, cap. 39. Ninus, (inquit) vicit Cham qui adhuc viuebat & regnabat in Bactria, seu in Thracia, ut alij volūt, & vocabatur Zoroaster inuentor artis Magicæ, qui & hanc, & septem liberales artes in quatuordecim colūnis scripsit; septē æneis, & septem lateritijs, contra duplex orbis excidium quod timebatur, vnum per aquas, alterum

per

*Cham idem
qui Zoroa-
stres.*

per ignem. Ninus verò libros eius combussit. hinc etiam orta sunt idola. Hæc ille. Verùm de antiquitate Zoroastris non cōuenit inter scriptores: nam Eudoxus & Aristoteles, vt ex Plinio retulimus, volunt eum antiquorem fuisse Platone, sex millibus annorum Hermippus autē vel (vt citat Laërtius) Hermodorus Platonicus in libro De disciplinis facit eum quinque millibus annorum bello Troiano vetustiorem; & contrario autem Xantus Lydius, vt refert Laërtius, multo recentiorē eum *Laërtius in tio Operis.* facit, hoc est, sexcentis duntaxat annis ante Xerxis transitum in Græciam. Sed illi nimium multos computant annos, hic nimium paucos. Constat enim Zoroastrem fuisse tempore Nini primi Assyriorum regis, quo regnante natus est Abraam: ab ortu autem Abraæ, usque ad primam Olympiadē fluxerunt anni mille centum septingenti & paulò amplius sexaginta: nam qui plures quam cæteri annos manarchiæ Assyriorum & Medeorum usq; ad Cyrum attribuerunt, illi mille trecentos sexaginta. huic trecentos quinquaginta assignarunt. Cœpit autem Cyrus regnare initio quinquagesimæ quintæ Olympiadis: Secundūm hanc igitur laxissimam computationem, à Nino & Zoroastre usque ad primam Olympiadem, numerantur anni mille quadringéti nonaginta quattuor. Bellū porrò Troianum septem & quadringentis annis præcessit Olympiades: Xerxis transitus in Græciā, in 75. excessus Platonis in 108. Olympiadem incurrit. Ex quo appetet multitudinē illam annorum, quam Eudoxus, Aristoteles & Hermippus tribuūt antiquitati Zoroastris, vel esse fabulosam, vel annos illos non quales nostri sunt, sed quales AEGYptij & Arcades habuerunt, hoc est, trimestres, esse

cen-

censendos. Nec dissimile fuit eodem in loco Plini, quippe qui ait Mōsem multis annorum millibus posteriorem fuisse Zoroastre; cum subtilissima Chronologīæ ratione compertum sit, paulo amplius sexcentis annis Mōse priorem fuisse Zōastrem.

Cassiani de origine Magiae opinio.

AP V D Cassianum Serenus abbas collat. 8^o cap. 21. originem Magiæ & omnium maleficarū artium altius repetit, nimirum etiam ante diluvium, ex eo tempore quo filij DE I, vt scriptura narrat, permisi sunt filiabus hominum, ait enim, scientiam omnium rerum cœlestium & sublunariorum quam Adam à D E O acceperat, tradidisse ipsum filio suo Seth, cuius semen eam seruauit incontaminata, & donec diuisum à sacrilega propagine Cayn perdurauit, eam doctrinam ad DE I cultum, & ad utilitatem vitæ communis exercuit: cum verò fuisset impiæ generationi permixtum, ad res profanas atque noxias, quæ piè didicerat, instinctu Dæmonis deriuauit; curiosasq; ex ea maleficiorum artes atque præstigias ac magicas superstitiones audacter instituit. Sed quomodo hæc curiosa & malefica doctrina diluvio non perierit, in causa fuit Cham, vt antiquæ ferunt traditiones, qui superstitionibus & sacrilegis artibus fuit infectus, easque artes, cum in arcam, in quam cum Noë patre suo iustissimo, & sanctis fratrib^o ingressurus erat, inferre non auderet; diuersorum metallorum laminis, quæ scilicet aquarum non corrumperentur iniuria, & durissimis lapidibus, qui vim ignis non sentirent, insculpsit: quæ diluvio peracto, eadem qua ille celauerat curiositate perquirens, sacrilegiorum ac perpetuæ nequitiaæ seminariū transmisit in posteros. Hac itaq; ratione illa opinio vulgi

qua

qua creditur Angelos vel maleficia, vel diuersas artes hominibus tradidisse, in veritate completa est. Hactenus Abbas Serenus.

SED mihi verius sentire videntur, qui Diabolum primum Magicarū artium auctorem & parētem faciunt, à quo mortales earum cognitionem acceperint, & usum didicerint. Et sanè primum *Prima origo Magicarum artium à Dæmoniis mone.*

Magiæ usum & effectum memoria repetentibus, haud improbabiliter videri potest, Magiæ usum vna cum mundo cœpisse, & quidem in Paradiso, salua etiam tunc & integra illibataque hominis innocentia Ibi enim Diabolus formam sibi induens serpentis, vel occulte per verum & naturalem serpentem Euam allòquens, blandissimis deceptam promissis, ad vetitum pomum maximo sui suæq; totius humanæ sobolis exitio, edendum induxit. Nec mirum videri debet si Diabolum Magiæ auctorem faciamus; cum ipse, ut apud Ioannem capite octavo Dominus noster dixit: *Homicida fit ab initio, & in veritate non steterit quia non est veritas in eo.* Cum loquitur mendacium, ex proprijs loquitur, mendax est & pater mendacij. Recte igitur Lactantius libro secundo Diuinorum institutionum, omnium maleficarum artium inuentores & magistros fuisse Dæmones, confirmat his verbis: Eorum inuenta sunt Astrologia & Aruspicina & Auguratio, & quæ dicuntur Oracula, & Necromantia & ars Magica, & quicquid præterea malorum exercent homines vel palā, vel occulte: quæ omnia per se falsa sunt, ut Sibylla Erythræa testatur. Hæc & alia multa in eandem sententiam eo loco Lactantius commemorat. Sed nemo grauius & elegantius omnes prius sententes Magiæ species omnesque fallacias ex Dæmons profectas esse ostendit quam Cyprianus in lib. de

Lactantius.

Idem.

Idolorum vanitate: Nequissimi, inquit, spiritus,
 sub statuis ac imaginibus consecratis delitescunt.
 hi afflatu suo vatum pectora inspirant, extorum
 fibras animant, auium volatus gubernant, sortes
 regunt, oracula efficiunt, falsa veris semper inuo-
 luunt; nam & falluntur & fallunt, vitam turbant,
 somnos inquietant, irrepunt in corpora, mentes
 terrent, membra distorquent, valetudinem fran-
 gunt, morbos laceffunt, vt ad cultum sui cogant,
 vt nidore altarium & rogis pecorum saginati, re-
 missis quæ constrinxerant, curasse videantur. Hęc
 est de illis medela, cum illorum cessat iniuria; nec
 aliud illis studium est à D E O homines auocare,
 & ad superstitionem sui, ab intellectu veræ reli-
 gionis auertere: cùm sint ipsi poenales, quærunt
 sibi ad poenam comites, quos ad crimen suum fe-
 cerint errore pàrticipes. Hi tamen adiurati per
 D E V M vnum à nobis, statim cedunt & fatentur,
 & de obsessis corporibus exire coguntur. Videas
 illos nostra voce & operatione, quasi flagris cæ-
 di, igne torrei, eiulare, gemere, deprecari, vnde
 veniant, aut quando discedant, ipsis etiam qui se
 colant audientibus confiteri, & vel exiliunt sta-
 tim, vel euanescunt gradatim, prout fides patien-
 tis adiuuat, aut gratia curantis adspirat, Hinc yul-
 gus in odium nostri nominis cogunt, vt nos odiſſe
 incipient homines antequam nosse, ne cognitos
 aut imitari possint, aut damnare non possint. Hęc
 Cyprianus.

S E D ne Christianorum hominum duntaxat
 hęc videatur opinatio, excitabo etiam testes Phi-
 losophus Græcorum, & quidē noblissimos. Ari-
 stoteles in primo de Philosophia libro, vt Laërti-
 us initio sui Operis memorat, Magos AEgyptijs
 anti-

antiquiores esse prodidit, duoque iuxta illos esse principia, bonum Dæmonem, & malum: alterum ex his Iouem & Onomasdem, alterum Plutonem & Arimanum dici: quod Hermippus quoque in primo de Magis ait, atque Eudoxus & Theopom-
pus, qui & reuicturos homines, iuxta Magorum sententias dicit, immortalesque futuros: & vni-
uersa illorum mysteria & effectus precationibus quibusdam constare. Ista Eudemus quoque Rho-
dius tradit. Hæc Laërtius. Verum nihil luculen-
tius testimonio Porphyrij: quod libro 5. De præ-
paratione Euangelica, cap. 7. his verbis refert Eu-
sebius: Magicæ artis dij Gentilium & inuentores
& doctores fuerunt. Vnde namque homines qui-
bus rebus Dæmones colantur & cogantur, quam
ab ipsis Dæmonib⁹ discere potuissent; Neque pu-
tes id à nobis tantum dici: Porphyrius testis cite-
tur, qui in libro De responsis sic ait: Non solum *Porphyrius.*
felicem conuersationem suam verum etiam qui-
bus rebus gaudeant & quibus alligentur, Di, ho-
minibus significarunt. Adhuc quibus rebus cogan-
tur, & quæ sibi afferenda sint, & quos dies vitare
oporteat, figuræ quoque ipsas simulachrorū qua-
les esse debeant, & in quibus locis ipsi versentur,
& omnino nihil est, quod ab ipsis dijs homines no-
didicerint. Atque hæc Porphyrius ex varijs Pro-
serpinæ responsis demonstrat & confirmat. Quid
ergo mirum, Magicæ artis & inventionem & stu-
dium & usum fuisse antiquissimum? Certe nos su-
pra à Mundi usque primordijs, Magiæ originem
repetiuimus, & liber Exodi satis clarè ostendit,
iam tempore Mosis, hoc est, plusquam trecētis an-
nis ante bellum Troianum, Magiā claram & ce-
lebrem fuisse, Magosque magna apud eam gentē,

& sapientiae & diuinæ cuiusdam virtutis auctoritate & existimatione floruisse, vt pote qui se Molì opponere ausi fuerint similiter illi mira quædam operates. Nec Deus per Mosem tā graues penas aduersus Magos constituisset, nec tam seuerè eorum consuetudinem & congressum Iudæis interdixisset, nisi iam tunc eorum ars, sicut hominibus extiosa crat, sic nota & celebris fuisset. Porro circa bellum Troiani tempora claram fuisse Magiæ famam, non obscurè indicat Homerus, præsertim in Vlyssis erroribus, adeò ut totum opus non aliunde constet. Siquidem Protea & Syrenum cantus apud eum, non aliter intelligi volunt; Circe vtique & inferorum, euocatione hoc solùm agi. Deinde apud Thessalas vrbes diu Magia, magna celebritate viguit. Orpheus quoque magnam ei fidem & auctoritatē addidit. Sed primus extat, ut inquit Plinius, de eo commentatus Osthanes Xerxem regē Persarum bello quod Græcis intulit, comitatus, qui velut semina artis portatosæ sparsit, obiter infecto quoque commauerat mundo; & hic maximè ad rabiem, non auditatem modo scientiæ eius Græcorum populos egit. Sed ante hunc, clarissimum in ea arte Pythagore nomen fuit. Is autem quem dixit Pythagoras, & post eum Empedocles, Democritus & Plato ad hanc descendam nauigauere, exilijs verius, ut inquit Plinius, quam peregrinationibus suscepitis, hanc reuersi prædicauere, hanc in arcanis habuere. Sed maxime omnium Democritus, & aliorum suisque editis de ea voluminibus, eodem tempore in Græcia, quo medicinam Hippocrates, hoc est, circa Peloponnesiacum Græciæ bellum, & annum Romæ conditæ trecentesimum, eam illustravit. Multis p[ro]st hos

ſacu-

LIBER PRIMVS

94

Seculis, Apostolorum temporibus apud Brachmanas Indorum Iarchas, & apud Gymnosopistas AEthiopum, Tespersion Magiae existimatione illustres fuerunt: quo tempore Simonem cognomento Magum, propter hanc artem multum clariusse, *Simon Magus.*
 omnis loquitur Ecclesiastica historia. Is Apostolorum æmulus, non apud Samaritas modò, sed apud Romanorū quoque principes, ad magicas eius præstigias attonitos, honores etiam diainos obtinuit: ex quo velut parente, multiplex hæreticorū soboles prognata, & sub Christiano nomine magicas artes professa, religionem & disciplinā christianam apud ignaros, infamem & odiosam fecit. Verùm omnes ante se postquam eius artis famæ celebres, longè superauit Apollonius Tyaneus, eius perdiscēdæ studio totum penè orbem peruagatus, & cum ijs congressus quicunque tunc in ea clari habebātur. Is Magiae scientia tantam nominis claritatem gloriamque sibi comparauit, tantaque sui admiratione hominum animos impleuit, ut à multis eius sapientiam operaque æstimantibus, & viuus & mortuus quasi Deus haberetur. Taceo hic Plotinum, Porphyriū, Iamblichū, Proclūm, Apulseum aliosq; Pythagoricæ ac Platonicæ sectæ plurimos, qui Magiā & coluerunt studiosissimè, & pugnascissimè defenderūt & tanquam inter omnes sapientiæ partes clarissimā, utilissimamque, summis laudibus prædicauerunt. Sed quæret ali- *Vnde tanta quis, quomodo Magia artium omnium vanissima & Magiæ autoris.*
 fraudulentissima, tantum in toto terrarum orbe ritas. totq; seculis valuit? Huic questioni respondēs Plinius primò capitetricesimilib. Auctoritatē, inquit, e' maximā fuisse nemo miretur: quandoquidē sola, artiū, tres alias imperiosissimas humanę métis

G 2

com-

complexa, in unam se redegit. Natam primum è Medicina, nemo dubitat, ac specie salutari irrepsisse, velut altiorem sanctioremque quam medicinam: ita blandissimis desideratissimisque promissis, addidisse vires religionis, ad quas maximè etiam nunc caligat humanum genus. Atque ut hoc quoque suggesterit, miscuisse artes mathematicas, nullo non audo futura de sese sciendi, atque ea è cœlo verissimè peti credente. Ita posessis hominum sensibus triplici vinculo, in tantum fastigiū adoleuit, ut hodieque etiam in magna parte gentium præualeat, & in Oriente regum regibus imperet. Hæc Plinius.

Religio & disciplina Christi tenebras Magiae & restrum maleficarum artium è Mundo dis- cussit.

*Esa. 29.
1. Cor. 1.
Ibidem.*

C A B T E R V M illud hoc loco magno nostro gaudio ingentiique gloria Christianæ religionis considerandum est, cum primum Euangelicæ doctrinæ lux mundo assulsis, omnium magicarum fraudum calliginem suisce discusam atque dissipatam. Simul enim fides C H R I S T I prædicata & recepta mundo fuit, omnis magicarum artium, oraculorum, vaticinationem ceterarumque diabolicalium fraudum vis concidit, defecit, euanuit. Post Euangelium (inquit Tertullianus in libro de Idolatria) nusquam inuenies aut Sophistas, aut Chaldaeos, aut Incantatores, aut Coniectores, aut Magos, nisi planè punitos. Vbi sapiēs? vbi literator? vbi conqueritor huius ævi? Nonnè infatuauit Deus sapientiam huius faculi? Sic Tertullianus. Atque hæc ita fore, uti cernimus evenisse, multò antè C H R I S T Y s Dominus discipulos suos docuerat: nam apud Ioannem cap. 12. dixit: *Nunc iudicium est mundi, nunc princeps huius mundi ejicietur foras: & ego si exaltatus fuero à terra, cum me traham ad me ipsum:* Et apud Lucam capite II. *cum foris ai matus custodit arium*

rium suam, in pace sunt ea quæ possidet. Si autem fortior eo superuenies vice rit eum, vniuersa eius arma auferit in quibus confidebat & spolia distribuit. Quantum (inquit Eusebius libri primi De præparatione Euangelica, cap. 2.) recepta C H R I S T I fide mundus profecerit, ipsi oculis cernimus. Nō enim Persæ qui eū secuti sunt, matres suas nefandis nuptijs cognoscunt: nō humanis vescütur carnibus Scytæ, nec carissimos, falsa religione impulsi liberos iugulat: non Massagetæ ac Derbices propinquos atque affines suos senectute confessos immolant, aut eorum carnes epulantur: non Tybareni senes suos præcipitare, Hyrcani rapaci avium generi, non Caspij canibus proiecere solent; quæ quidem antea religiosissime faciebant: nunc verò euangelica virtute vndique hæc tetra, foeda & immania flagitia explosa sunt. Quis iam doctrinam christianam amplexus, Deos putat aut inania & surda simulachra, aut maleficos Dæmones in eis habitantes, aut partes mundi quæ conspiciuntur, aut mortuorum umbras, aut etiā animaliū vel abiectissima & nocentissima? quibus tamen rebus vniuersæ penè gentes ante prædicationem Euangelij diuinos honores cultusque tribuebant. Non satis existimari potest, inquit Plinius lib. 30. cap. 1. quantū Romanis debeatur, qui sustulere monstra, in quibus hominem occidere religiosissimum erat, mandi etiā saluberrimum. Quis ergo satis æstimet, quantum debeant C H R I S T O , cùm aliæ gentes, tūm in primis & gens & vrbs Romana, cuius fidei ac doctrinæ beneficio, maximis est malis liberata, summisq; beneficijs affecta; Roma enim (vt ait B. Leo sermone primo De nativitate Apostolorum Petri & Pauli) DE V M suum igorās, cùm penè omibus

dominaretur gentibus, omnium gentium seruiebat erroribus: & magnam sibi videbatur assumptissime eligiorem, quia nullam respuebat falsitatem in qua diligentissima superstitione habebatur collectum, quicquid usquam fuerat vanis erroribus institutum, unde quanto est per Diabolum tenacius illigata, tanto fuit per CHRISTVM mirabilius absoluta.

CAPVT XIV.

AN MAGIAE STVDIVM ET VSUS
fit licitus.

DIVLICEM supra Magiam fecimus; unam naturalem, alteram non naturalem. Naturalis cum sit doctrina Phisicae, Medicae, ac Mathematicae pars nobilissima, per se bona & honesta est, hominumque studio & cognitione dignissima. Fortasse autem eius studium & tractatio publica merito prohiberi posset in Republica, videlicet, si timeretur ne ea in vulgus prodita multi (quaestio est humani ingenij ad mala proclivitas) ad perniciem exitiumque aliorum abuterentur. Nam licet medicina quoque abuti possint medici, & ob eandem causam etiam prohibenda videretur; attamen alia est ratio Medicinæ alia Magiae: nam Medicina, & eius usus est per se necessarius mortalibus, & abusus manifestior est, quam ut omnino celari queat; ideoque punitu ac emendatu facilior. Magia vero, nec usus societati hominum est per se necessarius, & est abusus occultis: latet enim per quas res & qualiter Magia operetur. Quamobrem valde timeri potest, ne, quod est occultior in operando, eo magis fiducia impunitatis, lubrica sit ad nocendum.

*De studio Ma-
gie.*

Magia vero non naturalis, praesertim quæ com-
mercio

mercio & foedere intio cum Dæmone nititur, du-
pliciter addisci potest, vel speculatiuè tantū, vel e-
tiam practicè, hoc est, vel noscendi tantum causa,
vel etiam vtendi & exercédi. Nuda cognitio Ma-
giæ per se mala non est: omnis enim cognitio veri
bonū quoddā & perfectio est intellectus; si enim
cognitio malorū bona non esset, Deus eam nō ha-
beret; atqui Deus omniū honorū pariter atq; ma-
lorum scientiā perfectissimā habet, si per se mala
esset cognitio huius M agiæ, ergo nulli prorsus eā
discere aut nosse liceret. Quomodo igitur Ecclesiæ
Doctores & rectores, huius M agiæ vanitates, fal-
lacias, malesicia, impiasq; superstitiones detegere
& confutare possent? quomodo probare, mira illa
quæ faciunt M agi, vel esse meras imposturas vel
opera Dæmonum, vel occultarum virtutū natura-
lium effecta? quomodo demonstrare, nullū opus
M agorū verè posse dici miraculū? quomodo doce-
re, Christi miracula multū differre ac p̄f̄stare Ma-
gorū miraculis, & M agos virtute diuina operari,
nec Christum eiusq; seruos miracula magicis ar-
tibus edidisse? Atque hoc animo & consilio non-
nullis M agie studere concessum est. Nos Christia-
ni (inquit Tertullianus libro De Anima) fallacem
Magiam non socia conscientia, sed inimica sciē-
tia nouimus, nec inuitatoria operatione sed expu-
gnatoria dominatione tractamus multiformem
hanc lucē mentis humanæ, totius erroris artificē,
salutis pariter, animæq; vastatricem. Itaque mihi
quidem videtur rectè dixisse Ioan. Picus Mirandu-
lanus: Quò quis est M agiæ peritior, eò clarius eū
cernere quantum inter M agorum & Christi atq;
sanctorū miracula intersit. Sed studium eius potest
tripliciter non esse bonū; vel si quis illud p̄ferat

studijs vtilioribus, & tantum propter inanem quandom curiositatem illud capebat; vel si ad male agendum id referre velit; vel si propter imbecillitatem mentis periculum sit, ne huius Magiae fraudibus & superstitionibus circumueniatur. Merito igitur id studij publice christianis vetitum est, nec ulli nisi permisso rectorum Ecclesiae conceditur.

De usu Magie.

Usus autem huius Magiae in totum damnatus est & vetitus, non solum lege diuina & Ecclesiastica, sed etiam ciuili, nec Christianorum tantum, sed etiam Gentilium. Non est autem usus Magiae licitus: aut enim ibi est peccatum infidelitatis, si quis Dæmoni credens, tribuat ei diuinum numen; aut est peccatum idolatriæ, si oblationibus & sacrificijs cultum Dæmonibus adhibeat: aut saltem est peccatum inobedientiæ, quia tam Magus quam qui opera Magi vtitur, facit contra prohibitionem diuinam & ecclesiasticam. Causa autem huius prohibitionis triplex est; Primo, quia is peccat in se ipsum, committens se in magnū discrimen, scilicet deceptum magicis fraudibus iu graues errores labendi. Deinde iniuriam facit Ecclesiae, cum Demone habens commercium & familiaritatem, qui est omnino præcitus ab Ecclesia siue aduersarius. Postremo grauissime Deus offendit, dum confugit ad Diaboli opem & auxilium; quasi non sit omnipotens & homini abunde prouidens & consulens Deus Christianorum. Quam grauibus autem, & minacibus verbis Deus & usum & studium huius Magiae prohibeat, ex varijs scripturæ locis liquido cernitur. In ca. 19. Leuitici sic habes: *Non augurabitini, nec observabitis somnia. Non declinetis ad Magos, nec abioliis aliquid sciscitemini, ut polluamini per eos & capite sequenti 20. Anima que declinauerit*

*Magia vetita
diuinis legibus.*

ad Magos & ariolos, ponam faciem meam contra eam, & interficiam illam de medio populisui. Et cap. 13. Deutero : Non inueniatur in te qui sciscitur ariolos, & obseruet somnia & auguria : nec sit maleficus nec incantator, neq; qui Pythones consulat, aut querat a mortuis veritatem. Omnia enim h.ec abominatur Dominus ; & propter istiusmodi scelera debitis g̃es in inferno tuo. Et 4. lib. Reg. cap. 1. Ochoziq regi Israēl qui miserat nuncium ad consulendum Beelzebub Deū Accaron de ægritudine sua: Elias h̄ec renunciari iussit: Nunquid nō est D E V S in Israēl, vt eatis ad consulendum Beelzebub Deum Accaron? Quamobrem h̄ec dicit Dominus ; De leitulo super quem ascendisti, non descendes, sed morte morieris. Et lib. 2. Paralipomenon, cap. 33. inter alia scelera regis Manassis, h̄ec connumerantur : Obseruabat somnia, sciscitabatur auguria, maleficis artibus inseruiebat, habebat secū magos & incātores; multaq; mala operatus est corā. Domino, vt irritaret eum Cuius seuerissimi præcepti hanc rationem reddit Philo in libro De specialibus legibus: Nō sinit noster legislator procrastinari veneficorum supplicia, sed absque mora vult exigi : quod dilatio, noxijs opportunitatem peccandi præbeat, cæteris metū afferat, existimantibus, quicquid illorum vitæ accedit, suæ securitati decedere. Idcirco sicut viperas, scorpions, aliasque venenosas bestias, priusquam mordeant aut saucient, aut etiam se commoueant, sine mora ad primum aspectum occidimus, præcauendo naturalem eorum malitiam priusquam noceant: eodē modo eiusmodi homines plectendi sunt, qui magicis suis artificijs & maleficis artibus incautoshomines non solūm errore implicant, sed in graues calamitates intrudunt. Sic Philo. Quām essent autem hæ artes magicæ, & Apostolis & nascentis Ecclesiæ christianis

Egregia Phīlo
lōnis sc̄men
tid.

abominabiles & exosæ, vel vnuſ locus qui eſt in
19. capite libri De Actis Apostolorum, apertissi-
mè declarat, vbi ſic legimus: *Multi ex his qui fuerant
curiosa ſectati, contulerunt libros, & combuſſerunt coram
omnibus.* Ut autem & multitudinem & pretium li-
brorum intelligerimus; ſubditur, eos quinqua-
ginta denariorum millibus fuiſſe æstimatos, illos
autem libros de rebus curiosis, Chrysostomus, Au-
gustinus, Beda, Oecumenius alijque de rebus ma-
gicis scriptos fuiſſe interpretantur. Reſtat ut de
Magis Pharaonis, qui ſe oppoſuerunt Moſi, non-
nulla diſputemus.

DE MAGIS PHARAONIS,

Exod 7.

Exod. 7.

SACRA Scriptura narrat Pharaonem aduersus
Moſen iuſſiſſe accertiſſi sapientes & maleficos,
qui per incantationes AEgyptiacas & arcana que-
dam ſimilia fecerunt tribus prioribus prodigijs à
Moſe factis: sapientes vocat vel Astrologos, vel
Philosophos, præſertim Magiæ naturalis peritos:
Maleficos autem, qui magiam illam quam ſupra
nominauimus, non naturalem, tenebant & exer-
cebant. Itaque horum nomine ſignificantur præ-
ſtigiaſores, Necromantici, & qui magicis artificijs
abutūtur ad patranda ſcelera, velut adulteria, fur-
ta, homicidia, atque ob id dicuntur malefici: nam
& faciunt mala, & malo modo, nimirūm Dæmo-
num auxilio cum multis item fraudibus, mendacijs
& hominum deceptionibus. Dicuntur autem,
ut refert Iofephus libro ſecundo Antiquitatum,
illi Magi fuiſſe ſacerdotes, apud AEgyptios enim
tales erant existimatione omnis sapientiæ ſacer-
dotes-

dotes, quales apud Indos Brachmanes, apud AE-thiopes Gymnosophistæ, apud Græcos Philo-phi, & apud Iudæos Prophetæ. Dicit autem Scrip-tura, eos operari solitos per incatationes AEgyptiacas, & per quædam arcana: nam operabantur cintando quædam verba modo carminū: sed quia vel verba illa erant secreta, Onkelus vertit, susur-rationes: vel modus quo operabantur, erat se-cretus & occultus, ideò vocantur arcana. Dicun-tur autem AEgyptiaca, non quod primū in AEgypto inuenta fuerint, sed quia verbis & ritibus AEgyptiacis constabant; vel quia nō idem est ge-nus & modus incantationum apud omnes gentes, sed aliis alibi gentium. Septuaginta interpretes vocant Sophistas & Pharmacos, id est veneficos & incontatores, Onkelus Magos, Aquila vertit ιερουργας, id est occultorum cognitores, & pa-tratores,

CAPVT XV.

QVI FVERINT ILLI MAGI QVI
restiterunt Moysi coram Pharaone.

SCRIPTURA neminem eorum nominatim appellat: Sed B. Paulus posterioris Epistolæ ad Timotheum cap. 3. ait Ianne & Mambre restitisse Moysi. Chrisostomus illum locum expo-nens ait, Paulum illorum duorum nomina com-perta habuisse ex antiqua certaque Hebreorū tra-ditione, vel ex SPIRITVS sancti reuelatione. Sic etiam Theodoretus & Theophylactus. Alij dicunt fuisse librum quendam apocryphum, qui inscri-bebatur liber Iannis & Mambres, ex quo lib. vo-lunt Paulum transcripsisse illorum Magorū nomi-na. Quod probare videtur Origenes Tractatu 35.

in Matthæum, vbi exponens verba illa Pauli, ait nomina illa Magorum non inueniri in scripturis publicis, sed in secreto quodam libro qui inscribitur. Liber Iannis & Mambres. Quapropter non nulli epistolam illam Pauli reijcere ausi sunt, tanquam apocryphis vtentem testimonij: cùm tamen, inquit Origenes, nemo adhuc ausus sit reijcere priorem epistolā ad Corinthios, in cuius capite 15. citatur sententia quædā ex Menandro Poëta. Haec tenus ex Origene. à quo non discrepat vulgo putatus Ambrosius eundem illius epistolæ locum explanans, exemplum, inquit, hoc de apocryphis est: Iannes enim & Mambres fratres erant magi vel benefici AEgyptiorum, qui arte Magiæ suæ virtuti DEI quæ per Mose operabatur, æmulatione commentitia resistere se posse putabant. Sed cum Moysi virtus in operibus cresceret, humiles facti, cum dolore vulnerum fateri coacti sunt. DE V M in Mose operari. Gelasius Papa Distinct. 15. sancta Romana Ecclesiæ, hunc librū Iannes & Mambres inter apocryphos numerans, reprobavit. Horum etiam Magorum meminit Plinius lib. 30. cap. 1. & vocat Iamne & Iotape, falsò dicens eos fuisse Iudæos: sed in eo præterea fallitur, quod istos multis annorum millibus fuisse dicit post Zoroastrem; cum ex Iustini libro primo constet Zoroastrem fuisse tempore Nini primi Assyriorum regis, quo regnante natus est Abraam, à cuius ortu usque ad tempus istorum prodigiorū, non nisi quingētiquinque anni fluxerunt; quin ab ipso diluvio non amplius septingentis nonaginta septem præterierunt. De his quoque Numenius Pythagoricus in 3. lib. De bono ita scribit: Iannes & Mambres, AEgyptij erant, magicis artibus adeo

M. red. 8.

ad eō præpotentes, ut Musæo Iudæorum duci, viro
Dœo cōiunctissimo, soli resistere posse à cunctis
AEgyptijs iudicati sint: multas enim calamitates
quas Musæus AEgypto intulit, soluere visi sunt.
Hæc refert Eusebius libro 9. De præparatione E-
uangelica, cap. 3. Hos autem Magos fratres fuisse,
& Ambrosius loco supradicto affirmat, & ex nar-
ratione B. Macharij Palladius commemorat. Sed
quia in Macharij & Palladij mentionem incidi-
mus; non alienum fuerit hoc loco quæ narrat Palladij
vitam Macharij scribens de mirabili horū
Magorū sepulchro ab ipso Machario visa & com-
perta, & deinde narrata Palladio, hīc adscribere.
Dicebat Macharius Iannem & Mambrē fuisse fra-
tres, propter, magicæ artis excellentiam, maximā
apud Pharaonem & AEgyptios tunc temporis ha-
bentes auctoritatem atque potestatem: qui dum
viui essent, intra quandam AEgypti solitudinem,
in hortis quibusdam sepulchrum sibi construxe-
runt ex lapidibus quatuor pedum magnitudine,
multumque auri illic condiderunt, & omnis ge-
neris arbores plantauerunt, & maximū aquæ pu-
teum foderunt, sperantes fore ut post suum obtiū
in illo paradiſo delicijs fruerentur. Hic autem
locus, ut communi illius regionis fama ferebatur,
à Dæmonibus tenebatur atque custodiebatur. In-
cessit Macharium cupido visendi locum, profe-
ctusque; cùm iam propè accessisset, obuiam illi
occurserūt ad septuaginta Dæmones varijs formis,
alij clamantes, alij exilientes, alij magno cum fre-
mitu in eum stridentes dentibus, alij figura coruo-
rum in eum inuolantium, quibus euanescentibus
ingredienti iam in paradisum, occurrit Diabolus
cum disticta romphæa ei minitans: quem facie-

*Memorabilis
historia.*

crucis signo repellens, ingressus est locum; omnique contemplatus, reperit cadum æneum, catena ferrea pendentem ex puteo, iam tempore consumptum, & frustum malorum punicorum, quæ nihil intus habebant, fuerant enim arefacta sole; & plurima aurea donaria. Hæc Palladius de sepulchro horum Magorum ex Macharij relatione.

CAPUT XVI.

*AN PRODIGIA QVÆ MAGI ILLI
fecerunt, fuerint vera, an tantum si-
mulata.*

Exod. 7. & 8. **M**AGNA quæstio est, varijs scriptorū sententijs in vtramq; partem agitata, an serpentes illi seu dracones, in quos scriptura narrat virgas à Magis proiectas, fuisse AEgyptiacis incantationibus atque arcanis conuersas, fuerint veri & naturales serpentes, non minus quam sis in quem virginem Aaron mutata fuit, an potius fuerint simulachra quædam tantum & imagines serpentum qui à Dæmonibus, serpentum modo mouebantur. Quod autem de serpentibus Magorum diximus; de aqua mutata in sanguinem, & ranis productis itidem intelligi volumus.

*Prima opinio,
fuisse veros
serpentes.*

M V L T I & graues scriptores existimaruunt serpentes illos fuisse naturales: hoc enim docet Theodoreetus in Quæstionib⁹ suis in Exodū quæst. 18. idemque apertius & copiosius B. Augustinus lib.3.de Trinitate, cap.7. & 8.in lib. octoginta triū quæstionū quæst. 79. quem in hoc ferè secuti sunt Theologi Scholastici. S. Thomas affirmatissime hoc tradit in Commentarijs super 24. caput Euan. gelij

gelij secundūm M athæum, & prima parte quæst.
14. art. 4. in eandem ineliat sententiam Bona-
uentura z. Sententiarum, Distinct. 7. quæst. 2. Ca-
ietanus adeò clarum id esse inquit in scriptura, vt
in dubium minimè verti possit. hoc etiam senti-
unt Lyranus, Tostatus & Paulus Burgensis, & cō-
firmari potest argumentis B. Thomæ desumptis ex
prima parte, loco supra citato.

VERVM ex aduerso multo pluris & antiquio-
res, nec minus doctrina & antiquitate præstantes,
prodigia illa M agorum non fuisse veros & natu-
rales effectus, sed tātūm simulatos, & apparentes,
& artificio quodam magico ac diabolico spectan-
tium oculis imponentes, & senserunt, & scriptis
suis prōdiderunt. Nam Iosephus lib. 2. Antiquita-
tum ait illos serpentes M agorum specie verorum
serpentum reptasse, sed fuisse præstigias, veritatis
specie hominibus non admodum cautis imponē-
tes. Simile quippiam innuit Philo lib. primo De
vita M osis hoc factum M agorum enarrans. Iusti-
nus martyr in libro Responsionum ad quæstionēs
Orthodoxorum, in responsione ad quæstionē 26.
Quæ, inquit, à M ose facta sunt miracula, quia de-
uina virtute sunt edita, facta sunt mutatione rei
propositæ in naturam eius quod efficiebatur: at,
quæ à M agis, opera Dæmonis sunt facta, spectan-
tiū oculis prestigias offundebant, vt qui serpēs nō
esset, eum viderent quasi serpentem, & non san-
guinem quasi sanguinem & non ranas quasi ranas.
Tertullianus in libro De anima: Possunt, inquit, &
solent Dæmones phantasmatā præstare, & corpō-
ra fingere, quibus exteriores oculos circūueniant.
Corpora enim videbātur Pharaoni & AEgyptijs
magicarum virginum dracones: sed M osis veritas,

*Altera opinio
non fuisse ve-
ros serpentes.*

mendacium eorum deuorauit. Gregorius Nissenus : Qui ex virga Mosis, inquit, factus est serpēs, verē animatus, Magorum virgas reuera ligna, vi-sus autem deceptione serpentes, facile deuorauit. Græcus interpres, quem citat Catena in Exodum ait, illos serpentes Magorum fuisse meras præsti-gias, nihil verorum serpentum præter speciem & imaginem habentes. hoc etiam super cap. 7. Exodi affirmant Rupertus, Rabanus & Hugo de S. Vi-store. Idem quoque satis indicat Ambrosius interpretans cap. 3. posterioris epistolæ ad Timotheum : Ianines, inquit, & Mambres virtute D E I quæ per Mosem operabatur, commentitia æmulatione resistere conati sunt. Eundē Pauli locum explanās B. Hieronymus : Sicut, inquit, illi Magi artis magicæ præstigijs Mosi, sic nonnulli argumentorum fallacijs, christianæ veritati ac simplicitati resiste-re, ac illudere conantur.

Autoris sen-tentia fuisse veros illos Magorum ser-pentes.

NE V T R A hæc opinio euidenter ex sacris li-teris, aut humanis rationibus, vel probari vel re-probari potest : videtur tamen aliquanto proba-bilior B. Augustini sententia. Scriprura enim Exodi 7. iisdem verbis eodemque modo narrat vir-gam Aaron versam esse in serpentes & item vir-gas Magorum: ergo si ille Aaron fuit verus serpēs, pariter etiam serpentes Magorū veri fuisse viden-tur. Ibidem quoque dicitur virgam Aaron deu-orasse virgas Magorum, hoc est, serpentem ex vir-ga Aaron factum, deuorasse serpentes ex Magorū virgis factos, non diceretur autē deuorasse illos, nisi fuissent veri serpentes. Deinde sequenti cap. octauo traditur Magos defecisse in tertio signo, nec potuisse producere ciniphes: ex quo satis in-telligitur, verē & non in speciem tantum eos duo priora

propria signa fecisse. Moses item detexisset fallaciam, si non fuissent veri serpentes. Quid quod scriptura vocat simpliciter serpentes, & ex nulla circumstantia narrationis colligi potest eos non fuisse veros serpentes: nec repugnat fuisse veros, ergo probabile valde est veros & naturales serpentes fuisse.

CAPVT XVII.

*QVOMODO MAGI FECERINT IL-
los serpentes.*

QVATVOR vel quinque modis cogitare possumus Magos fecisse serpentes, sanguinem, & ranas; duobus vel tribus in speciem tantum & simulatè, duobus alijs, verè. Primo enim species & phantasmata virgarum & serpentum, aquæ & sanguinis & ranarum quæ erant in phantasia, & imaginatricè facultate, Dæmones communœdo & turbando spiritus in quibus erant illæ species, potuerunt facere, ut illæ species refluerent ad sensum communem vel etiam ad sensum visus; verbi gratia, primo species virgæ mox ea sublata, species serpentis: ita ut videretur virga conuersa in serpentē. Vide hæc tractata apud S. Thomam primæ parte, quæst. 114. & 111. artic. 3. & 4. idemque in alijs fieri cernitur. Namque in somno motu vaporum ascendentium in cerebrum, atque descendéntium, refluens rerum sensibiliū ad primum sensituum, dormientes videntur sibi & videre & audire: & vi morbi idē continet phreneticis. Deinde potuit fieri, ut Dæmō virtute aliqua naturali occulta, spectantium visum ita inficeret vel turbaret, ut viderentur esse quæ

non erant, & non esse quæ aderant: quemadmodum ægrotus corrupto palato & gustatu, dulcés cibos iudicat amaros. Tertio modo potuerūt Dæmones virgas illas Magorum subito conuertere in serpentes, applicando illis inuisibiliter aliqua agentia naturalia nobis ignota, ad producēdos serpentes potentissima & efficacissima. Quarto modo fieri potuit ut Dæmones non aduertētibus qui spectabant, virgas à Magis projectas, subito è conpectu illorum clām auferrent, & pro illis serpentes mole æquales ipsis, vel ante præparatos, vel a liunde tunc celerrimè asportatos, intuentium oculis subijcerent, ita ut virgæ in serpentes videretur esse conuersæ. Potuit etiam quinto modo illud fieri, ut Dæmones virgas illas in modū & formam serpentum figurarent, vel figuram serpentū illis affingerent, & in illis motum qualis est verorum serpentum, ipsi efficerent.

Qui negant illos serpentes Magorum, fuisse veros & naturales, eos necesse est sequi vel duos priores modos, vel certè quintum modum. Sed contra priores duos modos illud pugnat, quod scriptura ait factos esse serpentes, non igitur solū erant in imaginatione vel aspectu intuentium, sed extra quoque erant serpentes: non enim dixisset scriptura, Magorum virgas versas esse in serpentes. Contra quintum modum facit quod scriptura dicit, serpentem factum ab Aaron, deuorasse serpentes Magorum: quomodo autē deuorasset illos, nisi fuissent veri serpentes. B. Augustinus, S. Thomas, Bonaventura, Caietanus & Burgensis sequuntur tertium modum; qui tamen sicut nec Lyrano, nec Tostato, ita nec mihi fit probabilis. Certum enim est, nec Dæmones potuisse immediatè producere ser-

Serpentes, sed tantum adhibendo causas naturales eorum productrices. Certum etiam est, nullum agens naturale naturaliter operando posse subito producere formam ex materia non ante disposita & preparata. Certum etiam est, diuersas formas exigere diuersas materiæ preparationes, & quo formæ sunt nobiliores, eò plures & operosiores preparationes depositantur: maior enim preparatio fit materiæ ad formam mixti quam ad formam elementi, & maior ad formam animalis perfecti, quam vel mixti inanimati vel plantæ. His positis, quæ secundum veram Philosophiam negari non possunt, quæramus an Demones producerint illos serpentes immediatè ex virgis: at materia virgæ est admodum remota & aliena recipiendæ formæ serpentis. Si dicant non immediatè ex virga productos esse serpentes, sed varijs transmutationibus præmissis; attot & tam variæ transmutationes subito fieri non potuerunt, statim enim atque Magi proiecerunt virgas, apparuerunt serpentes. Quid quod cum naturaliter producitur serpens, non statim producitur magnus, sed primò parvus, deinde paulatim acquirit iustum magnitudinem: at illi serpentes statim producti sunt magni, nimirū æquales virgis Magorum, non enim visum fuisset virgas mutatas esse in serpentes, nisi serpentes fuisserint æquales virgis.

C A I E T A N V S vt vim harum rationum ab ipso, ut arbitror, præuisam effugeret, duo reperit effugia; alterum, est eo tempore quod effluxit, dum ^{Caietanus} Pharao vocavit Magos, & ipsi ad eum adierunt, Demones ^{refelliti.} vltimam dispositionem pro forma serpentis induxisse in illas virgas, atque ita cum proiectæ fuerunt, statim potuisse produci serpentes: alterum

H 2 est,

est, licet agens naturale per se non possit ex virga & subito producere serpentem, tamen ut est instrumentum Dæmonis, illud posse; sicut motus & lumen cœli multa producunt quæ sunt ipso nobiliora, quatenus sunt instrumenta intelligentiae mouentis. Sed contra primum effugium facit illud, quod sic non fuissent illæ virgæ, non enim potest manere forma virgæ cum ultima & proxima dispositione materiæ & formæ serpentis, præterea dubium est an illi serpentes seu ut alij vertunt dracones potuerint aliter generari quam ex semine. Secundum effugium nihil valet: nam licet agens naturale ut est instrumentum vel hominis vel Angeli, possit vel citius vel melius aliquid facere, tamen non ob id potest ex qualibet & in qualibet materia effectum suum producere, nec potest posteriorem formam inducere non inductis prioribus. Posterior enim & nobilior forma, præsupponit necessariò priores; & sicut inter formas, ita inter earum dispositiones, est ordo naturaliter immutabilis, ut non possit esse posterior in materia nisi antea fuerit prior. Præterea verus sanguinis naturaliter non potest produci nisi in animalia, & per calorē animalis, & per certa instrumenta quæ in solo sunt animali.

Muctoris sensetia quomodo facta sit à Magis illa virginarum in serpentem mutatione.

RESTA T igitur quartus modus supra exppositus, qui & Lyrano & Tostato mihiue fit verisimilior: nam secundum eum modū defendimus fuisse veros serpentes, atque ita euadimus difficultates obiectas contra primum, secundum & quintum modum: nec tamen dicimus eos productos fuisse ex virgis, ne vrgeamur illis rationibus quibus tertius modus premitur. Vnus tantum scrupulus hæret, quomodo si non fuerunt serpentes producti

ducti ex virgis, dicantur virgæ conuersæ in serpentes? sed respondendum est, scripturam id dixisse non quod ita fuerit secundum veritatem, sed quia ita videbatur & aestimabatur spectantium iudicio. Nam & hoc quoque dicere oportet eos qui negant illos fuisse veros serpentes; & Caietanum qui vult illas virgas habuisse ultimam dispositionem pro forma serpentis: sic enim non poterant esse verae virgæ, ut ostendimus, sed secundū speciem tātū; quare secundum eum, nec Magi proiecerūt veras, virgas, nec verae virgæ sunt conuersæ in serpentes.

SED dicet aliquis, cur permisit Deus ut Magi qui contradicebant Moysi, prodigia facerent, cum passus illa ea res & diuinam virtutē quae per Moysen operabatur, obscurare videretur, & Pharaonis animū magis in perfidia & inobedientia obfirmatum & obstinatum redderet? Ad hoc Chrysost. homil. 46, in Acta Apostolorū, ita responderet. Permisit Deus Magis aliquod aduersus Mosem, ne Magus putaretur esse Moses: Permisit illos docere omnes quantum Magia imponat sensibus: ultra autē non deceperunt, sed ipsi se victos confessi sunt: & non potest, inquit, sine certamine clara esse victoria, & quō potentior est hostis, eo illustriorem reddit eius gloriam à quo se victum esse ipse confitetur: sicut Magi victos se à Mose confessi clariorem eius gloriam effecerunt. Theod. in quæst. suis in Exod. quæst. 18. Ne quis, inquit, suspicaretur Mosem arte magica mira illa fecisse; permisit Deus Magos similia aliqua facere, ut quantum inter diuinam virtutem & magicas operationes iuteresset, tum cūdientia rerum, tum etiam Magorum confessione, clarissimè innotesceret. Mutat Aaron virginem in serpentem, mutant etiam Magi virgas suas in

113 DE MAGIA LIBER PRIMVS.

Exod. 7.

serpentes: sed serpens Aaron præualens, Magorum serpentes deuorauit. Mutant Magi aquam in sanguinem: sed non rursus possunt sanguinō mutare in aquam, sicut fecit Moses: producunt ranas, sed eas auferre sicut Moses nō possunt: & qui maiora animalia ficerunt, minora, id est, ciniphes, facere non potuerunt. Denique nec vlcera ipsi cauere, nec vlcerum dolorem quo vehementer afflictabantur mitigare, nedum auferre potuerunt. Quamobrem Mosem longè superiorem quam ipsi essent, & diuinam virtutem quæ operabatur, artibus suis magicis præstantiorem confessi: dixerunt;


Exod. 8.

Digitus Dei est hic.

VERVM nos, quia hunc de Magia librum, ut perspicuitate orationis, & varietate atque ordine disputationum, delectuque probabiliorum sententiæ, firmiorumq; rationum; sic breuitate (quæ magna est legedi discendiq; illecebra) cōmendatū lectori & probatum esse cupimus, expositus

iam quæ ad propositi à nobis argumēti tractationem & explicationē pertinebant, hīc ei finem imponamus.

(**)



BENE-



BENEDICTI PERERII LIBER SECUNDVS.

qui est

DE OBSERVATIONE SOM-
NIORVM.

SONUM est genus nec una so-
mniorum ratio ; quo circa nec par-
est omnium causa, ut æquè omnia
vel approbari vel improbari debe-
ant. Multa quidem somnia derident
sacræ literæ. alia, etiam damnant : quædā vero cō-
mendant ac venerantur. Sunt enim pleraque ina-
nia : nec pauca sunt naturalia, ex certis naturæ
causis profecta. Sunt item alia Dæmonis callidi-
tate ac malitia mortalibus iniecta : denique non-
nulla diuinitus hominibus data sunt. Diligens
porrò somniorum tractatio, pulcherrimā per se
ac iucundissimam parit cognitionem, & ad obscu-
ros diuinæ scripturæ complures locos illustrādos
valet plurimum : regendæ verò ac moderandæ
hominum vitæ utilissima esse potest. Sed in pri-
mis ad redarguendam quorundam hominum
inscitiam (sed verius dixerim , stoliditatem
& vecordiam) qui nimis curiosè & anxiè
ac superstitione obseruant somnia , per ma-

LIBER SECUNDVS

gno est adiumento. His ergo rebus adductus, de somniorum natura, varietate ac veritate nonnullas quæstiones scitu maximè dignas atque utiles hoc libro explicandas suscepit.

INDEX QVAESTIONVM LIBRI
SECUNDI QVI DE
Somnijs.

PRIMA

- Q**uestio: An somnijs habenda sit fides.
II. De causis verorum somniorum.
III. Quibus signis dignosci queant somnia diuina à non diuinis.
IV. Cur DEVS in somno arcana homines doceat.
V. Cur à DEO somnia dentur indoctis hominibus sæpius quam sapientibus.
VI. Cur diuina somnia nonnumquam sint obscura & perplexa.
VII. An licitum sit homini christiano obseruare somnia.
VIII. Cuius hominis sit ritè interpretari somnia.
IX. An in somno usus & voluntatis liber esse queat.
X. De somnio Salomonis, in quo donum sapientiae à Deo promissum ei contributum est.



QVÆ

QV AESTIO PRIMA,
AN VLLA SOMNIIS HABENDA
fit fides.



N diuersa, vulgi ac sapientum super hac re distrahuntur sententiæ: quamquam vno verbo ea quæstio posset expedire facta somniorum distinctione: non nullis enim somnijs hinc dubitatione fides habéda est: plerisque tamen penitus deroganda. Nimirum, aut omnibus, aut nullis credere somnijs, par est recordia, & videtur extremæ vtrumque vel stoliditatis, vel consumaciæ. Sed profectò, & scitum, & verum est illud Ciceronis dictum: nihil tam absurdè dici posse, ut non ab aliquo Philosophorū dicatur. Quid enim esse potest magis $\alpha\lambdaογον$ & $\alpha\deltaυ\pi\alphaτον$, quam omnia somnia vera & credenda esse arbitrari? Ecce tibi Prothagoras, vñus sanè ex illo prisorum philosophorum senatu, omnibus somnijs fidem arrogat, magna auctoritate decernens, veritatem *pinio*.
& falsitatem non ipsa natura rerum, sed sola existimatione hominū constare: hominem esse mensuram omniū & tale vnumquodq; esse, quale videtur homini, siue sobrio, siue vinolēto, siue sano, siue insano, siue vigilāti, siue dormiéti. Affines huic errori fuère quidam Stoici, nimio plus superstitionis, ac penè fanatici philosophi: qui nulla rei ciunt somnia, in omnibus esse rati vim significandi, ac denotandi aliquid. Existimari tamen aiunt, quædam somnia inania & falsa, quod sint admodum tenuiter expressa, ob idque obscura, & ad intelligendū difficultia: & quia proper ambiguitatē,

*Cic. in 2. de
Divinatione.
Omnia somnia esse vera,
Prothagoræ et
Stoicorum o-*

Xenophanis
et Epicureo-
rum opinio
omnia somnia
esse vera.

Varias ad res videntur posse applicari, propterea nihil certum ex eorum obseruatione nobis constare: præsertim verò quod ad eorum somniorū vim dispiciendam, par hominum solertia & sagacitas non facilè inueniatur. Ex aduerso, his contraria sentientes Xenophanes Colophonius, vel ipsa vetustate memorabilis philosophus (nascensis enim in Græcia philosophiæ propemodùm qualis fuit) mollis item ac delicata Epicureæ discipline sectatores, omnium somniorum fidem & auctoritatē sustulerunt. Non esse autem ullis credendum somnijs, sic illi argumentabantur. Vna vijs est eademq; natura omnium somniorum: par igitur credendi aut omnibus, aut nullis ratio esse debet. sed plerisq; somnijs non esse credendum, confessio est omniū: nihil ergo causæ est cur plerisque reiectis, aliquibus præcipue credere debeamus. Adiace, quod si quædam somnia vera & certa sunt, alias esse certas ipsorum effectrices causas necesse est. At quas? naturam, inquiunt, & Deum. Sed natura quidem amica est ordinis & constantiæ; in somnijs nullus ordo ineſt, sed plena temeritatis inconstantia. Dei autem maiestate alienū & indignum videtur, obire Deum lectos dormientium, concursare grabatos, & stertentibus injicere somnia, quæ illi expurgiscentes, vel non recordantur, vel non intelligant, veletiam contemnant, vel si curanda sibi putent, stulta impleti superstitione, dies noctesq; animi pendeant, aut inani impendentium malorum metu perterriti, aut fallaci futurorū expectatione bonorum elati. At, quantò & ratione conuenientius, & Dei præstitia dignius, atque utilitati hominū consultiū fuisset, visa dare non sordidis & indoctis hominibus, sed opti-

optimis & sapientibus viris, non dormientibus,
sed vigilantibus, nempe magis ad intelligendum
idoneis: nec per circuitonem, & anfractus, atque
enigmata, sed propriè, apertè, explicatè significa-
re Deum, quod ab homine vellet intelligi.

H A E C isti de somnijs balbutiunt, in totum, *Vera sententia de somnijs.*
ea vel approbantes, vel damnantes; videlicet per
extrema, veritati deuia, inerrantes. Sed vera sen-
tentia, quasi media insistens via varia facit somni-
orum genera: quorum plurima tanquam inania,
ab omni ratione vacua, nec vlla fide digna, planè
abiudicat & reijcit. Hoc, cùm luce Solis clarius sit,
superuacaneum est argumentari. Id enim quotidiana docet experientia, totas quotidie noctes som-
niamus, quotum igitur quodq; de tot somnijs, ve-
rum euadit? Euadit quidem aliquod nonnunquam
verum, sed quia id rarissimè, ac sine ratione vlla
contingit, nihil afferri potest, cur non casu & tem-
erè accidisse credatur. Idem quoque ratio ipsa
fateri cogit. Nam quæ alia est istiusmodi somnia-
rum causa nisi quia spiritus, sentienti animæ, præ-
fertim autem phantasie, cuius est fingere somnia,
desertientes, in quibus insident atq; inharent, rerum in vigilia perceptarum reliquie, ac vestigia,
quas in scholis appellamus species, eiusmodi in-
quam spiritus, in somno vaporibus cibi potusque
caput subeuntibus agitati, & huc illuc iactati, va-
ria reddunt visa & somnia, sed propter inordinata
eorum spiritum iactationem, valde incomposita,
sæpè etiam turbulenta & distorta, denique talia, ut
nullam vim significandi aliquid habere queat, Sic
profectò sunt somnia, ut quæ in nubibus variè fi-
gurantur, vel animantium, vel aliarū rerum simi-
litudines & imagines, quas cernimus breuissimo-

*Pleraque so-
mnia esse veri-
ta.*

*Causa somni-
orum.*

tem-

tempore in alias, atque alias commutari, & mox dissolui omnes, ac penitus euanescente. Has imagines, qui certam ullius rei significationem facere putaret, obtusus & excors haberetur, at non minoris videtur inscitiæ, certas significandarum rerum notas, & signa eiusmodi somnijs attribuere. Si ebriorum, phreneticorum, & insaniorum visa negligimus, & pro nihilo ducimus, quæ profecto ridenda, & conténenda sunt somnia, quin eò magis, quod plerumque magis ipsa sunt inordinata, confusa, & monstrosa. Facetè quidam, sed verè tamen, dixit, si natura sic esset comparatum, ut ea dormientes agerent, quæ somniant, fore omnino necessarium, ut alligarentur, omnes, qui cubitum irent, quippe magis ridicula & absurdâ, magisque incredibilia, quam illi faciant insani, facturos esse somniantes. Hanc quoque sententiam confirmat diuina scriptura, deridens leuitatem & vanitatem eorum, qui somnijs, hoc est, rebus futilissimis ac mendacissimis credendo, dignos se præbēt, qui omnium irrisione ludantur. Itaque in libro Ecclesiastæ capite quinto sic est : *Vbi multa sunt somnia, plurimæ sunt vanitates. & innumeris sermones.* In lib. item Ecclesiastici cap. 34. ita legimus. *Somnia extollunt imprudentes, quasi qui apprehendit umbram, & persequitur ventum, sic qui attendit ad insomnia, multos errare fecerunt somnia, & exciderunt sperantes in illis.* Denique cùm scriptura vult significare aliquid vanum, instabile, fugax, & fallax, somniorum comparatione, ac similitudine persæpè declarat.

Multa somnia
esse vera.

CAETERVM, vt plurimus somnijs abesse veritatem, fidemque non est negandum, ita quædam

dam esse vera, & certa somnia, fatendum est. Nam si nullis insomnis, quidquam veri & certi esset, inscienter profecto, ac superstitione clarissimi medicorum, somnia, quæ frequenter ægris continent ad eorum morbos dijudicandos curandosq; tam subtiliter & curiosè obseruarent. Stulto item labore physiologi se fatigarent, somniorum causas, vires, ac significationes tanto studio, & diligentia venando ac speculando. Mendaces præterea essent tot superiorum temporum historiæ, clarissimis testatæ consignataq; monumentis, referataq;que exemplis verorum somniorum, quæ ad verbum cūm rerū euentis mirificè conuenerūt. Quid in sacris literis quot memorantur somnia, nō vera & certa modò, sed etiam diuinorum mysteriorū plenissima, Repetat memoria lector somnia Abræ, Abimelech, Iacob, Laban, Ioseph, Pharaonis, Salomonis, regis Nabuchodonosor, Danielis, Mardochæi, Iudæ Machabæi: in nouo autem Testamento, somnia beati Ioseph, Magorum, vxoris Pilati, denique somnium D. Pauli, quod à Luca in lib. de Actis Apostolorum narratur. Hanc somniorum distinctionem, etiam Homerus Poëtico more, fabularum integumentis velataim, significauit, dum duas finxit portas, vnam corneam per quam emitterentur ad homines vera somnia: alteram eburneam, per quam ederentur falsa. Homerum imitatus, vt ferè solet, Virgilius libro 6. AEneidos, eandem sententiam expressit his versibus:

Sunt gemina somni portæ, quarum altera fertur
Cornea, qua veris facilis datur exitus umbris,
Altera candenti perfecta nitens elephanto,
Sed falsa ad cœlum mittunt insomnia manes.

Math. i. C. 27

Act. 16.

*Homeri com-
mentum ad
significandans
verorum atq;
falsorum so-
mniorum de-
stinctionem.*

Odys. 7.

Cur

*Mac. libro I.
cap. 3.*

Cur autem poëta, veris somnijs corneam portam, falsis eburneam assignauerit, causam exponit Macrobius in eo commentario, quo somnium Scipionis explanauit.

QV AESTIO II.
DE CAVSIS VERORVM SOM-
NIORUM.

*Variæ de som-
niorum cau-
sis, auctorum
sententiae
Hippocrates.*

*Somnium Cy-
ri.*

DICTVM est, alia esse somnia falsa, & alia vera: reiectis igitur falsis, vera contemperuntur. Verum, quia quæ sint vera somnia, & quo insigni atq; nota internoscatur à falsis, planè intelligi non potest, nisi veroru somniiorum causas omnes rememorū, & aperiāmus, propterea quid ab alijs de huiusmodi causis creditum & pròditum sit, hoc loco docere conuenit. Hippocrates in lib. de Insomnijs, duo statuit somniioru verorum genera; alterum nominat diuinum, alterum naturale. Diuina somnia, inquit à Deo mitti, & semper memorabiles aliquos casus, insignesque vel ad lœtitiam & tristitiam, vel ad fœlicitatē & miseriam, siue priuatam, siue publicā, euentus portendere, horum autem somniiorū interpretationem, ex vatibus, rerumq; diuinarum interpretibus petendam esse. Tale fuisse dicitur somnium Cyri maioris, qui monarchiam Persarum condidit, ad cuius pedes dormientis, sol visus est, terq; ab illo appetitus manibus, ter se conuoluens, elapsus est. Quo somnio magi Persarum sapientes, significari responderunt, eum triginta annos, & ita sanè contigit, imperio potiturum. Naturalia somnia, ex causis fere intra corpus dormientis latentibus, existere putat Hippocrates, atque hisce somnijs affectiones ipsius corporis aut bonas, aut malas

malas, indicari, hoc est vel plenitudinem ac redundantiam vel contra inopiam atq; inanitatem, vel aliquem eorum, qui sunt in corpore humorū, aut corruptum, aut suo loco motū, aut inordinate & immoderatè agitatum. Horum verò sompiorū obseruationem & coniectationē spectare ad medicum, eamq; ad dirigendas ordinandas q; curatio-

Plato.

nes permagni referre arbitratur. Plato in Conui-
nio, somnia vera & prænuntia futurorū, à dæmo-
nib^o proficisci existimat: dæmones enim esse me-
dios inter Deum, qui est immortalis & incorpo-
reus, atque homines corporatos & mortales: qui-
ppe cùm sint ipsi & corporei, quales nos sumus,
& immortales, qualis est Deus. Deū namq; censet
Plato non immiscere se rebus humanis, nec pre-
ximè cum hominib^us societatem aliquam & con-
suetudinem habere, sed commercia & colloquia
inter Deum, hominesq; siue vigilantibus ipsis, siue
dormientibus, per dæmones agitari & confici. Ni-
mirū, dæmonū munus & officium esse inquit, pre-
ces & vota hominū referre ad Deum, & Dei mu-
nera & auxilia deferre ad homines: per hos, vati-
cinia, incantationes, magia, omnisq; diuinandi ra-
tio, & prodigiorū effectio, ad homines peruenit. I-
taq; dæmones esse Dei nuncios, intrepentes, & ad-
ministros: hominū verò esse quasi patronos, aduo-
catos, magistros, & vt ficitio Apuleiverbo dicā sa-
lutigerulos. Atq; hæc non solius Platonis, sed ante
Platonē etiā Empedoclis & Phythagorē fuit sente-
tia: de qua & cōtra quā, in lib. 8. de ciuitate Dei. ca.
20. & 21. & in lib. 9. acutè docte q; disputat Aug. Ari-
stoteles in libello quē inscripsit de Diuinatione ex
somijs ducta, negat vlla dari hominib^o à Deo sō-
nia. Vera autē somnia, inquit, vel esse naturalia

*Dæmonum
natura ex mis-
nius secundum
Platonem.*

*Aristoteles.**qua-*

quædam signa, & ex naturalibus causis profecta,
quæ scilicet periti Philosophi & medici utiliter
obseruant: vel esse quodammodo principia quæ-
dameorum, quæ postea vigilantes acturi sumus:
nonnunquam enim in quiete quædam ocurrunt,
quæ videntur ad aliquid agendum posse con-
ducere, quibus post somno excitati ad benè agen-
dum accommodatè ytimur, & iuuamur. Stoici
tres causas verorum somniorum constituunt. Pri-
mam D E V M, qui cum sit rerum omnium scien-
tissimus & prouidentissimus, hominiq[ue] bene-
uolus ac beneficus, quo fit homo cautior, dat ei
somnia quæ sint ipsi futuorum indicia, & eoru, quæ
agenda ipsi cauendaque sunt, documenta. Alteram
causam pōnunt fatum, quo cuncta sunt velut æter-
na quadam serie, nexuque colligata: si quidem re-
rum omnium futurarum, putant Stoici, & antece-
dentes causas, & præcurrentia signa, tum alijs in
rebus, tum etiam in ipsis somnijs præmitti. Tertiā
causam faciunt naturam animi nostri, quæ diuina
est: animus, enim hominis, exteriorib[us] sensib[us] per
quietē cōfopitis, & ab omni actione vacatibus, ip-
seq; negotijs curisq[ue]; omnib[us] solutus ac liber, vege-
tior fit & habilior ad intelligendū, tunc enim clari-
rius præterita meminit, præsentia sentit, futura
prouidet. Porphyrius, veritatem somniorum re-
fert, partim ad innatas animis hominū notiones,
& velut insignitas rerum omnium notas, quas ex
altera vita detulit animus, ad hoc corpus veniens:
sed eo vehementer obrutus, atque oppressus, non
potest eas vigilantibus sensibus cernere: in quiete
verò, clarius ei apparent, atque innotescunt.
Partim refert somnia ad dæmones: ad bonos qui-
dem bona, & veracia: ad malos autem, praua, fœda,
& fal-

*Porphyrius
quid de veri-
tate somnio-
rum senserit.*

& fallacia. Synesius multa disputat de Spiritu phantastico, quod est vehiculum animæ, eo namq; medio, ceu quodam vinculo, cum terrestri hoc corpore colligatur & copulatur: in quo item solutus corpore animus, ex vno loco in alium mouetur, atque in eo maleficiorum pœnas persoluit apud inferos, nec sine eo dum est in corpore, quicquam potest intelligere. In hunc porro spiritum, omnium quæ sunt, fuerunt eruntq; simulachra imprimitur, & in eō lucent tanquā in speculo, præsentium quidem rerum, clariora, præteritarum autē, quo sunt vetustiores minus perspicua, minima vero futurarum, quæ scilicet nec sunt, nec fuerunt unquam. Sed quia futuri effectus, in potestate causarum cohibentur, quasdam habent prægressiones, & præcursiones signorum, quæ hoc minus manifesta sunt, quo illa longius absunt, atque in hoc genere, ponenda censet somnia. Quapropter fere obscuris imaginibus & similitudinibus, res per somnia, significantur, non æqualiter tamen, sed prout varia est illius phantastici spiritus temperies & ratio, similiter ut in speculis, pro varietate eorum materiæ aut figuræ, variæ ac dissimiles redduntur imagines. Monet præterea Synesius nō parum conferre ad quieta & veracia in somno visa percipienda, benè præparare hunc spiritu phantasticum, moderato nempe vietu, honestis studijs, & actionibus, sed andisque animi perturbationibus. Pythagoras certè iturus cubitum, cantu & sono lyræ somnum captabat, atque hac ratione ad bona lætaque somnia accipienda, se ipse comparabat: ob eandemque causam, esu fabæ suis interdicebat: quod haberet is cibus inflationem magnam, tranquillitati mentis vera quærentis con-

*Synesius mira
sed falsa tra-
dit de spiritu
phantastico.*

*Mos Pythago-
ræ.*

LIBER SECUNDVS

erariam. Verum hęc de spiritu phantastico à Syne-
sio prodita, nugae sunt, & Pythagoræorum ac Pla-
tonicorum figmenta, vel ipsis poëtarum fabulis
inaniora veritatis, atque incredibilia.

SE D, vt aliquid etiā ex auctōribus Ecclesiasti-
cis delibemus, beatus Gregorius in quarto libro
Dialogorum cap. 48. sex causas colligit somniorū:

D. Gregor. sex causas somni-
orum tradit. Aut enim, inquit, ex plenitudine, vel inanitate cor-
poris somnia existunt, aut ex antecedentibus diurnis
cognitionibus & curis: aut ex illusione demonis, aut
ex cognitione hominis simul & illusione demonis, aut
ex reuelatione Dei, aut denique ex cognitione ho-
minu simul & reuelatione Dei. Easdem sex cau-
sas somniorum, cum idem Gregorius cōme-
morasset in lib 8. Moralium, cap. 13. mox eas
aptis diuinæ scripturæ sententijs & exemplis
illustrat atque confirmat. Duo, inquit, prima,
qua diximus somniorum genera, omnes experimento
cognoscimus: quatuor autem reliqua in sacris literis
inuenimus. Nisi enim somnia plerumque ab occulto
hoste per illusionem fierent, nequaquam scriptura di-
xisset, Ecclesiast. 34. Multos errare fecerunt somnia,
& illusiones vanæ, vel certè in Leuit cap. 19. non esset
scriptum, Nō augurabimini, nec obseruabis somnia.
Quibus verbis, cuius sint detestationis, ostēditur, qua
augurijs continguntur. Rursus nisi aliquando ex co-
gitatione simul & illusione procederent, Salomon mi-
mē dixisset Ecclesiast. quinto capite, multas curas
sequuntur somnia. Et nisi aliquando somnia ex myste-
rio reuelationis orarentur, ioseph Geneseos 31. p̄fē-
rendum te fratribus, per somnum non videret, nec
Maria sponsum, ut ablato puero in Aegyptum fugeret,
per

per somnium angelus admoneret. Rursum, nisi aliquādo somnia ex cogitatione simul & reuelatione procederent, nequaquam Daniel visionem Nabuchodonosor edisserens, à radice cogitationis inchoasset, dicēs: Turex cogitare cœpisti in stratu tuo quid esset futurum post hæc. Hæc ibi Gregorius. De causis igitur somniorum, sic ab alijs proditum est.

E G O causas somniorum, quæ ad significandum aliquid valent, & dignæ sunt obseruatione, diligenter scrutatus, eas ad quatuor præcipuas reuocari posse animaduerti.

P R I M A causa continet aliquam corporis affectionem, quæ in ipso corpore præpollet, ac præualet, ut si flaua, vel atra bilis, pituitosusue humor, aut sanguis redundet, aliudue aliquid vitiatum & corruptum immoderatè iactetur in corpore. Galenus in libro de Præsagijs, quæ ducuntur ex somnijs, narrat quendam somniasse alterum crus factum esse sibi lapideum, mox autem cœpisse illum ea parte corporis fieri paralyticum. Præterea qui instantे crisi sudaturi sunt, sœpè somniant se sudare, aut in balneo calidis aspergi aquis, aut in fluamine lacuue natare. Illud quoque nonnunquam vsu venit, ut quod dormientes agimus; aut patimur, etiā somniemus, ut qui in somno sudant, aut febri corripiuntur, itidem se affici somnient. Proditum est à Plinio in libro septimo, capite quinquagesimo, P. Cornelium Ruffinum dormientem amisisse visum, idque cum sibi accideret, etiam ipsum somniasse.

A L T E R A causa somniorum spectat ad aliquem vehementem concitatumque animi affectum & perturbationem, amorem dico, spem, perturbationem.

metumque & odium. Nam qui ardenter amant, frequenter amores suos somniant: qui timent, minacibus & terrificis in somno visis sæpè turbatur. Huc etiam pertinet vetus consuetudo, & vitæ, quā agimus, exercitatio. Piscator enim ferè somniat maria, lacus, flumina, retia, pisces: venator, nemora, saltus, montes, ferasque: miles tubarum sonitus, fragores armorum, vulnera, sanguinem, cædes. Lepidè quidam apud Theocritum piscator, *omnis. inquit, canis panes somniat, & ego pisces.* Continet eadem hæc causa antecedentes vigilantium curas & solicitudines, & quæcunque nos vehementer premunt, & angunt: quarum rerum, sæpiissimè in somno, similia visa continentur. Quamobrem in libro Ecclesiastæ, cappit. 5. scriptum est. *Multas curas sequuntur somnia.* In hoc genere somniorum, equidem reponerē somnium illud Annibalis, & proditum, & creditum à multis. Ardebát Annibal insatiabili odio Romani nominis, omniq[ue] cupiditate perdendi funditus imperium Romanum flagrabat: quò autem facilius id perficeret, bellum ex Hispania transferre in Italiam cupiebat, arcem imperij Romam, petitus. Cùm igitur varijs super ea re cogitationib[us] ac deliberationib[us] æstuaret, visum habuit in somno, mirè proposito suo, votoque respondens. Vixus ipsi est iuuenis, specie supra humanam, qui se diceret à Ioue missum ducem ei ad inuadendam Italiam, iussitq[ue] ne respiceret, quid retrò & à tergo fieret. Pavidus primò Annibal, non est ausus oculos ab illo quoquam deflectere. Sed, prout est humanum ingenium ad vetita pronum, diu temperare oculis non quiuit, respiciens que vidit, horrendum non visu modo, sed etiam dictu ostētum,

bellu-

*Somnium An-
nibalis Italiæ
vastitatem
portendens.*

belluam vastam & immanem, multis circumpli-
catam serpentibus, quacunque incedebat, omnia
proterentem, atque peruertentem: cœlum item
nigerrimis vndequaque occæcatum nubibus, den-
sosque ac fulguribus mixtos precipitare nimbos.
Attonito Annibali, percontantiq; ex illo suo du-
ce, quid illud monstri & portenti esset, respondit
ille, vastitatem esse Italiam, pergeret ipse porrò ire,
quò parabat, nec præterea quicquam inquireret,
sineretque in occulto esse fata. Atque hoc quidem
somnia ex antegressis in vigilia Annibalis co-
gitationibus & curis extitit: sed eius tamen som-
nij veritatem, rei euentus satis superque compro-
bavit: plus enim mali Annibal Italiam attulit, quam
illo fuerat viso præmonstratum.

TER T I A M causam somniorum, ego potestati & calliditati dæmonis adiudico. Is enim multa dormientibus inspirat, & fuggerit somnia, semper insidiosè ac malitiosè, quo videlicet quaunque possit ratione incommodet, ac noceat homini. Esse autem quorundam somniorum dæmonem architectum, atque effectorem, eò liquet quod ex sacris literis planè intelligitur, observationem somniorum adeo exosam esse Deo, ut ea magoru, auguru, & incantatorum maleficijs aggregata, extremis damnetur supplicijs Nimiru non aliam ob causam, vt interpretatur beatus Gregorius in lib. 4. Dialogorum, cap. 48. nisi quia dæmon plerunque se somnijs immiscet, implens noxia superstitione hominum animos, eosq; non tantum vanè deludens, sed etiam perniciose decipiens. Hoc genere somniorum solitum esse olim dæmonē gentibus impiate cæcis multifariam illudere, constat argumento AEsculapij, Serapidis, & Amphi-

Tertia dæmo-
num callid-
tas.

Quædam som-
nia mitti à de-
mone.

arai: nam ut apud Philostratum, Pausaniā, & Strabonem scriptum est, templa eorum adeuntibus, qui varijs morborum generibus afflictabantur, fama erat tres illos vulgò existimatos, quasi Deos singulorum morborū curationes per somnia præscribere consueuisse. Ex hoc genere fuisse reor nobile illud somnium Alexandri Magni, scriptorum, qui res eius prodiderunt, auctoritate, apud multos fidem promeritum. Cùm enim in quodam prælio Ptolemæus, qui primus post Alexandrum Aegypti rex fuit, venenato telo ictus, summo cum dolore ex eo vulnere moreretur: assidens ei Alexander, somnoque sopitus, vidi in quiete draconem radiculam ore ferentem, simulque commonistrantē, quò illa loci nasceretur, quæ scilicet præsentissimam vim haberet Ptolemæum multosque milites eodem teli genere vulneratos, protinus sanandi. Quæsita est herba, inuenta, adhibita, mox consecuto, qui promissus fuerat effectu. Sunt autem duo somniorum dæmonis præcipua genera, alterum pertinens ad occultarum rerum demonstrationem & significationem. Potest enim dæmon naturales effectus ex certis causis aliquando necessariò prouenturos, potest quæcunque ipsemet postea facturus est, potest tam præsentia, quam præterita, quæ hominibus occulta sunt, cognoscere, & hominibus per somnum indicare. Alterum somnij genuš vim habet concitandi perturbationes animi, agitatis turbatisque, qui sunt in corpore humoribus & spiritibus, quò nimirum inflamentur homines, vel ad libidinem, vel ad odium & vindictam, vel alios prauos animi affectus.

D V P L I C I T E R porrò, & quidem satis probabi-

*Somnium A-
lexandri Ma-
gus.*

*Duo genera
somniorum
demonis.*

babiliter, cōie stari potest, quā somnia missa sint à dēmone: primō quidem, si frequenter accident somnia significantia res futuras, aut occultas, quārum cognitio non ad utilitatem, vel insinu, vel aliorum, sed ad inanem curiosæ scientiæ ostentationem, vel etiam ad aliquid mali faciendum cōferat: eorum somniorum auctorem esse dēmonē, non temerè credetur: quippe qui ea ratione tentet animos hominum vana imbuere superstitione quin etiam crimine impietatis obstringere. Deinde, si sobrijs, castis, & religiosis viris, tetra, obscēna, plenaq; crudelitatis, & impietatis somnia sæpenumerò contingant, ea proficisci à dēmone, nō immeritò existimabitur. Dēmō enim conatur impuris somnijs polluere ac fēdere dormientiū corpora, vt eius fœditatis, etiam animos expurgescētium, quodammodo participes faciat. Quod si ne hoc quidem assequi potest, illud saltem curat, vt piōs homines talibus visis contrastando, perturbando, & affligendo, ad orationem, ad charitatis officia, ad diuinorum sacramentorum perceptiōnē, segniores, frigidioresq; reddat. Cuius diabolice calliditatis & malitiæ, luculentissimū in vigesima secunda Collatione cap. 6. Cassianus narrat exemplum Verum hac de re Iustinus Martyr in response ad quæstionem vigesimam primā Orthodoxorum, disertè docteōq; sententiam suam exposuit. Nam cùm hæc sibi ab illis posita esset, quæstio, ad eam ipse quæstionem ita respondet, vt nos hīc diximus. Restat quarta & ultima somniorum causa, quam diuinam ritè nominare possimus: cuius potissimū gratia omnis hæc nostra instituta est disputatio, huic enim, vel declarādç, vel illustrādæ, adhuc prædicta deseruiunt. Somniorū

*Quamodo in
terno scī pos-
sunt somnia
dēmonum ab
alijs somnijs.*

*Quarta causa
somniorum
diuina.*

autem, quæ à Deo missa sunt, exempla, passim in diuinis libris sunt obvia: nos suprà ex sacris libris multa protulimus, pluraq; possent afferri, si quis omnia vellet colligere. Cæterum ut vis & natura diuinorum somniorum pleniùs planiusq; cognoscatur, quæstiones aliquot more scholastico, distinctè quidem, sed carptim, breuiterque perstrin gam, multa etiam, breuitati seruiens, lectoris cogitationibus integra illibataq; reseruabo.

QV AESTIO III.

*QVIBVS SIGNIS COGNOSCI
queat, sit aliquid somnium à Deo mis-
sum, necnē.*

*Duplex ratio
cognoscendi
diuina som-
nia.*

DVPLICITER, prout nunc mihi, succurrit, deprehendi potest quod nam à Deo sit missum somnium. Primò quidem, ex præstantia rerum, quæ per somnium significantur: nimirum, si ea per somnium innotescant homini, quorum certa cognitio, solius Dei concessu ac munere potest homini contingere, huiusmodi sunt, quæ vocantur in scolis Theologorum, futura contingentia, arcana item cordium, quæque intimis animorum inclusa recessibus, ab omni penitus mortalium intelligentia oblitescunt, denique præcipua fidei nostræ mysteria, nulli, nisi Deo docente manifesta. Somnium igitur quod eiusmodi rerum cognitionem & demonstrationem continebit, diuinum esse existimari poterit. Deinde, hoc ipsum maximè declaratur interiori quædam animorum illuminatione atque commotione, qua D E V S sic mentem illustrat,

sic

sic voluntatem afficit, sic hominem de fide & auctoritate eius somnij certiorem facit, vt Deum esse ipsius auctorem, ita perspicue agoscat, & liquidò iudicet, vt id sine dubitatione vlla credere, & velit, & debeat. Huc spectat memorabilis illa in lib. 4. Dialogorum, cap. 48. B. Gregor. sententia: *Sancti viri*, ait Gregorius, *inter illusiones, atque revelationes, ipsas visionum voces & imagines, quondam intimo sapore discernunt, ut sciant quid à bono spiritu percipient, & quid ab illusore patientur.* Nam si erga hanc mens homini cauta non esset, per deceptorem spiritum, multis se vanitatibus immergeret, qui nonnunquam solet multa vera prædicere, vt ad extremum valeat animam ex una aliqua falsitate laqueare. Haec tenus Gregorius: apud quem hanc ipsam sententiam, sed plenius ac luculentius tractatam, in libro 8. Moralium, cap. 13. lector inueniet. Quemadmodum igitur naturale mentis nostræ lumen facit nos euidenter cernere veritatem primorum principiorum, eamque statim citra ullam argumentationem, assensu nostro complecti: sic enim somnis à Deo datis, lumen diuinum animis nostris affulgens, perficit, vt ea somnia, & vera & diuina esse intelligamus, certoque credamus. Rectè igitur illud traditur in libro Ecclesiast. c. 34. *Nisi à Domino missa fuerit visitatio, ne des in somniis cor tuum,* ex quo significatur, nonnulla somnia dari hominibus à Deo, animos eorum mirabiliter visitante.

HACE autem Dei per somnia visitatio, sicut varijs modis ex diuinis literis colligitur, multis & diuersis modis fieri solebat. Nonnunquam enim Deus per somnia turbabat, & terrebat hominem, sicut de

*Memorabilis
sententia D.
Gregorij.*

Abimelech, & Laban narratur in libro Genesios: *Terrebus me, inquit Iob 47. per somnia, & per visiones, horrore concuties me.* Aliquando in somno hortatur & incitat hominem Deus ad magnum quidpiam & arduum subeundum, certam spem prosperi exitus praesignificando: velut in Gedeonis & Iude Machabei somniis euenit. Sæpè monet & docet, quid hominem agere, aut fugere oporteat: talia fuere beati Joseph & Magorum somnia: huc spectant illa verba, quæ sunt in cap. 33. libri Iob. *Quando homines dormiunt in lecto, tunc aperit aures virorum, & erudiens eos, instruit disciplina.* Quin etiam solebat olim Deus spiritu propheticu nōnullis in somno largiri: in am in lib Numerorum, cap. 12. ait Deus: *Si quis fuerit inter vos propheta Dominii, apparebo illi in visione, aut per somnum loquar ad illum.* Et apud Ioēlem in cap. 2. inter alia Spiritus sancti dona, numerantur somnia. Legimus etiam in 3. Reg. Salomoni fuisse à DEO promissū in somno prudentiæ, & sapientiæ donum. Interdum quoque futura alicuius viri excellentia, dignitatis & gloriæ, præmonstrata est per somnum, id quod adolescenti Joseph, & Mardochæo accidisse legimus in sacris literis. Quibusdam præterea in somno patefacta sunt diuina mysteria, cuiusmodi fuit somnium Iacob de illa mystica scala, & Danielis de regno Christi. Denique praesignificauit aliquando Deus, & prædocuit futuros rerum humanaū euentus: cuius generis fuere somnia Abrax, Genes. 15. Pharaonis, Genes. 41. & Nabuchodonosor, Danielis 2. & 4.

*Varijs modis
diuina coingen-
tunt somnia.*

VARII item modis diuina somnia hominibus contigerunt, interdum cum magna corporis &

Ebd. 7.

*2 Mach. 11.
Matth. 2.*

3. Reg. 3.

*Genes. 37.
Esth. 11.*

*Genes. 28.
Daniel. 7.*

ris & animi commotione & horrore, sicut accidit Abraæ, & Nabuchodonosor. Nonnunquā datum est alicui somniū, sed non eius somnij intellectus, sicut in somnijs Pharaonis & Nabuchodonosor a- *Genes. 15.*
 nimaduertere licet. Danieli tamen, cæterisq; pro-
 phetis, simul cum somnijs, intelligentia eorum
 diuinitus suggerebatur. Quamquam duorum so-
 mniorum, quibus Ioseph supra fratres ipsius futu-
 ra dignitas & potestas præsignabatur, nulli tunc
 datus est intellectus: sed postea ipso euentu, suc-
 cessuq; rerum, veritas eorum somniorum cognita
 est, atque comprobata. Illa quoque in somnijs di-
 uinis varietas cernitur: alia enim clara sunt, & a-
 perta, euidenter res ipsas significantia, vt fuere so-
 mnia beati Ioseph, trium Magorum, & D. Pauli; *Matthæi 1. cap. 2.*
 alia vero sunt inuoluta & obscura, per varias si-
 militudines rectè aliquid insinuantia, huiusmodi *Actor. 16.*
 fuere somnia Pharaonis de septē spicis, & bobus,
 & Nabuchodonosor de statua & arbore, nec nō &
 pincernæ, atque pistoris ipsius Pharaonis. Adhæc, *Genes. 41.*
 interdū videtur in somno loqui cum homine, vel *Daniel. 2.*
 Deus ipse, vt in somnio Iacob, & Salomonis, vel *Genes. 40.*
 angelus, vt in somnijs beati Ioseph, vel homo ali-
 quis, vt in somnio D. Pauli. Præterea sæpè DE v s
 vltro mittit somnia, nonnūquam etiam rogatus,
 quemadmodum interpretationem somnij, quod *Genes. 21.*
 acciderat Nabuchodonosor, Deus in quiete tradi-
 dit Danieli, qui eam ab ipso vigilans intentissima *Daniel. 2.*
 precatione postulauerat. Quin fuisse quondam a-
 pud Hebræos admirabilem quandam rationem &
 consuetudinē in rebus maximè dubijs atq; grauif-
 simis, consulendi Deum, vt quod verum esset, aut
 quod factò esset opus, per somnia indicaret, ex
 cap. 28. primi libri Regum, intelligitur. Postremò

quædam somnia diuinitus data respondent antecedentibus in vigilia hominum cogitationibus & curis, ad hoc genus referri debet primum somnum Nabuchodonosor, à Daniele 2. capite narratum, itemque primum beati Ioseph, quod, in capite primo narrat D. Matthæus, atque illud Annibalis supra memoratum, illud quoque Scipionis AEmiliani, à Cicerone, vel acutè confictum, vel disertissimè narratum.

QVÆSTIO IV.

CVR DEVS IN SOMNO ARCANA
sua hominibus referet.

QUINQUE causæ cur dormientibus multa diuinitus resulementur.

V.M animus hominis in somno, minime docilis, minimeq; habilis ad percipiendas res diuinas esse videatur, dignum sanè videtur inquisitione, cur Deus per somnia & arcana suæ prouidentiæ, & mysteria rerum cœlestiū, non raro docere homines voluerit. At enim verò, multas eius rei, variasque causas afferre possumus. Primam causam tangit Hippocrates in principio libri de insomnijs, animum hominibus in vigilia varijs distingui occupationibus, grauibus disteneri negotijs, curisque distrahi: per sensus item exteriores euocari ad ea, quæ extra ipsum sunt, & per varia eorum sensuum spectacula diuagari, multiplicique rerum humanarum strepitu interpellari, & à sui, rerumque cœlestium consideratione auocari, incertis præterea fluctuari deliberationibus, varijsque studijs & affectibus æstuare, qui non sinunt eum, quod verum & rectū est, id aut liquidò cernere, aut incorruptè iudicare. Contrà verò in quiete & somno, ab eiusmodi omnibus

nibus interpellationibus & impedimentis vacu- *Habilior an-*
 us & liber animus, sibi totus præsens & præsto est, *mus noster in*
 sibiique attendit, in se suas omnes vires, atque fa- *somno ad per*
 cultates collectas & coniunctas habet, expeditus *cipiendas di-*
 & acer ad intelligendum, atque omnium, quæ illi *uinas reuelar-*
 extrinsecus obiecta sint, amplissimè ac facillimè *tiones.*
 capax. Alteram eiusdem rei causam hanc pōnerē
 licet, quæ vigilantes, accipimus ea solemus subti-
 liter ratiocinando discutere & examinare, reuo-
 care ad calculos, atque humanæ rationis trutina
 diligentur expendere: ad rationis enim normam
 exigimus omnia: cui si congruant, quæ nobis ob-
 lata sunt, à nobis approbantur, si discrepent, ab-
 iudicantur atque rei ciuntur. In somno autem res
 sibi obiectas animus hominis citra examē accipit,
 paratior promptiorq; ad visis diuinitus datis credē-
 dū, atq; obsequendū. Constat autem inter omnes
 qui de rebus diuinis scripserunt, ad eas res non tā-
 tūm intellectu, sed etiam affectu, & quodam ani-
 mi quasi sensu, gustuque percipiendas, satius esse
 agi & regi hominem extrinsecus, quam ipsum a-
 gere se, & auditorem esse potius, quam arbitrum,
 & æstimatorē, denique simpliciter credere po-
 tius, quā causas credendi disquirere & ex pendere.
 Tertia causa ex Aristotelis libello, qui inscribitur
 de Diuinatione, quæ fit ex somnijs, desumpta est:
Aristoteles
 ait ille, *Quemcunque motum, quo animus dormien-*
tis extrinsecus pulsatur & cietur, quamvis leuem &
exiguum, magnam tamen habere vim commouendi
animum, vehementerq; in ipsum imprimi, atque altè
in eo inherere: id autem fieri propter noctis silentium,
& sensum exteriorum vacationem & quietem, atq;
omnium, quæ animi intentionem remittere solent,

vacuis

vacuitatem, tunc enim sensibus somno consopitis lan-
guenteque corpore, quae extra sunt, nequaquam senti-
nutur. Quapropter opportunissimè Deus eo
tempore docet hominem sine vlla eius perturba-
tione, sine aliorum hominum obseruatione, deni-
que sine ullius rei interpellatione: præsertim au-
tem, quia quò magis animus noster à sensuum cō-
sociatione, & corporis contagione abstrahitur, tā-
tò videtur effici vegetior, & acrior ad res diuinæ
intelligēdas. In somno autem, qui est imago quæ-
dam & repræsentatio mortis, videtur animus quodam
modo seiugari à consortio corporis, eiusque
vinculis, si non omnino, certè aliquatenus relaxa-
ri. Quartam causam esse arbitror, ut ea re ostenda-
tur, quanto sit Deus potentior, & efficacior ad ho-
minem docendum & erudiendum, quam sit aliis
quiuis homo: quippè homo hominem docere, nisi
vigilantem, audientem & attendétem non potest:
Deus autem, etiam altissimè dormientem, atque
somniantem. Quo satis declarat se in omnes hu-
mani animi vires ac facultates summum imperiū,
& efficacitatem habere. Quintam causam equidem
posuerim, ne videlicet quispiam existimaret, mor-
tem auferre homini omnem scientiam: aut non
esse aliam viam rationemque comparandi sci-
entiam, quam per sensum, discursumque rationis, &
ex antecedenti aliarum rerum cognitione. Auer-
rors quidem super libello Aristotelis de Diuina-
tione per somnia, in commentario suo, non audet
inficiari prophetiam posse homini accidere, vel
in somno, vel per reuelationem, negat tamen ea
ratione vel artes, vel scientias speculatiuas posse
ulli contingere. Una inquit, est natura hominis:

Contra Auer-
tors.

vnuis

unus igitur dunt axat erit intell. gedi, & descendimus, scilicet internutiis sensibus, varijs item praeceptis experimentis, diligentique ratiocinatione. Nam si prater communè, & usitatum descendì modum, esset hic alter per somnia; vel reuelationem, cum is multo sit facilior, atque præstantior, ille alter quod difficilior & laboriosior est, eò magis fuisse superuacaneus, non igitur datus esset homini. Deus namque & natura nec frustra quicquam faciunt, & de ijs, quæ possunt fieri, quod melius & præstabilius est, nunquam non faciunt. Sic ille. Quæ sanè argumentatio, non esset planè infirma, si quisquam diceret, nemo tamen nostrum id dicit, modum illum descendì per somnia, vel per reuelationem, aut esse homini naturalem, aut esse frequentem, & usitatum. Verùm hæc Auerrois commenta, ut alia eiusdem, de scientia, potentia, & prouidentia Dei, & humani animi natura, ex inscītiæ diuinarum rerum, & impietatis fonte redundantia, quām sint inerudita, obtusa, falsaq;, satis liquet vel solis exemplis, quæ memorantur in sacris literis, Adami, Salomonis, Danielis, multorumq; Prophetarum, quibꝫ multarū rerum sciētia subito data est à Deo: quin etiam Beseleel, & Oliab, quos in libro Exodi proditum est, subito diuinitus edoctos, Mōsaī. Gen. 3.
 cum tabernaculum, simul cum omnibus eius Exod. 3.
 instrumentis atque ornamentis,
 summa arte perfecisse.

(***)

QV AESTIO V.

CVR A D E O S O M N I A D E N T V R
*obscuris & indoctis hominibus, non autem
 sapientibus.*

Error Aristo.
 telis & Cice-
 ronis.

*cur dæmones
 somnia olim
 dare soliti fu-
 erint non do-
 his & prudē-
 sibus, sed im-
 peritis, & cō-
 temptissimis
 hominibus.*

VE L hac vna ratione Aristoteles & Cicero omnium somniorum, quæ diuina creduntur, fidem & auctoritatem eleuari, & eludi posse putauerūt. Nām, si quæ somnia, inquiunt, darentur hominibus à D E O , ea non obscuris & indoctis hominibus, sed viris sapientia prudentiaque præstantibus dari, par erat. In quo fefellit eos, quod distinctionem diuinorum somniorum, eorū dico quæ verè diuina sunt, ab ijs, quæ nō sunt, esse tamen falsò putantur, plane ignorauerunt. Enim verò Dij Gentilium, quos fuisse dæmones nobis Christianis nequaquam dubium est, quemadmodum futuros rerum humanarum casus & eventus certò prouidere, ac scire non poterant, id enim solius Dei est, ita nec eos certis aut verbis, aut signis prædicere, ac præmonstrare poterant. Quapropter somnia, quibus præsignificabantur futura, nō dabant viris doctis & prudentibus, videlicet ne ille eorum somniorum, vanitatem, ac falsitatem deprehendentes, auctoritatem ipsorum Deorum apud alios contererent, eorumque oraçula tanquam diuinitatis vacua, & inania veritatis, in publicum etiam vulgi ludibrio, & cōtemptui exponerent: dabant igitur ea somnia indoctis, & veri falsique discernendi imperitis, maximè vero superstitionis, ob idque ad credendum quiduis, satis per se paratis atque propensis. At vero somnia, quæ a vero Deo missa sunt, ea legimus plerumque data

data viris sanctitate, ac sapientia eximijs, vt Abrae, Iacob, Salomoni, & Danieli. Data sunt tamen etiam nonnulla viris non admodum doctis, sed pietatis tamen, ac innocentiae præstantia clarissimis: excellens autem virtus & pietas, dociliorem reddit hominis animum, aptioremque ad rerum diuinorum perceptionem, quam humana vel prudentia, vel sapientia. Qui enim mundana excellunt potentia, vel sapientia, hi ferè sunt aut impij, aut superbi, aut turpissimis inquinati flagitijs: quæ res cœlestibus doctrinis, diuinisque illustrationibus, aditum ad animos hominum, penitus occludunt.

Nec me fugit, etiam quibusdam sceleratis atque *cur quædam somnia etiam impij hominibus à Deo sint data.*

impj hominibus, vt Pharaoni, & Nabuchodonosor, quædam diuinitus somnia contigisse, sed hæc illis, nec ipsorum præcipue causa, neque cum intelligentia eorum somniorum data sunt: quo scilicet illi, eorum interpretationem, cum apud suos sapientes inuenire non possent, à veri DEI cultoribus eam petere cogerentur, atque ea ratione verum DEVM agnoscerent, ac venerarentur, eiusque seruos in admiratione & honore habarent: id quod somnia Pharaonis & Nabuchodonosor à Iosepho & Daniele interpretata, manifeste declarant.

QVÆSTIO VI.

CVR DIVINA SOMNIA NON NVN-
quam sint obscura & perplexa.

SED cur diuina somnia non semper sint clara, & aperta, sed obscura, & perplexa, & aliarum rerum imaginibus, ac similitudinibus inumbrata, & offuscata, nec alijs tantum occulta, sed

etiam ijs, quibus dantur, minimè conspicuā, cāusas rimemur & aperiamus. Dij Gentilium, hoc est dæmones, quia certam futurorum euentuum sciētiā habere non poterant, ad significanda futura, dabant illi quidem non rarò somnia, sed obscura-

*Astutia de-
monum in
dandis som-
nijs futura si-
gnificantibus.*

tamen, & ambigua, quæque ad diuersos, etiam cōtrarios euentus facile detorqueri & applicari posse: ut ad quodcunq; cecidisset, somniū quadrare videretur. Quod si somnia euentis minimè respōderent, id non falsitati somniorū, sed interpretū inscitię, qui sumnia propter obseuritatē & ambiguitatē nō ritē essent interpretati, adscriberetur. At verò somnia, quorū auctorē fuisse Deum ex sacris literis cognouimus, sæpenumerō distinctē & explicatē tradita sunt, qualia legitimus fuisse Abimelech, Laban, Iudæ Machabæi, Salomonis, beati Ioseph, & trium Magorum. Non est tamen negandū quædam somnia esse data tectē & obscurē, sed hominibus gentilibus: ad eum nempe finem, vt intelligentiam eorum somniorum, cùm non ab alijs, quām à viris sanctis accipere possent, & ipsos Dei seruos honorarent, & summa Deum reuerentia, ac veneratione prosequerentur. Si quæ verò somnia etiā se ruis Dei obscura data sunt, præterea id factum est, vt eorū sensum atque intellectum, sumo illi studio, assiduis precibus, multisq; lachrymis à Deo flagitantes, tandem impetrarent, & propter difficultatem impetrandi, pluris facerent, & cariore haberent. Denotatur præterea obscuritate somniorum, earum rerum, quæ significantur somnijs, obscuritas. Adde quod per imagines, & similitudines, breuissimè plura & sublimiora mysteria significantur, quām si apertis & proprijs fuissent expressa vocabulis. Nam quām multa, quām varia

quam

*Quatuor can-
se cur inter-
dum diuina
somnia sint
valde obscura*

quām profunda mysteria, vna illa statua Nabuc-hodonosor in quiete visa, adumbravit, quæ si fu-isserent proprijs verbis efferenda, vix longissima o-ratione declarari potuissent. Denique Deus non-nunquam, somnia esse ad aliquod tempus occulta & incognita, quò ad nimirum, ipso euentu, re-rumque successu, eorum veritas agnoscatur & cō-probetur: quod in duobus illis Iosephi somnijs, promotionem eius ad summam potentiam & di-gnitatem præsignantibus, līquidò cernitur.

QVÆSTI O VII.

*AN LICITVM SIT CHRISTIANO
homini, obseruare somnia?*

DVA E tanguntur his vērbis difficultates, & prior quidem est, an sit fas Christianis, cu-riosè somnia obseruare: ad quam facilis est, & in promptu responsio. Etenim quædam so-mnia licitum est obseruare, quædā verò minimè. Principiò, somnia quæ bonam, vel malam corpo-
ris affectionem aliquam, morbosque tam animi, quam corporis significant, vtiliter à medicis tam a-nimi, quām corporis obseruantur & expēduntur. Tum, somnia, quæ nos crebrò infestant, territant, conturbant, & vexant, animaduertere quibus ex causis accidant, vt vel noti effectus ignotas nobis causas scrutemur, ac teneamus: vel vt rationem aliquam ineamus eam à nobis molestiam depel-lendi, licitum est, & à sanctis viris sēpē usurpatum. Legimus enim apud Celsianum in collatione veteres illos monachorū magistros & rectores, in perquirendis, & excutiēdis quorundā somnio-rū causis, diligēter esse versatos. Postea obseruare

*Quatuor ge-
nera somnio-
rum, sine vi-
tio possunt ob-
seruari & cu-
rari.*

somnia, quatenus in illis pernotescit homini veritas aliqua pertinens ad scientias speculatiuas, vel ad res gerendas conferens, nec ut superstitionem, nec ut vanum damnari debet. Denique somnia quæ nos sæpè commouent, & incitant ad flagitia, considerare num à dæmonie nobis subijciantur, sicut contrà, quibus ad bona prouocamur & instigamur, veluti ad cælibatum, largitionē eleemosynarum, & ingressum in religionem, ea ponderari num à Deo nobis missa sint, non est superstitionis animi, sed religiosi, prudentis, ac salutis suæ fatagentis, atque solliciti.

AT verò, cuiuscunque somnij, quoquo modo nobis contingat, etiam si raro, si temerè, si fortuito eueniat, putare habendam esse rationem, curamque suscipiendam, stolidi hominis est, ne dicam stulti. Supra enim ostensum est, maximā partem somniorum nihil veri, & certi habere, sed vanitatis, ac temeritatis esse plenissimam. Præterea obseruare somnia, quasi esset in ipsis aliquid diuinum, scilicet quale Gentiles existimabant esse in garritu, volatu, cibatuque avium, & in extis animalium, atque ex illis prænosse, ac diuinare velle futura, non modò non est licitum, sed est in scriptura grauissimè reprehensum, damnatum, & interdictum, non minus sanè quàm magorum, & incantatorum maleficiæ, quod ex cap. 19. Leuit. ex 18. Deuter. ex 33. posterioris libri Paralipomenon, alijsque facrorum voluminum locis perspicue intelligitur. Et verò, scire velle futura, quæ DEVS in sua solius potestate posuit, arrogans & impia est curiositas. Putare autem certa futurorum signa contineri in somnijs, quæ nullam cum rebus futuris connexionem & conuenientiam habent, fatuum

DE OBSERVAT. SOMNIORVM. 144

fatum est: parum dixi, planè impium, & stultum est: hoc enim arguit eiusmodi somniorum obseruatores, stultis, impijs, & absurdis opinionibus esse infectos, atque depravatos. Nam, vel isti putant res omnes futuras, ex naturalibus causis perdere, & hoc falsum est: vel eas res quibuslibet sc̄nijs significari posse, quod planè stultum est: vel futura omnia certò prouideri, & sciri à dæmone, quod est perquām impium: vel deniq; à Deo promiscuè, atque indiscretè per quælibet somnia, & quibuslibet hominibus, præmōstrari futura, quod esse absurdum, nemo non videt. Ad extremum, tanti facere somnia, & usque adeò pendere ex illis, ut ad eorum quasi normam dirigat quis omnem vitæ suæ rationem, & respectu habito ad somnia, actiones, & negotia, vel suscipiat, vel omittat, non modo præstantia hominis indignum est, sed olet etiam fatalē illam Stoicorū, toties in Ecclesia damnatam, & à melioribus philosophis explosam reiectamque necessitatem. Quod si meritò vituperantur, & à sapientibus redarguūtur astrologi, qui res humanas ex astris, quasi suspensas & religatas omnino pendere arbitrantur: eò magis profecto, reprehendendi sunt superstitionis somniorum obseruatores, quo magis astra dignitate naturæ, æquabilitate motus, constantia ordinis, amplitudine potestatis, & præstantia efficacitatis, somnijs antecellunt.

Maior vanitas est obseruantium somnia, quam astræ.

(**)

K 3

QVAESTIO

QV AESTIO VIII.
CVIVS HOMINIS SIT RITE IN-
terpretari somnia.

Ad posteriorem quæstionem, qua quæritur, cuius hominis sit benè interpretari somnia, hunc in modum respondemus. Somniorum quæ vim habent ad aliquid significandū, & obseruatione, atq; interpretatione digna sunt, ea non cuiusuis hominis est interpretari. Tria enim huiusmodi somniorum genera distingui possunt, nam multa sunt naturalia, quædam humana, nonnulla etiam diuina. Naturalium somniorum interpretatio, non est dubium, quin solertium & doctorum physicorum, ac medicorum sit propria: eorum maximè, qui norunt similitudines in somnijs ostensas comparare inter se, & quarum rerum similitudines esse, & ex quibus causis proficiisci soleat, discernere: similiter, vt qui figuræ aliquas & imagines dilaceratas sumens in manus, earumque partes dissipatas, benè componens inuicem, apte: que conformans, cuius rei fuerint similitudines, hominem sué, an equi, an aliarū rerum, acutè dispi: cit, vereque iudicat. Humanorū autem somniorū, ita erit quisque sagacissimus coniector, & idoneus, ac veridicus interpres, vt fuerit rerum huma: narum peritissimus, & callidissimus, ingeniorū item, studiorum, morum, propensionum quæ in varijs hominibus magnam quoque varietatem ha: bent, exquisitam, multisque confirmatam experi: mentis notitiā sit adeptus, quasi venas omnes rerū ciuiliū & humanarū tenens. Cuius autē sit expo: nere diuina somnia, in promptu est intelligere: patet,

patet enim, neminem interpretari ea posse, nisi diuinitus afflatum & eruditum. *Nemo enim nouit*, inquit Paulus primæ ad Corinth. secundo, *quaे Dei sunt nisi spiritus Dei*. Præsentim vero cum diuinorū somniorum significationes, ex solius Dei consilio & voluntate sint institutæ, ob idque solius Dei revelatione, notæ hominibus esse possint. Quocirca regem Nabuchodonosor somnij sui, quo maximè territus fuerat, sollicitum & anxium, quod eius somnij rationem ex nullo suorum sapientum cognoscere potuisset, sic affatus, est Daniel, *Mysterium, quod rex interrogat, magi, arioli, aruspices, & sapientes nequeunt indicare regi: sed est Deus in cœlis reuelas mysteria.*

Daniel. 2.

IAMBICVS existimat diuina somnia ferè non cōtingere hominibus, nisi aut primo, aut extremo somni tempore: videlicet, quia tunc animus hominis, aut nondum est cibi potusq; vaporebus occupatus, & oppressus: aut iam euanescente somno, vaporumq; discussa caligine, ex illis sordib⁹ emersus animus, purior & acrior est ad diuinæ illustrationes accipiendas. Quapropter vates, ac somniorum interpretes, in more habebant, ex deferentibus ad ipsos somnia sciscitari, quo ea tempore ipsis contigissent: nam si profundo somno accidissent, ea planè abijciebant, rati non esse cōsentaneum, animo tunc obruto & demerso, dari cælitus somnia: si autem somnia illis accidissent, exeunte somno, & animo ad suas functiones propè iam expergidente, tunc ea somnia diuinitus missa Deoque auctore digna iudicantes, ponderanda sibi & interpretanda suscipiebant. Legendum etiam est Philostratus in cap. 14. libro secund. de vita Apollonij. Veruntamen Iamblici documenta ex superstitionis AEgyptiorum sacerdotum

Iamblici opinio, de tempore quo diuina somnia contingant hominibus refuta-
tur.

obseruationibus, vel vt dicam verius, figmentis, quorum fuit ille studiosissimus, exprompta sunt. Deus nempe, istiusmodi temporum legibus non est alligatus nec opportunitate temporum eget ad operandum, vbi cunque enim vult, quando cunque, & quibuscunque vult, sua inspirat somnia: potest enim quo quis tempore, imo etiam sine tempore, sedare subito agitationem humorum, tranquillare spirituum animalium iactationem, purgare phantasiam, mentem illustrare, animumque ad percipienda diuina somnia idonee comparare.

QVÆSTIO. IX.

AN IN SOMNO, LIBER VSVS RATIONIS, & voluntatis esse queat.

Sæpè in somno liber est rationis usus.

Nunquam in somno est perfectus liberi arbitrij usus.

SAEPE NVMERO in somnijs, præser-
tim quæ doctis, prudentibus, & sanctis viris
contingunt, animus hominis, quod pertinet
ad usum rationis, & agitationem mentis, solutus,
expeditus, ac liber est. Etenim nonnunquam ra-
tio dormientis planè cognoscit res simplices, eas-
que vel componit inuicem, vel disiungit, ratioci-
natur, iudicat, miratur, noua quædā inuenit: quin
etiam ad se ipse animus conuertitur, & ad suas acti-
ones considerandas, & diiudicandas aciem suam,
vimeque reflectit, cunctatur, hæret, dubitat, secum
ipse disceptat, an tunc homo dormiat, nec ne. Hæc
autem liberum esse tunc rationis usum, manifestè
demonstrant. Non propterea tamen existimam-
dum est, quia in somno interdum soluta est vis ra-
tionis, esse itidem perfectum liberi arbitrij usum.
Nam ad plenum & perfectum liberi arbitrii usum

opus

opus est perfecta hominis libertate, hoc est, solutione omnium sensuum, & potentiarū, ita ut sit ipse homo, qui tunc agat, nec aliundē agatur, sitq; dominus, sui atque suarum omnium actionum, & in potestate eius sit tunc hoc, vel illo modo age-re, aut etiam nihil agere: id quod in somno ne-quaquam evenit.

Q V A E S T I O X.

DE SOMNIO SALOMONIS, IN QVO
donum sapientiae à Deo promissum ei, &
tributum est.

CAETERVM non nihil habet difficulta-tis, quod legitur in 3. libro Regum, cap. 3. Deum in somno visum esse Salomoni, iuf-sisseque, ut peteretur ab ipso quocunque omni-um maximè optaret: ipsum autem petiisse sapiē-tiam, & prudentiam benè regendi populum, cui præerat, posthabitum omnibus alijs bonis, quæ ta-men, principibus huius mudi, super omnia, con-cupiscenda, & expertenda videntur: eam porrò pe-titionem usque adeo placuisse Deo, ut summam ei se daturum sapientiam, & præterea quæ nō po-stulasset bona, cumulatissimè largiturum pollic-e-retur. Ex qua narratione ipsius scripturæ, satis in-telligi videtur, Salomonem in illo somnio solutè ac liberè, non tantum ratione, sed etiam volunta-te esse vnum: neque enim illa eius petitio facta in somno, tantopere Deo placere, tantumque sapi-entia munus promereri potuisse, nisi esset ex li-bera voluntate profecta. Hæc difficultas tribus modis posset discuti, ac dissolui. Nam primò qui-dam respōderi posset, illam Salomonis in somno

*Solutio erit
flex.*

petitionem, placuisse Deo, non per se, sed propter antegressam eiusdem in vigilia similem quandam petitionem, ex qua scilicet illa in somno extitit. Salomon enim ardentissimè expetierat, & à Deo postulauerat donum sapientiæ, ac prudentiæ: hanc eius petitionem, Deus illo somnio declarauit fuisse sibi gratissimam, & optatum habituram effectum. Sed hæc fortasse cuiquam videbitur non nihil dura, & contorta responsio. Quocirca subijciā alterum responsum: posset enim dici, à principio fuisse illud quidem somnium, sed postea Deo mirabiliter operante, conuersum esse in ecstasim seu raptum qualis nempè diuo Paulo, & Prophetis sæpè contigit: in quo animus Salomonis, licet à corporis, & rerum externarum sensu abstractus, & similis dormientium esset, per Dei tamen potentia factum est, ut solutus, & liber tunc fuerit ad exercendas actiones tum rationis, tum liberi arbitrij, ita ut liberè peteret à Deo Salomon quod vellet, & petendo, quæ grata erant Deo, ea quoque meretur ab ipso consequi. Sed non placet hoc responsum. Mitto nunc examinare, an in raptu & ecstasi, perfectus liberi arbitrij usus esse queat: tantū dico, huic responso minimè suffragari diuinam scripturam, quippe, suprà dicto loco narratura visionem illam Salomonis, præfatur, Deum apparuisse Salomoni per somniū, & narrata iam visione, subiungit. *Igitur euigilauit Salomō. & intellexit, quod esset somnium.* quo perspicuè significatur, illam visionem nullatenus fuisse raptum, vel ecstasim, sed totam fuisse somnium, diuinum tamen somnium, scilicet à Deo ad erudiendum docendumque Salomonem datum. Atque duas hasce solutiones propositæ quæstiones tradit Diuuis Thomas in I. 2.

quæ-

quæstione 113. art. 3. ad 2.

Erit igitur nisi fallor, similius & proprius vero tertium responsum, quod etiam Tostado super 3. cap. lib. 3. Regum, in quæst. 12. maximè probatum est. Dicimus, cùm Salomō tunc verissimè dormierit, & illa eius visio fuerit somnium, quemadmodū scripture testatur, hinc necessariò effici, quicquid ibi factum esse dicitur, non reuera, sed per imaginariam tantum dormientis visionem esse factum. Videbatur igitur tunc sibi Salomon petere *cur somnum* sapientiam à Deo, videbatur etiam ei Deus petitio- *illud datum* onem ipius approbare, cum reuera tamen nulla *fuerit Salo-* fuerit tunc petitio, nullum meritum Salomonis, *moni.* nullum item responsum, nullumque Dei promis- sum. Cur igitur, inquies, somnium illud à Deo datum est Salomoni? Videlicet, nisi mea errat cōiectura, tres ob causas. Primo, vt intelligeretur omnium bonorum auctorem, & largitorem esse Deum, & ab eo esse omnia bona expetenda & postulanda. Deinde, vt manifestum fieret, quæ bonorum electio, & petitio, grata esset, & accepta Deo: ea nimirum, qua spiritualia bona corporalibus, cœlestia terrenis, denique ad communem aliorū utilitatem & salutem pertinentia, inanibns & infructuosis præoptantur, atque præferuntur. Ad extremum, vt exemplo Salomonis appareret & extaret, quanta sit Dei benignitas & munificentia erga seruos suos, quorum optata & postulata non solum impleat, sed etiam longè superet, & abundantiter excedat. Ecce Salomon solam à Deo sapientiam postulauerat, præ hac cæteris bonis, quæ hominibus pretiosissima, & carissima sunt, contemptis: eui tamen Deus, & sapientiā supra ipsius votū, & reliqua bona, præter votū ipsi⁹, largissime dona-

151 LIBER II. DE OBSERVAT. SOMNIOR.

donauit. Verùm hæc nostra de somnijs disputatio, hunc habeat terminū: vereor enim ne si longius producta sit, molesta & odiosa lectori esse incipiat. Quemadmodum enim somnus, quoad quietus & placidus est, membra dulcissimè refouet ac recreat, viresque reficit, ac redintegrat, si tamen in eo nimis longa nimisque seria, & grauia contingent somnia, corpus pariter atque animum languefacit, & debilitat: sic omnino cauendum nobis fuit, ne nostra hæc de somnijs disputatio, præter modum longa, 'gratiam perderet legentium, & quam ex ipsa forrasse voluptatem ceperant, in fastidium odiumque conuerteret.

(**)



BENE-

BENEDICTI PERERII LIBER TERTIVS.

qui est

DE DIVINATIONE ASTRO-
LOGICA.

ANTA est Astrologorum (qui vulgo Iudiciarij appellantur) vel impudentia, vel amentia, ut etiam sibi diuinam scripturam suffragari, suæque Astromantix fidem & auctoritatem firmare iactent. Etenim verba illa quæ dixit DE vs creans luminaria cœli; Et sint in signa & tempora, &c. ad suam referunt diuinationem astrologicam, per quam ipsi profitentur ex obseruatione siderum futura rerū euenta posse prædici. Quocirca B. Basilius & Ambrosius alijque permulti Patres in explanatione eorum verborum, benè longam & accuratam in- refellendis istiusmodi Astrologorum prædictio- nibus orationem posuerunt. Quorum nos Patriū exemplis prouocati, & grauissimis DEI senten- tijs contra Astrologos multifariam in diuina scri- ptura proditis permoti, quin etiam justissimo ad- uersus Astrologos odio, propter si adulenta & perniciofa eorum figmenta, incensi, librum hunc

ad

ad confutandas eorum prædictiones à nobis scriptum, gratum multis atque utilem fore existimā-nimus. Scripsit aduersus Astrologos copiosè quidē & eruditè Ioan. Picus Mirandulanus; sed multos ab eius lectione deterret prolixitas operis. Nos, licet in prædiuiti atque uberi versemur argumen-to; èò tamen breues erimus, quod non omnia quæ disputari possent, sed aptiora duntaxat causæ firmioraque tractabimus. Quinque autem erunt huius libri & disputationis aduersus Astrologos capita: Primò enim docebimus, sacræ & Ecclesiasticæ doctrinæ diuinationem Astrologicam esse contrariam: Tum ostendemus, Astrologos esse rerum cœlestium imperitos: Deinde, diuinatricem istam artem rectæ rationi ac philosophiæ aduersari demonstrabimus: Adhæc, probabimus, astra non solum non esse causas efficientes rerum futu-rarum, verùm nec esse certa signa quæ res futuras prænotent ac præmonstent: Ad extreum, cur nonnulla Astrologorum prædicta sint vera, cau-sas exponemus.

INDEX DISPUTATIONVM QVÆ
SINGVLIS IN PRAEDICTIS
capitibus explicantur.

CAPVT PRIMVM.

1. **S**ententijs diuinæ scripturæ; antiquis item Ecclesiæ institutis & exemplis; rationibus etiam theologicis refelluntur Astrologi
2. De vanitate oraculorum Apollinis.
3. Cur Dæmones prædicendo futura se p̄ fallant.
4. Non posse veritatem Christianæ religionis coherere cum veritate Astrologiæ indicariæ,

5. Quam

DE DIVINAT. ASTROLOGICA. 154

5. *Quām seuerē olim Ecclesia in istiusmodi Astrologos animaduenterit.*
6. *De Multis perspicue falsis & impījs Astrologorum sententijs.*

CAPVT. II.

7. *Astrologos iudicarios esse rerum cœlestium imperitos.*
8. *Aduersus fictitiam antiquitatem observationum quam iactant Astrologi.*
9. *De noua stella quæ superioribus annis visa est.*
10. *Quām sit difficile aspectum siderum in ortu cuiusque hemisphaerii exactè annotare.*

CAPVT III.

11. *Probatur octo rationibus, non posse Astrologos ex arte & scientia sua prænōsse ac prædicere futura contingētia.*
12. *Præter causas cœlestes, necessariam esse notitiam causarum particularium ad prænoscendos earum effectus.*
13. *De simili ortu & disimilibus euentis Geminorum.*
14. *Pulcherrima disputatio Bardesanis aduersus Astrologos.*
15. *Vtrum sit facilius, diuinare quid facturus sit vir bonus, an vir improbus.*
16. *Quām sit vana ac futile prædictio Astrologorum de alio quo, quod sit futurus summus Pontifex.*
17. *Nullam posse esse scientiam vel artem istius Astrologie.*
18. *Vanitas & falsitas multarum prædictionum astrologarum.*
19. *Errores Astrologorum in Chronologia.*
20. *Astrologiam iudicariam omni tempore à prudētibus & sapientibus viris esse contempsam & damnatam.*
21. *Cui generi hominum arrideat prædictiones Astrologice, quas S. Ambrosius comparat telis aranearum.*
22. *Disputatur contra tria fundamenta Astrologiae iudicarie.*
23. *Vtrum astra natalitia cuiusque, possint esse certæ causæ omnium quæ ei euentura sint.*

34. *Vtrum sit plus momenti in conceptu, an in ortu hominis ad diuinandum.*
35. *De vanitate Astrologorum diuinationem suam extendentium etiam ad ciuitates, non solum ad homines.*
36. *Cur Astrologi non, ut de hominibus, sic etiam de stirpibus & alijs animantibus ex obseruatione astrorum vaticinentur.*
37. *De antiquitate istius Astrologiae apud Aegyptios & Chaldeos.*

CAPVT IV.

38. *Vtrum astra, si non sunt causae, saltet certa signa omnium futurorum.*
39. *Vtrum secundum Augustinum astra sint signa omnium rerum humanarum.*
40. *De natura & varietate signorum.*
41. *An cometæ signa fini humanarum rerum.*
42. *An qui astra faciunt signa rerum futurarum, simul etiā necessario inducanti & astruan. Fatum.*


CAPVT V.

33. *De quatuor causis propter quas evenit ut nonnunquam Astrologi vera prædicant.*
34. *Instinctu Dæmonum agi nonnunquam homines ad diuinandum.*
35. *Quot modis Dæmoni futura prenoscat, & hominibus præmonstrare soleat.*
36. *Quot modis & quam grauiter peccent, qui Dæmonum vel istorum Astrologorum opera viuntur ad diuinandum.*
37. *Istiusmodi Astrologos ferè improbos & flagitosos esse.*
38. *De usu fortium apud Antiquos ad diuinandum futura.*
39. *Permissu DEI, nimis cupidos sciendi futura, laqueis Dæmonum irretiri, & variis ac perniciosis erroribus implicari.*

40. Multos

DE DIVINAT. ASTROLOGICA. 156

40. *Multos diuinare futura; magis ex prudentia & vsure-
rum humanarum, quam ex arte astrologica*
41. *Nimiam credulitatem ac leuitatem consulentium A-
strologos, interdum conducere vi eorum predicta
vera cadant.*



DIVINATIONEM ASTROLOGICAM
*diuinae Scripturæ, discipline Ecclesiastica, as-
doctrine Theologica esse contra-
riam.*

CAPVT PRIMVM.

- ¶. I. *Sententij diuinae Scripturæ; antiquis item Ec-
clesiae institutis & exemplis; rationibus etiā The-
ologicis refelluntur Astrologi.*

LA M A T multis in locis diui-
na Scriptura certam futurarum re-
rum præscientiam & prædictionē,
non esse hominum sed ne dæmo-
num quidem, verūm vnius D E I
propriam. Quapropter apud Isaiam cap. 41. ita
scriptum est. *Annunciate quæ ventura sunt in fu-
turu[m], & sciemus quia dī estis vos:* & cap. 44. *Ego
sum Dominus irrita faciens signa diuinorum, & ha-
riolos in furorem vertens, conuertens sapientes re-
trorsum, & scientiam eorum stultam faciens:* cap.
autem 47. deridens Deus Babylonios & Chaldæ-
os syderalibus suis obseruationibus præfidentes.
Sta, inquit, cum incantatoribus tuis, & cum multi-

L iudine

tudine malefiorum tuorum, in quibus laborasti ab
adolescentia tua, si forte quid profit tibi, aut si possis
fieri fortior. Defecisti multitudine consiliorum tuo-
rum: stent & saluent te Augures cœli, qui contempla-
bantur sydera, & supputabant menses, ut ex eis an-
nuntiarent ventura tibi. Et paulò ante dixerat:
Sapientia tua & scientia tua, hæc decepit te. Hiere-
mias quoque. 10. monet Iudeos ut Astrologicas
obseruationes pro nihilo ducant, nihil enim sibi
à stellis vel sperandum vel timendum esse. sic au-
tem ait: *Iuxta vias gentium nolite discere; & à signis*
*cœli nolite metuere quantum gentes: quia leges po-
pulorum vanae sunt.* Salomon autem Ecclesiast. cap.
10. scientiam futurarum rerum denegat homini,
Ignorat homo, ait ipse, quid ante se fuerit: & quid
post se futurum sit quis poterit iudicare? idem cap. 8
eiusdem lib. *Homo, inquit, ignorat præterita, &*
futura nullo scire potest runcio. Liquet igitur diui-
nationem astrologicam in sacris literis contem-
ni, derideri, ac reprobari.

*Decreta Ec-
clesiae contra
Astrologos
Iudiciarios.*

*Alexander
Papa.*

Cum doctrina sacrarum literarum, etiam iudi-
cium Ecclesie, ut par erat, mirè congruit. Semper
enim Ecclesia inde usq; à primordijs suis, Iudicia-
rios Astrologos odit, fugit, damnauit. Extant ad-
uersus ipsos plurima & seuerissima decreta Eccle-
sie, quæ legere licet in secunda parte Decretorum
cap. 26. per primas quinq; quæstiones, & in Con-
cilio Bracarensi I. cap. 9. & 10. & in Toletano I. in
assertione Fidei contra Priscillianistas. Fertur A-
lexander Papa huius nominis III. quendam presby-
terum qui semel dunitaxat consuluerat Astrologum
de quodam furto in Ecclesia sua facto, in unum an-
num priuasse altaris ministerio. Crebras ite re pe-
rimus

rimus in scriptis sanctorum Patrū aduersus Astrologos, quos illi nunc Chaldæos vel Genethliacos, aliâs Mathematicos aut Planetarios appellât, disputationes, ex quibus apparet quā fuerit maiorib⁹ nostris genus hoc hominū exosum & abominatū.

Multa contra illos disputat Basilius hom. 6. in Ge- *Basilius*
nēsim, Chrysostomus & Gr̄gori⁹ Magnus in cap. *Chrysost. Gre-*
2. Matth. sed pr̄ter cæteros August. lib. 2. super *gor. homil. 10.*
Genēsim ad literam cap. 17. lib. etiā 2. de doctrina *Super Euang.*
Christianā cap. 21. & aliquot proximè sequentib⁹ *Augustin.*
capitib⁹, subtiliter tamē & copiosè primis aliquot *Euseb. Cœf.*
capitibus lib. 5. de ciuitate Dei. Eodē pertinet quæ
cōtra Mathematicos in lib. 14. cap. 4. & in lib. 6. ca.
9. de Præparatione Euan. argumentatur Eusebius.

Ridiculus fuit, vel potius amens Julianus Apo- *Iuliani Apo-*
stata, qui in libris quos aduersus Christianos effu- *statae calun-*
tiuit, probare voluit, ex his quæ scripta sūt in cap. *nia.*

15 Genes. Abraamū & Astrologiam & aruspiceinam coluisse. Astrologiā quidem eius, significari putat illis verbis: *Edixit Deus Abraam foras, & ait illi, Suspice cœlum & numera stellas si potes: Sic erit semen tuum.* Aruspicio verò scientiam eius, illis etiam verbis denotari ait, *Sume mihi vaccam triennē, & capram trimam, & arietem annorum trium, turturē quoque & columbam.* Qui tollens vniuersa h̄ec, diuisit ea per medium, & utrasque partes contra se altrinsecus posuit: aues autē nō diuisit. *Descēderuntq; volucres super cadavera, & abigebat eas Abraam.*

Deinde, subiicitur prædictio peregrinationis & seruitutis posterorum eius per quadringentos annos. Sed hunc Iuliani errorem vel potius furorem, egregiè cōfutat Cyrillus extremo lib. 10. eius operis quod aduersus Iulianū edidit. Alij fidē hnic *Iuliani Apo-*
statae colum-
nia à Cirillo
repulsa.

Math. 2. vanissimæ, astrologiæ asserere & astruere conantur ex illa stella quæ nato Christo aparuit, cuius aspectu excitati tres illi Magi, ductuque ad adorandum Christum venerant. Sed istos manifestis argumentis Chrysostomus & Gregorius in homilijs super illud Euangelium scriptis, redargunt & conuincunt.

*Argumentis
ex sacra The-
ologia ductis,
astrologica
diniatio re-
felliuntur.*

Cæterū, errorem Astrologorum etiam rationibus ex doctrina Theologica contextis refutare possumus. Principiò, *Nemo* vt ait Paulus i. Corinth. 2. *nouit quæ sunt hominis, nisi spiritus hominis;* sed homo nescit quid ipse met post multos annos aut etiam dies acturus sit: nam vt inquit Scriptura, Proverb. cap. 27. *Ne glorieris in crastinum, i-
gnorans quid superuentura pariat dies: Et, Non est
via hominis in manu eius: homo enim proponit, Deus
autem disponit* Est namque non modò quorumlibet hominum, sed etiam Regum cor in manu Dei, & flectit illud quocumque vult. Si igitur ipse met homo nescit quid futuro tempore facturus sit, quanto minus id scire potest Astrologus? Deinde, ne ipse quidem diabolus certò potest nosse res futuras: si enim futura omnia dæmon sciret, nunquam profectò impulisset Iudæos ad crucifigendū & occidendum Christum Dominum quippe præuidisset per crucem & mortem Christi, imperiū quod tamdiu habuerat in homines, fore labefactandum & funditus euertendum. nec sanè dæmon tentaret & infestaret seruos Dei à quibus in tentatione vincitur, ne videlicet propter victoriam tentationū crescente Sanctorum gloria, magis ipse, quæ eius est superbia & inuidia, torqueretur.

§. 2. De

§. 2. De vanitate oraculorum Apollinis.

Hoc etiam patet argumento oraculorum, quæ olim reddebat dæmones, cuiusmodi erant responsa & oracula Apollinis delphici quondam apud Græcos noblissima & clarissima; quæ ad diuinationem astrologicam pertinuisse, locuples auctor & testis est Porphyrius in libro de Oraculis (refert autem hoc Eusebius libro 6. de Præparatione Euangelica, cap. 1.) ubi tradit, quæcunque dij ceu fatis definita prædicunt, ea ipsos stellarum motu ita esse futura significare; id quod maximè Apollo multis responsis aperuit. In hisce autem oraculis & diuinationibus sæpè mentitum esse Apollinem, idem auctor est Porphyrius; exquisitam enim futurorum cognitionem ait non hominibus modò, sed multis etiam deorum cōprehensibilem esse. Vnde interrogati mentiuntur nonnunquam, sed non sponte: solent enim præmonere, se tunc vera respondere non posse, homines tamen ex amentia perseverant vrgere & cogere eos ut respondeant. Apollo igitur delphicus, cum eiusmodi esset cœli & continentis affectio ut verum præuidere non posset, retine, dicebat per Vatē, vim istam, & potentia verba hæc ne proferas; falsa enim dicam, si cuges. Et in alio responso, Nihil hodie, inquit Apollo, stellarum mihi via dicendum præstat. Deinde, concludens Porphyrius ait, Manifestum iam fecimus vnde falsitas ad deorū oracula subrepat.

Hæc ex libro Porphyrij de Oraculis, in lib. sexto de Præparatione Euangelica, cap. 4. Eusebius cōmemorat. Fuit etiam olim quidam Oenomaus, vir apud Græcos tam philosophia quam eloquentia nobilis, qui responsis delphici Apollinis sæpè delusus atque deceptus, diligenter & curiosè collegit *Oenomans ve
hemens & di-
sertus oracu-
lorum apol-
linis confu-
tator.*

quamplurima eius oracula, eaque ut vana, futile
& falsa confutauit, ut refert Eusebius libro 5. de
Præparatione Euangelica, cap. 10.

**§. 3. Cur dæmones prædicendo futura sæpè fab-
lant.**

Q V A T V O R porrò ob causas vsu venit in
prænuntiando futura falli dæmonem. Primò, quia
nimis asseueranter affirmat quæ pendent ex libe-
ro arbitrio hominis, quod cum sit admodum mu-
tabile & ad omnia flexibile & planè liberum, nō
nunquam extraordinaria quadam ratione opera-
tur. Deinde, quod nos sæpè diuinitus incitati &
adiuti Dei gratia, contra facimus quam antea fa-
cere cogitabamus, & quam nostro ingenio
nostroque arbitratu facturi eramus. Fit e-
tiam interdum, ut quod dæmon agere consti-
tuerat & prædixerat, prohibente impedienteque
Deo, non possit exequi. Denique, multa D E V S
solet aliquando præter communem ordinem na-
turæ, præterque generalem suam & ordinariam
prouidentiam agere. Atque his rebus crebrò dæ-
mon in errorem inducitur. Quis ergo credet, A-
strologos prædicendis futuris rebus veraces esse,
cum in eo vel dæmones falli sæpè contingat? Sed
quid ego de dæmonibus loquor? Theologi docēt,
ne ipsos quidem spiritus cælestes ac beatas men-
tes quæ liquido cernunt & clarissimè vident Deū,
tenantque perfectissimam cognitionem celorum
cunctarumq; rerum naturalium, certò scire futura
quæ nimirū pendent ex libro arbitrio; nisi earum
rerum D E V S singularem ipsis notitiā imper-
tiat. Cuius autem amentiæ est, Astrologis tribuere
quod nec Angelis nec beatis mētibus concessū est?

§. 4. Non

**§. 4. Non posse veritatem Christiane religi-
onis coherere cum veritate astrologie Iudicia-
ria.**

SE D illa in primis fortis est argumentatio. Si Christiana religio & disciplina vera est, ut est profectò verissima, non potest esse vera, nec Christianis probari potest illa opinio Astrologorum, ut quam illa vanitatis, falsitatis & impietatis persæpè damnauit: si autem falsa est doctrina Christiana, cum ipsa totum ferè orbem complexa sit, omnesque propemodum gentes suo imperio subiec-
cerit, & plus mille quingentos annos vigeat & re-
gnet in mundo, si omnia quæ apud homines fiunt
ex cœlo proueniunt ac pendent, necesse est tan-
tam hominum ad fidem Christi accipiendam tu-
endamq; propensionem tantumq; studium, ex in-
signi aliqua & præpotéti cōstellatione prouenire:
quare cœlum inclinaret & induceret homines ad
malum. Si enim fides Christi esset falsa, magis pro-
fectò esset falsa & detestabilis quam alia quælibet
secta: ea namque docet de Deo & rebus diuinis,
quæ si falsa sunt, nefariam sanè superstitionem &
execrandam impietatem contineant necesse est. At
verò, cum vita quæ ad normam fidei Christianæ
agitur, sit optima & inculpata, nec laude tantùm
sed summa etiā admiratione dignissima, hinc ne-
cessariò efficeretur, ab eadem constellatione pro-
fici sci bonum & malum: malum quidem, propter
falsitatem doctrinæ Christianæ; bonum autē pro-
pter vitæ quæ ad eius doctrinæ regulam informa-
tur & dirigitur, probitatem atque præstantiam.

*Egregia ratio
aduersus A-
stromantiam.*

Ad hæc, maxima probatio & confirmatio fidei *Præclara ar-
nostræ & clarissimum diuinæ prouidentiæ argu- gumentatio.*

mentum illud est, quæcumque circa Christū Dominum & eius Ecclesiam euenerunt, ea multis antē sæculis fuisse per Prophetas, ad vñ omnia propriè, distinctè, explicateque prædicta: si autem eiusmodi prædictio per Astrologiam fieri posset, rueret funditus & ad nihilum recideret firmissimū nostræ religionis fundamentum. Ne multa, istiusmodi Astrologorum doctrina veram Philosophiam moralem, nedum sacram Scripturā & Theologiam, quantum in ipsa est, planè peruertit. qui enim certum habet omnia pendere è cœlo, ob idque cuncta hominum opera facta, casus & euentia ex cœli obseruatione præsentiri & prædici posse, huic quoque necessariò persuasum esse debet, materialē & mortalē esse animū nostrū, nullumq; esse liberum arbitrium, nec talē esse prouidentiā Dei, qualem Fides nostra prædicat; mysteria itē Christianæ religionis pendere è cœlo, cunctaque miracula tam in veteri quàm in nouo Testamento edita, licet dicantur, vt re vera sunt, supernatura-
lia, ad cœlestes nihilominus causas & virtutes reuocari. Huic quoque opinioni consequens est, neglectio & prætermissio bonorum operum, licentia omnium cupiditatum, quorumlibet flagitorum excusatio, denique inutilitas atque crudelitas humanarum pariter atque diuinarum legum.

Caietani brevis sententia Caietanus in Summula vbi agit de astrorū obseruatis sed vera uatione, simillima docens eorū quæ diximus verè & memorabilis aduersus prædictiones astrologorum sententia magis & doctè quàm eleganter & ornatè ita scribit, Astrorum obseruatio circa nativitates hominum & occurrentia humana, tripliciter peccato subijci potest. Primo, si ea quæ fidei Christianæ mysteria sunt, tanquam subsint cœlestibus causis, habeantur: secundo, si futura contingentia quærantur

rantur vel habeantur ut certa ex cœlestibus causis: tertio, si electiones suas quis subijciat cœlestibus causis tanquam legi illarum, ita ut vitam & aetiones suas regulet secundum cœlos. Et quodlibet horum trium est ex suo genere peccatum mortale: quia primum est contra spiritualitatem Christianæ religionis, quæ super cœlos est, immutare potens etiam ipsos cœlorum cursus iuxta id quod scriptum est in Psal. 148. Confessio eius super cœlum & terram: & hoc experientia testata est. Secundum verò, est contrà veritatem doctrinæ Christianæ & liberi arbitrij, quo domini sumus nostrorum operum. Tertium est contra dignitatē gratiæ, legis diuinæ, ac humanæ mentis qua super omnia corporalia sumus constituti. Et sicut erreremus subijciendo nos passionibus iræ, odij, spei, timoris; ita quod haberemus impetus passionum pro lege: ita vilificamus nos, si inclinationes cœlorum pro lege habeamus: corpora enim sunt, & per modum passionum inclinant nos. Hæc Caietanus.

In Actis autem Apostolorum cap. 19. refert Lucas, multos de his qui Ephesi concionibus & sermonibus B. Pauli. conuersi erant ad Christum, & curiosa prius fuerant sectati, attulisse libros suos, & coram omnibus combussisse: fuisse autem eos libros de rebus ad iudicariam Astrologiam pertinentibus, grauis auctor in Commentarijs super Psalmos dixit Augustinus; qui etiam Mathematicum quendam, hoc est, istam Astrologiam profsum, postea pœnitentem professionis suæ, cupietemque reconciliari Ecclesiæ, nisi publica & solenni pœnitentia præmissa, non recepit. verum sententia Augustini, quod ea maximè attingit id

L. 5 quod

quod nunc agitur, totidem verbis hic ascribam.
 Post enarrationem igitur 61. Psalmi, cum Mathematicus ille veniam publicè petens coram sistetur, hæc dixit Augustinus: Iste ex Christiano & fidelis poenitens redit, & territus potestate Domini conuertitur ad misericordiam Domini: seductus enim ab inimico cum esset fidelis diu Mathematicus fuit, seductus seducens, deceptus decipiens, illexit, fecellit, multa mendacia locutus est contra Deum qui dedit hominibus potestatem faciendi quod bonum est, & non faciendi quod malum est. Iste dicebat quod adulterium non faciebat voluntas propria, sed Venus; & homicidium non faciebat voluntas propria, sed Mars: & iustum non faciebat Deus, sed Iupiter: & alia multa sacrilega non parua. Quam multis eum putatis Christianis nummos abstulisse? Quam multi ab illo emerunt mendacium? quibus dicebamus, Filij hominū usquequo graui corde, ut quid diligitis vanitatem & queritis mendacium? Modo sicut de illo credendum est, horruit mendacium & multorum hominum interitum: se aliquando à diabolo sensit ille Etum, conuertitur ad Deum poenitens. Nostis in Actibus Apostolorum esse scriptum, cap. 19. quia multi perdit, id est, talium artiū homines & doctrinarum nefariarum sectatores, omnes codices suos ad Apostolos attulerunt, & incensi sunt libri tam multi, ut pertineret ad scriptorem aestimationem eorum facere, & summam pretij conscribere. Hoc utique propter gloriā Dei, ne tales etiam perdit desparentur ab illo qui noui: querere quod perierat. Perierat ergo iste, nunc quæsus, inuentus, adductus est: portat secum codices incendendos, per quos fuerat incendendus, ut illis in ignem

Psal. 4.

Notabilis oratio quam habuit Augustinus in reconciliatione cuiusdam Mathematici cum Ecclesia.

ignem missis, ipse in refrigerium transfiret. Ante Pascha enim cœpit petere de Ecclesia Christi medicinam, sed quia talis est ars in qua exercitatus erat, quæ suspecta esset de mendacio atque fallacia, dilarus est ne tentaret, & aliquando tamen admissus est ne periculosius tentaretur. Hactenus Augustinus.

§. 5. Quām seuerē olim Ecclesia in istiusmodi Astrologos animaduerterit.

CERTE in primitiua Ecclesia istiusmodi astrologica non secus quām ars magica, reprobata, vetita & damnata erat. Narrat Epiphanius in libro *B. Ephiph.* de mensuris & ponderibus, Aquilam Ponticum *nim.* Scripturæ interpretē ob eam maximè causam fuisse à Patribus ex Ecclesia pulsum, quod natuitatē observationibus ceterisq; diuinationibus astrologicis studiose vacaret. Non est pro derelicto habendum, cum sit admodum memorabile, quod Originem in Commentarijs super Genesim de ista astrologia prodidisse, libro 6. de Præparatione Euangeliæ, cap. 9. tradit Eusebius. sic enim scripsisse illum ait: Non solum Gentiles stellarum coiunctione atque aspectu quæ in terris sunt, necessariò accidere credunt, quām vim Fatum appellant, verum etiam multi ex fidelibus conturbātur, impossibile aliter fieri credentes quām stellarum cursus effecerit. vnde sequitur nullā in nobis esse libertatem, nullam operationem nostram laudari aut vituperari iure posse; ita prædictum à Scripturis Dei iudicium quo alij ad æterna supplicia, alij ad æternam beatitudinem prædestinantur, falso fore prædicaretur. Quid plura? ipsa quoque fides & Saluatoris nostri aduētus, & omnis Prophetarū

Origenes egregia contra Astrologos disputationes.

labor, ac Apostolorum in constituendis Ecclesijs prædicatio, in ania erunt: nisi forte Christum quoque quis audeat dicere, cœlestium corporum vi coactum fecisse quæ fecit, passumq; fuisse quæ passus est, nec eius deitatis potentia sed stellarum virtute cuncta euenisce: his impijs verbis etiam illud conficitur, vt fideles Fato ducti in Christum credant: denique, vt vel nullum sit boni & mali discrimen, vel etiam malorum auctot sit Deus: mullusque hominū propter bene vel male facta præmio aut poena dignus censeri debeat, nec orationibus, votis, & Dei obsecrationibus locus aliquis relinquatur. Sic Origenes.

*Animaduer-
sio in Petrum
de Aliaco.*

Eat igitur nunc Petrus de Aliaco, & istam Astrologiam amplectetur, exosculetur, præfracte-que defendat, atque obnixè conetur eam cum philosophia, quin etiam (si Deo placet) cum Theologia consociare atque coniugare; scilicet falsitatē cum veritate, tenebras cum luce, dæmonem cum Deo. qui nec veritus est scripto prodere, diluuiū Noëticum, & ortum Christi Domini, aliaq; summa prodigia & miracula, etiam syderalis scientiæ peritia ex astrorum obseruatione prænoscí ac prædici potuisse.

§. 6. De multis perspicue falsis & impijs Astrologorum sententijs.

SE D quo manifestius appareat quām sit impij & execranda istorum doctrina, ponam hic paucas quasdam eorum sententias & decreta, ē quibus iudicium fieri de illius artis impietate. Quidam istorum, ex Marte in nona cœli regione feliciter constituto, tantum præstari nobis contendunt, vt ab obfisis corporibus sola præsentia dæmones expella-

pellamus. Alij iactant se hac arte, de eius qui na-
 scitur conscientiæ arcanis & secretis sine errore
 iudicaturos. Vulgatum quoque apud illos est, du-
 os esse planetas auctores felicitatis humanæ, Ve-
 nerem quidem præsentis, Iouem autem post hanc *Mateanne.*
 vitâ futurę. Maternus porrò eiusmodi figmentorū
 & mendaciorum studiosissimus & curiosissimus,
 cum multa memoret quæ à Saturno constituto in
 Leone accidunt hominibus, subdit, eiusmodi ho-
 mines longeños fore, & post mortem animas eoru-
 rum in cœlū dijs applicatas euolaturas. Saturnus
 enim, inquit, in Leone positus, animas eorum qui
 sic se habuerint in terra innumeris angustijs libera-
 tas, ad cœlum & originis suę primordia reducet. *Albumazar.*
 Denique Albumazar scribit, qui Luna Ioui coniu-
 ncta in capite Draconis, Deo supplicauerit, cum
 quicquid petierit à Deo, certissimè impetraturum
 id quod Petrus Apponensis expertum se esse con-
 firmat. nā cum vigente illa coniunctione, scientiā
 rerū à Deo postulasset, ait se post eam diem, mag-
 nam sibi factā esse scientiæ accessionem, sensisse.
 Hæc autem & alia eorum similia, quām sunt nefar-
 ia, detestanda, & Christianæ religioni exitialia?
 quantumq; valeant ad eleuandam, vel potius de-
 lendam fidem eorum quæ diuina Scriptura docet
 immediate, supernaturaliter, ac miraculoſe fieri à
 Deo, nemo est tam hebes ingenio & tardus intel-
 ligentia, vt non clarissimè intelligat. Si quis autē
 hæc plenius atque subtilius scire auet, legat quæ
 in hanc sententiā cum alibi, tum lib. 2 cap. 5
 & lib. 5. cap. 11. & inde usque ad
 finem eius libri, Picus Miran-
 dulanus diligenter & co-
 piosè tractat.

ASTROLOGIAM IUDICIARIAM A
Philosophia redargui & conuinci, primò quidem
earatione, quod istiusmodi Astrologi cœ-
lestium rerum sint imperi-
tissimi.

CAPVT. II.

*Multiplex &
præualida cō-
tra Astrolo-
gos ex Philo-
losophia argu-
mentatio.*

DIVINATIONEM Astrologicam futi-
lem esse nulloq; nixam fundamento, Phi-
losophus quidem ad hunc modum argu-
mentabitur, Astrologi nec cerrò sciunt omnes a-
strorum vires, defluxus, & effectus; nec si eas res
scirent, satis id foret ad certam rerum futurarum
præsensionem; ergo prædictiones astrologicas i-
nanes & fallaces esse necesse est. Duo in hac argu-
mentatione sunt posita, explicatius à nobis trā-
ctanda & confirmanda; alterum est, imperitos esse
Astrologos rerum cœlestium; alterum verò est,
vt essent illi peritissimi earum rerum, non pro-
pterea tamen posse eos futura omnia prænosse, de
priori autem dicamus prius.

**§. 7. Astrologos Iudicarios esse rerum cœlestium
imperitos.**

ESSE igitur Iudicarios Astrologos syderalis
doctrinæ ignaros, patet ex his quæ subijciā. Prin-
cipiò, valde arduum & operosum est, etiam quæ
de cœlo videntur minus difficilia inagisq; nobis
obvia, perfectè cognoscere: veluti quæ sit cœli na-
tura, magnitudo, numerus orbium, & inter eos or-
do & differentia dignitatis, varietas motuum, de-
niique astrorum numerus, eorumque inter se in
magnitudine, luce, potestate & effectu compara-
tio.

tio. atque huius difficultatis facit clarissimum indicium tanta opinionum varietas, quantam esse his de rebus inter maximos Philosophos cernimus. Aristoteles certè Philosophorum omnium facilè princeps, ingenuè fatetur se multarū rerum cœlestium non exquisitam scientiam, sed opinabilem & coniecturalem tantùm notitiam tenere: Et quia manifestis certisque rationibus destituantur, cogi se non raro probabilibus duntaxat argumentis & conieicturis vti. Videre hæc licet apud ipsum Aristotelem in secundo lib. de Cœlo textū 17. 34. 60. & 61. hoc si est. quis credet, Astrologis, quos solis luce clarius est nulla re comparandos esse maximis illis philosophis, quod est in cœlo abstrusissimum, & iudicio summorum Philosophorum mortalibus incomprehensibile, veritatem dico rerum omnium futurarum, esse liquidò cognitam exploratèque perceptam? Deinde, rogemus istos Astrologos ut faciliores quædam quæstiones de coelo nobis enodent: percuntemur ex ipsis, an cœlum sit natura quædam simplex, an composita ex materia & forma; vtrum talis sit materia cœli qualis est rerum omnium sublunarium, an omnino diuersa; sitnè cœlum animatum an inanimatum; num sua vi & à se moueatur an extrinsecus ab Angelo; unde potissimum in cœlis æstimari & iudicari debeat dignitatis eorum præstantia; quid cause sit cur non omnes orbes uno motu circumagantur, sed alij uno tantum, alij pluribus, alij verò paucioribus: aperiant nobis quam habent propriam vim & potentiam singulæ stellæ in clementia, metalla, stirpes, atque animantes, hæc, inquam, & alia horum similia sciscitemur ex ipsis Astrologis, profectò reperiemus ipsos doctrinæ harum

Aristoteles.

harum rerum plane rudes & prorsus expertes.
Qui sit igitur credibile, planiora hæc & apertiora
ignorantibus, mortalium intelligentia remotissi-
ma & occultissima, esse comperta & explorata?
Postea, doceant nos isti defluxus & effectus qui
nunc ex varijs astris diminant ad diuersas & dis-
fatas mundi regiones, sic enim fortasse credemus
illis futuros syderū effectus prænuntiantibus. quis
enim nescit procliuius & propensius esse præfen-
tia nosse quam futura, præsertim mutabilia & que
variè possunt contingere, ob idque incertus? Ex-
ponant item nobis occultas proprietates & vires
quas habent res sublunares, quas mirantur magis
quam intelligimus in multis lapidibus, herbis &
animalibus; hæc enim cum proxima sit atque no-
bis coniuncta & cunctis penè sensibus nostris su-
biecta, & que quotidianis experimentis peruesti-
gari & explorari possunt; planiorem intelligentiam &
faciliorem habent explicatum: cognitio
verò rerum calestium maximi laboris & difficul-
tatis est, cum tam longè distet à nobis cœlum, nec
alio quam unico oculorum sensu mortalibus pa-
teat: quem tamen sàpè falli contingit propter ta-
tam interualli longinquitatem, vel summam ver-
tiginis cœli velocitatem, vel prauam affectionem
medij aut visus, vel propter vitium astrolabij, ta-
bularum & instrumentorum astronomicorum.
Atque hoc etiam apud sacras literas in cap. 9. lib.
Sapientiae testatum legimus: *Corpus inquit, quod*
corrumperit aggranat animam, & terrena inhabi-
tatio deprimit sensum multa cogitantem. Et difficilè
estimamus que in terra sunt, & que in prospectu sunt
invenimus cum labore. que autē in cœlus sunt quis in-
uesti-

nefti habit? Sensum autem tuum quis sciet, nisi tu de-
deris sapientiam, & miseris Spiritum sanctum tuum
de altissimis? Extremum autem huius sententiae,
omnino redarguit Astrologos, qui humana omnia
euenta quorum multa ex secretissimo Dei con-
silio & voluntate pendent, diuinare se posse pro-
fitentur.

§. 8. Aduersus fictitiam antiquitatem obseruationum quam iactant Astrologi.

PRAETEREA, iactant Astrologi, habere se
innumerabilem annorum obseruationes rerum
euentis comprobatas, è quibus ars ipsorum colle-
cta & confecta sit: nam cum in omni præteriti ré-
poris spatio, penè innumerabiles res eodem mo-
do euenirent, ijsdem signis antegressis; ars est ef-
fecta eadem sèpè animaduertendo atque notan-
do; quare Chaldæos ferunt quadringenta septua-
ginta millia annorum; monumentis huiusmodi
obseruationum astrologicarum comprehensa ha-
buisse. Verùm, hoc quām sit commentitium &
improbabile, vel ex eo liquet quod Astrologi non
potuerunt eiusmodi obseruationes & experienti-
as, non dico millies ut ipsi iactitant, sed ne ter qui-
dem bisūc colligere & comparare potuerunt. nam
coeli facies, & omnium signorum cœlestium po-
situra quæ semel fuit, eadem omnino vel nunquā,
vel non nisi post immensa annorum spatia redire
potest: quippe octauus orbis in quo sunt inerran-
tes stellæ, non ante sex & triginta annorum millia
circuitum suum absoluit. quin doctissimi quidam
Mathematici, optimis rationibus probarunt, inös-
tus coeli esse inter se incomensurabiles, ob idq;
eandem coeli faciem, eundemque stellarum posi-

tum s^epius enenire non posse.

*Phauorinus
contra Astro-
logos.*

Hanc rationem Phauorinus philosophus apud Gellium lib. 14. cap. 1. paulò enucleatus, certè dulculétius & elegátius tractat his verbis, Si Chal-dæorum isto modo cœpta fieri obseruatio est, ut animaduerteretur quo habitu, qua forma, quaque positura stellarum aliquis nasceretur: tum deinceps ab ineunte vita, fortuna eius & mores & ingenium & circumstantia rerum negotiorumque, & ad postremum finis etiam vitæ spectaretur; ea-qué omnia, ut vñsu venerant, literis mandarentur: ac pōsteā longis temporibus, cum ipsæ illæ eodem in loco eodemque habitu forent, eadem cæteris quoque cœntura existimarentur qui eodem illo tempore nati fuissent: Si isto, inquit, modo obseruari cœptum est, ex eaque obseruatione composita quædam disciplina est, nullo id pacto po-test procedere. dicant enim quot tandem annis, vel potius quot sæculis orbis hic obseruationis perfici quiuerit. Constatre quippe inter Astrologos dicebat, stellas istas quas erraticas dicerent, quæ esse omnium rerum fatales dicerentur, infinito propè & innumerabili numero annorum ad eundem locum, cum eodem habitu simul omnes vnde profectæ sunt, regredi; ut neque ullus obserua-tionis tenor, neque memoria villa, neque effigies literarum tanto æuo potuerint edurare. sic Phauorinus. Adhæc, licet Astrologi cognoscere pos-sent singulares vires & defluxus cuiuslibet astri, separatim tamen, quam vim habeant sydera, cum defluxus diuerorum astrorum vna coēunt & permiscētur, vel in c^{el}o vel in aëre vel in in terra vel etiam cum causis sublunaribus earumque actioni-nibus; ab ipsis nequaquam sciri potest. Audiat le-ctor

ctor Origenem, cuius ex Commentarijs super Genesim, hanc Eusebius extremo lib. 6. de Præparatione Euangelica citat sententiam: Quæ autem, inquit, commissione, compositione, ac temperie diuersorum aspectu fieri afferunt, profecto concedent nullo modo sciri posse. Quomodo enim quantum diminuatur de lœsione maligni aspectus propter aspectum benigni syderis percipies? & utrum auferat malignus quod à benigno conceditur, quoniam locum eius aspicerit; aut mutet, aut imminuat, aut mistura quædam inde fiat, quis percipiet? quæ omnia si quis altius inspiciat, facile credat nō posse ista humano ingenio penitus percipi. Vnde si quis harum rerum periculum fecerit, videbit in pluribus errare, quām veritatē consequi Genethliacos. Quamobrem Esaias etiam quasi hæc omnibus impossibilia sint ad filiam Chaldaeorū, qui maxime istud profitentur ait, *Ad finit & saluam te faciant Astrologi, cœli Augures annuncient tibi quid euenturum sit.* His enim verbis docemur, vel diligentissimos in hac re Chaldaeos, non posse prædicere quæ velit vnicuique genti D E V S attribuere. Hactenus Origenes.

Esiae 47.

H I S accedit, multas esse stellas quæ vel non clare cernuntur, vel etiam nullatenus cernuntur: earum verò quæ cernuntur, paucas sibi esse cognitas, permultas verò necdum exploratas fatentur Astrologi. qua ratione igitur ex paucis astris quorum vires norunt tam confidenter prænunciant futura, cum per aliorum syderum quæ nesciunt influxus, notorum sibi syderum effectus, aut impediiri aut variari possint? nisi forte astrorum quæ latet ipsos nullas esse vires nullosq; defluxus, impudenter & absurdè mentiantur. Certè cōstat inter

Astrologos numerari in octauo cœlo mille præterq; viginti duas stellas. quarum cum quælibet maior sit terra, necesse est ingentē esse earum vim & potentiam. huiusmodi stellarum, vel nullam vel perexiguam notitiam habent Astrologi, quippe cum ars eorum iudicaria ferè constet ex planetarum obseruationibus, in quibus tota prope modum versatur & consumitur. Vedit hoc, qua erat perspicacia ingenij Seneca, & in libro 2. Natural. quæstionum, cap. 32. eleganter exposuit, Quid est aliud, inquit, quod errorem incutiat peritis natalium, quam quod paucis nos syderibus assignant; cum omnia quæ supra nos sunt, partem sibi nostri vendicent? Submissiora forsitan in nos proprius vim suam dirigunt, & ea quæ frequentius mota, aliter nos, aliter cætera animalia prospiciunt. cæterū, & illa quæ aut immota sunt, aut propter velocitatem vniuerso mundo parem, immotis similia, non extra ius dominiumq; nostri sunt. Hæc Seneca.

9. *De noua stella, qua superioribus annis visa est.*

SUPERIORIBVS annis vidimus stellam nouam ante illud tempus nunquam in cœlo visam, & iudicio Astrologorum in eodem loco, ubi stellæ fixæ lucet, positam: hæc cum ad aliquod tempus conspicua fuisset, repente tota ex aspectu nostro discessit & prorsus euenit. hanc stellam necesse est vel in cœlo esse generatam & postea corruptam, idemque in alijs sæpius euenire longis tamen temporū interuallis verisimile est: vel esse supra septem planetas alia sydera errātia quæ proprios quidem meatus, sed nobis tamen ignotos

tos habeant: vel denique quas nos in octauo orbe stellas inerrantes & infixas putamus, eas quoque proprios circuitus & motus agere. de quo addubitasse olim Hipparchum nobilitissimum in astrologia virum, locuples auctor & testis est Plinius in cap. 26. libro 2. Hipparchus, inquit, nunquam satis laudatus nouam stellam & aliam in æuo suo genitam deprehendit: eiusque motu qua die fulsit, ad dubitationem est adductus,anne hoc saepius fieret, mouerenturque & ex quas putamus affixas. Quid quod permagni ad artem suam referre censem Astrologi, conuenientiam & discrepantiam quæ est inter duos Zodiacos, alterum octauum alterum noni coeli, exploratam habere? quæ tamen acutus apud Astrologos. istis nota esse non potest: quippe cum nonum coelum omni stella luce que careat, nec aliud de ipso quam motus, isque ex motu octaui coeli deprehendi possit. Latet etiam Astrologos quemadmodum isti duo Zodiaci se habuerint in exordio mundi, quod tempus ab origine mundi ad hanc diem exactum, certo teneri nequeat: nam ut annorum eius temporis ratio aliqua iniri & numerus colligi possit, dierum tamen & horarum non potest: quorum tamen subtilis & certa computatio, isti doctrinæ Astrologicæ opus est.

10. *Quām difficile sit, aspectum syderum qui in cuiusque hominum ortu viget annotare.*

IA M verò vix potest sine errore ullo notari & cognosci positus astrorum qui est in eo momento quo quisque nascitur. Etenim difficillimum est vel punctum temporis in quo quispiam oritur, vel in eo ipso punto aspectum syderum omnium qui tunc viget, obseruare: sapientiaque coeli & stel-

larum aspectum, nubila & crassorum vaporum interpositus, vel adimunt nobis, vel inturbant & infuscant, & quod caput est, rapidissima cœli vertigo facit ut constellatio prius transuoleat, quam à nobis propriè annotetur: quippe per singula ferè momenta, alia & alia cœli facies, & identidem diversa astrorum positura existit. Profitentur isti Astrologi se cuiusuis hominis euenta omnia prænunciare posse, dummodo sibi ortus eius certum tempus pernotescat: at eiusmodi tempus subtiliter & propriè, ita nimirum ut opus esset Astrologo, ferè nescitur. Nam ut dicatur. exempli causa, Petrum esse natum vigesimo ab hinc anno, die Septembri vltimo, hora noctis decima, vel ineunte vel media vel iam exeunte; at momentum illud, vel potius minimum illud tempus quo Petrus a suo matris fusus & in lucem editus est, nec obstertrix, nec parentes seu cognati, subtilissime annotatum & perspectum habent: qua tamen temporis illius subtilissima obseruatione & cognitione, ad diuinandum eget Astrologus.

B. Basilij argumentatio contra Astrologos.

1. Corinth. 15.

Non possum facere, ut adscribere hoc loco pretermittam verba Basilij quibus ipsa hæc ratio quā nos strictim attigimus, latius ab eo explicatur & acrius vrgetur. Sic enim ille homil. 6. super Genesim scriptū reliquit, Genethliacē artis inuētores cum in téporis amplio spatio cōplures figurās suā ipsorum scientiā fugere percepissent, in angustum admodum temporis contraxere mensuras, ut minutissimo quoque & subitaneo articulo, quale est quod Apostolus dicit: *In momento temporis, in ictu oculi*, plurimum differentiæ sit inter natuitatem & natuitatem. Ut is quidem qui hoc in momento genitus est, futurus sit Rex ciuitatum, populo-

pulorumque princeps, locupletissimus, præpotens: Is autem qui natus est tēporis sequentis momento, pauper quidam sit futurus, aut mendicus, cīculator, vel præstigiator, ex ostijs ostia vermu- mutans quotidiani consequendi causa vīctus. quā obrem eo orbe qui signifer appellatur duodecim, in partes diuiso, cum in triginta dierū spatio par- tem Sol eius globi transeat duodecimam quem i- nerrantem appellant, triginta in portiones singu- las illas duodecim partes secuerunt, tum singulis portionibus illis in sexaginta minuta diuisis, mi- nuta hæc singula rursum in alia sexaginta modo simili diuisere. Posito igitur enixi eorum qui in lucē eduntur, videamus, obsecro, si hanc exactissimam temporis diuisionem Auctores hi sibi vale- ant conseruare. Nam simul atque editus pusio est, mas an femella sit, obstetrix explorat: tum vagi- tum expectat infantis, nimirum indicū vitæ eius, qui natus recens est. Quot hoc tempore vis sexa- gesima præterisse minuta? Dicit obstetrix deinde Chaldæo partum qui editus est; quot minutissima momenta vis interea dum obstetrix loquitur præ- tercurrisse? præsertim si forte fortuna fuerit non in conclavi mulierum Chaldæus ille præsens, sed in ædium atrio, aut vestibulo, tempus horamque reponens. Et cum eum qui definiturus est diligē- ter tempus ac horam, exploratoria nimirum ho- ram percepere oporteat instrumenta, siue diui- na siue nocturna: quot minitorum hoc quo- que tempore, quæso, præteruolat præteritque ex- amen? Compertam enim eam esse stellam qua tempus horaque sit exploranda, non solum quāta in parte sit duodecima, sed etiā quām iuxta duode- cimæ portionem partis, in quoquo minuto 60.

eorum, in quæ subdivisa sunt singula sexagesima illa prima, necesse est. Atque hanc tamen adeo tenuem subtilemque temporis inuocationem, quamquam attingere nequeunt, singulis in stellis erratis faciendam esse necessariò dicunt, ut qualem ad cœlo adfixas stellas ipsæ dispositionem habitudinem haberent, qualisque ipsarum esset inter se se figura, cum in lucem ederetur fœtus, compertum sit tandem ac exploratum. Quæ cum ita sint, si fieri non potest ut tempus illud exactissimè quisquam attingat, variationeque vel breuissimi temporis fit ut tota via penitus aberretur; deridendi profectò non mediocriter esse videtur, tam iij, qui studio huius indulserūt artis, quam in ratione rerū nusquam esse constat, quām illi qui hi- antes ab illorum ore pendent intenti: perinde quasi omnia illi scire possint quæ ipsis sunt evenitura. Hactenus sunt quæ Basilius eo loco aduersus Astrologos disputat.

**ETIAM SI ASTROLOGI SVMMAM
rerum cœlestium cognitionem tenerent, non
posset tamen eos futura diuinare, pro-
batur octo rationibus.**

CAPVT III.

SE D. concedamus Astrologis quod ipsi falsò & impudenter sibi arrogant, perfectam videlicet astrorum & coeli scientiam: hanc ipsam nunc contendo non posse certam futurarum rerum prænotionem & diuinationem efficere; idq; multis & validis rationibus confirmo.

Odo

II. *Omnibus rationes, quibus probatur ex cognitione astrorum etiam perfecta, non posse diuinari omnia quae futura sunt.*

PRIMA RATIO. Vera est & trita est in scholis illa Philosophorum sententia, Sicut res se habet ad esse, ita quoque se habet ad cognitionem; hoc est, propter quas causas quæque res fit & est, per eas cognosci debet, si quidem perfectam eius rei scientiam adipisci volumus. ad generationem autem futurorum effectuum particularium, non modo concurrit cœlum sed etiam causa particularis: est enim cœlum causa vniuersalis, quo sit ut eius vis & efficientia sit etiam vniuersalis & indeterminata ad producendum quoslibet effectus particulares: determinatur autem vis cœli per causas particulares. quamobrem verissimum est illud quod dixit Aristoteles, Sol & homo generant hominem. quin effectus particularis, licet quod attinet ad eorum effectionem & conseruationem, maximè pendeant ex causis vniuersalibus; tamen quod pertinet ad propriam cuiusque eorum naturā & ad naturales proprietates, tam specificas quam individuales, magis particularem causam emuliantur atque imitantur.

III. *Præter causas cœlestes, necessariam esse notitiam causarum particularium ad prenoscendos earum effectus.*

CV M igitur præter causas cœlestes, ad producendos effectus futuros opus sit etiam causa particulari efficiente, & materia idoneè præparata, quorum si desit alterutrum, prorsus nullus futurus est effectus, ex his necessariò concluditur, ad

Sicut ad generationem rerum futurarum non tantum concurrit cœlum

prænotionem futurorum effectuum, cœlestium causarum notitiam non esse satis. Atque hoc etiam quotidianis & manifestis experimentis constat. cernimus enim agricolas eodem tempore & sub eodem syderum aspectu varia seminum genera in terram iacere, ex quibus tamen diuersa nascuntur: quæ sanè diuersitas nō ad causas coelestes, sed ad diuersas tantum species & vires seminum referri potest. Ad hanc eandem sententiam, in libro secundo de Genesi ad literam, cap. 17. ita scribit Augustinus: Cum multa corpora diuersorum generum, vel animantium, vel herbarum & arborum, uno simul puncto temporis seminentur, unoque puncto temporis innumerabiliter multa nascantur, non tantum diuersis sed etiam ijsdem terrarum locis, tanæ sunt varietates in progressibus, in actibus, & passionibus eorum, ut verè isti (sicut dicitur) perdant sidera, si ista considereret. Quid autem insulsius & hebetius, quam cum istis rebus conuincuntur, dicere ad solos homines sibi subiiciendos fatalem stellarum pertinere rationem? sic Augustinus: cuius extreum dictū paucior vberius tractat apud Gellium libro 14 capite 1. Phauornius: Si vitæ, inquit, mortisque hominum rerumq; humanarū omniū tēpus & ratio, & causa in cœlo & apud stellas foret; quid de muscis aut vermiculis aut echinis, multisq; alijs minutissimis terræ marisq; animantibus dicerent? an ista quoque ijsdem quibus homines legibus nascerentur, ijsdemque itidem extinguerentur? vt aut ranculus quoque & culicibus nascēdi Fata sint de cœlestium syderum motibus attributa; aut si id non putarent, nulla ratio videretur cur ea syderū vis in hominibus valeret, si deficeret in ceteris,

13. De simili ortu & dissimilibus euentis Geminorum.

SECUNDARIA RATIO. Si vera esset istiusmodi Astrologorum doctrina, necesse esset Geminos qui vno tempore concepti & nati sunt, simillimos omnino fore: quod falsum esse, satis perspicuum est, nam ut cæteram eorum dissimilitudinem taceam, evenit nonnunquam ut alter sit mas, alter vero femina. Cicero quidem in altero libro de Divinatione; Proclum & Euristhenem reges Lacedæmoniorum fratresque geminos commemorat, quorum tamen & exitus vita dissimilis, & gloria rerum gestarum dispar fuit. Verum, in sacris literis luculentissimum eius rei habemus exemplum: Iacob enim & Esau eodem concubitu, ut inquit Paulus Rom. 9. sati eodemque tempore nati, dissimilimis tamen ingenij, studijs, moribus, & euentis fuerunt. Nec vero firmum est illud præsidium in quod refugiunt Astrologi, cum hoc arguento urgentur; videlicet breuissimam illa momen-
tum quæ inter Geminorum ortus intercedit, licet ea nobis per exigua videatur, in cœlo tamen, ob eius vastitatem & rapidissimam conuersionem, esse admodum insignem magnamq; facere variationem.

Hoc Nigidius Figulus declarabat ex exemplo rotæ, quæ incitatissimè contorta, cum bis eodem loco signare atramento vel percutere summa celeritate conatus esset, cessante ipsis rotæ circumactione, reperta fuit duo illa loca ab ipso percussa vel signata, haud paruo inter se intervallo disiuncta. Hoc, inquam, presidiū & refugiū infirmum est, parumq; tutum Astrologis. Etenim, licet in ortu Geminorum aliqua fuerit mora, in eorum tamē conceptu prorsus nulla fuit. Deinde, si tam breui variatur ratio cōstellationis sub qua quisq; nascitur, erit profecto propriū tempus
ortus

B. Gregorius
homil. 10 su-
per Euangel.

Augustinus.

Phauorinus
apud Aulum
Gell. lib. 14.
cap. 1.

Augustinus.

ortus cuiuslibet, Astrologis in comprehensibile. Deniq; valebit hoc loco aduersus Astrologos argumentatio illa beati Gregorij : Si propterea Jacob & Esau non censemur nati sub eadem constellatione, quod non simul nati sunt, sed unus post alterum; ob eandem profecto causam iudicandum erit, nullum hominum sub eadem constellatione totum nasci. non enim totus simul ex utero procedit, sed particulatim & membratim : primò enim effert caput, tum collum, deinde pectus, postremò pedes. Jacob enim proximè natus est post Esau manu plantam pedis eius tenens, perinde quasi, sicut inquit Augustinus libro secundo de Genesi ad literam, capite. 17. unus infans instar duorum vel duplo longior nascetur.

Verùm, hanc rationem admodum diserte Phauorinus aduersus Chaldaeos disputans, exequutus est. Atque iā velim etiam, inquit, ut respondeat, si tam paruum atque rapidum est momentū temporis in quo homo nascens Fatum accipit, ut in eodem illo puncto sub illo circulo cœli, plures simul ad eandem competentiam nasci non queant: & si idcirco Gemini quoque non eadem vita sorte sunt, quoniam non eodem temporis puncto editi sunt: peto, inquit, respōdeant, cursum illum temporis transvolantis qui vix cogitatione animi comprehendendi potest, quoniam pacto aut consulto assequi queant, aut ipsi perspicere & deprehendere; cum in tam præcipiti dierum noctiumque vertigine, minima momenta ingentes facere dicant mutationes? Sic Phauorinus. Ipsum hoc argumētum de Geminis diligenter & subtiliter pertractat Augustinus libro 5. de Ciuit. Dei primis aliquot capitibus; atque in 2. libro de Doctrina christiana,

cap. 22. & verò, maximum facessit negotium Astrologis: si enim tam breui temporis momento mutantur omnia, vt non diuersa modo, sed etiam aduersa plerunque eueniant, quis de nato puerō possit quicquam certi prædicere, cum illud temporis punctum quo vel cōceptus vel natus est, ita uti est, nemini possit esse cognitū? Itaque, vt magna in homines vi & potestate pollerent astra, quid ea tamen in singulorum hominum generatione & ortu efficerent, incompertum esset nobis: quippe cum aspectus coeli & positus astrorum qui est tempore quo quisq; nascitur certo deprehendi nequeat: incitatissimus enim cœli & astrorū motus, tarditatem nostræ considerationis & observationis præteruolat & anteuerit.

TERTIA RATIO. Missos nunc facio Ge. *Tertia ratio.* minos, quorum interruptus partus aliquam præbuit latebrari Astrologis. consideremus in præsentia quamplurimos prorsus eodem tempore, & in eadem regione, eodemque syderum aspectu & positura, ex diuersis tamen parentibus progeneratos: de ipsis non potest Astrologus ex obseruatione syderum, non eadem euentu prænunciare; cum simul concepti & nati fuerint, & sub eadem constellatione. At longè secus esse, quotidiana demonstrat experientia. quam multi enim toto orbe simul & generantur in vtero, & in lucem edūtur, quorum deinde maxima est ingeniorum, studiorum, morum, religionis, casuum, denique vitæ ac mortis euentorum dissimilitudo? Omnium Romauorum qui Cannēsi pugna quāplurimi cœsi sunt ab Annibale, idem fuit vitæ exitus & interitus: quis autem existimet, eodē illos omnes stellarum aspectu, posituque fuisse natos? Idem dico

de tot millibus Turcarū qui nauali pugna ab hinc
octo & decem annos, memorabili ad immortalitatem
victoria, à Christiana classe profligati, &
internecione deleti sunt: quorum omnium eandem
fuisse rationem ortus, candemque in generatione
eorum viguisse cœli constellationem, stultum
est dicere. An quo tempore natus est Homer,
Hippocrates, Aristoteles, & Alexander Magnus,
non eodem quoque alios complices natos
esse putabimus? at quis, illorum similis adhuc ex-
titit? Phauorinus sic argumentationem hanc con-
texebat, Quām multi homines vtriusque sexus, o-
mnium ætatum diuersis stellarum motibus in vi-
tamediti, regionibus sub quibus geniti sunt lon-
gè distantibus, omnes tamen isti, aut hiantibus
terrīs, aut labentibus tectis, aut oppidorum expu-
gnationibus, aut eadem in naui fluctu obruti, eodemque
genere mortis, eodemque ictu temporis
intereunt? Quod scilicet nunquā eueniret, si mo-
menta nascendi singulis attributa, suas vnuquodque
leges haberent. Quod si quædam in hominū
morte atque vita etiam diuersis temporibus edito-
rum, per stellarum pares quosdam postea conuē-
tus, paria nonnulla & consimilia posse dicuntur
obtingere; cur non aliquando possint omnia quoque
paria vsu venire, vt existant per huiuscmodi
stellarum concursiones & similitudines, Socrates
simul & Antisthenes, & Platones multi, generc,
forma, ingenio, moribus, vita omni & morte pari?
quod nequaquam, inquit, prorsus fieri potest.
Non igitur hac causa Chaldæi probè vti queunt
aduersus hominum impares ortus, interitus pa-
res. Hæc Phauorinus.

*Phauorinus a
pud Aulum
Gellium lib.
14. cap. I.*

14. Pulcherrima disputatio Bardesanis aduersus Astrologos.

QVARTA RATIO. Bardesanes Syrus in doctrina rerum cœlestium excellenter versatus, in eo dialogo, quem rogatu amicorum de Fato & aduersus Chaldæos conscripsit, futilissimas esse Astrologorum obseruationes, & raro non ementientes eorum prædictiones, ad hunc ferè modum (ut memorat Eusebius lib. 6. de Præparatione Euangeliæ, cap. 8.) demonstrabat: Apud Seras lex est prohibens occidere, fornicari, & adorare simulachra: vnde in illa regione nullum templum cōspicitur, nulla mulier meretrix, nulla adultera, nemo fur, nemo homicida: nec voluntatem alicuius illorum ardentissima stella Martis in medio cœli cōstituta ad cædem hominis coēgit; nec Venus Marti coniuncta ut alienam quispiam solicitaret uxorem potuit efficere. Atqui, singulis etiam apud eos diebus in medium cœli Martem peruenire necesse est, & in tanta regione singulis horis nasci homines non est negandum. Apud Indos autem & Bactros, multa millia hominum sunt qui Brachmanes appellantur: hi tam traditione Patrū quām legibus nec simulachra colunt, nec animatum aliquid comedunt, vinum aut ceruisciam nunquam bibunt, ab omni demum malignitate absunt, solidi & o attentes. At verò, cæteri omnes Indi in eadem ipsa regione adulterijs, cæde, temulentia, simulachrorum cultu inuoluuntur; inueniunturque ibi nonnulli, immo verò gens quædam Indorum est in eodē climate habitans, qui homines venantes atq; sacrificantes deuorant: nec ulli planetarum quos felices ac bonos appellant, à cæde ac scle-

sceleribus istis eos prohibēt: nec maligini, Brachmanas pellere ad malefaciendum potuerunt. Apud Persas lex erat, filias, sorores, matres quoque ipsas in matrimonium ducere; nec in Perside solum, verum etiam quicunque Persarum ad alia climata orbis est patria exiuerunt; nefanda hæc diligenter matrimonia celebrarunt: quos, aliæ gentes hoc scelus abominantur, Magusseos appellant. Suntque usque ad hodiernū diem in media AEGypto, Phrygia, Galatiaque plurimi Magussei successione patrum, eisdem sceleribus contaminati. Nec dicere possumus in terminis & domo Saturni, cum Saturno ipso in nativitatibus omnium, Marte aspiciente Venerem fuisse. Amazones viros non habent: sed temppre veris fines suos egrediētes cum vicinis conueniunt. Vnde omnes naturali lege eodem tempore pariunt, masculisque imperfectis solas feminas alunt, bellicosaque omnes similiiter sunt, magnam exercitationis bellicæ curam gerentes. Stultum autem est opinari, omnes istiusmodi foeminas prorsus ijsdem natalitijs astris esse genitas. Fit hoc confirmatius argumento exemploque Iudæorum, qui ubicumque terrarum & gentium sint nati aut versentur, in uiolabili obseruatione & infantes suos octauo die circumcidunt, & omnem diem sabbathi feriatum festumque religiosissime agunt. Non sunt autem Iudæi omnes sub eadem constellatione procreati, nec eos à patribus legibus & institutis ullâ vis & potentia coelestium corporum abstrahere potest. Sed quid dicimus de Christianis? qui innumerabiles toto orbe sparsi, idem vita genus atque doctrinæ custodiunt, nec à disciplina quam ipsis Christus Dominus tradidit, vel promisis ullis, vel minis aut supplicijs

plicijs vel latum vnguem amoueri possunt. an di-
cturi sunt, Christianos omnes eodem astro esse
natos? Sed illud maximum est argumentum, qui
ante susceptam Christi disciplinam patrias leges
& instituta studiosissime acerrimeque tenebant,
eos postea factos Christianos, illis desertis ab-
iectisque, longè diuersam vitam agere, diuersos
re, & diuersissimam religionem & doctrinam
colere. Itaque nec multas Parthi Chri-
stiani ducunt vxores, nec Medi canibus
mortuos obijciunt, nec Indi mortuos suos cre-
mant, nec Persæ cum sororibus aut cum filiabus
nefario matrimonio miscentur, nec AEgyptij
Apin, aut canem aut hircum, aut felem colunt; sed
vbicumque sunt, eisdem legibus, moribus & in-
stitutis viuunt. Quid plura? singulis horis apud
omnes gentes homines nascuntur: vbiique autem
leges atque mores propter liberam hominis po-
testatem præualere videmus. Nac natalitia sydera
nolentes Seras ad homicidium compellunt, aut
Brachmanas ad esum carnium; nec Persas à scele-
ratis nuptijs remouent; nec Medos prohibent vita
defunctos canibus exponere; nec Parthos multas
ducere vxores. Singulæ namque gentes, ut volunt
& quando volunt, libertate sua vtuntur, legibus,
moribusque obedientes. Hactenus sunt quæ ex
disputatione Bardefanis aduersus Astrologos cō-
memoranda hoc loco censuimus.

Q V I N T A R A T I O Stante libero arbitrio *Quinta ratio.*
hominis & immortalitate animi nostri, ars ista
nullo modo stare potest: Si autem ea stet, illa fun-
ditus corruere necesse est. quo intelligere licet
qualis istiusmodi ars existimanda sit, quæ nisi pes-
fundata & obtuta, sublataque nostrorum animo-

rum libertate atque immortalitate, nihil progre-
di, nec vullo modo consistere queat. Quod autem,
si animus noster immortalis & in agendo liber
sit diuinatio astrologica nulla esse possit, his ar-
gumentis concluditur. Primò, Astrologi profité-
tur se futuras hominum actiones euentaq;, ex suæ
artis observationibus præsentire & prænuntiare
posse. hoc autem falsum est; futura enim quæ ex
libera hominis voluntate profici sci debent, nullo
modo possunt esse nota Astrologis. nā vel cognos-
cerēt futura in se ipsis, quod fieri nō potest, quippe,
quæ futura sunt, nōdum per se actu sunt; quod
autem non est, prout non est, non intelligitur, sed
prout aliquo modo est, nimirum potestate in suis
causis. Nec prænosci queunt futura in ipsorum
causis quæ tres sunt, D E V S, cœlum, voluntas
humana, quæ autem ex D E I proposito, confilio
& absoluta voluntate euētura sunt, ea nulli mor-
talium vel ex cœlo, vel alia quacunque ratione,
nisi cui Deus ea voluerit aperire, cognita esse pos-
sunt. *Quis enim, inquit Scriptura, cognovit sensum
Domini? aut quis consiliarius eius fuit?* & vt scriptū
est in 9. capite libri Sapientiæ: *Quæ in prospectu
sunt, inuenimus cum labore: quæ autem in cœlis sunt,
quis inuestigabit sensum autem tuum quis sciet, nisi
tu dederis sapientiam, & miseris Spiritum sanctum
tuum de altissimis?* Ex cœlo autem, futura quæ
pèndent ex voluntate hominis non possunt co-
gnosci; tum quia cœlum est causa vniuersali,
quare futuri effectus particulares non nisi vni-
uersaliter & indeterminatè in cœlo contineri &
cognosci possunt: tum etiā quia cœlum est causa
corporalis & materialis, quare animus noster qui
per

Rom. 11. &
Isaie 40.

per se incorporeus & expers materiæ est liberque
in agendo, cœli efficientiæ ac operationi directe &
necessariò minimè subiacebit. Voluntas porro hu-
mana quæ ex proxima causa humanarum actionū,
respectu futurorum quæ ex ipsa proficiisci debent,
per se indifferens & indeterminata est : multa e-
nim acturi sumus, de quibus nihil dum cogitau-
mus, nedum deliberauimus: quomodo igitur cau-
sa indeterminata & indifferens potest definitam
certamq; futuri effectus cognitionē parere? Con-
firmatur hoc: exteriores actiones hominis pendet
ex interioribus, ex deliberatione dico & elec-
tione: non potest igitur futura hominis actio exterio-
r prænosciri, nisi cognita sit futuræ voluntatis elec-
tio vnde illa proficiisci debet: at futura hominis
electio non potest alteri homini esse cognita; si e-
nim propositum animi & deliberationem quam
quis in præsens habet mente conceptam, nemo alius
scire potest, quanto minus scire poterit consilium,
propositum, & voluntatem alterius homi-
nis, quæ multos post annos futura est?

15. *Vtrum sit facilius, diuinare quid facturus sit vir
bonus, an vir improbus.*

DE INDE aut consideratur homo ut viuit &
operatur secundum rationem, aut secundum sen-
sum & appetitum: si secundum rationem, sic ho-
mo non pendet è cœlo, est enim mens & ratio ex-
pers materiæ & incorporea nullum autem corpus
per se agere potest in id quod est incorporeum. ra-
tio item libera est, suarumque actionum domina,
& suo arbitratu ac voluntate potest ad hoc vel
illud agendum se ipsa applicare . nam quamuis
vel à cœlo, vel ex naturali cōstitutione & tempe-

*Hominem, ut
operatur se-
cundum rati-
onem non è
cœlo, nec alia
ex causa vlla
præter Deum,
per se ac ne-
cessario pen-
dere.*

ratione sui corporis, vel à diabolo, vel aliunde instigetur ad malè agendū; potest ea tamen reniti, & vi sua omnes instinctus, impulsus, & irritamenta extrinsecus ei obiecta, comprimere & irrita facere; quinetiam contra quām incitatur agere. Hoc manifestum fit vel vnius Socratis exemplo, qui ex naturali corporis affectione & comparatione, & bardus & mulierosus erat; sed eiusmodi vitiosas naturæ propensiones, adeo animi robore & diligentia magnitudine emēdauit, ut omnium sui temporis prudentissimus & continentissimus sit habitus. Homo autem viuens secundum sensum & appetitum carnalem, tam variabilem & incertam vitam agit, vt qualis futurus sit, nullo modo prædici queat. Quamobrem Salomon (quod est in 30. capite libri Proverbiorum) dixit: Alia quædam sibi esse cognitu difficultia; illud autem esse prorsus ignotum qualis sit via adolescentis in adolescencia sua. Est enim ea ætas adeò lubrica ad quodlibet vitium, adeò mollis & flexibilis in omnes partes, adeò vagans & errans per omnia & nulla in re diu perseverans; vt nulla certa ratione modoque regi & duci, sed quocumque impellit cupiditas, illuc inconsulte & temerè rapi videatur.

*Quām sit instabilis vita & actiones homini, viue-
ns non secun- dum rationē, sed secundum se-
jenjum.*

quo fit, vt facilius sit diuinare quid acturus sit qui viuit secundum rationem & virtutem, quām quid sit acturus qui rationis & virtutum regula & lege posthabita, suas duntaxat cupiditates sectatur. Sic etiam facilius est diuinare quid facturus sit Rex qui secundum rectam rationē iustasque leges imperat, quām quid facturus sit Tyrannus, qui omnia pro suo commodo & libidine administrat. Qua ratione igitur Astrologi certa scientia consequi possunt ea quæ nihil ratum, fir-

mum,

mum, fixumque & certum habent?

Adhuc, aut istud Fatum cœleste & potentia sy- Pulchrum di-
derum potest ab homine impediri ita ut effectus e- lemma aduer-
ius non eueniat, aut nullo modo impediri potest: sus Astrologos
Si potest impediri & non euenire, ergo sicut effe-
ctus est incertus, ita prædictio eius certa esse non
potest. Si non potest impediri, ergo nullum est
liberum arbitriam; & ex eo conficitur animum
nostrum esse materialem atque mortalem, vtpote
syderum potestati necessariò subiectum. Nec ve-
rò si ita res se haberet, quicquam prodeßent ho-
minibus prædictiones Astrologorum: quid enim
iuuaret nosse tanto ante futura, si ea nullo modo
declinari & caueri possent? quin, vt ego censeo,
plus mali quām boni afferrent nobis, quos necesse
esset non solūm præsentibus malis torqueri, sed e-
tiam tam longinqua & ineuitabili eorum expe-
ctione acerbissimè cruciari. Probè hoc intelle-
xit Seneca, licet non minorem quām Astrologi sy-
deribus in homines vim & potentiam tribueret:
in libro enim decimotertio epistolarum, octoge-
simā nona epistola ita scripsit: Venio nunc ad il-
lum qui cœlestium notitia gloriatur.

*Frigida Saturni quo sese stella receptet,
Quos ignis cœli Cyllenius erret in orbes.*

Hoc scire, quid proderit? vt solitus sim, cum
Saturnus & Mars ex contrario stabunt, aut cum
Mercurius vespertinum faciet occasum vidēte Sa-
turno. Potius hoc dicam, vbiq[ue] sunt ista,
propitia esse nec posse mutari. Agit illa continuus
ordo Fatorum, & ineuitabilis cursus. Per statas
vices remeant. effectus rerum omnium aut mouēt
sydera, aut notant: sed siue quicquid euenit faciūt,

*Si Astrologo-
rum prædici-
ones vere &
certæ essent
profecto inu-
tiles & odio-
sus essent ho-
minibus.*

quid immutabilis rei notitia proficiet? siue significant, quid refert prouidere, quod effugere non possis? scias ista, nescias, fient. Hæc Seneca. Sed vide quā argutè ac philosophicè hanc ipsam sen-

*Phauorinus
apud Aulum
Gellium, lib.
14. cap. 1.*

tentiam breuissimis conclusit Phauorinus: Aut aduersa, inquit, euentura dicunt, aut prospera. Si dicunt prospera & fallunt, miser fies frustra expectando. Si aduersa dicunt & mentiuntur, miser fies frustra timendo. Si vera respondent, eaque sunt non prospera, iam inde ex animo miser fies antequam è Fato fias. Si felicia promittunt, eaque euentura sunt, tum planè duo erunt incommoda, & expectatio te spe suspensum fatigabit, & futurum gaudij fructum spes tibi iam deflorauerit. Nullo igitur pacto vtendum est istiusmodi hominibus res futuras præfagientibus. Sic Phauorinus.

16. *Quām sit vana ac futile prædictio Astrologorum de al:quo, quod sit futurus summus Pontifex.*

V E R V M , illud maximè arguit prædictiōnum astrologicarum vanitatem : etenim audent etiam Astrologi prædicere & promittere, aliquem futurum verbi gratia summum Pontificem ; atqui prouectio alicuius ad summum Pontificatum, non ex ipsius vel alterius vnius hominis voluntate aut potestate pendet, sed ex voluntate atque suffragijs plurimorum Cardinalium, quorum munus est creare summum Pontificem. Quapropter ut certò prænunciari possit, Petrum, verbi causa, fore Papam , non satis est nosse compositionem astrorum quæ in cœlo fuit nascēte Petro, sed simul etiam opus esset, Astrologo perspectos & cogni-
tos

tos esse omnes syderum positus & cōstellationes, sub quibus nati sunt quorumque voluntatum & suffragiorum concursus ad creandum illum Papā futurus est necessarius. Quare, si verum est quod *In anis predi-*
narrat in Augusto Suetonius, Nigidium Figulum & Nigidij
in eiusmodi astrologia nobilissimum apud Ro- *Figuli de fu-*
manos, accepta hora partus Augusti, obseruatisq; *turo Augusti*
natalitijs eius astris, exclamasse, Dominum orbis *dominatu.*

esse natum; profectò existimandum est id eum nec scienter, nec certa aliqua ratione, sed temerè ac fortuitò dixisse, & casu factum esse ut ita contigerit sicut ille prædixerat. Promotio namque Augusti per multos honorum gradus ad summum usque principatum & Monarchiam, ex multorum hominum studio, gratia, & opera pendebat ut ad tantum Augusti dominatum & imperium certò prænoscendum atque prænunciandum, solius Augusti generationis & ortus consideratio satis esse nequaquam potuerit. neque enim natalitia Augusti sydera vim ullam habere potuerunt in eos qui fūre Augusti suffragatores adiutoresque ad consequendum principatum; scilicet multi eorum compluribus annis, vel ante vel post Augustum nati fuerant.

17. Nullam posse esse scientiam vel artem istius Astrologiae.

SEXTA RATIO. Omnis scientia, & ars versatur in ijs rebus quæ aut semper, aut certè frequenter ita contingunt ut ab ea docentur: quæ autem extra hæc sunt & rarissimè accidunt, ea quia nihil habent fixum & certum, propterea nullam possunt scientiam vel artem efficere. Cum igitur prædictiones Astrologorū ferè sint falsæ, nec nisi

perquam raro veridicæ fint, satis liquet eas non ex arte aliqua & certis obseruationibus proficiisci, sed inscienter & inconsultè ac temerè ab illis effutiri. Quamobrem Phauorinus identidem commonebat, ut cauerent homines ne quā ipsis Chaldæi ad faciendam fidem irreperēt, quod viderentur quædam interdum vera effutire aut spargere. Non enim comprehensa, aiebat, neque definita, neque percepta dicunt, sed Iubrica atque ambagiosa cōiectatione nitentes, inter falsa atque vera pedetētim quasi per tenebras ingredientes eunt: & aut multa tentando incident repente imprudentes in veritatem, aut ipsorum qui eos consulunt, multa credulitate ducente perueniunt callide ad ea quæ vera sunt: & idcirco videntur in præteritis rebus quām futuris, veritatem facilius imitari. Ista tamen omnia quæ aut temerè aut astutè vera dicūt, præ cæteris, inquit, quæ mentiuntur, pars ea non fit millesima. Hæc Phauorinus apud Gellium. Sed audi quid in eandem sententiam libro secundo de Diuinatione scriptum sit apud Ciceronem. Quid plura, inquit? quotidie refelluntur Chaldæi. quām multa ego Pompeio, quām multa Crasso, quām multa huic ipsi Cæsari à Chaldæis dictæ memini, neminem eorum nisi senectute, nisi domi, nisi cum claritate esse moriturū: vt mihi permirum videatur, quenquam extare qui etiam nunc credat ijs quorum prædicta quotidie videat re & euentis refelli. Seneca in eo libello cuius inscriptio est: Ludus in mortem Claudij Cæsar is, initio introducit Mercurium apud Parcas morte; Claudij procurantem; & vt obiter Chaldæorum illudat vanitati, inter alias rationes quibus conatur Mercurius Parcas inducere ad necem Claudij, hāc affert,

*Phauorinus
apud Aulum
Gellium lib.
14. cap. 1.*

M. Tullius.

Seneca.

affert, ne toties videlicet miseri Chaldæi mentiatur: Patere, inquit, Mathematicos aliquando verum dicere, qui illum postquam princeps factus est, omnibus annis, omnibus mensibus efferunt. Prædicebant enim illi Mathematici Claudio singulis annis & mensibus moriturum: quod etiam nostri tēporis Astrologis contingit, à quibus mortes summorum Pontificum in singulos annos atque adeò mēses prænuntiari audimus, & rideamus, Beatus Ambrosius libro 4. in Hexameron, cap. 7.

Cum, inquit, ante dies paucos esset sermo de pluia, quæ fore vtilis diceretur, ait quidā, Ecce Neomenia dabit eam. & quamuis cupidi essemus imbrium, tamen eiusmodi assertiones veras esse nollebam. Denique, delectatus sum quod nullus imber effusus est, donec precibus Ecclesiæ datus manifestaret non de initijs Lunæ sperandum esse, sed de prouidentia & misericordia Creatoris; quo exemplo & vanitas istius astrologiæ confutata est, & efficacia Christianæ pietatis visque religiosarum precum re ipsa comprobata.

B. Ambros.

IS. Vanitas & falsitas multarum prædictionum Astrologicarum.

Albunus ager.

ALBVM AZAR princeps huiusc superstitio-
nis astrologicæ, ex obseruatione & præceptis hu-
ius artis, prædictix Christianam legem duraturam
non plus annos mille quadringentos sexaginta.
sed bene habet, quod post id temporis, exacti iam
anni centum vigintiocto falsam esse illius prædi-
ctionem aperte demonstrant. Abraam Iudæus præ-
nunciauit ex obseruationibus astrologicis, expe-
ctatum à Iudæis Messiam venturum anno post Do-
mini nostri ortum millesimo quadringentesimo

Abraam Iudæus

sexagesimo quarto; quod nimurum tum futura es-
set eadem astrorum compositio, quæ fuerat olim
cum Moses ex AEGypto populum Hebræum edu-
xit: cuius prædictiones vanitatem dies ipsa redar-
guit. Petrus de Aliaco scriptum reliquit, quo an-
no generale Concilium celebratum est Constan-
tiæ ad tollendum schisma quod multos annos af-
flixerat Ecclesiam, prædixisse Astrologos eius tem-
poris nullam fore in Ecclesia pacem & concordi-
am sed habitu cœli & cōformatione astrorū præ-
significari maximas fore dissensiones ingenti cū
religionis Christianæ detrimento & exitio. At-
qui, per illud Concilium Constantiense, diutur-
num illud & perniciosum schisma eo anno extin-
ctum est, pace ac tranquillitate Ecclesiæ redditæ.
qui euntus planè contrarius prædictionibus A-
strologorum, sanè multum mouere debuerat Pe-
trum Aliacensem, ut is nullam deinceps isti Astro-
logiæ fidem haberet: præsertim verò, cum ipsem et
vel suis deceptus obseruationibus, vel alienis oc-
cupatus & circumuentus opinionibus, veritus fu-
erit ne illud tam graue & odiosum schisma breui
Antichristum mundo pareret.

I9. *Errores Astrologorum in Chronologia.*

albamazar.

ALBVMAZAR istorum Astrologorum co-
ryphæus, nescio quas Saturni reuolutiones dilau-
dat: affirmat enim, quoties Saturnus denas sui or-
bis conueriones perfecerit, hoc est, expletis annis
trecentis, semper magnas quasdam res & admodū
insignes euenire. Post Alexandrum enim, inquit,
annis trecentis apparuit Areiasor filius Bel qui Per-
fas contribuit: & proximè post trāfactis alijs trece-
tis

tis annis apparuit Iesus magister & dux Christianorum. O turpem & visuē pœnū, O incredibile temporum inscitiam. nam nec tunc fuit iste filius Bel qui Persas fregerit & affixerit; & Christus Dominus noster non sexcentis annis post Alexandrum ut iste mentitur, sed trecentis duntaxat & viginti annis post Alexandri mortem natus est. Quamquam quis miretur in hoc lapsum Albumazarem, cum tam insigniter errauerit in Ptolemæo Mathematico, quem facit vnum de Ptolemæis AEgypti regibus qui post Alexandrum Magnum AEgyptijs imperarunt? cum in confessio sit, nec Ptolemæū Mathematicum fuisse regem, & cum Hadriano Imperatore floruisse, nouissimo Ptolemæorum AEgypti regum plus centum & sexaginta annis posteriorem. Iactant item Astrologi, nullam fuisse apud homines ullo tempore mutationem legum, nullius Prophetæ nobilis aduentum, nullam nouæ religionis introductionem, nullam magnitudinem regnum conuersionem, denique nullum insignem & memorabilem casum aut eventum, quin magna aliqua coniunctio syderum, precipue verò Saturni & Iouis præcesserit. Hæc, inquiunt, constellatio nascentem orbem initianit: illa præparauit diluvium: alia Abraam vel Mosem genuit: illa Iesu aduentum prænuntiauit: alia Mahumeti legem antecessit. quæ quam sint futilia, communitia & erroris plena, vel uno hoc argumento constare potest.

Petrus Aliacensis istiusmodi figmentis stultissime credens ac vanissime gaudens, in lib. suo de Concordia historiæ & astrologiæ, ad id quod ex sensu Astrologorum proximè docuimus probandum, hoc quasi fundamentum supponit: Ab initio

*Aliquot errata circa Chro-
nologiam Al-
bumazarii.*

*Quæ multa pœ-
cauerit cœda
veram Chro-
nographiam
Petrus Aliaci-*
mundi

*censis in suis
rationibus A-
strologicis.*

mundi usque ad diluvium fluxisse annos bis mille ducentos quadraginta duos : à diluvio autem ad CHRISTI DOMINI aduentum & ortum, ter mille centum & duos annos hoc posito, probare nititur quicquid in orbe terrarum valde memorandum & insigne quocunque tempore acciderit, eodem tempore magnam aliquam constellationem in cœlo apparuisse . At enim uero, cum perspicue falsa sit computatio annorum qua velut fundamento illorum ratio & doctrina fulcitur, nonne consequens est quæ ducuntur & pendent ex illa computatione esse falsa ? Etenim ab Adamo ad diluvium, non plus mille sexcentos quinquaginta sex annos præterisse constat ex sacris literis; pauciores nempe quam illi numerant, annis propè sexcentis : quo fit ut constellationē, quam aiunt isti fuisse in exordio mundi, sexcentis annis mundum præcessisse necesse sit. Deinde tēpus quod inter diluvium interfuit & Christi Domini aduentum, ne numerū quidem bis mille quadringtonitorum annorum impleuit. Ex quo efficitur ut coniunctio astrorum quam aiunt ducentis annis antegressam diluvium, non nisi sexcentis octoginta quatuor annis post diluvium potuerit existere. Præterea, dicunt quartam coniunctionem maximam fuisse annis nongentis quadraginta duobus post diluvium, sexdecim nimirū annis antenatum Abraam : quem tamē liquet ex sacra Chronologia, ducentis nonagintaduobus annis natum esse post diluvium, quare necesse est, quartam illam coniunctionem sexcentis triginta annis post Abram ortum contigisse. Adhæc, notarunt illi sextam coniunctionem magnā ducentos vigintiquinque annos fuisse ante Christum; nimirum falso :

nitun-

nituntur enim supradicta computatione annorū à diluuio ad Christi aduentū, quam nos médosam esse ostendimus. quin, si veram sequamur Chronologiam, necesse esset sextam illam coniunctionem sexcentis fermè annis post Christi Domini ortum contigisse. Postremò, quām fuerit Petrus Aliacensis veræ Christianæ Chronographiæ rudit & prorsus expers, vel hoc vno indicio manifestū esse potest: affirmat anno ab ortu Christi septingentesimo, ad quod tempus septimam coniunctionem magnam refert, natam esse in Ecclesia pestē Hæreticorum, maxime verò eam quæ fuit Arrianorum, quorum tamen hæresis circa annum Domini trecentesimum exorta, ante sexcentesimum extincta est. Quis igitur tam multas istorum prædictiones nixas médacissimis Chronologijs, inanes & mendaces esse dubitet?

Sed quid ego falsarum prædictionum exempla colligo, quorū plena est & historia omnium temporum, & referta vita communis? Evidem reor, quām difficile est prædictiones aliquas Astrologorum de futuris rerum humanarū euentis, etiā casu ac fortuito, veras inuenire; tam facile repeiri posse innumera eorū prædicta perspicuè falsa, & rebus ipsis euentisque confutata. Scitè dixit Cato mirari se quod non rideret Aruspex, Aruspicem cum vidisset: quota enim quæque res euenit prædicta ab his? aut si euenit quippiā, quid afferri potest cur non casu id euenerit? Quod de Aruspicibus Cato dixit, id profectò per quā belle quadrat in Astrologos: ut nimirum videri debeat, cum mendaci homini ne verum quidem dicenti crede-re soleamus, quo modo illis, si vel vnum eorum prædictum verum cuasit, simpliciter credamus; & cens.

*Lepidum Catonis dictum
vt refert Cie.
lib 2. de Di-
uinatione in
Astrologos
belle compre-
hens.*

non ex multis potius falsis vni fidem derogemus, quām ex uno quod casu verum euenit velimus innumerabilia falsa confirmare. Verūm dicet aliquis, Astrologos nonnunquam esse veridicos, & ea prædicere quæ rei confirmet euentus. prædicūt sanè; sed inconsultè, inscienter, temerè. quis enim est qui totam diem iaculans, non aliquando collimet? Verissimè dici potest de Astrologis, quod olim dixit quidam de oraculis Apollinis; quæ vera fuissent memoria teneri & prædicari; quæ autem falsa, neminem recordari, aut taceri ab omnibus. nam qui veritatem illorum oraculorum defendebant, pauca quædam vera crebro sermone usurpabant, pleraque falsa silentio premebant. qui autem omnia contemnebant, nec vera nec falsa curabant. Sed causas cur prædicta Chaldæorum sèpè vera esse videantur, extrema hac disputatio-
ne aperiemus.

20. *Astromantiam omni tempore à viris sapientibus, & prudentibus esse contemptam & damnatam.*

Septimiaratio

SEPTIMARATIO Si hæc diuinatrix astrologia vera esset & certa, sine dubitatione vlla pars esset philosophiæ omniū nobilissima & hominibus optatissima atque honoratissima: tum propter materiæ quam tractat, cœlum dico & sydera, dignitatem atque præstantiam: tum propter futurarum rerum, potissimè autem vitæ hominum & mortis casuum & euentorum prænotionem, quæs res nescendi audiissimi sunt & curiosissimi mortales. at cum ea doctrina omni tempore à præstantissimis quibusque Philosophis, quinetiam Astrologis, contempta, derisa & damnata fuerit;

maxi-

*Note et hoc Le-
ctor.*

maximum profectò argumentum est, eam futilem & inanem, & ab omni ratione, fide ac probabilitate vacuam ab illis esse iudicatam . Xenophon in libro de dictis Socratis, quod etiam refert Eusebius libro 14. de Præparatione Euangelica, capite

Xenophon.
Socrates.

4. trādit Socratem dicere solitum , cognitionem futurarum rerū quæ in potestate Dei sunt non esse hominibus eas res cognoscere, nec Deo gratū esse si quæ ille occultauit, ea mortales velint nimis studiosè curioseque rimari. Pythagoras, Democritus & Plato longissimis peregrinationibus susceptis, Persarum magos, sapientes Chaldæorum, AEgyptiorumq; sacerdotes adierunt, à quibus occultiora quædam vel ad disciplinas mathematicas , vel ad religionem cultumque deorum pertinentia cognoverunt ; diuinatricem autem astrologiam, vel discere ab illis neglexerunt, vel si eam quoque dicerunt, certè nunquam ea vsos esse ipsos, ex eorum scriptis manifestè perspicitur.

Pythagoras.

Democritus.
Plato.

Aristoteles, qui vir & quantus? quam solers, quam subtilis & copiosus in doctrina rerum cœlestium? quam cum aliquot libris diligenter explicuerit, nusquam tamen de istiusmodi Astrologia verbum ullum fecit. Cum autem in libris Meteororum, & de Partibus atque Generatione animalium, præsertim autem in libro Problematum, multarum rerum obscurarum & admirabilium causas perquirat; ad nullius quæstionis enodationem vel admirandi cuiusquam effectus explicationem, istius astrologiæ opera & præsidio est versus. Quin, multa sunt eius scriptis quæ istam Astrologorum doctrinā omnio conuellant; veluti est illud, Futurorū contingentium non esse certā

Sententia A-
rיסטelis, que
Astromani-
am è medio
tollunt.

&

& definitam veritatem: Quæ per accidens quæque raro vel ad vtrūlibet contingunt, non posse scientia comprehendendi: Versari in rebus humanis casum & fortunam quæ fugiant certam hominis intelligentiam: Particularium & corruptibilium effectuum causas proximas & proprias esse particulares atque corruptibiles, ob idque ad perfectam eorum cognitionem non satis esse cœlestes & universales causas contemplari: Cœlum non aliter agere in ea quæ sunt infra lunam, nisi per motum & lumen. Nec usquam ferè indicauit Aristoteles præter solem & lunam, vim & efficientiam aliorum syderum, illud quoque docuit decretis Astrologorum valde contrarium, cœlestia signa etiam corporeorum & sensibilium effectuum, per alias causas auerti & impediri posse.

Eudoxus, Panætius Auicenna.

Ptolemaeus.

Cicero libro 2, de Diuinatione, laudat Eudoxum àestate Platonis & Aristotelis principem Astrologorum: item Panætium Stoicum, Archelaum etiā & Cassandra, ac Scylacem Halicarnasseum, Astrologorum sui temporis nobilissimos, qui tota hanc rationem Astrologiæ repudiarunt. Auicenna qui post Hippocratem & Galenum principatum medicinæ obtinet, libro ultimo primæ Philosophiæ negat Astrologis esse credendum in diuinatione futurorum, quia ipsi nec puncta cœlestia teneant, neque naturas rerum inferiorum planè necessarias ad faciendum iudicium de rebus futuris, perspectas habeant; neque nitantur demonstratiōnibus sed probationib⁹ oratorijs & poëticis Ptolemaeus, quem isti huius artis principem & ducem sequi se dicunt, in libro primo de Iudicijs, cap. 2. Non est, inquit putandum, omnia à supernis causis directo deriuari necessitate quadā inuiolabili,

DE DIVINAT. ASTROLOGICA. 204

Vt nulla alia vis quin ita operentur, obsistere valeat. Idem tractatu suo quem vulgo appellat Centiloquium, hoc est, Centum sententiarum, prima eius sententia sic habet. Soli numine diuino afflati prædicunt futura particularia. Quinta verò sententia huiusmodi est, Potest is qui sciens est, multos stellarum effectus auertere quando naturam eorum nouerit, ac se ipsum ante illorum euentum ritè preparauerit. vnde manauit illa multorum sermonibus trita sententia, Sapiens dominabitur astris. Porphyrius in libro de Oraculis confessus est, exquisitam rerum futurarum scientiam ex inspectione syderum, non mortalibus modò, sed multis etiam deorum esse incomprehensibilem. Idem in vita Plotini scribit, eum cum in ista astrologia satis multū temporis, studij & operæ posuisset, deprehendisse tandem, Astrologorum iudicijs & diuinationi futurarum rerum non esse credendum; eamque diuinationem tum sermonibus tum scriptis confutauisse. quod manifestum est cuius legenti eius libros de Fato & de Prouidentia, maximè verò eum, qui inscriptus est, An stellæ aliquid agant.

Porphyr.

Plotinus.

21. Cui generi hominum prædictiones Astrologorum arrideant & probentur, quas S. Ambrosius comparat telis aranearum.

SI hæc porrò Astrologia vera esset & certa, plurimū sanè adiumenti afferret, prouisione futrorum, ad bene regendam & administrandam républicam, ob eamque causam magno in honore & gloria fuissent Astrologi apud Reges & rerum publicarum Principes : at contra prorsus euenit, esse ciuitatem severissimis multorum Principum decretis Professores & uinandi futura ex astris, publicis multorum Principum decretis bus electos.

O & edi-

& edictis explosam & damnatam & grauissimis supplicijs adictam eam artem inuenimus. Quoties Astrologi seu Chaldæi Roma electi sunt principe Tiberio, Vitellio, Deocletiano, Constantino, Theodosio, Valentiniano, præsertim autem Iustiniano; quibus huius artis studium & exercitatio, non solum ut inanis & veritatis expers iudicata est, sed etiam ut ciuitatibus & societati hominum noxia & pestilens, semper visa est detestabilis? Sed quid attinet in re manifesta, quæ turbam testimoniū non desiderat, longiorem orationem ponere? Audeo dicere, post hominum memoriam vix fuisse quenquam ullo tempore vel magnitudine ingenij, vel præstantia doctrinæ, vel prudentiæ ciuilis excellentia, vel eximia morum integritate, vel denique insigni aliquo nobilem ac memorabilem virum, qui natalitia Chaldæorum prædicta non quasi meras nugas & quisquilias flocci fecerit, penitusque contempserit. Vulgus modo stolidum, ad intelligendum hebes, infirmum ad iudicandum, facile credulum, & noua miraque audiendi & noscendi curiosum, istis nugatoribus & aures & fidem libenter adhibet. Gaudent etiam hisce commentis leuissima quædam ingenia lucrificis quam veritatis cupida, in republica literarum turbulentia ac seditione, & sapientiæ optimatis semper infensa, rerumque utilium & alijs metarum fastidiosa, nouarum autem & ignotarum, atque adeo etiam in comprehensibilium auidissima: denique quibus non tam cordi & curæ est vera nosse quam videri vulgo ea ipsa scire quæ summi philosophiæ antistites nescire se confitentur.

Hanc rationem egregio S. Ambrosij dicto concludam. Ita scribit Ambrosius libro 4. in Hexameron,

Cui generi hominum prædictiones Astrologorum arrideant & probentur.

meron, cap. 4. Sapientia Chaldaeorum telæ araneæ comparatur, in quam si culex aut musca inciderit, exuere sè non potest: si verò validiorum animantium ullum genus incurrisse visum est, pertransiuit, & casses rupit, infirmos atque inanes laqueos dissipauit. Talia sunt retia Chaldaeorum, ut in his infirmi hæreant, validiores sensu, offensione habere non possint. Itaque vos qui validiores estis, cùm videritis Mathematicos, dicite: Telam araneæ texunt quæ nec usum aliquem potest habere, nec vincula, si tu non quasi culex aut musca lapsus tuæ infirmitatis incurras, sed quasi passer aut columba casses inualidos præpetis volatus celeritate dissoluas.

B. Ambroſius
predictiones
Astrologorū
comparat re-
la araneæ.

22. Disputatur contra tria fundamenta Astrologie Iudicaria.

O C T A V A R A T I O . Fundamenta & firma- Octava ratio.
mēta huius artis, aut nulla sunt aut certè infirmis-
fima & fragilissima: hæc igitur ars nulla ratione
firma & stabili vtitur ad diuinandum; quamobrē
nullam quoque apud homines auctoritatem, fidē,
ac probabilitatem habere debet. Primum funda-
mentum istius doctrinæ est, astra habere qualita-
tes omnes elementorum; partim enim esse frigi-
da, partim humida & sicca, si non formaliter sal-
tem virtualiter, hoc est, si non actu saltem effectu,
si non in se habendo eas qualitates, certè haben-
do facultates earum qualitatum effectrices: Satur-
num aiunt esse frigidum, Martem siccum, Lunam
humidam. Verùm hoc, & ratio confutat & expe-
rientia. Ratio quidem, quoniam sicut astra omnia
sunt lucida & ex se lucem fundunt, ita quoq; cali-
da esse omnia & calefacere necesse est: lux enim,

non sicut omnis per se calefacit, ita frigefacere aut
per se humectare vel exsiccare potest. Stemus de-
cretis Astrologorum aientium, ut Lunam, itidem
catera sydera luce à sole mutuata fulgere. Si igi-
tur omnium astrorum vna est eademque lucis
origo & ratio; qui potest esse tam multiplex, dis-
similis atque discrepans ratio & potestas agendi?
Experientia item hoc ipsum redarguit: in pleni-
lunio enim, cum est lumen Lunæ plenissimum, no-
tes quoque, Aristotele & experientia teste, cali-
diores existunt. Sed Astrologi præter lucem, alias
in coelo & syderibus vires atque facultates, & à
luce & inter se multum diuersas, mirandorumque
operum causas, quas influentias appellant, com-
menti sunt. Nouitium sane inuentum; nulli veteri-
um vel Philosophorum vel Astrologorum un-
quam probatum: ac si licet ex eorum scriptis con-
iecturam facere, non notum quidem illis. Postquam
vero à recentioribus Astrologis in fluentiæ inuen-
tæ & palam probatae, ab alijs quoque doceri & de-
fendi coepitæ sunt, quis ex Lycæo paulò grauior &
probator Philosophus non eas repudianit atque
damnauit? Festiuè quidam Asylum ignorantiae eas
appellauit: ad influentias enim quasi ad vnicū per-
fugiū lēse recipiūt, & hanc se in latebrā coniiciūt,
quicunq; mirabiliū esse etiū proprias & naturales
causas, vulgaribus ingenijs nec in Philosophia ex-
ercitatis occultas, sole inter inuestigare &c reperire
non possint. Et vero si admittuntur influentiae,
vix dici potest quanto perē debilitetur robur Phi-
losophiæ, deteratur eius dignitas, auctoritas ele-
uetur, miruatur existimatio, denique studium ei-
us apud homines cœlusque languescat. Quid eni-
m attinet in occultis rerum causis perquirendis

& er-

*Aristoteles.**Non esse po-
weras in co-
lo influentias.*

& eruēndis prēclarā ingenia Philosophorum tanto studio & conātu laborare, cūm in procliui sit, cuiuslibet effectus ex cōestibus influentijs rationem petere & afferre? quis enim effectus est, cuius naturalis & vera causa paulo obscurior & abstrusior est, quem non per istiusmodi influentijs nūllo negotio liceat explicare? Cur magnes ferrum ad se rapit? confessim respondebitur, quia propria eius influentia cœlestis eam illi virtutem indidit. Vnde Remora tantulus pisces vim habet sistendi incitatissimum nauigium? in promptu est responso, nūmirum à cœlesti quadam influentia, quę tanta pisciculū illum vi ac potestate roborauit. Quid moror? nullum erit problema, nihil in natura rerum adeò reconditum & ab intelligētia nostra remotum, denique nihil de his quorum pēruestigatio sumnorum Philosophorum ingenia fatigauit & torcit, quod non quiuis è circulo Astrologorum & indoctorum hominum vno verbo, scilicet pēr istas influentias expedire queat.

Verū labore quidem longius: reuertar igitur ad propositum. Si Saturnus quia lucidus est, per lucem calefacit. quomodo idem pēr influentiam frigefacit? nōnne absurdum est in eodem astro diuinæ esse facultates, vnam calefaciendi, alteram frigefaciendi, non diuersas modò sed etiam adiuersas & contrarias? cernimus ita esse natura comparatum, vt omnibus in rebus in quibus duæ insunt differentiæ vel proprietates (vt more philosophico loquar) vna generalis & quæ vni rei communis est cum alijs multis. altera specialis & propria eius rei (cuiusmodi sunt in homine sentientem esse & rationalem) vt semper differentia & proprietas specialis, nobilior & perfectior sit gene-

rali, ut quæ illam contrahit & determinat, noui perfectionis gradum & rationem ipsi adiungens sicut patet in prædicto exemplo hominis, in quo rationale nobilius est quam sentiens. At contra omnino se habet res in hac mirabili Astrologori doctrina. Etenim docent ipsi, in Saturno, exempli causa, duas esse proprietates seu facultates agendi, vnam generalem & communem ei cum omnibus astris quæ est vis illuminandi & per illuminationem calefaciendi : alteram specialem & propriam Saturni, qua ratione differt ab alijs astris, quæ est facultas frigefaciendi, vel aliqua alia vis aliquius influentiæ. Certum autem est, lucem coelestem multo nobiliorem esse quamcumque alia qualitate coelesti, & facultatem calefaciendi præstantiorem esse facultate refrigerandi. Præterea, duas esse in re quapiam facultates & proprietates ei rei naturales, quarum altera, ut diximus, sit generalis, altera particularis, inter se contrarias, quales sunt in Saturno secundum istos potestas calefaciendi per lucem & refrigerandi per influentiam; nec fert natura rerum, & id fieri nō posse ratio ipsa decernit. Nam vt in corpore multiformi & quod Græci vocant Heterogeneum, secundum diuersas partes inesse queant cōtrariæ qualitates & facultates, quemadmodum contingit corpori humano in cerebro & in corde; id tamen conuenire non potest in astrum Saturni quod est secundum omnes partes vnius formæ ac naturæ : neque enim vna pars eius habet lucem, altera verò influentiam, sed vt totum est præditum luce, ita conuenit in eo toto esse influentiam. Nemulta (non enim consentaneum est alieno loco de Influentijs aduersus Astrologos subtiliter disputare) satis argumenti est

ad tollendas influentias omnium quæ in natura rerum efficiuntur, tametsi noua, singularia, & mirabilia videantur; veras, naturales & proprias causas, atque rationes ex duobus principijs cœlestibus quæ omnibus sunt conspicua & experimētis quotidiani explorata, motū dico & lucem, plenè cumulatèque ac probabilissimè peti & duci posse, Figuras porro & effigies stellarum quas designant Astrologi in Zodiaco, similitudinem, reddentes quorundam animalium vel hominum, magnam vim habere in ortu cuiusq; censent Astrologi cùm tamen per se ac natura sua non sint tales, sed sola eorum imaginatione constent, ab ipsis eo modo confictæ & figuratae: possent enim fangi etiam ad similitudinem aliorum animalium, domuum, turrium, mensarum, aliarumque rerum. quare valde friuolum & ridiculum est, in eiusmodi figuris quicquam momenti ad diuinandum esse positum existimare.

23. Verum astra natalitia cuiusquam possint esse certæ causa omnium quæ ei euentura sunt.

SECUNDVM fundamentum Astrologorum est; natalitia cuiusque astra esse obseruanda: ex his enim omnes vitæ casus & euentus prouideri & prænotari posse. Sed quis non videt fundamen- tum hoc esse infirmissimum? cur enim Astrolo- Alcerum A
stromantie
fundamentū.
Quām inane
sit, natalitia
cuiusque ho-
minis astra
obseruare ad
diuinandum.gi non potius obseruent tempus, & cœli atque sy- derum statum quo quisque in vtero cōceptus, for- matus & animatus est? cū in eo plus momenti esse videatur ad diuinandum: quippe tunc primum existit homo, & tunc primum vis cœlestis in ho- mine recipitur & imprimitur: Etenim, ante or- tum pér nouem menses quisque fuit in vtero,

potestati & actioni cœlorum subiectus. Cur item non considerant Astrologi alias constellationes & defluxus cœlestes qui contingunt homini sæpius post ortum? Cum plerumque usu veniat, ut illæ virtutes cœlestes insigniores sint effectu, & valentiores ad immutandum hominem, quam quæ tempore ortus eius fuerunt: effectum enim illum & defluxum astrorum nascenti homini impressum, necesse est variari comitata sæpius humani corporis temperatione, vel ob alias potentes constellations, vel ob educationem, vel ob variam vivendi consuetudinem & rationem, vel ob leges, patrias ad quarum normam cogitur quisque vitam, mores, studia, & actiones conformare. Quid quod, fortasse nihil illius materiæ primigeniæ quam quisque in ortu habuit, reliquum sit in extrema ætate? hoc enim visum est & multis & magnis Philosophis: nec S. Thomas in I. par. quæst. vlt. art. i. abnuere videtur. Quo concessso, vis illius primi defluxus & effectus cœlestis in ortu hominis ei indat & impressa, necessariò tandem evanescet tota. nisi fingat quispiam eiusmodi virtutem cœlestem migrare ex subiecto in subiectum, tanquam ex domo in domum mutando domicilia: aut cum præsentit interitum suum, aliam pro se sibi similem & quasi vicariam virtutem substituere.

24. *Vtrum sit plus momenti in conceptu hominis, quam in eius ortu, ad diuinandum.*

P L V S autem esse ponderis, aut certè non minus, in conceptu hominis quam in ortu, magister istorum Ptolemæus locuples testis est. Is enim in tertio Apotelesmatum ita scribit: Cum principiū temporale hominis aliquod statuatur; quidē natura & per

*Analiquid
primigenia
materiæ ho-
minis mane-
at per totam
vitam.*

S. Thomas.

Ptolemaeus.

& per se illud erit principium, cū semen vtero genitali admittitur; potentia verò & secundum accidens cum hora partus infans egreditur. Qui igitur horam admissi seminis vel casu vel obseruatione deprehendit, illam sequi potius debet in proprietatibus corporis & animi dignoscendis, considerando quā sunt eo tempore stellarum configurationes. cum enim semel à principio semen ex ambientis aëris affectione, certa qualitate disponitur, licet per consequentis conformatio[n]is tempora varietur, quoniam tamen propriam cognatque materiam naturaliter sibi asciscit, magis etiam primæ suæ qualitatis dispositioni assimilabitur. Hæc inibi Ptolemæus. Quibus verbis non obscurè docet, primum & naturale atque efficacissimum hominis principium, esse seminis admissionem hominisque conceptum; atque huic principio potissimum insistendum & inhærendum esse ad prænoscendas hominum affectiones & euētus, tam qui ad corpus quam qui ad animam pertinēt. Sed quia benè nō querat Ptolemæus, punctum illud temporis vel admissi seminis, vel conceptus, vix cognosci posse ab Astrologis; ne illorum iudicia & diuinationes quas ipsi ducunt ex ortu hominis infirmare videretur, mox subiecit, Qui autem horam ignorant principij seminalis, eos necesse est sequi principium natuitatis. Haly nobilis Astrologus in eo libro quem scripsit de Electionibus, ingenuè fatetur, efficaciam decernendi Fatum hominis esse in hora conceptionis: sed quia hæc nescitur ab Astrologis propterea eos ad horam natuitatis confugisse. Quin cum Astrologi premuntur argumento Geminorum, quorum cum idem sit ortus, dispar tamen euentus & exitus est; re-

spondere solent diuersitatem euentuum qui sunt
in Geminis, ex diuersitate conceptus eorum esse
profectam.

25. *De vanitate Astrologorum diuinationem suam
extendentium etiam ad ciuitates, non solum ad
homines.*

S E D vide quousque progressa sit istorum au-
dacia & impudentia: etiam vrbium, non hominū
modò, facta profitentur hac arte posse prænosci
& prænunciari: obseruata enim astrorum com-
positione quæ fuit cum vrbes conderentur, posse ea-
rum casus euentusque omnes prospici ac præno-
tari. Fecit hoc in vrbē Roma rogatu Varronis, qui-

*Tarutius Ma-
thematis.
etiam que ur-
bi Romae con-
tigerunt ad
vrbē astrorum
sub que ea
vrbē à Romu-
lo condita est
refererat.*

dam Tarutius Mathematicus ut in Romulo tradit
Plutarchus: quam historiam libro 2. de Diuina-
tione his verbis Cicero enarrat, Quidam L. Ta-
rutius Firmanus familiaris noster, in primis Chal-
dæis rationibus eruditus, vrbis etiam nostræ nata-
leim diem repeatebat ab ijs Parilibus, quibus eam à
Romulo conditam accepimus; Romamque, cum
esset in iugo Luna natam esse dicebat, nec eius fa-
ta canere dubitabat. O vim maximam erroris. e-
tiamne Vrbis natalis dies ad vim stellarum & lu-
næ pertinebat? fac in puero referre, ex qua affe-
ctione cœli primum spiritum duxerit: num hoc
in latere aut in cimento ex quibus Vrbs effecta est,
potuit valere? Ita Cicero.

26. *Cur obseruatio astrologica non valeat equè
in stirpibus & animalibus, quam in homini-
bus.*

V E R V M, quærerem equidem ex ipsis Astro-
manticis, num velint eorum diuinationem etiam
in

in animantibus & stirpibus valere ut in homine? Si negent, prodent scilicet suam inscitiam; & suæ artis infirmitatē inanitatē atq; fallaciā. Cur enim nō æqualiter valeat in stirpibus atque in homine? immo cur non plus valeat? stirpes namq; multo magis quām homo, à celestium corporū potestate & efficientia naturali necessitate pendent. Et cum minus multa & varia atque incerta stripibus quām homini soleant accidere, facilior profectō esse deberet eorum diuinatio, quæ stirpibus quām quæ homini sunt euentura. Sin verò annuunt, similiter in stirpibus ut in hominibus valere astrolologicam diuinationem; amicè rogarem ipsos ut diligentissimè obseruarent statum coeli & astrorum, eo videlicet tempore, quo vel prunus, vel cerasus, vel pyrus sereretur; aut cum sementis tritici fieret, & ex illa coeli obseruatione promerent ctiā prognostica de illis arboribus, scilicet ut diuinarent quantam illæ arbores prunorum, cerasorum, & pyrorum copiam essent laturæ: quantus item ex illa tritici semente spicarum, & in singulis spicis quantus granorum numerus esset prouenturus. hæc si negent à se posse prænosci, fateantur etiam necesse est, non posse ab ipsis futuros hominum casus euentusque profidēri.

27. *De antiquitate istius Astrologie apud Aegyptios & Chaldaeos.*

TER T I V M fundamentum eorundum Astrologorum est, artem hanc suam certissimis innumerabilium sœculorum experimentis, & constans tissimis obseruationibus esse comprobatam. aiunt enim, hanc disciplinam profectam esse ab AEGYPTIJS & BABYLONIJS seu CHALDAEIS, mortalium omnium antiquissimis, tradit enim Aristoteles.

Tertium fua
damençam
Astrologia.

libro

libro. 2. de Cœlo, textu 60. & extremo lib. 1. Meteororum, AEgyptios omnium hominū vetustissimos haberi: & in principio operis Metaphysicorum affirmat, AEgyptios omnium hominum vetustissimos mathematica studia tractare & colere coepisse. Iactabant etiam olim Astrologi, Chaldaeos quadringenta & septuaginta annorum milia in periclitandis experiendisque pueris quicunque nascerentur, posuisse. Verum adeo in aperto & in promptu sunt omnibus istorum mendacia, ut à nobis ea vel confutari vel etiam indicari non sit opus. Etenim ab exordio mundi ad hanc diem, nec dum sex millia annorum effluxerunt. Ab origine verò gentis Chaldaæ, hoc est, post euersionem turris Babel, facta nempe linguarum diuisione, non sunt adhuc quatuor millia annorum completa.

Picus Miran-

dulanus.

Augustinus.

Picus Mirandulanus in cap. 2. libro 12. aduersus Astrologos, testes ad redarguendam Astrologorum mentitam vetustatem, adhibet Hipparchū & Ptolemæum, principes sanè astronomiæ; qui ubi prodigitate aliquo constituendo veterum obseruationes afferunt, nullas profectò afferunt vetustiores ijs quæ sub Nabuchodonosoro Chaldaeorum regē apud AEgyptios & Babylonios fuere: ab initio autem impeij regis Nabuchodonosori ad præsentem annum qui ab ortu Domini nostri agitur millesimus quingentesimus octogesimus octauus, non plus bis mille ducētos & triginta duos annos præteriisse constat. Porrò commentitiam AEgyptiarum obseruationum antiquitatem, perbellè ridet & redarguit August. in cap. 40. libro. 18. de Civitate Dei: ita enim scribit: Frustrà vanissima præsumptione garriunt quidam dicentes, ex quo rationem syderum comprehédit AEgyptius, amplius quam

q̄t àm centum annorum millia numerari. In quibus enim libris istum numerum collegerunt, qui nō multum ante annorum duo millia literas magistra Iside didicerunt? non enim parvus auctor est in historia Varro qui hoc prodidit. sic Augu-
stinus. Sed huic disputationi in qua octo ratio-
nibus probare voluimus diuinationem astrologi-
cam esse contrariam veræ philosophiæ, finem hoc
loco statuemus.

M. Varro.

**NON MODO ASTRA NON ESSE
causas, sed nec esse signa rerum futu-
rarum.**

CAPUT IV.

BEATVS Augustinus lib. 5. de Ciuitate Dei,
cap. 1. tradit fuisse opinionem quorundam
non mediocriter doctorum hominum, qui-
bus visum est non esse quidem astra causas huma-
norum eventuum, sed esse tamen corum vera &
certa signa.

**28. Vtrum astra, si non sunt cause, saltem sint certa
signa omnium futurorum.**

ORIGENES quidem certè in tomis suis su-
per Genesim, (sic enim memorat Eusebius libro 6.
de Præparatione Euangelica, cap. 9.) cum expla-
naret verba illa quæ sunt in primo capite lib. Ge-
neseos. *Et erunt in signa,* è quibus videlicet ver-
bis huius nostræ disputationis argumentum per-
texuimus, prodidit astra esse à D E O posita in cœ-
lo, vt per varios aspecus & coniunctiones præsi-
gnificarent quæ consequentibus temporibus tum

vni-

vniuersè, tum sigillatim euentura essent, non tam
men ea efficerent. Itaque cœlum esse dixit velut
quendam librum in quo Deus depinxit atque de-
scripsit quæcumque in toto mundani æui decursu,
suo quæque tempore futura sunt. Ad hoc proban-
dum, citat Origenes librum quendam cui titulus
erat, Narratio Ioseph, olim apud multos in aucto-
ritatem & fidem receptum: in quo Iacob Patriar-
cha inducit filios suos alloquens hunc in mo-
dum, Legi, inquit, in tabulis cœli quæcunque cō-
tingent vobis & filijs vestris. Plotinus autem cō-
discipulus Origenes idem sensit, idque docet in
libro qui inscriptus est, Vtrum stellæ aliquid a-
gant in libro autem de Fato capit. 6. hunc præ-
terea stellarum usum esse tradit, ut qui illas suspi-
ciant & quasi literas considerent, qui nimirū hu-
iusmodi literaturam nouerunt, futura legant; ex
ipsis figuris comparatione quadam analogica, co-
rum significationem & intellectum solerter inda-
gantes. Quin, Porphyrius affirmat, cum ipse de se
interficiendo vehementer cogitaret, Plotinū hoc
cœlitus prouidisse, & tanto facinore eum prohi-
buisse.

Hanc sententiam Julius Sirenuſ libro 9. de Fa-
to, cap. 35. minimè damnandam censet: & quo
probabilem esse ostendat, aliquot ex diuina Scri-
ptura productis sententijs, eam ornat atque cōfir-
mat. Hoc enim, inquit, non obscurè indicat Esa-
ias cum ait in capite 34. *Complicabuntur sicut liber cœli:*
qua oratione significatur, cœlos post diem iudicij
conuoluendos esse atq; complicandos; quasi nunc
cœli instar cuiusdā lib. sint explicati & aperti no-
bis, haud dubie ad legendū. Eodem pertinet il-
luud quod est in Psalmo. 21: *Annunciant cœli iusti-
tiam*

Liber. qui in-
scribatur
Narratio Ioseph, ab ori-
gene citatus.
Plotinus.

Porphyrius.

Iulius Sire-
nus.

iam eius, & in Psalmo. 18. cœli enarrant gloriam DEI,
 & quod est in primo cap. lib. Genesios de stellis,
Vt sit in singna, & in Psal. 88. Confitebuntur cœli mirabilia tua Domine. Nec verò, inquit Origenes, hæc opinatio tollit liberū hominis arbitriū, non magis profecto quā predicta futurarū rerū à sanctis Prophétis edita, vel præsciéntia omnium rerum quæ est in Deo. Plotinus scientiam astrorum ea ratione ut astra signa sunt humanorum euentuum, contingere homini aiebat vel singulari quodam Dei munere, vel propter eximiam astrologiæ peritiam; ad eam enim comparandam, opus esse acerrima indagatione, summaque solertia.

Iulus autem Sirenus ne Augustinum quidem ab hac opinione abhorruisse putat: quippe in 2. libro contra Manichæos, cap. 21. cum is ageret de hominibus, quorum dum sunt in corpore mortali occulta sunt corda, ita scribit: Neque enim in illis corporibus cœlestibus sic latere posse cogitationes credendum est, quemadmodū in his corporibus latent, sed sicut nonnulli motus animorum apparent in vultu, & maximè in oculis; sic in illa perspicuitate ac simplicitate cœlestium corporum omnes omnino motus animi latere non arbitror. Hæc ibi Augustinus.

29 Vtrum secundum Augustinum astra sint signa omnium rerum humanarum.

VERVM, si quis locum hunc non prorsus in- consideratè legat, planè comperiet Augustinum per cœlestia corpora non intelligere orbes cœlestes, sed corpora beatorum hominum, post resurrectionē cœlesti gloria & immortalitate donatae; & ponere

Origenes.

Plotinus.

Iulus Sire.
nus.

Excluditur lo-
cus Augustini.

ponere eum discrimen inter homines in hisce cāducis corporibus viuentes, & eosdem post resurrectionem in glorificatis corporibus immortalē & beatam vitam agentes: quod illi arcana cordium multiplici simulatione callidè tegat & occultent, ideoque sēpē alios fallant: in his verò manifesta erunt omnium corda omnibus, omnisque prorsus aberit simulatio, fictio atque deceptio. Atque hunc esse verborum Augustini germanum intellectum, ex proximè consequentibus eius verbis palam est: hæc enim subtexuit. Itaq; illi merebūtur habitationē illā, & cōmutationē in angelicā formā, qui etiā in hac vita cum possint sub tunicis pelliceis occultare mēdacia, oderūt tamē ea, & cauent flagrantissimo amore veritatis; & hoc solū tegunt quod ij qui audiunt ferre non possunt, sed nulla mentiuntur. Veniet enim tempus, ut nihil etiam contegatur, nihil est enim occultum quod non manifestabitur. sic Augustinus. Quare cum Augustinus satis explicatè & apertè loquatur de corporibus hominum glorificatis, non autem de cœlis vel astris; demiror sanè Iulium Sirenū tam incogitanter & oscitanter legisse hunc locum, vt propter eum maxime Augustino affinxerit huiusmodi sententiam, cuius nec ullum eo loci vestigium appetet, & extat apud eundem in lib. de Ciuitate Dei copiosa & grauis confutatio.

30. De natura & varietate signorum.

*Astra non es-
se certa signa
verum suu-
rarium.* CAETERVM, astra esse signa rerum futurarū, censeo equidem non solum esse alienum à vera philosophia, sed etiam sacris literis contrarium. Ac licet complures earum rationum quas superiori capite tractauimus, etiam valeant ad hoc proban-

bandū; nouis tamen aliquot argumentis quæ propriè eiusmodi sententiam refellant, hoc loco v-tendum est. Principio, quod est naturale signum alicuius rei, id vel eius rei causam vel effectum esse, vel utrumque ab eadem superiori & communī causa proficiere necesse est. nam quod, præter hēc quartum membrum fingi posset, videlicet, ut illud signum necessariò sit coniunctum cum causa rei ab illo significatæ, id nō est diuersum à tertio mēbro: talis enim cōnexio & cōiunctio non aliter esse potest, quā vt causa illa prius ex se pariat id quod est signū: deinde id quod est signatū; aut vt idem quod causam excitat vel admouet ad agendū, simul etiam adhibeat & applicet id quod est signū ad præsignificandum: utrumque autem horum ad communenī causam refertur. Hinc igitur argumentari licet ad hunc modum: Si cœli & sydera sunt signa omnium rerum sublunariū, vel sunt earum rerum causa, sed hoc negat ista opinio: vel sunt effectus, quod nec illi dicent, nec ullus hominum sanæ mentis audebit dicere: aut, quod tantummodo reliquum est, tam cœlestia quam sublunaria ab eadem superiori & cōmuni causa proueniunt: quemadmodum Iris signum est serenitatis, non quia sit eius causa vel effectus, sed quia eadem est communis utriusq; causā. At causam cōmūnem cœlestiū corporum & sublunariū, necesse est esse vel corporeā vel incorporeā: corpoream quidem nullam, opinor, ponent isti, nullū enī corpus superius cœlis: relinquitur igitur ut omnia referant ad causam incorpoream, hoc est, vel Deum vel Angelos qui mouent cœlos: ita ut, dum Angeli cœlos mouent, in ipsorum cœlorum statu habituque, & in syderū positu & conformatione.

quasi quibusdam suis nutibus, & tanquam notis atque signis inibi descriptis evanta rerum humana-
narum prænotent atque præmonstrent. At enim
uero id multis de causis non est credibile. Etenim
qui sic opinantur, fateri eos oportet induci ho-
mines ab Angelis ad maxima scelera & execrandæ
flagitia.

A d hoc, Philosophia docet, nec non Theolo-
gia idem tradit; Angelorum nullam esse actionem
quam vocant transuitem, & quæ proximè ab ip-
sis prouenit, aliam quam motum localē; nec An-
gelos posse quicquam proximè agere, præterquā
mouere motu locali. Angelos verò qui circum-
uolant orbes cœlestes, non aliter circa res sublu-
nares operari censem Philosophi & Theologi,
quàm per motum & lumen coeli; nam influentias
à lumine omnino diuersas paulò superius sustuli-
mus. Per motum autem & lumen coeli, omnes
futuros effectus rerum sublunarium, clare distin-
ctè certoque præmonstrari, nemo dicet qui verifi-
milia & credibilia loqui velit. Deinde, cum eius-
dem causæ duo effectus se inuicem necessariò in-
dicant, vt ab eadem causa sic eodem quoque mo-
do ab illa prouenire debet: alioquin fieri non po-
test vt se inuicem certò indicent: à Deo autem &
Angelis quæ in corporibus cœlestibus fiunt, ea ne-
cessariò & inuariabiliter se habent: quæ autem in
his quæ sunt infra lunam, valde mutabiliter, & vt
ita loquar, defectibiliter contingunt.

Hinc alia quoque subtexuntur argumenta. Ete-
nim, quod modo astra quæ sunt certo numero com-
prehensia, & semper vniusmodi & necessariò ac
immutabiliter ita se habent, signa esse possunt o-
mnium rerum futurarū, quæ propemodum infini-
tæ sunt

DE DIVINAT. ASTROLOGICA. 222

tæ sunt multitudine ac varietate, & inter se plurimum differentes atque discrepantes? quomodo eadem syderum positura & conformatio, sub qua vel Gemini, vel alij quamplurimi eodem puncto temporis nascuntur, potest esse certum signū propriæ & distinctè præsignificans tot tamque varios ac dissimiles casus & eventus qui in illis cernuntur? quare, si astra sunt signa rerum futurarum, earundem quoque causas esse fatendum est: quod si causas esse negamus, etiam signa esse negandū est.

31. *An Cometa signa sint humanarum rerum.*

D I C E S, cometas qui in sublimi aëre generantur, signa, esse quæ insignes admodum casus futuros portendant, quorum tamen cometæ nec causæ sint nec effectus: quare idem quoque astris accidere respectu rerum sublunarium, non esse incredibile. At ego, cometas certa signa humanorum causum & eventuum nunquam concedam, licet hoc tam vulgo persuasum sit, quām est à Sapientibus improbatum. Quod si hoc, cum vulgo consentiens opinaret, dicerem cometas à stellis rerum futurarum effectricibus excitari, ut eas res antegressi præmonstrent. De stellis autem secus est, his enim nulla est corporea causa superior.

32. *An qui astra faciunt signa rerum futurarum, simul etiam necessariò inducant & astruant Fatum.*

S E D quid multis moror? coguntur istius opinionis Auctores, quanquam id minimè velint, Fati necessitatem inducere: & sane, magis etiam quām qui stellas faciunt causas rerū sublunarium.

Etenim, ut stellæ causæ sint eorum quæ fiunt infra lunā, non ideo tamen Fati necessitas existet; quod enim illarum afflatu defluxuque in terris esset efficiendum, id posset vel contrarijs materiæ affectiōibus, vel obstantibus causis particularibus impediti. At si astra naturaliter futurarum rerum signa sunt, omnino euenire necessarium est quod ab illis significatur: alioquin essent signa inania & fallacia. Et cum Deus ea instituisset ad significandum, & in cœlo tanquam in quodam volume ea descripsisset veluti notas futurarum rerum indices; si euentus rerum cum illarum significatiōibus non congruerent, vel Deus earum auctor & institutor ignorans esset futurorum euentuum, vel fallax. Denique, si astra præsignificant quæ futura sunt; aut præmonstrant quæ facienda sunt à causis particularibus, non quidem omnibus sed alicuius tantū: sed hoc improbabile est ac figmenti simile; cur enim stellæ prænotent futuros effectus aliquarū particulariū causarū potius quam illarum, vel cur non similiter præmonstrent omnes, cum omnium similis ratio sit? aut stellæ præsignificant omnes futuros effectus causarum omnium particularium: hoc si est, nullæ profecto reliquæ fiēt causæ per quas quo minus eueniat quod à stellis præsignificantur, impediri & prohiberi queat. Ex quo fit necessariò, ut omnia quæ infra Lunā fiunt, immutabili necessitate Fati nexa vinclaque teneantur: quod nec istius sententiæ defensores sentiunt, & id sentire impium est.

*Explicatur
locus Isaie ex
cap. 34.*

Testimonium autem illud Eliaæ productum ex 34. capite, Cœli sunt libri complicabuntur: quod inter cætera Scripturæ testimonia paulò superius commemorata, solum habere aliquid difficultatis,

tis, & non nihil negotij facessere videtur; variè interpretatum reperio: ita tamen, ut nulla interpretatio quæ modo vel probati sit Auctoris, vel sit ipsa probabilis, quicquam illi sententia suffragetur.

Iustinus martyr respondens ad questionem nongesimam quartam Orthodoxorum, qua quærebatur quem admodum intelligendum esset quod dicitur ab Esaia, fore ut cœlum aliquando velut liber complicaretur, sic ait; Quemadmodum cœli creationem diuinæ literæ per similitudinem conferunt aliquando cum pellis extensione, dicentes:

Qui extendit cœlum sicut pellem, aliquando cum firmato fumo, *Cœlum, inquit, ceu fumus firmatū est*

aliquando cum rotunditate cameræ, *Qui extendit,* inquit, *cœlum velut cameram :* Sic è diuerso, cœli dissolutionem per comparationem conferunt cum alijs rebus, ut apud Esaiam cum volumine in-

Esaie 40.

uoluendo & implicando, sicut apud Dauidem Ps. iuxta 70.

101. cum vestimento veterascente & commutante. *Interpretes.*

Sic Iustinus. Hieronymus verò super illis *Beatus Hieronimus.*

verbis hæc scribit, Considerandum, quod non dicat interire cœlos, sed replicari siue complicari quasi librum; ut postquam omnia peccata aperta fuerint & relecta, complicentur qui prius aperti fuerant, ut nequaquam ultra scribantur in eis delicta multorum. In Scriptura enim dicuntur cœli annunciare iustitiam Domini, reuelare iram eius, & probare ac testificari hominum scelera.

Sanctus Thomas & Nicolaus de Lyra aliter exponunt: Complicabuntur, inquiunt, cœli tanquam Lyranus.

B. Thomas.

liber, hoc est, non exercebunt ultra Ethnici astromantiam suam; nec posthac ex astris diuinare audiuntuenta hominum, quasi legerent in syde-

ribus descriptos casus & eventus futuros. Alij sic interpretantur: Non patebit amplius introitus in regnum cœlorum, sed ianua cœlestis clausa erit. Sunt etiam qui explanant hoc modo, Ministerium & usus cœlorum atque syderum exhibitus homini ante diem iudicii, postea esse desinet: nam licet non prorsus interibunt cœli, alio tamen statu erunt, & quibus nunc funguntur ministerijs & obsequijs hominum causa, ab illis post diem iudicij quoquo modo vacabunt: quæ vacatio pulchrè declaratur ab Isaia similitudine libri, quem postea quam eo usi sumus, nec amplius nobis usi futurus est, complicare & claudere solemus.

Nec displicet mihi interpretatio eorum qui a. iunt, illa similitudine declarari; tantam fore diuinæ iræ & vindictæ demonstrationem aduersus gentes de quibus illic Esaias loquitur; tantam rerum omnium perturbationem & confusionem; tantam denique hominum tristitiam dolorem & conflictationem; ut præ magnitudine mœroris a. que doloris, & præ animi perturbatione & opresione, videantur hominibus cœlestia lumina restringui, stellæ de coelo cadere, motusque earum conturbari, denique cœlum complicari & recedere. nam quod hic dicitur complicari, in Apocalypsi dicitur, recedere vel abiire. sic enim habes in cap. sexto, *Et cœlum recepsi: sicut liber inuolutus.*

*Antiquus
mos Hebreos
vnum scribendi*

Sed quo planior sit & facilior ad intelligendum etiam non valde doctis similitudo libri qua usus libros sacros diuersa forma scribi & compingi solitos esse, quam nunc scribuntur libri apud nos. Habebant enim vnum duntaxat solium sive membranam oblongā, quæ circa cylindrum sive axem ligneum

lignem circumPLICabatur, instar lineæ telæ radio-textorio circumvolutæ. Videbantur autem huiusmodi libri aliquam referre cœlorum similitudinem & imaginem, quia sicut axem illum ligneū qui in medio voluminis est, complures ipsius membranæ ceu spiræ, altera saper altera in ambiunt & circumdant: ita hanc terram quæ medium totius vniuersi axem tenet, cœlestes orbes alter super alterum, collocati in orbem circumplectuntur. Verum de testimonio Esaiæ satis dictum sit; cuius cū tam multæ ac variae sint expositiones, nulla earum tamen mirificos istos astrorum Lectores, Interpretes, ac Vates adiuuat.

QVARTATIONE NON NULLI ASTROLOGI
multa vera prædixerint.

C A P V T . V .

RESTA T, quò tandem ad exitum hæc disputationis finemq; perducatur, ut causas aperiamus, cur permultæ quorundam Astrologorum prædictiones veræ fuerunt, & cum rebus ipsis euentisque mirabiliter cōgruentes. hanc enim questionem, cum eius mentio supra incidisset quoniam melius, commodiori scilicet loco tractari posset, in extremam hanc disputationem reiecimus.

Licet igitur prædictiones Astrologorum plerūque falsas esse verissimum sit, & à nobis supra sati explicatum; quoniam tamen & olim proditum est à multis, hodieq; admodum vulgare est, quinetiam à grauibus viris, quibus non credere difficile est, pro certo traditur, fuisse quosdam Astrologos quorum pleræque omnes prædictiones veræ fuerunt, vsu ipso euentuq; comprobatax, & vix

vnum aut alterum de plurimis eorum prædictis
secus euenit quam illi prænuncianerant: age, nos
etiam hoc credere in animum inducamus, ne per-
ulgatæ hominum opinioni quasi publica fide &
auctoritate confirmatæ, aduersari videamur. Con-
cessa autem veritate huiusmodi prædictionū, cau-
sus eius disquiramus, videlicet qua ratione certò
potuerint ab Astrologis futura prænunciari, quæ
quod incerta sunt, vim & notionem humanæ in-
telligentiæ fugiunt. Non longum faciam: equi-
dem assueranter affirmo, si quæ prædictiones A-
strologorum veræ fuerunt, earum veritatem non
ex veritate firmitateque artis astromanticæ quam
nullam esse satis superque ostensum est, sed alijs
ex causis proficiisci: quæ autē sint huiusmodi cau-
sæ, breuibus explicabo.

33. *Quatuor cause, propter quas nonnunquam præ-
dicta astrologorum vera canunt.*

34. *Instinctu dæmonum agi nonnunquam homines
ad diuinandum.*

P R I M A C A V S A. Veritas istarum prædi-
ctionum nonnunquam prouenit ex pacto & soci-
etate quam iniuit Astrologus cum dæmone; vel
ex occulto eius afflatu & instinctu, quo etiam ne-
scientes homines ad diuinandum instigātur. Hoc
tradit Augustinus extremo cap. 7. libro 5. de Ciui-
tate Dei: Non immerito, inquit, creditur, cum A-
strologi mirabiliter multa vera respódent, occul-
to instinctu fieri spirituum non bonorum, quorū
cura est has falsas & noxias opiniones de Astrali-
bus fatis, inserere humanis mentibus atque firma-
re, non horoscopi notati inspecti aliqua arte, quæ
nullæ

nulla est. Sic Augustinus.

35. Quot modis Dæmon futura, aut ipse prænuntire,
aut homini præmonstrare soleat.

DÆMON autem suggestit homini quod ab eo
diuinetur, vel palam se oculis eius aspectabilem
& conspicuum offerens, cumque futura humanis
verbis prædocens: vel formatis in aere vocibus
præsignificantibus futura, citra ullā corporis spe-
ciem & figuram: vel immissa scriptura aliqua quæ
futurarum rerum prædictiones cōtineat: vel dor-
mienti per somnia aut vigilanti afficiendo & cō-
mouendo phantasiam, fingendoque phantasmata
idonea ad repræsentandum id quod diuinandum
est, atque incitando hominem ad prædicendum id
quod repræsentant phantasmata. Scire autem po-
test dæmon futura quæ prædocet hominem, reue-
latione Dei per bonos Angelos ei facta: nonnun-
quam enim Deus ad agendum aliquid utitur dæ-
monum ministerio. Solet etiam dæmon prænun-
ciare homini futura quæ ipsem postea facturus
est: solet ob incomparabilem sui motus celerita-
tem quæ in longinquis locis remotisque mundi
regionibus geruntur, ea ad homines qui longissi-
mè absunt deferre. Potest item dæmon ex clande-
stinis consilijs, verbis, scriptis, ex signis quæ in
corpore tam exterius quam interius apparent, oc-
cultas hominum cogitationes & deliberationes
tam præsentes quam futuras solertissimè conie-
ctando, cognitas habere. Idemque coniicit ex præ-
paratione causarum aliarumque rerum quæ ad ge-
rendum aliquid debent concurrere. Denique, ob
incredibilem subtilitatem & solertia mentis, ob
tantam tot millium annorum experientiam, pro-

pter per factam rerum omnium naturalium absolutamque scientiam, callidissimus atque sagacissimus est ad praesentiendum & praeoscendum futura.

Augustinus.

Hoc ipsum quod hic docuimus, quia enucleate aperteque tradit Augustinus in libro 2. de' Genesi ad literam, capite 17. libet verba eius adscribere, De fatis, inquit, syderum qualeslibet eorum argumentas, & quasi de matheſi documentorum experimenta, quæ illi Apotelesmata vocant, omnino à nostræ fidei sanitate respuamus. Talibus enim disputationibus etiam orandi causas nobis auferre conantur, & impia peruersitate malis factis quæ rectissimè reprehēduntur, ingerunt, accusandum potius Deum auctorem syderum, quam hominum scelerā. Ideoque fatendum est, quando abstis vera dicuntur, instinctu quodam occultissimo dici, quem nesciētes humanae mentes patiuntur. Quod cum ad decipiendos homines sit, spirituum seditorum operatio est: quibus quædam vera de temporalib⁹ rebus nosse permittitur, partim quia subtilioris sensus acumine, partim quia corporibus subtilioribus vigent, partim experientia callidiore propter magnam longitudinem vitæ partim à sanctis Angelis, quod ipsi ab omnipotente Deo discunt etiam iussu eius sibi reuelantibus, qui merita humana occultissimæ iustitiae sinceritate distribuit. Aliquando autem ijdem nefandi spiritus etiam quæ ipsi facturi sunt, velut diuinando prædicunt. Quapropter bono Christiano, siue Mathematici, siue quilibet impiè diuinantium, maximè dicentes vera cauendi sunt, ne consortio dæmoniorum animam deceptam, pacto quodam societas irretiant. Haec tenus sunt Augustini verba.

36. Quot

36. Quot modis & quā n̄ grauiter peccent, qui Daemonum vel istorum Astrologorum opera vtuntur ad diuinandum.

CETERVM, grauissimo se obstringunt scelerē, quicumque cupidi futura nōscendi consulunt dæmones, vel Astrologos dæmonum opera vten-tes ad diuinandum. Multis autem modis in eo ipso peccari potest: primò si quis consulat dæmonem de futuris, vel dæmonis discipulum Astrolo-gum, ratus esse dæmoni futura omnia exploratè percepta. hoc enim cum vnius DEI proprium sit nosse futura, si quis eandem cognitionem etiā dæmoni tribueret, iur pietatis & idolatriæ crimen el-set. Deinde, si criminī vertitur cum excommunicato ab Ecclesia communionem & societatem ha-bere, quantum crimen erit cum diabolo acerrimo Dei & Ecclesie inimico & implacabilis hominum hoste, pacto & societate cōiunctum esse? & quem Deus ab omni societate fidelium ablegauit ad inferas & tartareas sedes, æternisque supplicijs mā-cipauit, eo & amico, & magistro atq; doctore vti velle? Postea, qui dæmonis familiaritate vtitur in magnum certumque periculum animam suam o-bijcit, vtpote quam dæmon eiusmodi prædictionū illecebris circumuenire ac perdere vehementer cupidit. Peccat etiam grauissime, quisquis Astrologos consulit, quo per illos aliorum hominum oc-culta peccata cognoscat. His accedit, immane fla-gitium esse, propterea dæmonem vel Astro-
logum consulere, vt eorum consilio
vel auxilio magnum aliquod
scelus perpetrari queat.

37. Istius-

37. *Istiusmodi Astrologos ferè improbos & flagitos esse.*

Istos autem veridicos, ut ferunt, Astrologos de monum esse familiares & discipulos, multa ne obscura sunt indicia: Primo, improbitas morum vitæque impuritas & sordes: Tum, contemptus omnium quæ ad Christianæ disciplinæ ac pietatis cultum exercitationemque pertinent: Postea, odisse lucem, fugitare conspectum congressumque hominum, raro versari in publico, ferè in obscurō & abdito, proculque arbitris viuere: Ad hoc, de ipsorum fide ac religione, mala, nec sanè imerito ac temerè, hominum existimatio: Deniq; multi de ipsis capti à censoribus fidei nostræ, quos Inquisitores vocant, vel vltro vel coacti, habita scilicet quæstione admotisque cruciatibus, suam cum dæmone societatem & familiritatem cōfessi sunt verū de prima causa satis.

SECUND A CAVSA. Astrologos diuinare futura, nonnunquam accidit ex occulta diuinæ prudentiæ dispositione quæ, vt in 4. & 7. lib. Confessionum inquit Augustinus, cæcas & improbas mentes consultorum aliquoties ignoto quodam instinctu sic agitat, vt nescientes proferant, quæ consulentes vel ex eorū meritis vel ex abyssō iusti iudicij Dei oporteat audire.

Augustinus.

38. *De usu artium apud Antiquos ad prænoscenda futura.*

HVC refere etiam conuenit sortes antiquis usitatas, quando videlicet versibus alicuius poëtz fortitò acceptis, quid eis futurum portenderetur, inquirebant: quo modo nonnunquam contingebant illis carmina vel præsentibus, vel futuris negotijs

negotijs mirè congruentia: velut Alexandro Seuero etiamnum adolescenti, nec imperium speranti, dum Virgilianas sortes scrutatur, versus ex libro Aeneidos 6. exiēre, qui futurum illi imperium præsignificabant his verbis.

*Tu regere imperio populos Romane memento:
Haec tibi erunt artes, pacisq; imponere morem;
Parcere subiectis, & debellare superbos..*

N E C mirum ita cuenire, Deo volente ideoque mentem mouente, linguam moderante, & fortes aptè ad id quod præsignificari vult miscente ac temperante: qui non solum ex ore Balaam arioli & falsi vatis, sed etiam ex ore asinæ qua ille ariolus vehebatur, verissima futurorum edidit oracula.

Numer. 23.
et 24.

39. Permissu DEI, nimis cupidos sciendi futura, laqueis demonum irretiri, & varijs ac pernicioſis erroribus implicari.

N O N est hoc loco in præteritis reliquendū, quod valde sapienter & salutariter monet Augustinus in libro 2. de doctrina Christiana, cap. 22. & 23. ait enim permisso Dei nonnullam usu venire, ut dæmones vel per ipsos etiā homines multa vera prædicant, quod nonnulli eiusmodi diuinationum, etiam cum superstitione atque impieitate nimium studiosi atque curiosi, noxia perfuasione seducti, in maiora & magis execranda flagitia, ita se derelinqui à Deo promeriti præcedentibus suis peccatis, prolabantur: Sed præstat hic Augustini verba subscribere. Hinc fit, inquit, ut occulto quodam iudicio diuino cupidim alarum rerum

rerum homines tradantur illudendi & decipiendi, pro meritis voluptatum suarum illudentibus eos atque decipientibus præuaricatoribus Angelis; quibus ista pars mundi infima secundum pulcherrimum ordinem rerum, diuinæ prouidentiæ lege subiecta est. Quibus illusionibus & deceptiōnibus euénit, vt istis superstitionis & pernitiosis diuinationum generibus, multa præterita & futura dicantur, nec aliter accident quām dicunt: multaque obseruantibus secundū obseruationes suas euéniant. quibus implicati curiosiores fiant & se semper magis & magisque inferant multiplicibus laqueis perniciōsissimi erroris. Hoc genus fornicationis animæ salubriter diuina Scriptura non tacuit, neque ab ea sic deterruit animam, vt propterea talia negaret esse facta, quia falsa dicuntur à professoribus eorum, *Sed etiam si dixerint vobis, inquit, Et ita euenerit, ne credatis eis.* Non enim quia imago Samuelis mortui Sauli regi vera prēnunciauit, propterea talia sacrilegia quibus imago illa præsentata est minus execranda sunt: aut quia in Actibus Apostolorum ventriloqua foemina verum testimoniū perhibuit Apostolis Domini; ideo Paulus Apostolus pepercit illi spiritui, ac non potius illius dæmonij correptione atq; exclusione mandauit. Omnes igitur artes huiusmodi vel ntagitoriae vel noxiæ superstitionis, ex quadam pestifera societate hominum & dæmonum, quasi pacta infidelis & dolosæ amicitiæ constituta, penitus sunt repudianda & fugienda Christiano. Sic Augustinus. His causas adiiciunt quidam alias duas, minus fortasse probabiles, non minus tamen frequentes usque compertas.

Denter. 13.
1. Reg. 28.

Autor. 16.

40. Mul-

40. Multos diuinare futura, magis ex prudentia & usureum humanarum, quam ex arte astrologica.

TERTIA CAVSA. Non pauci diuinant nō tam peritia artis astromanticæ quæ nulla est, quā singulari quadam sagacis ingenij solertia, & multiplici humanarum rerum peritia vsusque, & exquisita eorum hominū quibus diuinatio fit, negotiorum, morum, studiorum, & ingeniorum observatione atque notitia. Etenim quidam sunt qui perspectis quorundam hominum temperamentis & affectionibus corporum, studijs item, exercitationibus, institutis, familiaritatibus, denique virtutibus aut vitijs, multa euentura eis prouident, ipsisque magna asseueratione & auctoritate prænunciant ac plerumque diuinant. Ad hoc genus diuinationum pertinet, si quis principem tyrannicè tractantem ciues, & crudeli dominatu preventem, à suis eum occisum iri prædixerit hominemque frequentissimum in furtis & rapinis, suspendio peritum; religionis contemptorem, falsaque doctrinę proseminalorem contra veritatem fidei & Ecclesiæ Catholicæ auctoritatem, ignis supplicio multatum iri. Hoc genere diuinationis usus est Annibal qui perspecta imperitia atque temeritate Terentij Varronis & C. Flaminij Romanorum Coss. & Imperatorum, Afris victoriā, Romanis insignem cladem valde fidenter & asseueranter prædixit; eamque prædictionem mox certaminis exitus, plurimis Romanorum millibus interfectis, comprobauit.

Diuinatio
Annibalis.

41. *Nimiam credulitatem ac leuitatem consulētium Astrologos, interdum conducere ut eorum prædicta vera cadant.*

Q T A R T A C A V S A. Non raro Astrologorum diuinatio vera existit ob stultam consulētum credulitatem : multi namque facillime credunt quæ dicuntur ipsis de rebus quas vel maximè optant, vel timent vehementer atque perhorrescunt. Solet enim eiusmodi credulitas instillare animis cōsulentium magnam spem rei bonæ à diuinis promissæ, vel ingentem metum iniicere tristium & acerborum casuum calamitatisque ab illis prænunciatae. Hi autē duo affectus animi, cūm potentissimi sint ad afficiendū & cōmouendū hominē, crebrò efficiunt, ac certè multū proficiunt, vt humana negotia ad prædictos fines perducantur. Etenim vehemens quædam spes ardensque desiderium excitant atque incitant homines vt ad bona ipsis promissa sedulo se comparent, & omnibus suis opibus viribusque contendant : quo fit, vt ob eam rem plerumque quod intendunt, optatorum suorum & alienorum promissorum compotes facti, perueniant. Ex aduerso autem metus, paucor, horrorque prædictorum malorum atque calamitatum, sāpè faciunt homines cunctanter ac dubitanter aggredi negotia, timide ac negligenter persequi, & quocumque obiecto impedimento turpiter & infeliciter deserere, eaq; ratione in prænunciata ipsis mala delabi. Luculenta eius rei exempla reperimus in Romano exercitu, cui (vt scribit Liuinus) cūm auguria & auspicia secreto inspecta infaustum belli exitum minarentur auspices & duces ne militem in arma cunctē funesto nuncio

con-

consternarent, versis in contrariam partem auspi-
cijs omnia fausta & triumphalia portédi & à Dijs
promitti mentiti sunt. quo mendacio vtiliter de-
cepti milites, alacriter prælium inierunt, fortiter
pugnarunt, & hostes quos auguria victores fore
præmonstrabant, fœliciter vicerunt. Contra ve-
rò cum Nicias dux classis Atheniensium, incogni-
ta sibi lunæ defectione portendi ratus classis nau-
fragium, si ea nocte portum egrederetur, cum stul-
to metu occupatus oppressusque discessum dif-
fert; à Siracusaniſ cum tota classe captus est. Ve-

*Nicie ducis
Atheniensi-
um exitialis
in scitia.*

rùm ne disceptatio hæc longius quàm initio
promisimus, & quàm fert instituti nostri
ratio producatur, hîc finem dispu-
tandi de diuinatione a-
strologica facie-
mus.

E I N I S.



Q IN-

INDEX RERVM
PRAECIPVARVM IN TRA.
Statu de Magia contentarum.

A.

A	Archimedis sphaera. fol.	17
	Archimedis scientia potentia.	15
	Actio Daemonum est duplex.	31
	Apollonij fabula leonis,	34
	Astronomica Magia quid sit.	50
	Aurum chimicum non potest vendi pro vero.	72
	Argentum viuum non est materia omnium metallo-	
	rum sicut nec sulphur.	74
	Authoris sententia de auro alchimistico.	81
	Animalia generari possunt solo calore ignis.	83
	Auripigmentum est species veri auri.	83
	Alchimia ars cur non videatur esse vera.	84
	Alchimia usus non est permittendus in republica.	85
	An aliquid primigenia materia homini maneat per	
	totam vitam.	212
	Annibalis somnium de vastatione Italiae.	127
	Alexandri Magni somnium.	129
	Animus noster cur sit habilior in somno ad percipienc-	
	das reuelationes diuinias.	135
	Argumenta S. Scripturae quibus astrologica diuinatio	
	refellitur.	159
D.	Augustini notabilis oratio in reconciliatione cum	
	Eccle-	

INDEX.

<i>Ecclesia cuiusdam Mathematici.</i>	165
<i>nimaduersio in Petrum de Aliaco.</i>	167
<i>rgumentatio valida contra Astrologos.</i>	169
<i>Astrologorum prædicti mes si essent verae, essent odio- sa hominibus.</i>	192
<i>Astrologorum predictiones cui generi hominum arri- deant.</i>	313
<i>Astrologorum fundamenta.</i>	214
<i>Aristotelis sentētia tollunt ē medio Astromantiā.</i>	202
<i>D. Ambrosius comparat prædictiones astrologorum tela aranea.</i>	220
<i>Astra non esse certa signa rerum futurarum.</i>	221
<i>Annibalis diuinatio.</i>	240
<i>Auctoris sententia quomodo facta sit à Magis Phara- onis virgarum in serpentes mutatio.</i>	111.107
<i>Amnes retrofluentes.</i>	35

B.

<i>Boëtij opera mira.</i>	19
<i>D. Basilij argumentatio contra Astrologos.</i>	177

C.

<i>Columba lignea volans.</i>	19
<i>Caput aneum loquens.</i>	19
<i>Calor cœlestis & elementaris non differunt specie.</i>	82
<i>Cham fuit idem qui Zoroastres.</i>	37
<i>Cassiani opinio de origine Magie.</i>	89
<i>Causæ quinq^u, cur dormientibus multa diuinitus reue- lentur.</i>	135
<i>Causæ quatuor cur diuina somnia sint aliquando ob- scura.</i>	141
<i>Caietani sētētia aduersus p̄dictiones astrologorū.</i>	163

INDEX.

Catonis dictum in Astrologos.

200

D.

- Demones cur simulent animas demortuorum. 65
Deus cur sit passus prodigia fieri à Magis. 112
Dæmonum natura & munus secundum Platone. 122
Dæmones cur olim non doctis sed imperitis somnia derint. 139
Dæmonum astutia in dandis somnijs. 141
Deus varijs modis afficit homines per somnia. 143. 174
Decreta contra Astrologos iudiciarios. 157
Dilemma aliquod contra Astrologos. 192

E.

Epicureorum opinio de somnijs.

117

G.

- D. Gregorius sex somniorum causas tradit. 125
Eiusdem memorabilis sententia de somnijs. 132

H.

- Historia Iannis & Mambris Magorū Pharaonis. 104
Homeri commentum pro distinctione verorum somniorum. 120
Hebraeorum antiquus mos scribendi. 228

L.

- Lamiarum ingenium & libido. 11
Liberi arbitrij usus nunquam est perfectus in somno. 147

M.

- Magorum fragmenta. 8
Magorum opera variae. 5
Magi Persarum quales. 18

Magia

INDEX.

<i>Magia naturalis.</i>	23
<i>Magia naturalis triplex.</i>	14
<i>Magi quomodo demonibus imperent.</i>	26
<i>Magia varia species.</i>	48. 66
<i>Magia usus.</i>	99
<i>Magia vetita diuinus legibus.</i>	ibid.
<i>Magia unde tanta authoritas.</i>	94
<i>Magia origo prima à Damone.</i>	90
<i>Miraculum quid sit.</i>	44
<i>Miraculorum verorum tres gradus.</i>	45
<i>Miraculorum verorum quinq^u, differentia à falsis & simulatis.</i>	45
<i>Mortuos nulla vi magica posse reuiuiscere.</i>	12

N.

<i>Necromantiae usus antiquus.</i>	60
<i>Necromantiae confutatio.</i>	62
<i>Nicia ducis Atheniensium inscitia exitialis.</i>	232

O.

<i>Opera quæ possunt demones facere.</i>	32
<i>Opiniones tres deserpentibus Magorum Pharaonis.</i>	105. 106. 107.
<i>Oenomaus confutator oraculorum Apollinis.</i>	160
<i>Origenes disputatio contra Astrologos.</i>	166

P.

<i>Porphyrii dubitationes nouem, quomodo Magi demones inuocent.</i>	27
<i>Philonis sententia de origine Magie.</i>	86
<i>Porphyrius quid senserit de veritate somniorum.</i>	123
<i>Pythagoræ mos & consuetudo.</i>	124

INDEX.

Petrus Aliacus plurimum peccauit contra chronographiam. 198

Professores diuinandi futura, aliquando fuisse electos è ciuitatibus. 210

R.

Remora pescis. 21

Refellitur ars Cabalistica tanquam inanis. 53

Rationes quinq^u pro Alchimistis. 78

Religio & disciplina Christi tenebras Magicarum artium è mundo discussit. 95

Ratio cognoscendi somnia duplex. 131

Ratio quedam contra Astromantiam. 162

S.

Salomonis Magia naturalis. 20

Statua per se incedentes. 33

Statua loquentes more humano. 33

Samuel an fuerint verus qui per Phytonissam representatus est Sauli. 56

Smerdes Magus inuasit regnum Persarum. 69

Sulphur non est materia metallorum omnium. 74

Somnia omnia esse vera Stoicorum & Phythagorae opinio. 116

Sententia quedam vera de somnijs. 118

Somniorum causa. 118. 128. 130.

Sententiae variae de causis somniorum. 121

Somnium Cyri. ibid.

Syneſius mira sed falsa de ſpiritu phantastico tradit. 124

Somniorum dæmonis duo genera. 129

Somnia quedam imp̄s hominibus data sunt à Deo. 140

Somni-

niorum quatuor genera sine vitio possunt obser-
ari.

arium Salomonis cur illi fuerit datum,

142

150

T.

Thomæ sententia de operibus Magorum.

112

Thomæ argumentum contra Necromantiam.

62

Timonia scripture de somnijs.

119

Tertulliani sententia de Necromantia.

64

V.

Ces quomodo possint esse causa efficientes rerum ali-
liquarum.

24

Silitates artis Chimice.

76

Initas maior eorum qui obseruant somnia quam a-
stra.

145

Susrationis sape est liber in sonno.

147

Ita hominis est instabilis, qui non secundum ratio-
em sed sensum viuit.

192

X.

Zenophanis & Epicuræorum opinio de somnijs.

117

Z.


Zoroastres Magiæ parens.

86


Zodiacus apud Astrologos duplex.

176





KM



DE

MAGIA

Etc.

PER R





